

د. محمد طه



بطعم الفلا منكو

الرواق للنشر والتوزيع

لأ... بطعم الفلامنكو

د. محمد طه

الطبعة الأولى يناير 2019

الغلاف: كريم آدم

التصحيح اللغوي: محمد حمدي أبو السعود

رقم الإيداع: 2018/22341

الترقيم الدولي: 1 - 048 - 824 - 977 - 978

جميع حقوق الطبع محفوظة

186 عمارات امتداد رمسيس 2 - أمام أرض المعارض - مدينة نصر

هاتف: 0220812006

rewaq2011@gmail.com

facebook.com/Rewaq.Publishing



للنشر والتوزيع

ع
ل
بطعم
الفلا منكو

د. محمد طه

الوراق للنشر والتوزيع

المحتويات

إهداء.....	١٣
شكر وامتنان.....	١٥
مقدمة.....	١٧

الباب الأول واحد صحيح

٢٣	
١ - قصة شعر (حياة).....	٢٥
٢ - ثمن الوعي.....	٣٣
٣ - إنتي جاية تشتغلي إيه؟.....	٤٠
٤ - الكومفورت زون.....	٤٧
٥ - الولاء الخفي.....	٥١
٦ - صباح الخير: أنا إنسان طيب..	٦٢
٧ - يو دونت هاف تو بي سو نايس.....	٦٧
٨ - بر الوالدين.. وبر الأبناء.....	٧٠
٩ - ماتتجوزوش.. ماتتخلفوش.....	٧٨
١٠ - لأ.. بطعم الفلامنكو.....	٨٦
١١ - الاستقلال.. والاستغناء.....	٩٦
١٢ - ده أنا.. وأنا مش عار.....	١٠٠
١٣ - جذور القلب.....	١١٣
١٤ - مَرَايا الروح.....	١٢٧

- ١٥ - حكاية (سالي) و(آن) ١٣٥
- ١٦ - القيامة النفسية ١٣٩
- ١٧ - واحد صحيح ١٤٤
- ١٨ - أنت عبقرى ١٦١
- ١٩ - هنا ودلوقت ١٦٦
- ٢٠ - وفيك انطوى العالم الأكبر ١٧١

الباب الثاني

ألعاب نفسية

- ٢٠١
- ٠ - لعبة (مالهاش حل) ٢٠٦
- ١ - لعبة (القرب والبعد) ٢١٠
- ٢ - لعبة (الحبيب الشبح) ٢١٣
- ٣ - لعبة (الحب المستحيل) ٢١٧
- ٤ - لعبة (أمل حياتي) ٢٢٢
- ٥ - لعبة (مين هيمسك الكونترول؟) ٢٢٥
- ٦ - لعبة (خُد وخُد) ٢٢٨
- ٧ - لعبة (زعلان بيني وبين نفسي) ٢٣١
- ٨ - لعبة (اتغير بس خليك زي ما انت) ٢٣٤
- ٩ - لعبة (أنا اتغيرت أهو) ٢٤١
- ١٠ - لعبة (الطلاق اللي اسمه جواز) ٢٤٤
- ١١ - لعبة (السرسوب) ٢٤٧
- ١٢ - لعبة (لحّا) ٢٥٠
- ١٣ - لعبة (أنا مش لأعب) ٢٥٣

- ١٤ - لعبة (قلب التراييزة) ٢٥٧
١٥ - لعبة (الساخرون في الأرض) ٢٦٣

الباب الثالث

الطريق إلى نفسك

٢٦٧

- ١ - أنا موجود ٢٧٢
٢ - أنا محتاج ٢٨٠
٣ - أنا عايز ٢٩٥
٤ - من حقي ٣٠٥
٥ - أنا قررت ٣١٣

د. مُحَمَّد طَه صِدِّيق

استشاري وأستاذ م الطبِّ النَّفْسي

كلية الطب - جامعة المنيا - مصر

نائب رئيس الجمعية المصرية للعلاج النفسي الجمعي (سابقاً)

زميل الكلية الملكية البريطانية للأطباء النفسيين

عضو الجمعية الأمريكية للعلاج النفسي الجمعي

عضو الجمعية العالمية للعلاج النفسي الجمعي

كُلُّ ما هو مكتوبٌ في هذا الكتابِ، هو اجتهاداتٌ وتحليلاتٌ ورؤى شخصية بحتة، مبنيةٌ على تجربتي الحياتية الخاصة (كإنسان)، وعلى خبرتي العلمية والتعليمية والعلاجية المتواضعة (كطبيب نفسي وعضو هيئة تدريس جامعي).

كُلُّ كلمةٍ هنا تحملُ الخطأ والصواب، وتخضعُ للنقد والتفنيد، ويُؤخذ منها ويُرد عليها. وليس لها أيُّ هدفٍ سوى نشر التوعية النفسية، باستخدام لغةٍ سهلةٍ ومفرداتٍ بسيطةٍ، اجتهدتُ في فهمها واستيعابها وتوصيلها قدرُ المستطاع.

مُحمَّد طه

إهداء..

إلى روح أخي وزميلي د. أحمد علي فؤاد.

عرفتك أكثر.. بعد رحيلك.

شكر وامتنان

شكري الأول للأستاذة هالة البشبيشي والأستاذ شريف الليثي..
اللي أخذوا المخاطرة من أربع سنين، وقرروا إنهم ينشروا لواحد غير
معروف؛ يكتب طب نفسي بالعامية المصرية.. لولاهم ماكتوش
عرفتوني ولا سمعتو عني.. أدعو لها الآن بكل توفيق ونجاح..
يستحقوه عن جدارة.

امتناني لا ينتهي ليكم، القراء والمتابعين الكرام، أنتم الأصل،
وأصحاب الفضل، ووجهة الرحلة.

عميق العرفان لزوجتي الغالية، اللي مابخلتش عليا بوقتها، ولا
مجهودها، ولا أفكارها واقتراحاتها المثمرة والمبدعة جدًا، واللي أضافت
إلى كل صفحة في هذا الكتاب رحيقًا خاصًا وحسًا مختلفًا.

كل حبي لكريم وسلمي، أولادي الشجعان.. اللي روحهم الطيبة،
وأنفاسهم العطرية، موجودة في كل كلمة وكل حرف وكل خطوة في
من حياتي.

كل الشكر لزميلي، وأساتذتي في قسم الطب النفسي بكلية الطب -
جامعة المنيا.. اللي يشجعوني، ويسندوني، ويحملوا تقصيري.

وما فيش أي كلام، ولا أي وصف، يقدر يوفّي أبي الروحي
وأستاذي الغالي د. رفعت محفوظ حقه؛ فهو المؤلف الحقيقي لكل ما
أكتب، والصاحب الأصيل لكل ما أعلم، والمستحقّ الأولى للشهرة
والانتشار.. لكنه يؤثر البعد عن الأضواء، والعمل في صمت، ونقل
الرسالة من خلال تلاميذه، وأبنائه، ومرضاه.

وأخيرًا.. أبي رحمة الله عليه، المعنى المتجسد للإيثار.
وأمي.. أطال الله في عمرها، الصورة الحية للعطاء.

ربنا يديم بيني وبينكم جميعًا الحب والود والمعروف.

محمد طه

مقدمة

التغيير هو أكبر تحدي ممكن يواجهك في حياتك.
إنك تبطل حاجة اتعودت عليها، بعد ما أصبحت جزء منك ومن وجودك.
إنك تحرك شيء ثابت ومستقر جوارك، بعد سنين من الجمود، وعمر من التيبس.
إنك تقرر تبقى نفسك، رغم كل الجهود والضغط من اللي حواليك
إنك تبقى حد تاني.

والتغيير الحقيقي، بيكون معاه صعوبتين..

الصعوبة الأولى: إنك هتكون عامل زي الطفل المولود جديد..
بتخرج للحياة ومعاك كل المخاوف زي ما معاك كل الفرص.. بتتعرف
على نفسك، وعلى الناس كأنك بتشوفهم لأول مرة.. بتختار اختيارات
جديدة، وتمشي في سكك مختلفة.. حتى لو كانت مؤحشة، أو مهجورة.

الصعوبة الثانية: هي إن التغيير ليه تمن، والتمن ده ممكن يكون غالي
جداً.

التمن ممكن يكون ألم في النفس، ووجع في الروح.
ممكن يكون بُعد، أو هجر، أو - أحياناً - انفصال.
ممكن يكون استقلال، أو تخلي، أو حتى استغناء.

التغيير مكلف، وتكلفته قد تكون باهظة.

التغيير مخاطرة.. محسوبة وغير محسوبة.

التغيير يشبه المشي على الصراط.. أن تجتاز الجحيم، لتصل إلى جنة نفسك العامرة.

وعلى هذا الصراط، وفي هذه الرحلة.. هتعدّي بمحطات مهمة وفارقة جدًا.

محطة إنك تخرج عن النص القديم الموروث المتهالك.. اللي كتبه حد غيرك، وأصبح مش مناسب ليك.. وده اللي عملناه في كتاب (الخروج عن النص).

ومحطة إنك تكتشف كل العلاقات الخطرة اللي في حياتك، وتعالجها أو تنتهيها فورًا.. وده اللي شفناه في كتاب (علاقات خطيرة).
وتلات محطات كمان، هيقدّمهم لك الكتاب ده.

الكتاب مقسم إلى ثلاثة أبواب، كل باب فيهم بمثابة كتاب مستقل، ومحطة منفصلة.

الباب الأول هيوريك بعض صور التغيير، وهيعرض لك بعض طُرقه وأساليبه.. زي إنك تسأل نفسك: «هو انا في البيت ده بشتغل إيه؟»، وإنك تخرج من «الكومفورت زون - منطقة الراحة»، اللي انت ساجن نفسك فيها، وانك تشوف أنت عندك «ولاء خفي» لمين وليه.. وانك تصدق إنك إنسان طيب، بالرغم من كل حاجة.. وان ده في الوقت نفسه.. مش معناه إنك تبقى ساذج أو متهاون في حق نفسك.

الباب ده هيوضح لك إيه هو «البر الحقيقي» بالوالدين، وهيعلمك ازاي تقول: «لا»، اللي تكبرك وتوصل رسالة إيجابية لسي قدامك.. هيفرق لك بين «الاستقلال» و«الاستغناء».. وهيخليك تقول بأعلى صوتك: «ده أنا.. وأنا مش عار».

هيوريك، ازاي تزرع جذور الناس في قلبك.. وازاي تشوفهم وتحسهم
بمرايات روحك.

هيعرفك على أجزاء نفسك، ويكشف لك أوجه شخصيتك، ويصالحك
عليهم كلهم.

وهيصحبك -أخيراً- في رحلة ممتعة عبر مستويات وعيك، وطبقات
وجودك؛ علشان تكتشف إن العالم كله حته منك، وإن الكون كله
مطوي داخلك، وإنك بكل دول (واحد صحيح).

وطبعاً مش هينفع تبقى (واحد صحيح) من غير ما تعرف كويس
إيه هي (الألعاب النفسية) اللي ممكن تكون بتلعبها، أو حد غيرك
يلعبها معاك، وفي الآخر تطلع منها خسران.

الألعاب دي هي اللي بتخلينا نلف حوالين نفسنا في علاقة ما.. وهي
اللي بتخلينا ننسى نفسنا في علاقة أخرى، وهي اللي بتخلي (العلاقات
الخطرة) خطرة فعلاً.

علشان كده الباب التاني من الكتاب، بيعرض لك بالتفصيل عدد
كبير من الألعاب النفسية، اللي بتلعب في كتير من العلاقات والظروف
والمواقف، واللي بتنتهي دايمًا بالفشل والإحباط.

الباب ده هيعرفك يعني إيه ألعاب نفسية، وهيساعدك إنك
تكتشفها، وهيقول لك إزاي تنهيهها أو توقفها أو تخرج منها.

وعلشان أجاب على السؤال المتكرر بأكثر من صيغة: «هنعمل إيه
دلوقت؟»، «أدينا عرفنا إن فيه مشكلة، الحل إيه بقى؟». «إنت سلطت
الضوء على العقد والكلاكيك، قول لنا نحل ده كله ازاي؟». أنا خصصت
الباب الثالث من هذا الكتاب لعمل خارطة طريق نفسية، مكونة من
أربع خطوات، هتشاور لك على بعض المعالم، وتوضح لك بعض الإشارات،
اللي ممكن تساعدك في الوصول إلى حل من داخلك، والعثور على إجابة
خاصة بك، واتخاذ القرار المناسب، في الوقت المناسب، وبالطريقة المناسبة.

مش بس كده، الباب ده فيه أمثلة من حياتك، وناذج من علاقاتك،
وتمرينات نفسية مهمة، تقدر تعرف بيها احتياجاتك، وتكتشف عن
طريقها مخاوفك، وتصدق بيها حقوقك، وتأخذ من خلالها قراراتك
الجديدة.

كما ذكرت.. الكتاب ده في الحقيقة، عبارة عن ثلاث كتب مدمجة في
بعضها.. محتواها العلمي دسم ومكثف للغاية.. رغم إنها مكتوبة بلغة
سهلة، ومفردات بسيطة.. كأني فعلا قاعد باتكلم معاك. نصيحتي إنك
تقراه على مهل، وبجرعات مناسبة، دون تعجل، أو حماس زائد.

انتظرت سنتين كاملتين قبل ما انشر هذا الكتاب، علشان الحفر
في النفس البشرية ليه احترام، والتوغل في أعماقها ليه قدسية، ومن حق
القراء هدنة نفسية مناسبة لالتقاط الأنفاس، واستعادة التوازن، بعد
جرعة (الخروج عن النص)، و(علاقات خطيرة) الثقيلة، اللي كانت
محتاجة وقت علشان تتبلع وتهضم وتفيد، وتتحول إلى تصرفات
وسلوك يومي عند كل من تناولها.

الحكاية مش كلام بيكتب أو يُقرأ، دي عملية جراحية دقيقة، فيها
نفوس بتتعرى، وعيون بتتفتح، وقلوب بتتعلم النبض من جديد..
وأي توقيت غير مناسب، أو جرعة زائدة، ممكن يكون ضررهم أكثر
من نفعهم.

لو حسيت في أي وقت إنك مخضوض، أو متلخبط.
لو اتفاجأت برؤيا أزعجتك، أو اكتشفت اكتشاف حيرك.
لو اتحركت جواك علامات استفهام أو استفسار أو استيضاح.
لا تتردد في إنك تقعد مع طبيب نفسي متخصص، يسمعك،
 ويفهمك، ويقدملك يد المساعدة.

الكتاب ده عن التغيير، عن خطواته، وعن تمته.
عن العلاقات.. أولها، وآخرها.
عن الحب، والكراهة.
عن القرب، والبعد.
عن الوحدة، والونس.

الكتاب ده عن احتياجاتك، ومخاوفك، وحقوقك النفسية.
عن قراراتك اللي أخذتها زمان.
وقراراتك اللي هتاخذها دلوقت.

الكتاب ده هينقلك بهدوء وثقة، من مرحلة (الحب) خارج النص..
و(المشي) فوق أشواك العلاقات الخطرة وتجاوزها..
إلى الضرب على الأرض بشكل إيقاعي متتابع وباهر..

كأنك راقص فلامنكو محترف..
يرقص فوق آلامه، ويزلزل القلوب قدام عينيه.
يعلن عن نفسه في وجه العالم.. مع كل دبدبة عالية مدوية من
قدميه.
يرفع عنقه نحو السماء، ويغرس بذور وجوده الجديد في أعماق
الأرض.

قرب..
هات إيدك..
وجهز قلبك وعقلك وروحك..
لتقابل نفسك..
كما لم تعرفها من قبل.

الباب الأول
واحد صحيح

قصة شعر (حياة)

- ١ -

- أنا قصيت شعري يا دكتور.
- آه يعني عملتي قصة جديدة.. ماشي، كويس.
- لا يا دكتور.. أنا حُشْتُ شعري.. قصيته خالص.
- خالص؟ يعني زيرو؟ ما بقاش فيه شعر؟
- آه.. بالظبط كده.

طبعًا أول ما تبادر لذهني بعد ما سمعت الكلمتين دول من (حياة)،
وده مش اسمها الحقيقي، هو إنها عملت ما نسميه في كتب الطب النفسي
(سلوك مُشوّه للنفس Self-mutilating Behavior). وده بيكون وراه أسباب
كثيرة، ومعاني أكثر، زي الإحباط، أو الغضب، أو الانتقام. بس بدل ما
يتم توجيهه لمصدره الأصلي (شخص أو أشخاص آخرين)، يتم توجيهه
لصاحبه، يعني بدل ما تؤذي حد، تؤذي نفسها.. بدل ما توجع حد،
توجع نفسها.. بدل ما تشوه حد، تشوه نفسها.

لكن في الحقيقة اللي حصل في باقي الجلسة، كان على غير توقعي تماماً، وعلى غير توقع اللي كُتِب كتاب الطب النفسي نفسه.

نتكلم الأول عن علاقة البنت بشعرها، وعلاقة الولد بشعره..
وبعدين أقول لك اللي حصل في باقي الجلسة.

- ٢ -

علاقة البنت بشعرها علاقة معقدة ومركبة جداً، رغم إنها قد تبدو غير ذلك، وده مالهوش دعوة بكونها محجبة أو غير محجبة.. أنا باتكلم هنا عن علاقتها بشعرها، اللي هو جزء منها ومن جسمها.

الانطباع السائد والأشهر، هو إن شعر البنت هو أحد مظاهر أنوثتها.. وحبها ليه واعتزازها بيه بيعكس بشكل كبير حبها لأنوثتها واعتزازها بيها.. بس ده مش كل حاجة.

قصة شعر البنت ليه معنى، طبيعة شعرها وتغيرها مع حالتها النفسية ليه معنى، أمراض وأعراض الشعر ليه معنى.. وما يُمثله الشعر بالنسبة لصاحبه قد لا يخطر على عقل بشر.

شعر البنت بيكون أحياناً زي المراية اللي بتعكس علاقتها بنفسها، يعني لما تكون متضايقه من نفسها، أو كارهاها، شعرها يقصف أو يقشر.. لما تكون غضبانه، محبطة، مكتئبة.. شعرها يدبل وينكمش ويفقد بريقه.. ولما تبقى منسرحه ومقبلة وعندها أمل.. شعرها يطاوعها ويلين في إيديها ويكتسي بلمعان الحياة.

البنات لما تحب أنفسها، بتتيم بشعرها وتراعيه، كأنه طفلها المدلل..
ولما تتأزم علاقتها بيه، وتبدأ تهمله، وتعامله كأنها رافضة وجوده..
اعرف فوراً إنها رافضة وجودها هي شخصياً.

كثير من البنات لما تمر بفترة اكتئاب أو حُزن، تروح عند الكوافير
تدس شعرها.. كأنها بتحاول تتخلص من كثافة الاكتئاب بالتخلص
من كثافة شعرها. وزي ما تكون بتغير مودها ومزاجها عن طريق تغيير
كلها.. وده ساعات بينفع فعلاً، علشان احنا حالتنا النفسية بتتغير
أحياناً من الخارج للداخل.. والكوافير هنا بيعمل اللي ما يعرفش
يعمله ألف طبيب نفسي.

ده غير العلاقة بين (الزُهق) و(الشعر).. اللي هو زهقانة فتقص
شعرها، أو زهقانة فتغير فورمته، أو زهقانة فتعاقب شعرها بإهماله.

وطبعاً هوس نتف الشعر Trichotillomania ده حكاية تاني
الصلص.. ممكن تُمثّل فيها كل شعرة حاجة بيتم استئصالها/ قتلها/
التخلص منها، أو إيلاام النفس من خلالها.

- ٣ -

دورة حياة البنت.. متوازية تماماً مع علاقتها بشعرها.. وكل مرحلة
فيها بيكون لشعرها دور، ووظيفة، ومعنى.

بتحس بقربها من أمها واهتمامها بيبها، لما تسرح لها شعرها وتشكله
زي ما هي عايزة.

ولما تحب تقول (لا) وتشور وتعرض.. تغير التسمية الي مامتها
عودتها عليها، بتسمية غريبة شوية، أو شويتين.

ولما تحس إنها كبرت، وإنه من حقها تختلف وتختار وتقرر.. تعيد
تشكيله من ثاني، مع تشكيل نفسها الجديدة.

لما تتجوز، بتحس في علاقتها بشعرها إنها ملكة متوجة، مليانة أنوثة
وجمال.

ولما تحمل وتختلف وهرموناتها تلعب بيها.. شعرها يلعب بيها هو
كمان، وتتغير طبيعته زي ما بتتغير طبيعتها.

ومع أول شعرة بيضا تظهر في راسها.. تختلف نبضات قلبها إلى
الأبد.

- ٤ -

البنات بتغير قِصة شعرها، كأنها بتغير هويتها.

ما تستغربش..

قِصة شعر البنات بتغير.. في أوقات كتير.. فعلاً عن هويتها.

فيه قِصة متمرّدة.. فيه قِصة حادة قاطعة..

فيه قِصة مُنقِضة هاجمة.

• قصّة مالحاش ملامح ولا حدود.. تعبر عن حيرة وتيه وأسئلة،
قصّة غاوية مغوية.. تقربك وتبعدك وتلاعب بذكّ زي تلاعبها
بسمات الهوا.

• قصّة تخفي جزء كبير من وجه صاحبته.. الي مش عاوزة
شرف العالم، ولا عاوزة العالم يشوفها..

• قصّة تبرز وجه صاحبته، كأنها بتتحدى بيه الدنيا كلها.

• قصّة طفولية، فيها من طفولة صاحبته وقربها منها..

• قصّة عجوز حزينة، فيها من حزن صاحبته ووحدتها.

فيه قصّة أميرة حاسة جمالها ويتحبه..

وقصّة فتاة بائسة على حافة الانتحار.

فيه قصّة محافظة تقليدية منظمة مرتبة، زي الوسواس القهري..

وقصّة ثائرة خارقة للقواعد، زي الشخصية الخدية.

فيه قصّة بتدفن الأنوثة، وقصّة بتحييها وترويا وتزهرها.

فيه قصّة معاها قرار بالحياة، وقصّة معاها قرار بالموت.

الشعر نفسه، كجزء من الجسم، سواء عند الولد أو عند البنت ممكن
يمثل حاجات كثير جدًا.

ممكن يمثل علاقته بأبوه، أو علاقتها بأمها.. نفس القصة، نفس
التسريحة، نفس سن الصلع أحيانًا.

تغيير شكل وطول الشعر ممكن يمثل رغبة في التفرد والخصوصية..
بعيدًا عن سلسال الآباء والأمهات والأجداد والجذات، بكل ما نقلوه
وَوَرَّثُوهُ للابن أو الابنة، ممكن يكون (خروج عن النص).

وصبغ الشعر قد يعني الخوف من الموت، وخداع النفس والمرآة
بصغر السن.

إطلاق الشعر وتطويله وعدم قصه لفترة طويلة، قد يعني الرغبة
في الحرية والانطلاق، أو التمرد ورفض المألوف.. أو -أحيانًا- الكسل
والإهمال والرغبة في الانفصال عن الواقع.

الاهتمام الزائد بالشعر ربما يشي بنرجسية زائدة، أو العكس تمامًا..
ضعف شديد في الثقة بالنفس.

وحلق الشعر عند الإحرام، رمز للتخلص من الذنوب واجتزاز
الخطايا من جذورها، وفتح صفحة جديدة مع أنفسنا ومع خالقنا.

هذا ما كتبت (حياة)، في درس جديد من دروس علم النفس،
مسل باهر في كتاب الطب النفسي، القائم كله على وصف المرضى
أناعرتهم واعتمالات أنفسهم وحركة عوالمهم الداخلية:

«النهارده قررت يا (حياة) إني أحلق شعرك..
يعني أقص عنك أيام من الاستغلال والبكا والخرقة والوجع..
أنا مسؤولة عنك يا (حياة).
أنا قررت أعالج شعري بإني أقصه من أوله، وأبدأ الحكاية من
الحدور.

وأبدأ أرعى الجدور واحد واحد.
أبدأ أوصل لكل جذر من شعري (حب) مش (إحساس بالذنب).
أنا قررت أكون موجودة.
قررت ما اسمحش لأي حد، ولا حتى لنفسي، إني أعيش حاجة
أقل من اللي أستاهلها.
أنا محتاجة أصدق وأعيش وأشوف وأمارس، إني أستاهل أتشاف
وأقبل وأحترم.
أنا هأبدأ أسكن جسمي من تاني.
It is my space».

الي بتوصفه (حياة) مش غضب ولا اكتئاب ولا انتقام.. حياة بتوصف
«ملية تحول نفسي واصلة لأعمق طبقات وجودها.. انتقال حقيقي من
موقف هو أقرب للموت والفناء.. إلى موقف هو أقرب للحياة والبقاء..
إعلان صادم عن حقها في الوجود.. صرخة عالية في وجه كل من آذاها
وشوها وحاول كسرها.

الشعرة التي تبت بعد قصها.. تكون أقوى وأصلب.. وكذلك
الأنثى.

بافتكر دلوقت المشهد الشهير في فيلم V for Vendetta، الي كان فيه
بطل الفيلم بيقص شعر (إيفي)، كمرحلة من مراحل تدريبها النفسي
وانسلاخها الروحي.. ويبجي بعده المشهد العبقري الخالد، الي بينهم
فيه المطر بشدة، وهي رافعة إيديها الاتنين للسم، وحاسة بكل نقطة مياه
بتلمس جلد راسها.. كأنها طفل مولود جديد.

يبدو إن فيه قِصّة شعر..
بتعبّر عن ولادة جديدة.. وعمر جديد.. وأمل جديد.
بتعبّر عن انتهاء عهد.. وبداية عهد.
عن استعادة النفس.. واسترجاع الروح.
عن التحكم من جديد في مقاليد الأمور.
عن الرجوع خطوتين للخلف قبل انطلاق سباق الألف ميل.

شعر البنت مش بس مرايتها..
شعر البنت صاحبتها.. ولسانها.. وصوتها.
هو طريقة إعلانها عن نفسها.. وموقفها من الحياة.
شعر البنت فيه قصة حياتها.

قِصّة (شعر حياة)..
هي (قِصّة شعر) حياة.
هي قصة (حياة)..
وممكن تكون في يوم من الأيام..
قِصّة حياتك.

ثمن الوعي

العلاج النفسي له أشكال وألوان وأنواع.. بعض أنواع العلاج النفسي
تتعامل مع الأعراض المرضية وتهدف إلى إزالتها واختفائها.. أنواع
أخرى تتعامل مع المنظومة المعرفية والسلوكية للمريض وتحاول تعديلها
.. هناك أيضاً أنواع تالفة بتقدم الدعم النفسي وبتهم
.. إلى دفاعات المريض الموجودة بالفعل.

فيه بقى أنواع مهمة من العلاج النفسي مش بتقف عند اختفاء الأعراض
النفسية.. ومش كل همها تعديل المنظومة المعرفية والسلوكية للمريض..
.. بل بتحاول بشكل مباشر- تقوية دفاعات المريض النفسية.. لا..
الأس.

العلاج هنا يكون هدفه تفكيك البناء النفسي المرضي بكامله.. وإعادة
.. وبناءه من جديد.. هدم ذلك الحرم المنخور بسوس الصدمات النفسية
المالية.. ثم رفعه على أسس أقوى وأقوم.

بتهدف العلاجات دي -بتعبيرات أوضح- لتغيير شخصية المريض بكاملها.. أيوه.. يعني المريض يدخل العلاج بنسي آدم.. يخرج من العلاج بنسي آدم تاني خالص.

إزاي..

إحدى أهم وسائل (وفي نفس الوقت أهداف) العلاج النفسي اللي بالشكل ده، هو (الوعي).. يعني المريض ببدا يوعى بحاجات ماكانش واعى بيها قبل كده.. يوعى باحتياجاته اللي كان ناكرها على نفسه.. يعرف مخاوفه اللي كانت مانعاه من المطالبة بالاحتياجات دي.. يتعلم حقوقه النفسية.. ويكتشف القرارات المرضية اللي كان واخدها في حياته.. ويبدأ يغيرها.. تمامًا.

يعني يوعى إنه محتاج يتشاف ويتقبل ويتحب بدون شروط.. ويعرف انه بطل يطالب بالحاجات دي من زمان، علشان كان خايف من عقاب اللي حواليه، أو زعلهم منه أو هجرهم ليه.. يتعلم إنه من حقه يتصدق ويحترم ويهتم بيه.. ويكتشف إنه قرر يدفن نفسه الحقيقية اللي كانت بتطالب بكل ده، وطلع مكانها نفس مزيفة كل هدفها انها تنأقلم مع الظروف اللي اتخط فيها.. وتكيف مع القليل من المتاح.

ومع العلاج.. يبدأ يحس تاني باحتياجاته القديمة.. ويقبل مخاوفه اللي كانت مانعاه.. ويطالب بحقوقه اللي نسيها من زمان.. ويقرر -أخيرا- إنه يخرج المارد من القمقم.. ويقول بأعلى صوته (لاااااااااا).

وبعدين..

.. على صاحبنا إنه محتاج يتقبل .. وإنه عمره ما اتقبل بجد من أهله
انوا إما رافضين أو مشغولين أو مُعاقين .. ويكتشف ان القبول
.. وإنه قرر ياخذ الحق ده بطريقة مَرَضِيَّة لما اختار يشتغل شغلانة
.. فيها نفسه، ويحرقها ليل ونهار، من أجل نظرة رضا قد يراها على
الوجه.

.. الج .. ويتحسن .. ويتغير .. وما يقاش عنده نفس الجوع المرضي
.. ولا نفس النهم الحثيث للاهتمام .. فيعمل إيه؟ يقرر يسبب
.. ويغير وظيفته .. ويختار مهنة تاني أنسب لرؤيته الجديدة ..
.. دافئة مختلفة تتماشى مع الإنسان الذي أصبح عليه.

.. على صاحبنا انها محتاجة تتحب زي ما هي .. وتعرف إنها بطلت
.. بده علشان ماشافتهوش حواليتها .. وتكتشف انه من حقها تشاف
.. دون قيد أو شرط .. وتقرر تصدق إنها تستاهل .. وإنها ماتقبلش
.. معاملة من أي حد يوصل ليها إنها ماتستاهلش .. وأول حد طبعاً
.. مين؟ جوزها .. اللي ولا شاف .. ولا سمع .. ولا وعى .. ولا
.. ولسه عايش في عصور الجاهلية النفسية اللي اتربى فيها ..
.. ساكن في جحور ما قبل التاريخ .. هي بتكبر نفسياً .. وهو متحجر
.. هي بتنضج روحياً .. وهو متقوقع حوالين نفسه .. مغمض
.. عن أي اختلاف .. وصامم أذنيه عن أي تغيير .. ومش مستعد
.. في رحلتها الجديدة نحو الحياة .. فيحصل إيه .. يتطلقوا .. لأنهم
.. مابقوش مناسبين لبعض .. البني آدمة اللي اتجوزت غير البني آدمة
.. دلوقت .. اللي اتجوزت كانت دافئة نفسها بالحياة .. والموجودة
.. قررت تحيا .. اللي اتجوزت كانت ناكرة على نفسها احتياجاتها ..
.. جودة دلوقت مش هتنكر احتياجاتها تاني .. اللي اتجوزت ماكانتش
.. حقوقها .. والموجودة دلوقت عارفة حقوقها ومش ناوية تفرط
.. اللي اتجوزت كانت خائفة .. الموجودة دلوقت بطلت تخاف.

قيس على ده اللي بدأ يقول (لا) لأبوه وأمه، بعد ما عرف إن البر الحقيقي بيهم هو إنه يكون نفسه، مش إنه يسلمهم نفسه.. واللي غيرت طريقة لبسها بعد ما غيرت اختياراتها في الحياة.. واللي بدأ يراجع علاقته برينا بعد ما اكتشف إنه كان بيعبد أصنام نفسية خاوية رغم ضخامتها.. ده غير اللي بدأ يسأل ويدور وما يقتنعش بالإجابات التقليدية المصمتة الجاهزة.. واللي بدأ يختبر ويراجع كل المسلمات مهما كانت درجة ثباتها.

زلزال نفسي يهز الكيان، بمتهى الرحمة.. انفجار روحي مليئ بالأحزان، وبالورود معاً.. بركان هائل من الاحتياجات والمطالب والحقوق والقرارات.. جسد مؤوود تبعث فيه الحياة من جديد.

بس الثمن.. غالي.

ثمن الوعي هو المراجعة بلا هوادة.. ثمن الرؤية هو إعادة النظر في كل شيء.. ثمن النور هو الخروج من كهوف الظلام (الي بيسموها ساعات مناطق الراحة).

ثمن العلاج النفسي العميق قد يكون الانفصال.. أو تغيير الوظيفة.. أو اعتزال بعض الناس.. لما يكتشف الشخص إن بعض اختيارات حياته السابقة كانت خاطئة.. ومتسرعة.. ومرضية.

طيب أنا كاتب الكلام ده ليه؟
بخوفكم من العلاج النفسي مثلاً؟ مش عاوز اشتغل أنا يعني؟

لا..

أنا كاتب الكلام ده علشان أقول لك إني مش باتكلم عن العلاج
السي أصلاً.. هو فيه كام واحد خضع والا هيخضع للعلاج النفسي
العريق بالشكل ده؟ عدد قليل جداً.. جداً.

أمال أنا باتكلم عن إيه؟

أنا باتكلم عن الوعي.. اللي العلاج النفسي هو فقط أحد الطرق إليه..
أنا فيه طرق أكثر وأكبر.. طرق متاحة بشكل أوسع.. منها اللي حضرتك
عنده دلوقت.. واللي حضرتك بتعمله دلوقت: القراءة.. الإنترنت..
السين بوك.. البوستات.. السفر.. الكورسات.. الكتب.. الفضفضة
الإنسانية.. المعلومات اللي موجودة في كل حته.. الخبرات الإنسانية
التي أدلة بين ناس على بعد قارات كاملة.. ناس مايعرفوش بعض ولا
هم شافوا ولا هيشفوا بعض.. بيقدمو خلاصة خبرات وتجارب
حياتية عميقة جداً.

المعرفة الإنسانية بتضاعف كل عدة سنوات بشكل لم يسبق له مثيل
في التاريخ.. المعلومات المتاحة لأبنائك أضعاف أضعاف المعلومات
التي كانت متاحة ليك وانت في سنهم.. الخبرات المتاحة لزوجتك هي
مخصصة لخبرات مئات بل آلاف الزوجات عبر العالم.. شلالات
معرفة من الاكتشافات تنهال على العقول والقلوب والأنفس.

البنات والستات بتعرف حقوقها.. الأبناء بيتعلموا عن احتياجاتهم
وهم يطالبوا بيها.. الكل في حركة كونية تصاعدية من الوعي.. لكن
أنا فيه ناس (معظمهم من الذكور للأسف) بيشاوروا أنفسهم.. لأنهم
تصورهم الطرف الأقوى في المعادلة.. اللي مش محتاج يعرف..
مش محتاج يتعلم.. ومش محتاج يوعي.. ويقاوم التغيير بكل طريقة..

وبيعاند سنة الحياة نفسها.. وقوانين الطبيعة منذ الأزل.. ومُصِرُّ يمشي
عكس التيار.. لغاية ما تنهار كل المعابد.. على رؤوس قاطنيها.

الوعي الإنسانى يتمدّد.. ويوسع.. ويتعمق.
ومع كل نبضة وعي.. فيه احتياج مدفون بيُكتشف.
مع كل رؤية جديدة.. فيه خوف قديم بينزاح.
مع كل لمعة عين كانت مظفية.. فيه حق أصيل يُطالب بيه.
مع كل ضربة قلب كانت خافتة.. فيه قرار جديد يُعلن بالحياة.

ومع كل دول فيه تمن بيتدفع.. إنت بتتحول من بني آدم لبني آدم
تاني.. إنتي بتشوفي عالم جديد ماكتتش تعرفي إنه موجود أصلاً.. إنتو
بتفوقوا على الحقيقة.. بعد سُبّات طويل.. وكل ده مش ببلاش.

يا تكونوا قد التمن.. يا بلاش تبدأوا الرحلة.

إلى كل النائمين والمتفوقين والمتحجرين.
إلى كل صامّي الآدان.. مغمضي العينين.
إلى قلوب اهترأت عليها أقفالها.

الحقوا أنفسكم.. قبل ما تنقرضوا.
اتحركوا واسمحوا لأبنائكم بالحركة.
انضجوا واسمحوا لزوجاتكم بالنضج.
اتغيروا واسمحوا لأنفسكم وغيركم بالتغير.
علشان ماتعضوش على نواجذكم..
حينما يطرق الوعي أبواب بيوتكم..
فهو آتٍ لا محالة.

استنى..
سامع صوته؟

، خبط أهو..
ووم ياللا..
افتح للوعي الباب.

إنتي جاية تشتغلي إيه؟

فيه بيوت وعائلات بيكون فيها تبادل للأدوار بين أفرادها بشكل غريب جداً.

يعني فيه أم بتبقى كل هوايتها إنها تحب بنتها الصغيرة، وتقعّد تشتكي لها من معاملة أبوها ليها.. وتنتقده قدامها.. وتحكي لها على تفاصيل الخلافات اللي بينهم.. للدرجة اللي تخلي البنت تحس بالمسؤولية عن أمها، وتأخذ موقف من أبوها.. وتبدأ تقف قصاده.. وتحمل همّ الدفاع عن أمها.. وحمايتها.. وأخذ حقها.. مع إن دي مش شغلتها.. وده مش مطلوب منها أصلاً.

ابن تاني.. بيتعامل معاه أهله بشكل يخليه يحس إنه الشخص اللي لازم يتدخل دايماً، علشان يحل المشكلات بينهم.. ويصلح المواقف المتأزمة في علاقتهم.. يكلم أمه.. يروح لأبوه.. يهديهم.. يفهمهم.. يفك الاشتباك ما بينهم.. كأنه هو القشة اللي ساندت البيت ومانعاه من الانهيار.. وكأنه هو الشخص اللي شايّل على عاتقه استمرار هذا الزواج.. ونجاح هذه الأسرة.. حتى لو على حساب نفسه.

ابن آخر في أول كام سنة من عمره.. يعتمد أبوه بكل إصرار وترصد
.. هل له إنه راجل البيت.. اللي مسؤول عن أمه وإخوانه في غيابه..
.. وينظر بداله.. ويتحكم في سير الأمور مكانه.. مش بس كده..
.. ليه يعمل كده في حضوره وأمام ناظره.

ألهرت المشكلة؟

.. شحت الصورة؟

.. الله؟

.. ليب اقرا الكلام تاني كده.

.. ملاحظ إن البنت الأولى بتعمل في البيت وظيفة (الأم) بالنسبة
.. (أمها).. هي المسؤولة عنها.. هي اللي مفروض تحمي وتدافع.. هي
.. اللي تتخاف وتوتر وتزعج.. هي بطلت تشتغل (ابنة).. واشتغلت (أم)..

.. الابن الثاني أهله بيخلوه يلعب دور الوالد أو الجد (الحكيم).. طوق
.. الحياة.. اللي من غير وجوده تخرب الدنيا.. ومن غير تدخله تتفاقم
.. المشكلات.. ويتحمل هو عبء حلها.. هو هنا بطل يشتغل (ابن)..
.. اشتغل (أب) لأبوه ولأمه.

.. أما الابن الثالث، فأبوه قرر كده بكل بساطة إنه يشغله (زوج)
.. أحياناً (أب).. بصرف النظر عن سنه.. وعن حقه في إنه يعيشه..
.. يستمتع بيه.

.. تبادل الأدوار والوظائف والمهام في البيوت بالشكل ده، مؤذي
.. بشكل مزعج جداً.. بشكل يشيب الشعر أحياناً.

أنا شفت بنت عندها تسع سنين.. أمها بتجيبها كل يوم، وتقعد تحكي لها عن تفاصيل علاقتها الجنسية مع أبوها.. وازاي هي بترفضه وبتقرف منه ومش عايزاه.. وازاي هو في نظرها شهواني وعنيف.. وتوصف لها حاجات أستحي إنني أكتبها هنا.. تفتكروا! البنت دي هتحس بإيه؟ للأسف هتحس بالذنب والتقصير وقلة الحيلة.. لأنها مصدقة إن أمها بتتأذي وهي مش قادرة تعمل لها حاجة.. فتضطر المسكينة إنها تشتغل (أم) لـ (أمها).. وتنيمها كل ليلة عندها في أوضتها.. وتمنع أبوها إنه يوصل لها.. وتتخاف معاه لو قرب منها.. وتكرهه.. وتكره صنف الرجاله كلهم.. وتكره الجواز والي بيتجوزوه.

شفت كمان البنت اللي عندها سبع سنين.. اللي أول ما مامتها تخلف طفل جديد.. ترمي عليها مسؤوليته.. تشيله وتخطه.. ترعاه وتأخذ بالها منه.. تشتغل (أم) لأخوها أو أختها.. تأكله وتشربه وتحميه (وهي نفسها محتاجة اللي يأكلها ويشربها ويحميها).. ولولا إنه ماينفعش.. كانت أمها طلبت منها ترضعه.

شفت البنت أو الولد اللي عمره عشر سنين.. وطول الوقت أهله محسسينه إنه عمود البيت.. وميزان العيلة.. الناجح.. العاقل.. الدرع الواقى لأسرة كاملة وسط عواصف الحياة.

حرام عليكم..

بتكبروا الأطفال قبل أوانهم.. بتحرموهم من طفولتهم وحقهم فيها.. بتخلوهم يلعبوا أدوار غير أدوارهم.. ووظائف حياتية غير وظائفهم، بتاعة سنهم وعقلهم وظروفهم.. بتكلفوهم بمهام مستحيلة لأي عاقل.. أو حتى مجنون.

كلنا بشكل طبيعي- بنؤدي أدوار مختلفة ومتشابكة في الحياة.. بس
أنا؟ وأزاي؟ وفين؟ ومع مين؟ ولية؟ وكام مرة؟

ما فيش مشكلة إن البنت تساعد أمها.. بس بما يتناسب مع سنها
ومدتها ودورها الحقيقي في البيت.

جميل جدًا إن الولد يبقى جدع وشجاع وحسن التصرف.. بس في
أود سنه وإمكاناته وظروفه.

مطلوب طبعًا لما الأب والأم يتعبوا أو يكبروا وتضعف قواهم، إننا
اندهم ونساعدهم ونعولهم ونتكفل بيهم.. لكن مانعملش ده واحنا
أطفال وهم في عز عنفوانهم وقوتهم.. ومانعملش ده تحت ضغط
انتزاز عاطفي.. ومانعملش ده واحنا لابسين دور الآباء وهم لابسين
الأبناء.

غير كده.. يبقى خلط مُخل للأوراق.. وتبادل مُربك للأدوار.

فيه طبعًا مثل أوضح وأشهر وأقرب من كل الأمثلة اللي فاتت.. ويكاد
يكون موجود في كثير من بيوتنا العريقة العامرة: الزوجة اللي بتشتغل
(أم) لجوزها.. تطبخ له وتغسل له وتكوي له وترتب له دولابه وتلمع
أه جزمته.. تأكله وتشربه وتنصف له المواعين وتروق له البيت.. تنيمه
وتسحبه وتجهز له الحمام وتحميه وتنشفه.. (أم) مثالية (لطفل) يبلغ من
العمر عدة شهور.

وعلى الجانب الآخر.. نلاقى هذا الزوج لاعتماده النكوصي، بيلعب
دورين مالهومش أي علاقة ببعض.. ومالهومش علاقة بدوره الأصلي
(كزوج).

شوية يلعب دور (الابن- الطفل) اللي بيستمع بكل الخدمات المجانية السابقة.. ويرتفع في هذا النعيم الأمومي اللذيذ.

وشوية يلعب دور (الأب) اللي بيعول زوجته، ويعاملها على إنها (بنته).. يشتغل وهي تقعد في البيت.. يديها مصروف يومي أو شهري محسوب.. يتحكم بكل عنجهية في لبسها ومواعيد خروجها ودخولها.. يوافق أو يرفض انها تشتغل.. يختار أو يعترض على أصحابها ومعارفها.. يستبيح خصوصياتها ويضيق دوايرها.. ويخلي ليه الكلمة الأولى والأخيرة في كل شؤونها.. علشان هو ولي أمرها.

والله العظيم شفت اتنين بيحبوا بعض.. هو بيقول لها: (يا حبيبتي اعتبريني بابا).. وهي بتقول له: (أنا بادور فيك على اللي ماليفتهوش في بابا.. إنت بابا الجديد).. نية واضحة لعلاقة (تَبْنِي).. مش علاقة حب وزواج.

كلام غريب؟

كلام صادم؟

اتفاجئت؟

معلش..

دائماً الرؤية صعبة، بس مفيدة..

والحقيقة مؤلمة، بس مُغيّرة.

أنا عارف دلوقت إنك بتراجع نفسك ويتسألها بكل صراحة: هو أنا باشتغل إيه في البيت ده؟

ابن رغم إني أب؟ أب رغم إني ابن؟ ابنة رغم إني زوجة؟ أم رغم
ابنة؟ زوج رغم إني ابن؟ زوجة رغم إني ابنة؟

أنا لما قرئت السطر اللي فات ده اتوجعت.. منتهى اللخبطة والحيرة
..م..

منحرم نفسنا (أو نُحرم) من وجودنا الأصيل ودورنا الحقيقي..
منحرم (أو نُضطر إلى) وجود آخر باهت ودور آخر مصطنع.

ادي الوجع يا ربي.

من النهارده لو سمحت..

من دلوقت لو سمحتي..

انشغلش في بيتكم أي شغلانة غير شغلتك الأصلية.. وماتطلبش
أي حد في البيت يؤدي وظيفة غير وظيفته.

ابن يعني ابن وبس.. ابنة يعني ابنة وبس.. الكبار يتصرفوا مع بعض
أ. يجيبوا حد كبير يتصرف معاهم.

زوج يعني زوج وبس.. زوجة يعني زوجة وبس.. ماحدث وصي
أ. حد.. ولا حد ولي أمر حد.

فيه مشهد شهير من مسرحية قديمة اسمها (إلا خمسة).. بتسأل فيه
الراحلة (ماري منيب)، الفنان الجميل (عادل خيري) بشكل كوميدى
شرر، وتقول له كل شوية: إنتي جاية تشتغلي إيه؟

خلي المشهده في بالك.. وكرره بينك وبين نفسك أول وآخر كل
يوم.. بنفس خفة الروح ونفس السخرية اللاذعة: إنتي جاية تشتغلي
إيه؟

تاني..

إنتي جاية تشتغلي إيه؟

الكومفورت زون

• قول لك يا سيدي إن (الكومفورت زون) هي المساحة النفسية، التي يكون فيها الواحد مرتاح ومتظمن وحاسس بالأمان، بعيداً عن الأذى وتوتر.

اخبرني شاييف إن حكاية (الكومفورت زون) دي، هي من كبرى الطماع النفسية التي عرفها التاريخ.

٢٤١

لأنها مش أكثر من قوقعة نفسية، مابتعملش أي حاجة غير إنها تقفل لك.. وتحرمك من التجربة.. وتبعدك عن الناس.. ويبقى ده اسمه (الحب النفسي).. و(باخذ بالي منها).

الفكرة الأساسية في (الكومفورت زون) هي (وهم السيطرة).. بمعنى أنك مابتعملش غير اللي تعرفه.. وماتعرفش غير اللي تألفه.. وماتحسش.. اللي انت متعود عليه.

الفكرة إنك تقلل كل الاحتمالات إلى أدناها.. وتحسب حسابات
قاصرة للغاية.. وتكون متصور إن دي الراحة.

قال يعني إنت كده متحكم في نفسك، ومخارجها ومدخلها.
ومسيطر على حياتك، بأبعادها وتفصيلها.

وفي الحقيقة، إنت بتحاول بكل طريقة إنك تتجنب المخاطرة.
وتتجنب الفقد.. وتتجنب الخسارة.. لكن اللي بتكون مش واخا
بالك منه.. هو إنك بكده برضه، بتتجنب الحياة.. وتتجنب القرب.
وتتجنب المكسب.

في رأيي إن (الكومفورت زون) ما هي إلا سجن صغير.. به مكيف
للهواء.

طبعا مقدر جدًا اختيار بعض الناس إنهم يعيشوا في هذه الفقاعة
المهشة.. علشان اللي شافوه قبل كده كان ألم شديد.. أو جرح عميق..
أو أذى بشع.. لكن كل ده مش معناه أبدًا إني أعيش في سجن.. معلق
عليه لافتة (منطقة الراحة).

يعني هو أنا مش من حققي إني أحمي نفسي من حد، أو من حاجي
بتؤذيني؟

لا طبعا.. من حقك تحمي نفسك جدًا.. بس مش تحمي نفسك
من الحد ده، ومن اللي جنبه، واللي حواليه، واللي معدين بالصدفة في
الطريق.

علماء التحليل التفاعلي Transactional Analysis، يقسموا
الحب الناس في الحياة لأربع مواقف:

- I'm Not OK, You are OK:

معني أنا إنسان سيئ، وانت زي الفل.. وده عند كثير من الناس
الناجين أو اللي حاسين بالدونية.

- I'm Not OK, You are Not OK:

معني إحنا الاثنين سيئين.. والدنيا كلها سودا.. وما فيش أمل..
عند الناس المشائمة واليائسة.

- I'm OK, You are Not OK:

معني إنت وحش وأقل مني.. وأنا حلو وتمام وأحسن منك (كثير
من الترجسين والمتعاليين).

- I'm OK, You are OK:

معني أنا شايف نفسي وحبيبها وقابلها.. وشايفك برضه وقابلك،
.. ما فيش مشكلة معاك، حتى لو كنت مختلف عني.

يقال إن الموقف الأخير هو أكثر موقف صحي فيهم.. علشان بيعني
الحل مبسوط وان غيرك برضه مبسوط، وما حدش فيكم عنده مشكلة
.. ٥٥٩

لكن فيه طريقة تانية بيتشاف بيها الموقف ده.. وهي إنكم باينين من
"مبسوطين، علشان كل واحد فيكم في حاله.. كل واحد في جزيرة
عزلة عن الآخر.. كل واحد في فقاعة نفسية منفصلة.. وأنا تمام OK،
وانت تمام OK.. وما حدش فينا ليه دعوة بالتاني.. ويكون الظاهر
عادة وسلامة نفسية.. والباطن عزلة.. وتوقع.. وكومفورت زون.

خدعة بالمعنى الحر في معني.

وكان الكومفورت زون دي زي (الرحم) ..

الي الطفل عاوز يفضل فيه للأبد، من غير ما يتولد ..

لأنه لو اتولد .. وخرج .. هيصرخ .. ويعيط .. ويتألم ..

ويخاطر .. ويجرب .. ويقرب .. وينجح .. ويفشل .. ويحيا .. ويموت ..

بس -وبكل أسف- مش هينفع نعيش في الرحم طول العمر ..

مضطرين نتولد ..

محتاجين نجرب ..

محتاجين نقرب ..

محتاجين ننزل على الأرض ..

ونخطو خطواتنا الأولى ..

خارج (الكومفورت زون) ..

اخرج بقى برجلك اليمين ..

أو خليك جوه لو حدك ..

الولاء الخفي

« مصطلح نفسي مهم بنستخدمه أحيانًا، اسمه (الولاء الخفي Invisible Loyalty) .. بمعنى إننا نكون جونا - بشكل غير واعى - لأمس وولاء لحكايات آبائنا وأمهاتنا وأجدادنا .. وبنحاول من غير أن نأخذ بالنكر للحكايات دي بطرق مختلفة، كأننا بنؤكد ليهم من أننا إننا أوفياء ومخلصين .. وإننا ما زلنا وسنظل - على عهدنا معاها -

أنا اتكلمت قبل كده في كتاب (الخروج عن النص) عن التكرار الشهري .. وإزاي ممكن واحد يعدي بتجربة صعبة، أو خبرة مؤلمة، أو حادثة خاطئة، وييجي بعدها - وبشكل غير واعى أيضًا - يكرر نفس التجربة الصعبة بتفاصيلها، ويعدي بنفس الخبرة المؤلمة بحذافيرها، أو يكرر نفس الاختيار الخاطئ كما هو (مع نفس الشخص أو شخص جديد) .. كأن الواحد عاود يصلح اللي فات من خلال تكراره (يمكن التجربة دي أقدر أغيره)، أو ينتقم من اللي أذاه في حدثاني شبيهه (ما هو أهمهم زي بعض)، أو ينتقم من نفسه بتكرار تعريضها للأذى (أنا ما استاهلش غير كده)، أو يضحك على نفسه ويصور لها إنه مسيطر ومتحكم في الأمور (أنا بتأذي بس بمزاجي).

(الولاء الخفي) بقى هو (التكرار القهري) بس على مستوى العائلة والأجيال.. يعني البنات تكرر نفس تجربة الأم.. والأم تكون مكررة نفس تجربة الجدة.. الابن يكرر نفس تجربة الأب.. والأب يكون مكرر نفس تجربة الجد.. وهكذا.. لأجيال كثير سابقة ولاحقة.

ويبقى فيه سيناريوهات عائلية متكررة عبر الأجيال.. لمجرد إن (شخص ما) في (جيل ما)، تعرض لصدمة نفسية معينة، أثره عليه بشكل كبير.. خلاله ينقل الأثر ده من جيل لآخر بطرق بعض واضحة وبعضها خفي.. بيسموا الصدمة دي (صدمة عابرة للأجيال) Transgenerational Trauma.

خليني أوريك بعض صور الراء الخفي وسيناريوهات المتوارثة.

سيناريو الزواج الفاشل:

ده من أشهر صور (الولاء الخفي) وأكثرها شيوعاً.. ويبدأ بأن الأم كان زواجها فاشل.. ومليان مشكلات وصراعات.. وكانت مظلومة ومقهورة وعاشية في جحيم يومي لا ينتهي.. تكبر بنتها وهي خائفة ومتربعة من الزواج.. وفي نفس الوقت جواها (ولاء خفي) لوالدها، اللي «ماينفعش تفشل لو حدها».. و«ماينفعش هي تفشل في جوازها وأنا أنجح في جوازي».. و«مستحيل هي تتظلم وتتقهر وأنا أفرح وأتبسط».. فتعمل إيه؟ إما إنها تختار (بعقلها الباطن) اختيار سيب وترتبط بيه، فيطلع عينها ويكثر سيئاتها، ويظلمها ويقهرها ويذيقها الأمرين، وإما إنها تفتعل الصراعات وتزوجج المشكلات مع جوزها، لغاية ما تطلع منه أسوأ ما فيه، وتُفشل حياتها الزوجية بالفعل.. وتبقى كده مشيت على الصراط.. وأوفت بالعهد.. اللي عاهدت بيه أمها في يوم من الأيام دون وعي أو تفكير.

الولد اللي بيتربى في بيت عليه يافطة الجواز من بره، لكنه مليون
في نفسي من جوه.. وفاؤه وولاؤه لأبوه وأمه ممكن يخلوه يكرر
حكايتهم بكل تفاصيلها.. ويعيش نفسه ومراته وأولاده حياة
بائسة، محاطة باليأس من كل جانب.

السيناريو ده ممكن ياخذ صور كثير تانية.. يعني البنت دي بدل ما
تعمل في سلبية أمها، ممكن تحاول تاخذ (من جوزها) حق أمها اللي
فتش تاخده (من أبوها).. فهي اللي تطلع عينه وتكفر سيئاته
.. هه في نفسه.. ممكن كيان تقود حياتها الزوجية نحو الطلاق،
ماتشان تعمل اللي أمها ماعرفتش تعمله.. وممكن طبعا ماتتجوزش
.. وكل ما يتقدم لها عريس، تلبسها كل عفاريت الأرض..

الولد ده كيان بدل ما يكرر حكاية والديه بحذافيرها، ممكن يغير
بعض التفاصيل، أو يبدل بعض الأدوار.. لكن داخل نفس الحلقة

و يوزّ ثوالد ولادهم وأحفادهم نفس السيناريو.. ويمرروه لأجيال
مقبلة.

سيناريو نفس الوظيفة:

هنا.. بيكون فيه أب أو أم في أحد أجيال العائلة، حصلت له صدمة
.. سلبية، أو مر بتجربة حياتية وصلت له رسالة إن «أحسن شغلانة
.. من حد يشتغلها هي كذا...»، أو «لو كنت اشتغلت الشغلانة دي،
.. ماأناش حصل ده كله».. سواء اشتغلها فعلاً، أو حاول وماعرفش..
.. وسدا هذا الأب (أو الأم) بدوره يوصل نفس الرسالة لأبنائه وبناته..
.. لعاية ما صدقوها.. ومشياوا على نفس التراك اللي هو حطهم عليه..

وقعدوا يجرّوا.. ويهرولوا.. ويحققوا أهداف.. ويعملوا إنجازات..
من غير ما يقفوا ولا حتى يراجعوا أنفسهم.. كأن حد بيجري وراءه،
بالكرباج.. علشان يوصلوا الحاجة هما مش عارفينها.. كأن فيه بينهم،
وبين أبوهم أو أمهم (عهد خفي) إنهم يبقوا نسخ منهم.. أو إنهم
يحققوا لهم اللي ما عرفوش يحققوه.

أنا شفت أم مُصرّة إن كل أولادها وبناتها يبقوا دكاترة.. مش بس
كده.. ده كمان لازم يتجوزوا دكاترة.. وبسبب (الولاء الخفي) اللي جو
الأولاد ناحية أمهم.. ده اللي حصل فعلاً.. وللأسف كلهم جوازاتهم
فشلت.

سيناريو الوزن:

في الحالة دي، بيكون فيه عند أحد أجيال العائلة هوس بشكل
الجسم المثالي.. ووزن الجسم المثالي.. وقوام الجسم المثالي.. وبدأ هذا
الهوس بفعل الولاء الخفي- يسري في الأبناء والأحفاد، لغاية ما
يوصل للجيل الحالي.. ونلاقي بنت في مقتبل العمر، شايقة نفسها تخينه
وهي أخف من الريشة.. وبنت تانية داخلية في نظام غذائي قاسي جداً
رغم إنها لا تحتاجه على الإطلاق.. وبنت تالثة بتاكل وترجع الأكل
اللي أكلته علشان وزنها ما يزيدش.. لدرجة إنني قابلت مرة شابة صغيرة
بتحكي لي إن أهلها كانوا حاطين ميزان في كل حجرة من حجرات
البيت.. يوزنوا أنفسهم عليه كل كام ساعة.. الشابة دي نفسها دلوقت
مش بتقول لبنتها غير يا «تخينة».

سيناريو التحرش:

ده بقى سيناريو صعب جداً.. بتكون فيه الأم اتعرضت وهي صغيرة
لشكل من أشكال التحرش الجنسي.. أو اتعرضت وهي كبيرة لما يسمى
بالاغتصاب الزوجي.. اللي بتجبر فيه على ممارسة العلاقة الجنسية مع

.. فاما عنها وعلى غير رضاها.. وده سبب لها صدمة نفسية شديدة،
.. لما أثر عميق وطويل الأمد.. تبدأ الأم بث رسائل الرعب لبنتها،
.. ها بشكل مبالغ فيه جداً: «خلي بالك.. إوعى حد يلمسك»..
.. حد يقرب منك»..
«المنطقة دي خطر»..
وده يسبب عند البنت
.. شديد من كل حد وأي حد.. وللأسف، وبكل أسف، المتحرش
.. فقط البنت الخائفة.. من نظرات عينيها، وتعبيرات وشها، وتردد
.. فيها، فيهجم عليها، ويتحرش بيها فعلاً، ويسبب لها نفس الصدمة،
.. جواها نفس الأثر.. الي تورثه هي كمان لبنتها.. ولكل سلسال
.. بالمثل.

.. لبعاً سيناريوهات موروثه ثاني كتير.. زي (سيناريو الإحساس
..) .. والي فيه السمة الأساسية المتكررة في أفراد وأجيال عائلة
.. هي إنهم بيلوموا أنفسهم كتير، ويحسسونها بالذنب، أو يلوموا
.. كتير، ويزرعوا فيه الذنب زرعاً.

.. (سيناريو القلق والخوف)..
واللي فيه تلاقي عيلة كاملة
.. أجيالها عايشين على بركان من الإحساس بالقلق من كل شيء،
.. ف غير المبرر من كل حاجة.. والجيل ده يورث للجيل ده..
.. ال ده يستلم من الجيل ده.. وهكذا.

.. سيناريو (راجل يعني سي السيد)، الي ورثه معظم الرجال (أقصد
..) في بعض المجتمعات، واللي بيوصل للاءهم الخفي لأبائهم
.. إنهم يكرروه بشكل قهري رافض لأي تغيير أو تعديل.

.. سيناريو باشوفه كتير في الوقت الحالي، باسميه (سيناريو
.. الأب)، والي بتحاول فيه الأم -بناء على خبرة أمها وأجدادها-
.. أن تمر دور الأب في البيت على المصاريف والمتطلبات اليومية،

وتبعد أولاده وتفاصيل حياتهم عنه بطريقة أو بأخرى، وتختصر هـ
بحبهم وقربهم لوحدها، ويبقى هو (وحش) وهي (حلوة) .. ويبقى
هو اللي مُقَصَّر، وهي اللي ماسكة زمام الأمور .. وتشوف بنتها الصغـ
ده .. وتتعلمه .. وتورثه .. وتعمله مع زوج المستقبل .. طبعاً ده لا يـ
إن فيه رجالة مش محتاجين السيناريو ده علشان يعملوا كده .. لأنهم
شخصياً ورثوا (سيناريو تكبير الدماغ).

ولاؤنا الخفي لأبائنا وأمهاتنا بيخلينا نكرر نفس حكاياتهم، ونعيش
نفس سيناريوهاتهم، وتنبنى نفس قضاياهم .. كما هي .. أو بالعكـ
أحياناً .. والحالتين مايفرقوش عن بعض .. علشان ده سجن .. و
سجن .. ده سجن التكرار .. وده سجن التكرار العكسي .. و
الحالتين .. أنا مش موجود ومش حاضر ومش فاعل .. علشان هم بس
الموجودين .. وهم بس الحاضرين .. وهم بس الفاعلين .. بإيديا، وعـ
طريقي.

وكان فيه ميراث بيتم توزيعه ساعة الولادة .. زي ما فيه ميراث بيتـ
توزيعه بعد الوفاة.

وكانك بمجرد ما تتولد .. بتبدأ في استلام تركة ثقيلة وممتدة هـ
كل أجيال أسرتك، اللي فاتت .. والحالية .. دول يسلموك مخاوفهم
ودول يسلموك عُقدهم .. ودول يسلموك سيناريوهات حياتية مُعا
سلفاً .. وجاهزة للتنفيذ فوراً.

سيناريوهات حب .. سيناريوهات جواز .. سيناريوهات نجاح
وسيناريوهات فشل.

وتَحْمِلُ بداية من الساعات الأولى في عمرك حمل ثقيل جداً .. وتشـ
شيلة طويلة عريضة .. ربما تتأصل جذورها لمئات السنين للخلف.

• أصعب..

.. أنا ذكرتهم دول أمثلة قليلة وبسيطة من سيناريوهات (الولاء ..) لكن فيه كتير ألعن.. وأخفى.

ناس عندهم ولاء ووفاء خفي على مستوى الأمراض
سببات الجسدية.. يعني يصابوا أحياناً بنفس الأمراض الجسدية
أصيب بيها أبائهم وأمهاتهم وأجدادهم، (والسرطان الساري في
العائلات مثال شهير).. ممكن ده يحصل في نفس السن.. ويمكن
صغرى أو كبرى.. طبعاً فيه عوامل وراثية جينية.. بس في
سنة إن أحد طرق وأدوات الـ ولاء الخفي هو السريان عبر الجينات.
أبحاث وكتب علمية كتير قدرت توصل لده وتؤكدده، (منها
Genes on the Couch الصادر سنة ٢٠١٤).

أكثر؟
أكثر، فيه أكثر.

فقد الناس يحصل لديهم أحداث كبيرة في حياتهم، في نفس السن وصلت فيه أحداث كبيرة في حياة والديهم أو أجدادهم.. يعني يصل له حادثة وهو عنده أربعين سنة.. تلاقي أبوه في نفس السن، بتجربة صعبة وعنف (ممكن تكون حادثة برضه).. أو واحدة مات بمرض خطير في خمس سنين.. تكتشف إن والدتها في سن ده أصابها برضه مرض خطير (نفسه أو مشابه ليه).. وهكذا.. لاء الخفي يصل إلى الكروموسومات والجينات وخطوط العمر.. استدلحات زي متلازمة الأسلاف Ancestor Syndrome، والذاكرة الجينية Genetic Memory، أصبحت معروفة ومتداولة.

وزي ما فيه عندنا (ولاء خفي) لأبائنا وأمهاتنا وأجدادنا.. هم كما
عندهم (ولاء خفي) لأبائهم وأمهاتهم وأجدادهم.. لغاية عشرين
وربما مئات الأجيال للخلف.. وتبقى حضرتك ورثت سيناريو حيات
معين، جاي من سبع أجيال ورا.. وانت ماتعرفش أصله إيه.. وجاي
منين.. وتنقله للي بعدك بشكل يثير الدهشة والعجب.

السولاء الخفي قد يحمل في طياته قنابل نفسية موقوتة وجاهز
للافتجار.. منها «أنا لو فرحت، أبقى خنت أمي.. لأنها ماكانتش
بتفرح».. «أنا لو حببت نفسي، أبقى خذلت أبويا.. لأنه ماكانش بيحب
نفسه».. «ماينفعش أنجح في حياتي وهم فشلوا».. «ماينفعش أكسب
صحتي، وهما خسروا صحتهم».. «لازم أختار نفس اختياراتهم؛
الحياة، وإلا أبقى خذلتهم».. «ماينفعش أعيش وأحس بطعم الحياة،
وإلا أبقى خليت بيهم».

ولاء أعمى.. وفاء غير مبرر.. إخلاص مالهوش أي معنى.. وم
دون أي وعي بالطبع.

عايشين واحنا شايلين شيلة حد تاني غيرنا.. وماشين وبتتجرا
بيها فوق ضهرنا.. من غير حتى ما ناخذ بالنا.
شايلين الشيلة لغاية ما بقينا شبهها.. وبقيت شبهنا.
شايلنها لغاية ما حسينا إننا أغراب تايهين من غيرها.

نقف بقى لحظة كده..

ونسأل نفسنا: هي الشيلة دي شيلة مين؟ هي القضية دي قض
مين؟ هو أنا عايش لحساب مين؟
ونفرق ما بين شيلتنا، وكل الشيل اللي اترمت علينا..

..أأخذ قرار حاسم وشجاع..
 ..إننا نرجع لكل واحد شيلته..
 ..إننا نوقف ظلم أنفسنا ولغيرنا..
 ..قف استهلاكنا الشديد لطاقتنا النفسية والجسدية ضدنا..
 ..قف دورانا المستمر المحموم زي الثور الأعمى حوالين ساقية
 ..(لا، الخفي).

من النهارده.. كل واحد يشيل شيلته.

..هل فكرة.. ده مالهوش أي علاقة ببر الوالدين.. بالعكس.. ده قد
 ..هو البر الحقيقي بالوالدين.. زي ما هنشوف بعد شوية.



الألماني (فردريك بيرلز) مبتكر نظرية العلاج النفسي الجيشتالتي
 ..نفس جميل جدًا، سموه تلامذته بعد كده (قسم الجيشتالت)، أو
 ..(الجيشتالت).. وفي مؤتمرات العلاج الجيشتالتي اللي حضرتها،
 ..أبداوا دايمًا بهذا القسم.

أأشأيف إن كل كلمة في النص ده ليها معنى، وإننا محتاجين نحفظه
 ..لمنر قلب، ونردده كل يوم.. كل يوم:

I do my thing and you do your thing.
 I am not in this world
 to live up to your expectations,
 And you are not in this world
 To live up to mine
 You are you,
 And I am I,
 And if by chance we find each other,
 it's beautiful.
 If not,
 It can't be helped.

الترجمة العربية (بتصرف):
أنا أعمل الي عليا وانت تعمل الي عليك.
أنا مش موجود في الدنيا..
علشان أكون عند توقعاتك.
وانت مش موجود في الدنيا..
علشان تكون عند توقعاتي.
أنت هو أنت..
وأنا هو أنا.
لو تصادف واتفقنا..
جميل جدًا.
ولو ما حصلش..
مش هاشوه نفسي علشانك..
مش هاشوه نفسي علشانك.



أخيرًا.. اقرا معايا الكلام الي كتبه إحدى من سلكن طريق الرجوع
عن ولائهن الخفيّة
- أنا محتاجة وعاززة ومن حقي وقررت، أتحرر من كل، ومبر
أي سيناريو مرضي موروث.
- أنا محتاجة وعاززة ومن حقي وقررت، إني أمسح وأتحرر من أي
نمط / نص / موروث مش بتاعي، وأفضي مكان للسيناريو بتاعي، ودي
مسؤوليتي لوحدي.
- أنا لوحدي المسؤولة عن كتابة السيناريو الجديد بتاعي.
- أنا قررت إني أنهي وأخرج من كل العلاقات المرضية الي في حياتي.
كفاية بقى، وأنا لوحدي المسؤولة.

أنا محتاجة قوي وعاززة ومن حقّي وقررت وأنا لوحدي المسؤولة،
الحرر من أي نصوص سابقة التحضير، من أي موروث مرضي،
غير مفيد.

أنا محتاجة قوي وعاززة ومن حقّي وقررت وأنا لوحدي المسؤولة،
كتابة نص حياتي أنا، أنا وبس، نقطة ومن أول السطر.

أنا محتاجة قوي وعاززة ومن حقّي وقررت وأنا لوحدي المسؤولة،
لجميع لكل واحد حاجته، أنا مش امتداد لمشكلات أهلي.

أنا في كامل قواي العقلية، بتنازل تمامًا وكلّيًا وعلى جميع المستويات
المعروفة والباطنة، وعلى الإطلاق عن هذا الإرث.

أنا يرجع بكل الحب والاحترام والتقدير لكل واحد حاجته..
أنا ديشيل شيلته.

أنا محتاجة قوي وعاززة ومن حقّي وقررت وأنا لوحدي مسؤولة،
أنا أوقف كل مجهوداتي ووقتي ومحاولاتي المستميتة، علشان أثبت
سيناريو مش بتاعي.

«نفاية بقي.. كفاية بقي.. كفاية بقي».

أنا انت آخر نقطة في هذا الخط الممتد عبر الأجيال..

أنا آخر مستلم لهذه التركة الباهظة..

أنا آخر متبني لهذه القضية الخاسرة..

أنا نفسي وأولادك وأحفادك وأحفادهم..

أنا ولاء خفي آخر..

أنا مستند..

أنا ما لا نهاية.

صباح الخير: أنا إنسان طيب..

فيه مشهد مؤلم جدًّا في فيلم War for the Planet of the Apes، أبطال الفيلم قابلوا في رحلتهم قرد كبير في السن، هربان من سجون الجنود الأمريكان، وعاش لوحده في أحد الكهوف من سنين.

استنى..

المؤلم في المشهد مش إنه كبير في السن أو إنه عايش لوحده فترة طويلة جدًّا في كهف مظلم.

المؤلم إنه لما جه يعرفهم بنفسه قالم إن اسمه: باد إيب (Bad Ape (قرد سيئ).

كان غريب جدًّا إن حد يعرف نفسه بالاسم ده.. بس بعدها فو، تقدر تفهم إن ده اللقب اللي كانوا بينادوه بيه الجنود الأمريكان.. كانه كل ما يشوفو، يقولوا له (باد إيب).. كل ما يندهوا عليه يقولوا (باد إيب).. كل ما يعطاردوه أو يعاقبوه يقولوا له (باد إيب).

.. إنه برضه المولم في ده..

اللم ده إنه صدق إن ده اسمه فعلاً.. واقتنع إن دي صفته.. وبدأ
الاس بيه على إنه (باد إيب).

جداً.. ومؤلم جداً.
ده البعد الأول فقط من الألم اللي أنا أقصده.

بعد الثاني من الألم ده هو إن احنا نفسنا ساعات بنعمل كده..
الده مع الناس اللي بنحبهم.. مع أقرب الناس لينا.. مع
مع أزواجنا وزوجاتنا.. مع إخواننا.. مع زميلنا في الشغل..
اسمانا..

ما احنا ساعات بنعمل كده.. إحنا كمان ياما اتعمل فينا ده.

الزوجة اللي جوزها طول الوقت يقول لها انتي مقصرة.. إنتي
مش.. إنتي نكدية.. إنتي جايباني لورا.. إنتي فاشلة.. إنتي
حياتي.. هي بعد شوية بتصدق ده عن نفسها، وتتهز ثقتها بيها،
عندها صورة ذاتية سيئة جداً.. وتبدأ تتعامل مع نفسها ومع
مع كل الناس على إنها فعلاً مقصرة، ومش بتفهم، ونكدية،
هي بتبدأ -حزقياً- تشك في نفسها.

اللي أهله بيوصلوا له دايماً إنه وحش.. مش كويس.. سيئ..
سمع الكلام.. دايماً غلط.. أقل من فلان وعلان.. هو برضه بعد
صدق ده عن نفسه.. ويتعامل بيه معاهم ومع كل اللي حواليه.

البنات الي بيوصل لها من أهلها وناسها ومجتمعها إن جسمها ذ
وان وجودها إثم، وإنها قليلة وصغيرة وماتستهاهلش .. شوية ش
هتصدق ده، وهتتعامل بيه، ومش هتشوف غيره، ويمكن تدافع
وكان تهاجم أي حد يحاول يعرفها حقوقها ويفتح عينيها.

يااااه.. قد إيه احنا مصدقين عن نفسنا حاجات كتير قوي...
في الحقيقة.. مش حقيقة.

لسه.. فيه بُعد تالت للألم..

البعد التالت هو إني بعد ما أصدق عن نفسي الحاجات ا
وصلتني.. واتعامل بيه مع الناس على إنها فعلاً (أنا).. ده يوصل ل
مني.. ويصدقوه عني.. ويتعاملوا معايا على إني كده فعلاً.
يعني إيه؟

يعني وصلني زمان إني ما استاهلش.. وأنا صدقت ده.. قوم ا
أتعامل مع جوزي على إني ما استاهلش.. وأعيش خانعة مقه
مطفية.. فهو يشوف ده فيا.. ويديني فوق دماغي أكثر.

وصلني زمان إني فاشل.. وأنا صدقت ده.. قوم كل ما أبدأ ش
جديد.. أتعامل مع زمايلي على إني فاشل.. وهم يشوفوا ده ف
ويتعاملوا معايا على أساسه.. يتعاملوا معايا على إني فاشل.

وصلني إني قليل وماليش لازمة.. وصلني إني طاووس زمان
وصلني إني عاجز وقليل الحيلة.. وأنا صدقت ده.. وباتعامل بيه
الناس.. فالناس هتعاملني طبقاً على أساسه.

«...خلقته من الوجد.. ألم ذو ثلاثة أبعاد.. مجموعة متقابلة
الآيات العاكسة لنفسها.

«...أكون أنا مش باحب نفسي.. الناس هتجني ليه يعني؟ ما
يصل لهم (من غير ما أنطق ولا كلمة) إني مش باحب نفسي.

«...أنا مش باسامح نفسي.. غيري هيسامحني ليه إن شاء الله.

«...أنا رافض نفسي.. إنت هتقبلني ليه؟

«...أنا عني عن نفسك.. يصل إلى الناس.. ويعاملونك به.

«...أنا لو كنت من جواك مصدق إنك تستاهل.. ده هيوصل للناس..
أنا لك على أساسه.

«...أنا مصدقة إنك ذنب وإثم وخطيئة من خطايا الزمن.. ده
ل للناس.. ويعاملوكي بيه.

«...أنا مصدقين إن فيه أمل.. لن يكون هناك أي شيء غير الأمل.

«...أنا كل يوم بتقول للعالم: صباح الخير.. أنا إنسان سيئ.. أو أنا
طيب.. أو أنا إنسان حائر أو... أو... أو... الخ.
أنا تتلقى من العالم سوى ما ترسله له.

«...أنا كده ممكن نفهم عبارات زي «ما تبحت عنه يبحت عنك»
«...أنا» و«إنك لا تقابل إلا نفسك في طريق القدر» لمصطفى محمود،
أنا وغيرها.

طبعًا ده مش معناه إطلاقًا نفى مسؤوليتك عن أفعالك وتصرفاتك
ونوعية وجودك (بحجة إن ده اللي وصلني عن نفسي وصدقته) .. لا
فقط علامة على الطريق .. اللي مليات علامات تانية كتير.

إزاي بقى اللي جوانا بيوصل للناس من غير حتى ما نتكلم .
كلمة؟ إزاي علاقتنا بنفسنا بتتحس من اللي معانا، من غير حتى
ياخدوا بالهم .. دي حكاية كبيرة قوي .. هنتكلم عنها بعد شوية.

...

بطل تعامل نفسك على إنك (باد إيب) .. علشان العالم يبطل يعامل
على إنك (باد إيب).

وقول معايا كل يوم الصبح:
صباح الخير أيها العالم .. أنا إنسان طيب.

يو دونت هاف تو بي سو نايس

أنا لما أقول: «صباح الخير أيها العالم.. أنا إنسان طيب»، ده مش
المراد إنك تسمح لحد يستغلك أو يؤذيك أو يستبيح حدودك..
علاء إنه مش من حقتك تغضب.. وتزعل.. وتبعد أحياناً.
غير السداجة.. وغير البلاهة.. وغير التهاون في الحقوق.

أنا لما أريد في السيكو دراما حضرته كان في روما، وكانت المدرسة
بحاجة مهمة جداً.. طلبت منا (كنا مجموعة من ٣٠ شخص
أنا لما نتحرك في المكان بشكل عشوائي، ونمشي نبص في وش
الآخر واحد فينا يرسم على وشه تعبيرات تلقائية.. ماكانش فيه
أد أو تعليقات بخصوص تعبيرات الوجه اللي بنعبر عنها.

المهمة لاحظت إن كل الناس كانت بتضحك في وش بعض، أو
الأول كنا بنرسم تعبيرات وجه (لطيفة).. حد بيضحك.. حد
حد بيرفع حواجبه.. وهكذا.

الست طلبت منا طلب غريب شوية: قالت لنا من فضلك
You don't have to be so nice .. يعني مش لازم تكونوا الطفاء للغاية
وطلبت إننا نبدأ نظهر على وشنا تعبيرات مختلفة خالص .. مش لا
نضحك .. ممكن نكشر، ممكن ننفخ ونفش .. ممكن نعبر عن زهق ..
غضب .. عن استياء .. عن اشمئزاز .. عن حزن .. عن ضجر .. وبدا
فعالاً نعمل كده .. اللي قطب حاجبيه .. واللي نفخ خدوده وفشها .. الـ
عوج بقه .. واللي طلع لسانه .. واللي عمل أي حاجة .. أي حاجة.

وصلتني من التمرين ده رسالة مهمة جداً .. رغم إنها بدئية جداً
الرسالة دي فكرتني بحاجة درستها في التحليل النفسي قبلها بشوية
وهي إن فيه نوع من الناس بيتصرف مع اللي حواليه طول الوقت على
شخص لطيف جداً .. بيرضي كل الناس، مش عاوز يزعل حد، ممكن
يتكسف إنه يقول (لا) .. أو يخاف إنه يعترض أو يغضب أو يزه
وإن ده بيان عليه .. دايمًا بيحاول يتجنب المشكلات، ويرضي
الأطراف .. وساعات كثير بيقدم احتياجات الآخرين على احتياجه
هو شخصيًا .. مهما كان جواه من مشاعر إنسانية عادية، واحتياجه
بشرية لا جدال فيها .. بيسموه People-Pleaser (مُرضي الناس).

الشخص ده اتعود من صغره إنه يفضل دايمًا الطفل اللطيف الظريف
الهادي المسالم، الضاحك المبتسم، اللي مش بيشتكي، ولا بيهش
بينش .. ورغم إن دي حاجة شكلها جميل وشيك وحلو من
لكن الطفل ده بيعمل كده علي حساب نفسه، وبيكتم جواه لسنوا
طويلة مشاعر إنسانية كثير جداً، هي من حقه، بس وصل له إنه
مسموح ليه يعبر عنها، مشاعر زي الكره والغضب والملل والاشمئزاز
والرفض .. الطفل ده اتعلم انه مايعبرش عن مشاعره الحقيقية علشان
يتجنب المشكلات اللي ممكن تحصل ليه أو تحصل بسببه (كما صَوَّر له
حواله) .. الطفل ده أهله حملوه مسؤولية هو أصلاً مالهوش علاقة بيه

إلى حواليه (ابتداءً بينهم طبعا) يبقوا راضيين ومبسوطين.. وإذا
سلس ده.. يتحمل هو المسئولية، والعقاب طبعا.

صديقتي الغالية..

حقك تعبر عن اللي جواك كما هو.. من حقك تُظهري ما بداخلك
من حقك تحب أو تكره، من حقك تفرحي أو تحزني، من حقك
أو تمل، من حقك توافق أو ترفض.. من حقكم ترسموا على
نفس اللي محفور جواك.

حقك (بكل بساطة وبديهية) إنك تكون حقيقي..

حقك (بكل بساطة وبديهية) إنك تكوني حقيقية..

نت هاف تو بي سو نايس.

بر الوالدين .. وبر الأبناء

من أكثر المناطق الشائكة في العلاقات الإنسانية .. علاقة الشخص بوالديه .. وفي العلاج النفسي، المنطقة دي بيكون حواليتها طبقات كتيرة جداً من الوجدع أحياناً .. والليخطة أحياناً .. والشعور بالذنب أحياناً .. أخرى ..

كل الأديان بتدعو لطاعة الوالدين .. وبرهما .. وخفض جناح الذا من الرحمة لهما .. وده طبعا حقهم بلا جدال.

بس لو حد من الوالدين دول قاسي .. مؤذي .. مشوّه نفس لأولاده؟

لو حد منهم مضطرب .. مش متزن .. مختل؟

لو أب بيصَبِّح ولاده بعلاقة، ويمسِّيهم بشتيمة .. أو أم بتعامل .. أولادها على إنهم ما زالوا داخل رحمها، ومش عاوزا هم يطلعوا يشبوا نفسهم ويكبروا ويعيشوا حياتهم.

أب، عاوز ابنه يكون مش روعه الخاص.. ويحقق أحلامه الشخصية
أب.. أو أم مش بتعش باحتياجات أولادها النفسية وبتكرها
في ما بتكرها على نفسها.

أب كده.. دافيه أب كل علاقته بالأبوة هي خانة الزواج الي في
وأم من كتر كرهها لنفسها كرهت أولادها في نفسهم.

الأب الي بيحرم بناته من التعليم، والي بيدخل ولاده كلية
بسبب عنهم، والي بيدفن أنوثة بناته من سن ثلاث سنين.

الأم الي بتبلع ولادها وتخوفهم من كل العالم علشان يفضلوا
عندها، والي بتسمح لأولادها إنهم يتناولوا على بناتها فقط لأنهم
واللي تعلم بناتها إن وظيفتها في الحياة هي فقط خدمة زوجها
له باغتصابها كل ليلة باسم الزواج.. وإن ده أهم من شغلها
ووجودها نفسه.

والأب الي بيعتدي على بناته جنسيًا.. والأم الي مش بتحمي
بناتها وتدافع عنهم، لو البنت جت وقالت لها إن حد لمس
بالعكس.. دي تلومها وتضربها وتقول لها «آخرسي بلاش

واللي يربوا أولادهم على الإحساس بالذنب، ويزرعوه
سقوه ويكبروه لغاية ما يلتهمهم.. واللي يتفتنوا في استفزاز
لغاية ما يقربوا يكفروا بنفسهم وبالحياة وبربنا.. واللي يقولوا
كل يوم إنهم جم غلطة، أو إنها جت بنت وكانوا عاوزين
الي يمجوا أولادهم قدام الناس.. واللي يقارنوا بينهم وبين
أو بينهم وبين زميلهم وقرايبهم وجيرانهم.

طبعًا مش هاكلمكم عن الضرب والتكتيف والحبس واللسع بال
وشد الشعر، وغيره من العقاب النفسي والجسدي اللي أقل ما يوصف
به إنه غير آدمي.. والي وصل مؤخرًا إلى إن أب يموت ابنه الشاب
ضربه بسير غسالة مربوط فيه مفك (الوطن - ٢٢ يوليو ٢٠١٨)..
تحرق ابنها الصغير بالمياه الساخنة (اليوم السابع - ١٣ مارس ٢٠١٨)
وغيرهم.. وغيرهم.

وقبل كل دول، الأب والأم اللي عاوزين يفصلوا أولاده
على مقاسهم.. ويخلوهم نسخ مشوهة مزيفة من أنفسهم.. يكتف
صوتهم.. ويترموهم من تلقائيتهم.. ويطفوهم ويطبخوهم ويس
أرواحهم منهم.

وبعد كل دول، الأب والأم اللي بيختاروا لابنهم مراته، ولبتتهم جود
على غير رغبتهم.. والي بيبوظوا جوازات ولادهم.. والي بييجبروا ابنت
انها تكمل في جوازة مليانة أذى وذل وإهانة.

وقصاد أي اعتراض أو رفض من جانب الابن أو البنت، يُش
الوالدين على طول في وشهم سلاح (بر الوالدين)، و«لو ماسمعا
كلامي أنا مش راضي عنك»، و«شوف هيجري لك إيه في حياتك،
اغضب عليك»، و«انت ابن عاق علشان بتقول لي لا».. فيحس الأ
بالذنب.. ويتكسروا من جواهرهم.. ويضطروا لمزيد من الانحناء
والانطفاء.. والتزيف النفسي البطيء.

وأصعب ما في ده كله.. إنه بيتم - أحيانًا بصيغة دينية، وباستخدام
نصوص دينية مقدسة، وتحت لافتة كبيرة عنوانها التربية والتقويم
ومين يقدر يستحمل غضب ربنا المرتبط بعدم رضا الوالدين؟

أنا سمعت بوداني الولد اللي يقول: «أنا مش عايز أي حاجة من
أنا غير إنه يعاملني على إني بني آدم».. والبنت اللي بتقول: «أنا لما
ف بنت مش خايفة من أبوها، ومش حاسة منه بالتهديد، أنا
أنا».

مل إيه بقى في ده كله؟
قول لهم اسمعوا الكلام؟
يا لبابا حاضر يا حبيتي.. اعتدي عليا يا بابا كمان وكمان؟
ول لما حاضر يا بني.. مش هأكون نفسي وهأكون زي ما انتي
يا ماما؟

سيهم يدفنوا أنفسهم؟
شجعهم على التشويه والوآد وسرقة الروح؟
هو ده يرضى ربنا؟ هو ربنا عاوز كده؟
الحقيقة لأ.. وألف لأ.. بل مليون لأ.

والوالدين مش معناه أبدًا إني أسمح لهم يشوهوني ويؤذوني نفسيًا
وسديًا.. ومش المقصود بيه خالص إني ألغي نفسي وأكون نسخة
من حد غيري. ومش هو إطلاقًا إني اغمض عيني عن إحساسي
وتقديري الخاص للأمور، على حسب ظروفي وواقعي.

والوالدين مايكونش بإن الأبناء والبنات يدفنوا أنفسهم، أو يكرهوا
نفسهم، أو يشوهوا رجولتهم، أو يفسدوا علاقتهم بجسمهم.

والوالدين ماينفعش يسحق وجودي.. ويسلبني إرادتي.. ويحرمني
سبي الحقيقة الفطرية.. ويعيشني طول حياتي بنفس مزيفة، كل
أسرها التأقلم مع هذا الكبت وذاك السواد.

البر الحقيقي للوالدين هو إنني أكون نفسي.. وماكونش مسخ بشر:
يمشي على الأرض بسببهم، أو بسبب غيرهم.
البر الحقيقي للوالدين هو إنني يكون ليا اختياراتي في الحياة، اللي ممكن.
جداً تكون مختلفة عن اختياراتهم في الحياة.. وده حقي.

وبالمناسبة.. النجاح الحقيقي للتربية.. هو إن أبنائي يطلعوا مختلفين.
عني.. مش نسخة مكررة باهتة مني.

البر الحقيقي للوالدين هو إنني أقول لهم (لأ) عند اللزوم.. (لأ) عند
الأذى.. (لأ) عند الظلم والتشويه والافتراء.

الوالدين بشر.. والبشر يخطئ ويصيب.. ويقوى ويضعف.. وينجح
وفشل.. ويعيدل ويعظم.

الوالدين ممكن ذكاؤهم يخونهم.. وتفكيرهم يستهويهم.. ورؤيتهم
تكون قاصرة في بعض الأحيان.

الوالدين ليهم طاقة.. وقدرة.. وحدود.

الوالدين مش آلهة.. الوالدين بني آدمين.. ويسري عليهم كل
يسري على البني آدمين.

وإذا كان أي حد يبسيء استخدام الدين زوراً وبهتاناً، علش.
يدي تصریح لنفسه أو لغيره بفرض سطوته على أبنائه وحرمانهم
آدميتهم.. فالرد والدفاع برضه موجود في الدين، بشكل لا يقبل
لبس أو خلط.

مليب.. و«ولا تقل لها أفّ ولا تنهرهما؟
مليعا.. من دون جدال.. ماحدث قال كده.. إني أقول (لا) بكل
واحترام، غير إني أقل أدبي وأتأفف وأطول لساني وأنهرهما.

أب.. «وبالوالدين إحساناً؟
جداً جداً.. بس الإحسان مش معناه الطاعة العمياء والسباح
في مياه الظلم والأذى.. بالعكس.. قمة الإحسان هي إني أكف
عن الم عن ظلمه: «انصر أخاك ظالماً أو مظلوماً، قالوا يا رسول الله
انصره ظالماً؟ قال: تحجزه عن الظلم، فذلك نصره إياه».. وأنا
«.. باكون في صفه، وباعمل لصالحه.

الأوضح والأكثر مباشرة من كل ده، هو قوله تعالى: «وإن جاهدك
أن تشرك بي ما ليس لك به علم فلا تطعهما وصاحبهما في الدنيا
فا». والتفسير مستحيل يكون قاصر على إن الدعوة للشرك معناها
في القرن الواحد وعشرين يطلب من ابنه إنه يعبد النار مثلاً..
المعنى أوسع من كده بكثير. وأرى إن أهم تفاسيره إن الأب والأم
يطلبوا من أولادهم إنهم يتعاملوا معاهم هم شخصياً، على
م الله مقدسة.. لا تخطئ ولا تذلل ولا تنسى.

فيه شرك أكثر من أب عاوز يخلي نفسه إله يأمر فيقطع.

فيه شرك أكثر من أم تتعامل مع أبنائها على إنها إلهة تعلم ما لا
أحد.

فيه شرك أكثر من أب وأم، بيتصوروا إنهم ملكوا أولادهم ومن
هم يعملوا فيهم اللي هم عاوزينه.

أنا مصدق إن ده أحد مستويات (ما ليس لك به علم) .. مش
عبادة الأوثان والأصنام والنار والحجارة.

وماننساش أبدًا إنه «لا طاعة لمخلوق في معصية الخالق» .. ومافش
معصية أكبر من تشويه النفس واستباحة حرمتها ووأدها بالحياة.

وماننساش كمان الراجل اللي راح لسيدنا عمر بن الخطاب يشتر
له من عقوق ابنه، وبعد ما سيدنا عمر سمعه وسمع ابنه قاله: «ج
إليّ تشكو عقوق ابنك، وقد عققته قبل أن يعقك، وأسأت إليه قبل
يسيء إليك».

نحطهم جوه عينا .. لكن عند التشويه .. نقول لهم (لا).
نرفعهم فوق راسنا .. لكن عند الظلم .. نوقفهم.
نشيلهم من على الأرض شيل .. لكن عند الأذى .. من حقنا نحس
أنفسنا.

تقديس البشر في البيت .. يؤدي إلى تقديس البشر في الشغل
يؤدي إلى تقديس البشر في الشارع والجامع والكنيسة، وكل مكان نر
فيه صورة (الأب) أو (الأم) .. وده مش بس بيظلمنا .. ده بيظلم
هم كمان .. لأنه بيحرمهم من إنسانيتهم وحقهم الطبيعي
والخطأ والفشل.

والتعامل معاهم ومع غيرهم على إنهم بشر، هو أول وأهم خد
في مساعدتهم على الرؤية .. ومنحهم حق المساعدة .. ووضع أقدام
الكريمة على طريق التغيير .. اللي هم أحق وأولى الناس بيه .. لأنهم غا
قاسوا في حياتهم أكثر مما قاسينا .. واناؤوا في نفوسهم أكثر مما اتأذينا
واتشوهوا أكثر ما اتشوهنا.

١. اي بقي أقول (لا)؟
٢. اي أنتصر لهم وأنصرهم بجد؟
٣. اي احمي نفسي لو لزم الأمر؟

٤. ف بعد شوية..

ما تتجوزوش .. ما تخلفوش ..

بناء على ما سبق ..
ومن قلب حجرة العلاج النفسي ..
من وسط جبال الحكايات ..
ومن على شطآن الآلام ..
عاوز أقول لك:

ما تتجوزوش ..

ما تتجوزوش لمجرد إنك خلصت تعليم وجيش واستغلت، وأن أواز
الجواز بقى .. لأنك كده بتعتبر الجواز مجرد قطعة دومينوز بتكمل بيها
اللعبة .. وهتيجي في يوم وتزهق .. وتغل .. وتحب تغير الدور .

ما تتجوزوش لمجرد إن سنك كبير، ومعظم زمائلك وأصدقائك
اتجوزوا .. الحكاية مش كمالة عدد .. الجواز علاقة إنسانية مالهش أ
دعوة بالسن .

• انتجوزش لمجرد إنك عاوز تطفّي وهيج غريزتك.. أو تلاقي
شخص لشهوتك.. إنت كده بتشتري فقط وعاء بشري أنثوي، ترمي
بعض سوائل جسمك.

• انتجوزش علشان أبوك وأمك قالوا لك اتجوز.. أو المجتمع
قال لك اتجوز.. إنت كده بتتجوز لحساب أبوك وأمك.. ولحساب
المجتمع.. مش لحساب نفسك.. والفرق هنا كبير قوي.

• والمناسبة.. مافيش حاجة اسمها تتجوز علشان تكمل نص دينك..
الله دينك (كله) هتيجي بعد الجواز كنتيجة لحسن الاختيار وحسن
الإدارة وطيب العشرة.. لكنها أبداً مش مبرر للتسرع والاندفاع..
الله بينا نتجوز.

• انتجوزش وانت عندك تحفظات أو ملاحظات على اللي
تتجوزها، وتقول: أنا هاغيرها بعد الجواز.. وتبدأ بعد كده تتأمر
عليها وتضغط أعصابها.. يا تقبلها زي ما هي بكل تفاصيلها.. يا
الله تفصل الناس على مقاسك.

• انتجوزش واحدة صغيرة وتقول إنك هتربّيها على إيديك (من
أهلك ودورانك طبعاً).. الجواز مش تبنّي.. ولا تربية.. ولا وضع
أمانة للصياغة واللف والدوران.

• انتجوزش وانت ناوي تقعد مراتك من الشغل.. وتحبسها في
بيت.. وتقطع عنها الهواء والمياه.. وتحبّيها وتداريها عن الحياة.. ده
انت مش أي شيء عن وأد البنات في الجاهلية.. ظلم وجور ودفن ما
لا يدفن.

ماتتجوزش وانت شايف ان الست أقل منك.. وأنقص منك
وأقل حكمة وحسن تصرف منك.. وانها المفروض تركع لك وتؤد
لك فروض الولاء ليل نهار.. وانك لازم تكون بالنسبة لها نصف إله
ده مش بيحب غير التسلط والافتراء وسوء المعاملة.. كثير جدًا
الستات أحكم وأحسن تصرفاً من رجالتهم.

ماتتجوزش لمجرد إنك عاوز تحب عيال قبل ما تكبر.. إنت ك
بتستأجر (رحم).. مش بتعاشر بني آدمة.

ماتتجوزش وفي مخيلتك صورة شهريار الي قاعد على ريش النع
بيتفرج على التلفزيون.. ومراته مسحولة في المطبخ والمواعين والغس
والتنضيف والعيال طول النهار.. وعاوزها آخر الليل تتحول إلى غا
محترفة، توفر له كل وسائل المتعة.. بعدها يلف وشه الناحية التا
وينام.

ماتتجوزش لمجرد إن فلانة عجبك جسمها.. وفلانة عجب
شكلها.. وفلانة تقاسيمها حلوة، وخسارة تضيع منك..

ماتبقاش عامل زي الصياد النرجسي الأناني الي بيقتنص الفريس
الي تعجبه.. وبعد ما يملكها.. يموتها.. ويدور على غيرها.

ماتتجوزش وبعدين تحس انك اتخطفت بدري.. وانك ل
ماعشتش شبابك.. وان مراتك مش كفاية.. فتفتح الإشارة الخف
لكل المعجبات والمطارِدات وبنات عائلات محترمات.. وتقول:

«أنا راجل ومن حقي أعمل الي أنا عايزه».

..أنا في مكان..

..تجوزيش..

..تجوزيش لمجرد إنك عاوزة تلبسي فستان الفرح.. بصرف النظر
..الشخص اللي هيكون واقف جنبك.. إنتي كده بتتجوزي هيكل
..أرجى.. ممكن تتفاجئي باللي جواه بعد كده.

..تجوزيش لمجرد إنك عاوزة تخرجي من بيت أهللك، وتحسي
..أنت، وتسمي نفسك.. اختاري انتي رايحة فين ومع مين الأول.

..تجوزيش لمجرد إن معظم أصحابك اتجوزوا.. وشكلك
..م إيه.. ونظراتهم ليكي عاملة ازاي.. بعد عشر سنين.. نصهم
..هيكون اتطلق (حاليًا النسبة حوالي ٤٠٪).

..تجوزيش لمجرد إن سنك كبير.. وأهلك بدأوا يقلقوا.. وقطر
..أنا اللي بيقتوت.. والمجتمع اللي بيدبح.. ماحدثش في كل دول
..أنا وانتي دمعتك على خدك كل ليلة نتيجة سوء الاختيار.

..تجوزيش وانتي متصورة إن جوزك هو المُخلَّص والمُنقذ ومُحقق
..الأم.. أحلامك انتي اللي بتصنعها.. وانتي اللي بتجري وراها..
..اللي بتحقيقها.. هو فقط رفيق في الرحلة.

..تجوزيش وانتي ناوية تتنازلي عن أي حاجة.. أو تضحي بأي
..شيء.. أو تدفعي أي ثمن.. ماتصدقيش اللي يقول لك الحياة الزوجية
..أنا، وتضحية (بترسي على الزوجة في الآخر).. الحياة الزوجية
..أنا ومسؤولية.. والفرق بين التنازل والمشاركة كبير.. وبين
..الحياة والمسؤولية أكبر.

ماتتجوزيش حد ناوي يفصلك على مقاسه .. هيطبقك ويطفيكي
ويدفنك بالحياة .. اللي قابلك زي ما انتي أهلاً وسهلاً .. اللي عاه
مواصفات تانية .. يدور عليها في حد غيرك.

وفي نفس الوقت .. ماتتجوزيش واحد فيه حاجات مش عاجبا
وتقولي: هاغيره بعد الجواز ..

إحنا مش بنتجوز علشان نغير بعض .. مش بنتجوز علشان نعال
بعض .. مش بنتجوز علشان نربي بعض .

ماتتجوزيش واحد تدوري فيه على (أب) .. ده أكبر ظلم بتظلم
لنفسك ولجوزك .. إنتي كده هتحمليه فوق طاقته .. وهتطلبي منه حاجا
مش بتاعته .. وهتلبسيه دور مش دوره .. ولما مايقدرش يلعب الدور ده
هتطلعي عينه وعين اللي خلفوه .

وطبعاً ماتتجوزيش حد بيدور على (أم) تتبناه، مش (زوجة) تعيل
معه .. اللي عاوز خدامة يدور على خدامة .. اللي عاوز مربية يدور على
مربية .. اللي عاوز شريكة حياة أهلاً وسهلاً .

وبالمناسبة .. أقل من (شريكة حياة) ماينفعش .. شريكة في القرارات
شريكة في المسؤوليات .. شريكة (مش قائمة بمفردك) بأعمال البيت
شريكة (مش قائمة بمفردك) بتربية الأطفال .. شراكة تامة .. ندية معاً
(دي أكثر كلمة بيعترض عليها بعض الذكور .. بيعسوا إن فيها تهمة
لوجودهم كأنصاف آلهة لا تقبل الندية) .. تكافؤ ومساواة لأقصى درجة

لأقصى درجة ..

المتجوزين واللي عاوزين يتجوزوا..

از علاقة إنسانية بين اتنين قرروا يحيا (مش بس يعيشوا) مع
بكبروا مع بعض.. يفرحوا مع بعض.. يتألموا مع بعض.

از قرار محتاج وعي.. ومحتاج مسؤولية.. مش شروة وببعة..
بعض بعد ما يتقفل علينا الباب.

وا وقت ما تحسوا إن ده الوقت المناسب.. بصرف النظر عن
العمر والرقم.

زوا وقت ما تلاقوا الشخص المناسب.. المناسباسب..
اسب.

زوا وانتوا ويين تحترموا بعض.. وتساعدوا بعض.. وتسمحوا
بالحياة.. مش بالموت.

زوا وانتوا قابلين احتمالات الطلاق.. علشان تتحرروا من
لبعض.. والذل لبعض.. وتحمل الإساءة والمهانة خوفاً من
الوحدة.

كده..

جوزوش.

نان.. ماتخلفوش.

ما تخلفوش لو مش بتعرفوا تعبّروا عن مشاعركم.. هتطلّعوا أهدأ
قاسيين، جاقين، جامدي القلوب.

ما تخلفوش لو مش بتعرفوا تحضنوا.. لو شايفين إن حضن الأ
لبنته عيب.. أو حرام.. أو حاجة تكسف.. لأنها هتفضل طول ع
تدور على الحضن ده عند أي راجل.

ما تخلفوش لو شايفين إن أولادكم هيكرونا ملككم.. أو امس
ليكم.. أو مشاريع لحياتكم.. إنتو كده بتدفتوهم بالحياة.

ما تخلفوش لو مش بتعرفوا تتحكموا في أعصابكم وانفعالا
وردود أفعالكم.. هتخلوا نفوس أولادكم هشة ضعيفة، قابلة لل
في أي لحظة.

ما تخلفوش لمجرد رغبتكم الأنانية انكم يكون عندكم عيال
باقي الناس، وبعدين نبقي نشوف هنعمل فيهم إيه.. هيكرونا نفس
واليوم الي اتولدوا فيه.

ما تخلفوش لمجرد إن النتيجة الطبيعية للجواز والجنس هي انا
وربنا يسهل بعد كده.. هتخذلوا أولادكم.. وهيخذلوكم.

ما تخلفوش وانتو مليونين كلاكيع وعقد نفسية دون حل ولا علا
هتدفعوا أولادكم تمنها من حياتهم وعمرهم.

ما تخلفوش لو مش بتقبلوا الضعف.. لو مش بتعذروا التقصير.
لو مش بتقدروا المنحة الي ورا الفشل.. لو مش بتساعوا على الخطأ

.. ان افوش لو لسانكم طويل .. وإيديكم طويلة .. وعقلكم صغير ..
.. ان افوشكم ..

.. ان افوش علشان تحبوا أطفال تلعبوا بيهم .. أو بهدف إنهم
.. ان افوشكم .. أو يسندوكم لما تكبروا .. دي نتايج مش أسباب للخلفة ..
.. ان افوش فوق طاقتهم من قبل حتى ما يتولدوا ..

.. ان افوش لو كان قرار جوازكم خاضع لضغوط عائلية، أو مدفوع
.. ان افوشكم .. أو محموم برغبات تبحث عن أي منفذ للشبع ..

.. ان افوش وتسافروا وتسيبوا عيالكم في إيدن غير إيديكم ..

.. ان افوش وتوصلوا لى خلفتوهم إن وجودهم مرفوض ..

.. ان افوش من كل دول ..

.. ان افوش .. وبعد كده تدفعوا أولادكم تمن اختياركم تكملوا في
.. ان افوش فاشلة .. وتقولوا علشان خاطر العيال ..

.. ان افوشكم وبعدن خلفوا ..

.. ان افوشكم وبعدن خلفوا ..

.. ان افوشكم وبعدن خلفوا ..

لأ... بطعم الفلامنكو

في أواخر القرن الخامس عشر.. وصل الجيبسيز Gypsies (الغجر) إلى مشارف أيبيريا.. على حدود إسبانيا.. بعد تنقلهم وهجرتهم من دول كثيرة.. منها الهند، وإيران، ومصر القديمة.

عاش الجيبسيز على أطراف البلاد، وكان دايمًا يواصل لهم من الحواريهم إنهم غرباء معزولين ومنبوذين من المجتمع.

قرر (الجيبسيز) إنهم يوصلوا رسالة قوية ومسموعة لكل الناس فقاموا بتصميم رقصة تكون الحركة الأساسية فيها هي الضرب على الأرض بالقدم بشكل إيقاعي متتابع وباهر.

الرقصة اشتهرت، وانتشرت.. وذاع صيتها في كل أوروبا ابتداءً من القرن الثامن عشر.. لتصبح الفلامنكو في القرن العشرين هي الرقصة الرسمية لدولة إسبانيا.

ضربات الفلامنكو تبدأ من عضلات الحوض والفخذ.. إلّا بالتنقبض ثم تنبسط بشكل قوى وسريع ومفاجئ، لغاية ما تنتهي بنزلة الساق والقدم على الأرض بكل قوتها.

.. و ما منطقة الخوض في جسم الإنسان هي منبع الحياة.. وموضع
.. والولادة.. ومكان صرخة الإعلان الأول عن الوجود..
.. (منطقة الخوض) منبع رقصة الفلامنكو.. التي تقول بصوت
«لا».. وتصرخ على الأرض: «أنا موجود».

اصسو الفلامنكو يضرّبوا الأرض بأقدامهم بالضبط زي الأطفال
.. وهم يبدبوا عليها برجليهم ويقولوا: «لا».. إحنا هنا..
.. جودين.. شوفونا.. اسمعونا.. احترمونا.



اللمة (لا) من أوائل الكلمات التي ينطقها الأطفال.. وأحيانًا تكون
.. كلمة ينطقوها (ابتداء من سن ١٠ إلى ١٢ شهر) .. كلمة قصيرة
.. ومكونة من حرفين فقط.. لكنها بالنسبة ليهم، ليها وظائف
.. كثيرة.

.. في الطفل يحاول يتعلم الحبو أو الوقوف أو المشي.. تحاول
.. يبعد إيدك ويقول لك (لا) .. يبجي يجرب يلبس لوحده..
.. عليه علشان تساعده.. يبص لك بصة نارية.. ويقول لك (لا)..
.. تسأل الطفل اسمك إيه؟ يقول لك (لا).

اللمة (لا) بتساعد الطفل في رسم حدوده النفسية والجسدية..
.. بالاستقلالية.. وتؤكد له قدرته على الاعتماد على نفسه..
.. يكبر وينمو بشكل صحي وسليم.

.. إحنا بنعرف نكتم (لا) دي عند أطفالنا بمجرد ما ينطقوها..
.. (لا) .. كلمة (لا) عيب.. اسمع الكلام.. ماتناقشنش..
.. جدال.. هي كده.. وده لأن (لا) بتحسنا أحيانًا بالخوف
.. والتهديد من فقد تحكمنا.. ونزع سيطرتنا على هذه الكائنات
.. الوليدة.

.. الأطفال بتعافرو.. وتقاوم.. وتصارع بكل ما تملك من قوة..
.. كلمة «لا».. تمثل احتياج طبيعي فطري عند أي بني آدم.

إحنا بنحتاج «لأ» واحنا صغيرين علشان نوسع لنا طريق نكبر في
وسط سيقان البشر الضخمة..

وبنحتاج «لأ» واحنا كبار علشان نحافظ بيها على نفسنا.. وحدودنا.
وكمان حقوقنا.

كلمة (لأ) أداة من أدوات الحياة..

وأصل من أصول الإنسانية.

كلمة (لأ) بتؤكد حقك في الوجود..

وحقك في الدفاع عنه.

كلمة (لأ)..

هي ضربة أقدامنا على مسرح الحياة..

وهي رفصتنا المبدعة بين فصولها المكررة.

أنا اتكلمت كتير قبل كده عن العلاقات المؤذية.. والعلاقات الخطرة
ووصفت التشويه اللي ممكن يصيبنا أثناء التربية.. والضرر اللي ممكن
يقع علينا في علاقة حب.. أو علاقة صداقة.. أو علاقة زواج.. وطه
الوقت بأكد على حقنا في إننا نقول: «لأ».. ونحمي حدودنا.. ونوقظ
الأذى.. وندفع الضرر.

اللي هنعمله دلوقت بقي، هو إننا نعرف إمتى نقول «لأ».. وإزا
نقول «لأ».. ولين نقول «لأ».

اللي بيحصل أحياناً إننا لما بنبدأ نقول «لأ».. بنقولها بشكل غش
شويتين.. بنقولها بخبط ورزع وتكسير.. بنقولها بدون حسابات أو
موازن.. بنقولها بشكل فيه (استغناء) مش (استقلال).

ممكن ده يبقى مفهوم في الأول.. لأنك بتبقى زي المخنوق اللي
صدق لقي شوية هوا.. أو زي اللي اكتشف فجأة إنه كان عايش
قمقم ولقي طريق للخروج.. أو اللي زهق من كتر الصمت والتحدا
وقرر يصرخ بصوت عالي.. فيروح من أقصى اليسار لأقصى اليمين..
واحدة. بس بعد شوية.. إحنا بنبقى محتاجين ناخذ نفسنا.. ونه
تقييم الأمور.. والنظر ليها بشكل مختلف.

منتهدى ونتروى.. ونستقر عند نقطة مناسبة ومحسوبة.. على الخط
الذي الطويل بين الصمت التام.. وال«لا» المدوية.. وطبعاً يساعد
ال«لا» جداً إن الطرف الثاني يكون بدأ يسمع.. ويراجع.. ويسعى نحو

هنا.. وعلشان نتعلم إزاي نقول «لا».. من غير ما نوذي نفسنا..
في غيرنا (بقدر الإمكان).. مهم نعرف إن فيه نوعين أساسيين من
.. ونوعين استثنائيين هاقولهم في الآخر.

أ. «لا» فيه «لا» زي «ترفيص» الأطفال.. «لا» عمال على بطل..
على كل حاجة وأي حاجة.
«لا» بتاعة العند.. والقمص.. والغبن.
«لا» من أجل «لا».

ب. عده من «لا» يهدم العلاقات مش بينيها.. يفسدها مش
لها.. ويخسرنا مش بيكسبنا.

ج. فيها لما تلاقي نفسك بطلت تسمع الطرف الثاني.. سواء كان
أمك أو أمك أو شريك حياتك.. وعاوزة هو اللي يسمعك وبس..
شريك يتحجر ودماغك تقفل على اللي انت مقتنع بيه فقط.. لما
فش اللي قدامك وتبقى مش شايف غير نفسك.. لما غضبك
حكمتك.. لما تقعد تلوم اللي قدامك وتحسسه بالذنب والتقصير،
ما تشوف دورك ومسؤوليتك في الوضع اللي وصلت له.

د. دي بتضيع الحقوق.. وتزود المسافات.. وتعمق الشروخ.

وفيه بقى «لأ» تانية خالص..

«لأ» الي تكبرك.. وفي نفس الوقت توصل رسالة إيجابية لـ
قدامك.. «لأ» الي بتشوف فيها نفسك وغيرك في نفس الوقت.. والي
بتسمع فيها صوته زي ما بتسمع صوتك.. وبتقدر ظروفه زي ما بتقدر
ظروفك.

«لأ» الي تبني.. وتصلح.. وتكسب.

«لأ» الي تحبب الحقوق.. وتقرب المسافات.. وتجبر الكسور.

«لأ» الي تغلب فيها الحكمة على الغضب.

يعني يا دكتور لما يوصلني من أبويا أو أمي رسائل سلبية ماقولش
«لأ» علشان مايقاش «ترفيص»؟

مين قال كده؟

تقول «لأ» طبعًا..

بس قبل ما تقولها، إنت محتاج تعمل شوية حاجات مهمة:

أولاً.. إنك تشوفهم على إنهم بني آدمين.. بشر.. بيغلطوا..
ويقصروا.. ويفشلوا.. زيهم زي أي بشر..

ثانياً.. هم مش بس بني آدمين.. هم كمان أمك وأبوك.. الي ليهم
عليك حق الاحترام والتقدير والعرفان..

ثالثاً.. وده مهم جداً.. تحاول تحط نفسك مكانهم ولو لمدة
دقايق.. مكانهم يعني بنفس ظروفهم وإمكانياتهم.. بنفس صعوباتهم
ومشكلاتهم.. بنفس درجة ذكائهم وتفكيرهم وقدراتهم.. وبعدين
ترجع مكانك تاني.. وتبص عليهم من جديد.

رابعاً.. تعرف وتأكد إن الي عملوه معاك.. حتى لو كان غلط..
فهو ده كل الي عرفوه.. والي اتعلموه.. والي شافوه بيتعمل معاهم..
وانهم عملوه عن جهل وسوء تقدير وليس عند قصد وسوء نية.. إلا
في حالات مرضية نادرة.

...سأ وأخيراً.. خلي في اعتبارك إنهم ماجاتلهومش الفرصة الي
الك... إنت قاعد دلوقت بتقرا وبتكتشف وبتزود وعيك.. بتحضر
ات وتشوف فيديوهات وتسمع خبرات.. العالم مفتوح عليك
مفتوح عليه، من خلال نافذة صغيرة في متناول أناملك.. وهم
عندهم كل ده.

«لا» الي هتقولها بعد ما تعمل الخمس حاجات دول، هتكون مختلفة
عن «لا» الي هتقولها قبل ما تعملهم.

حنون «لا» رحيمة.. حكيمة.. فيها تواصل.. مش «لا» قاسية..
... فيها قطع للتواصل.

حنون «لا» طيبة.. حنون.. فيها ود وعبة.. مش «لا» لائمة..
... متقدمة.

حنون عاملة زي المراية الي هتفردها قدام الطرف الثاني علشان
... فيها نفسه.. وتأثيره عليك..

... عليه يراجع.. ويكتشف.. ويمكن يتغير.. ويمكن يطلب
...

... ده ماحصلش من أول «لا».. هيجصل من ثاني «لا».. أو
«لا».

«لا» دي معاها صبر وتروي.

«لا» الثانية معاها استعجال وتسرع.

اب.. ولما حبيبي أو خطيبي أو جوزي يوصل لي هو كمان رسائل
أعمل نفس الخمس حاجات؟

... بلعاً.

أشوف إنه بشر ممكن يغلط زي أي بشر.. وإنه شريك حياتي أنا اخترته.. وأحط نفسي مكانه شوية وأتوقع هو ممكن يكون شاء الأمور من ناحيته إزاي.. وأعرف إن اللي عمله ده هو اللي اتربى على ووصل له من أهله وناسه ومجتمعه.. وإنه يمكن ماجاتلهوش نفس الفرصة اللي جاتلي في العلم والمعرفة والوعي.. ومع كل دول.. أقول له: «لأ» اللي تكبرني.. وتوصل له رسالة إيجابية.. تخليه يوقف أذاه لما وتساعده هو كمان إنه يتغير.

ولكن..

خلي بالك.. كل شيء له حدود.

فيه حد معين من الأذى والضرر نقدر نستحملة، ونصبر عليه ونحاول فيه.. حفاظًا على العلاقة.. وتجنبًا للخسائر.. بس لما الأم توصل لسلامتك النفسية والجسدية.. يبقى فيه كلام ثاني.

يعني لما جوزي يختلف معايا في الرأي.. أقول له: لأ.. أنا مش موافق على ده.. لما يطلب مني حاجة وأنا مش عاوزاها أو مش حاباها.. أقول له: لأ.. ده مش مناسب ليا.. لما يحاول يحملني فوق طاقتي.. أقول له: لأ.. أنا مش مستعدة لده.. وأصبر وأجرب مرة واثنين وثلاثة.

لكن لما ده كله ما يجييش نتيجة.. وألاقيه بيحاول يلغي وجودي ويهضم حقي، أو يتناول عليا بالكلام أو بالفعل.. أو يفرض عليا حاجة غصه عني ورغما عن إرادتي.. ساعتها «لأ» هتكون محتاجة تاخذ صور تاذ.

لما أبويا وأمي يكون عندهم وجهة نظر غيري.. أقول لهم بكل أدب: بعد إذنكم.. أنا مش شايف كده.. لما يشكوا فيا أو يكذبوني.. أقول لهم بكل احترام: حضراتكم غلطانين.. لما يأمروني بحاجات صعبة، يتحكموا فيا بشكل مجحف.. أقول لهم بكل ذوق: من فضلكم... مش مناسب ليا.. وأنا مش هاعمله.

أنا يمينوني أو يضربوني أو يحبسوني.. لما يستبيحوا جسمي وروحي.. لما يضغطوا عليا علشان أدخل كلية غير الي أنا .. أو أشتغل شغلانة أنا مش حاببها.. أو أوافق على عريس أنا ممتعة بيه.. أو أكمل في جوازة أنا باخسر فيها حته من نفسي كل في ساعته برضه «لا» محتاجة تاخذ صور ثانية.

صور الثانية دي تتراوح بين إني أطلب تدخل طرف ثالث موثوق لخدمة الأمور من الخارج والحكم فيها بشكل حكيم وعادل.. إلى ألجأ للقانون علشان أحمي نفسي.. وارفع عنها الأذى.. أو إني ألاقه وأبعد بشكل مؤقت لغاية ما الطرف الثاني يفوق ويتعالم.. أو إني أقطعها تماماً وأبعد بشكل دائم.. لو الطرف الثاني أصر.. ورفض الرؤية.. ورفض المساعدة.. ورفض التغيير.

في فيه نوعين من «لا».. «لا» الي تصغري.. و«لا» الي تكبري.. «لا» الي توصل رسالة سلبية.. و«لا» الي توصل رسالة إيجابية.. «لا» قطع.. و«لا» الي توصل.

نوع ثالث بنستخدمه عند اللزوم.. اسمه «لا» الحادة.. الي هدفها إيقاف الأذى فوراً، ومنع الاستغلال حالاً.. وده اللى أنت الي مش هينفع فيها الصبر أو الانتظار ثانية واحدة كمان.. إني فيها (يودونت هاف توبي سونايس) خالص.

«لا» رابعة وأخيرة.. هي «لا» الي مهم تقولها لنفسك أحياناً.. إني تخرج بيها من (الكومفورت زون) بتاعتك، وتنطلق للحياة.. إني تخليك تراجع نفسك وتعيد اختياراتك.. «لا» الي توقفك انت نفسك عن أذى نفسك أو أذى الآخرين.. والنوع ده من «لا» محتاج شجاعة وصدق مع النفس.

إني يكون فيه أنواع ثانية من «لا» أنا لسه ما عرفهاش.

إذَا..

«لأ».. احتياج عام عند كل البشر.

المبدعين قالوا: «لأ» لكل ما هو تقليدي ومألوف.

المكتشفين والمخترعين قالوا: «لأ» للأنماط المعتادة المتكررة.

الأنبياء قالوا: «لأ» لظلم الإنسان لنفسه ولغيره.

وانت..

آخر مرة قلت «لأ» إمتى؟ وقلتها لمن؟ وقلتها إزاي؟

كانت «لأ» الي بتبني، واللا «لأ» الي بتهدم؟

كانت «لأ» الي بتجرح، واللا «لأ» الي بتداوي؟

«لأ» الي فيها وصل.. واللا «لأ» الي فيها قطع؟

«لأ» علشان تستقل.. واللا «لأ» علشان تستغني؟

واللا كنت مضطر تقول «لأ» الحادة الحاسمة؟

طيب آخر مرة قلت «لأ» لنفسك كانت إمتى؟

خذ وقتك.. وفكر براحتك.

بس قبل ما تجاوب..

اقرا الفصل الجاي..

علشان تعرف كويس الفرق بين (الاستقلال) و(الاستغناء).

بين (الوصل) و(الفصل)..

بين (الجبر) و(الكسر)..

١٠. ما تعرف..

١١. على الأرض بكل هدوء..

١٢. ارفع رجلك من عليها بكل ثقة..

١٣. لنا بكل ما تملك من قوة..

١٤. سربات إيقاعية متتابعة..

١٥. انسع من جواك..

١٦. الصوت المبهر..

١٧. (لا)..

١٨. الفلامنكو..

الاستقلال.. والاستغناء

فيه فرق كبير جدًا بين إني أكون مستقل.. وإني أكون مستغني.

مهم إنك تكون مستقل.. حاسس بوجودك، وبقيمتك، وبكياك. بس ده مش معناه إن وجودك يبقى زي الزرعة الشيطاني، اللي تلاقيها في صحراء جرداء لا زرع فيها ولا ماء.. مش معناه إنك تستغني وجود الآخرين في حياتك.

مهم إنك تحط لنفسك حدود.. وتحمي حدودك ضد أي أذى نفسي أو معنوي أو عاطفي (أو بدني طبعًا).. لكن ده يختلف تمامًا عن إن تعيش لوحده في جزيرة منعزلة منفصلة تمامًا عما حولها.

أنا باشجع الاستقلال النفسي والمادي والمعنوي.. لكنني أرفض تمامًا الاستغناء والإلغاء.. إلا في حالات نادرة جدًا.

الاستقلال هو إنك تحس بنفسك وبأهميتك وبنجاحك في شغلك وفي
... لكن الاستغناء هو إن ده يخليك تنسى إنك متجوز ومسؤول
... فبتك بمراتك، فتبعد عنها، وماتهتمش بيها، وبعد شوية تخونها.

الاستقلال هو إنه من حقك يكون ليك رأي مختلف عن رأي والدك
والدتك.. وإنك تصر على رأيك.. وتنفذه لو حبيت.. لكن الاستغناء
إنك تعتبر وجودهم زي عدمه.. وتلغيهم من حساباتك إلى الأبد.

الاستقلال هو إنك تشتغلي، وتقبضي، وتصرفي على نفسك، ويبقى
ميزانية منفصلة بيكي، ودواير خاصة في علاقاتك.. إنها الاستغناء
إنك تبدأ أي تحتقري جوزك، وتستصغريه، وتقللي من شأنه.. لغاية
... فتكم تفتري.. وتموت.

... احتياجات نفسية جوانا نحو الآخرين.. احتياجات من الناس..
... من الأب والأم.. احتياجات من الزوج والزوجة، والأصحاب
... ان وزملاء العمل.. فيه حتى احتياجات من المجتمع.. ماينفعش
... احتياجاتنا من اللي حوالينا ونعيش في فقاعة ملساء مغلقة.. لأن
... دي هتقرب وهتطلع وهتدور على أي طريقة تعبر عن نفسها
... ولو حتى سرقة.

أبوه..

الاستغني يبحث بشكل واعى أو غير واعى عن بديل يسرق منه ما
... من احتياجاته، ويقوم (بتلبيسه) الدور المفقود في حياته.

اللي بتستغني عن أبوها.. بتفضل تدور على أب.. في حضن أي

واللي بيستغني عن مراته.. بيعيش تحت رحمة نظرة واحدة، ولو ،
طفلة صغيرة.

واللي بيستغني عن البشر وعن الناس.. بيستبدلهم - أحيانًا - بالقطا
والكلاب والعصافير.

الاستغناء هو إلغاء تام لوجود الآخر.
إنها الاستقلال لا ينفي وجود الآخر.

الاستغناء عن حد مهم في حياتك، معناه إنك فقدت فيه الأمل
إنك رميت طوبته.. إنك أطلقت عليه الرصاصة الأخيرة القاتلة.
أما الاستقلال عنه، فمعناه إنه ما زال موجود.. فيه شد وجذب،
فيه احتمال.. فيه أمل.. فيه محاولات دؤوبة رغم كل الصعوبات.

الاستغناء.. هو حكم بالنفي.. والعزل.. والتخلي.
إنها الاستقلال هو الإبقاء على الآخر.. حتى لو كانت هناك خصم.
(لبعض الوقت).

الاستغناء مافيهوش علاقة..
لكن الاستقلال هو إحدى صور العلاقة.

ينفع تستقل عن أبوك وأمك.. لكن ماينفعش تستغني عنهم
ماينفعش تفقد فيهم الأمل.. مهما كان موقفك منهم.

ينفع طبعاً تستقل عن جوزك.. لكن في اللحظة اللي هتحيي في
أنك مستغنية عنه.. يبقى تطلق أحسن.. بدل ما تظلميه وتظلم.
نفسك وأولادك معاه، بممارسة هذا الاستغناء بشكل يومي مؤلم
الأطراف.

انفع تستقل عن الناس .. لكن ماينفعش تستغني عن وجودناس في
الك .. عن النظر في عيونهم .. عن مبادلتهم بعض الكلام والحديث ..
المزار والنكت والحب والكره والغضب والشكر والامتنان.

الاستغناء هو الاختيار الأخير .. والأخير فقط .. عندما تفشل كل
الاول والمحاولات.

فيه شعرة رفيعة جدًا بين الاستقلال والاستغناء ..

لكنها حادة كالسيف ..

احذر ها جيدًا ..

لأنها ..

تخرج .. من الناحيتين.

ده أنا.. وأنا مش عار

عن فيلم:

The Greatest Showman

- ١ -

(فينياس) كان طفل صغير مليان طموح.. ومليان تلقائيات
وتلقائياته خلته يتجراً في يوم من الأيام، ويهزر مع بنت أحد كبار
المدينة، بالرغم من إن والده كان بيشتغل خياط (ترزى).. الراجل
وكشر وانتفخت أوداجه.. وضرب الطفل فجأة بالقلم على وشه
رسالة نفسية كلها إهانة واحتقار.

(فينياس) ماتخلاش عن أحلامه وطموحاته.. وعمل كل اللي
عليه علشان يتجوز حبيبته (بنت هذا الرجل).. وينجب منها طفلاً
زي الملائكة.. ويعيشوا كلهم في بيت صغير على قد الحال.. في
تحقيق الحلم القديم.

(فينايس) اشتغل شغلانات كثير.. ودخل مشاريع أكثر.. وكلها بالفشل.. لغاية ما جات له الفكرة السحرية بإلهام من إحدى

(فينايس) قرر يجمع كل حد مختلف.. كل حد فيه حاجة خاصة.. حتى ولو كانت عاهة.. وكوّن مجموعة صغيرة متفردة: قزم يهوى لعب دور الجنرال المحارب.. بنت صوتها جميل بس عندها كثيف في وشها.. أخ وأخته بيجيدوا ألعاب القفز في الهواء.. راجل زيادة جدًا.. واحد تاني طويل قوي.. وثالث جسمه مليون وشوم، هم.. وعمل (فينايس) بالمجموعة دي أول متحف حي في تاريخه.. وبعد شوية ساه (Circus) (السيرك).

بحث فكرته.. والناس بقّت بتيجي من كل حته للسيرك، علشان ج على غرائب وعجائب البشر، ويشوفوا استعراضاتهم الي مليانة وإبداع.

بس (فينايس) ماشبعش.. ماشبعش من الشهرة والفلوس.. مش من البيت الجديد والغرف الواسعة.. ماشبعش من النجاح.. من تحقيق الأحلام.. وقرر يبدأ فصل جديد من الوصول، مع الأوبرا ذات الصوت الساحر (جيني ليند).. وسافر وبعد عن ك وعن أفرادها الي جمعهم وحبوه واتعلقوا بيه..

(ليند) خلته يلف بلاد كثير، بنجاحات أكثر، وجابت له العالم.. على تعبها.. تحت رجله.. لغاية ما نسي نفسه.. ونسي بيته.. وبناته.. يركه.. وعند اللحظة الي (جيني) حاولت تقرب منه فيها أكثر.. ر كل الي نسيهم.. بس بعد فوات الأوان.

(جيني) استقالت من الشغل معاه لأنها اكتشفت إنه مش بيعجبها
وإنها كانت بالنسبة ليه مجرد لعبة باهرة زي ألعاب السيرك الخادعة
ومراته سابته لأنها كمان حسست إنه مش بيعجبها، وإنه مش ناوي يبدأ
يثبت لنفسه ولأبوها إنه أحسن منه.. والسيرك كمان اتحرق واتحطم..
أهل البلد اللي نبذوا أفراداه علشان مختلفين عنهم.

(فينياس) خسر كل حاجة.. حتى نفسه.

وهنا.. ورغم إن فينياس اتخلي عن فريق السيرك.. لكن الفرية
ما تخلّاش عنه.. ورجع له.. ووقف جنبه.. علشان يفوّقه.. ويص
مساره.. ويرجّعه لنفسه ولبيته وبناته وسيركه من جديد.. بعد ما أ
ترتيب أولوياته في الحياة.. في نهاية جميلة تليق بهذه القصة الحقيقية

-٢-

This is me

من طفولته.. (فينياس) كان بتوصل له رسائل مستمرة تزرع
إحساس قوي (بالعار).. من أول الفرق الواضح في مستوى
الاجتماعي.. ووظيفة والده البسيطة.. لغاية قلم السيد (هوليت)
وشه اللي أكد له الإحساس ده.. وخلاه جزء لا يتجزأ من تكوينه

الضرب على الوجه هو أحد أبشع أشكال الإهانة.. فالوجه
التفرد والاختلاف.. هو علامة الحضور والوجود.. وإهانته هي
لكل ذلك.. ممكن الطفل ينسى كل أنواع وألوان الأذى النفس
اتعرض له وهو صغير.. إلا الضرب على الوجه.. بيسبب جرح
غائر.. يصعب جداً -وقد يستحيل- التئامه.

(أفنياس) بقرار جزء منه واعى، وجزء أكبر غير واعى، جمع الناس إليه.. الناس الي من بره يبيدوا مختلفين.. لكنهم من جواهرهم ارعوا إحساس داخلي عميق بـ(الخزي) و(العار)، لدرجة إنهم كان عايش حياته هربان من عيون الناس.. الي مليانة سخرية مائة.

اننا نخبين نفسهم.. نخبين حقيقتهم.. أو نخبين أجزاء منها.

إيه؟

أنت قلت إيه؟

نخبين أجزاء من نفسهم؟

إيه؟

إحساس داخلي بالعار؟

ده الكلام ده شبيهي..

ده فكرني بنفسى..

فكرني باللي مخبيه من نفسى..

فكرني بلحظات السكوت.. والنظر في الأرض..

بإحساسى بالإحراج.. وأحياناً الخزي.. ويمكن العار في بعض ألقف.. أو مع بعض الناس..

فكرني باللي اترفض فيا من الي حواليا.. زمان أو دلوقت..

بالتردد في إني أكون نفسى.. وإني أبقي على حقيقتي..

بالخوف من الحكم أو الشرط أو الرفض..

بالرعب من الإهانة أو السخرية أو العقاب..

أو ربها.. الفراق.

المجموعة الي جمعتها (فنياس) كان فيهم اختلافات جسيانية ، باقي الناس .. علشان كده كانوا منبوذين ومُستهجنين .. المشكلة بقى الي بيكون عنده اختلافات نفسية عن الي حواليه .. ومش المقصود هنا إنه مريض نفسي .. لأ .. ده إنسان عادي جدًّا .. بس مختلف .. واه بيقول (لأ) في مكان معظم الناس فيه بتقول (آه) .. طفل بيرفض تشم فطرته .. بنت بتعترض على القهر والتحكم والسيطرة .. فنسمي الأول متمرّد .. والثاني عنيد .. والثالثة ناشز .. ونزرع فيهم كلهم الإحساء (بالعار) .. لغاية ما يصدقوا .. ويحسوا بيه فعلاً .. خوفاً من غير الاختلاف .. وسط ناس لا تقبل .. أو بالأحرى .. لا تعترف أصلاً بأي اختلاف .

- ٣ -

عالم النفس الكبير (إريك إريكسون) يقسم حياة الإنسان إلى ثمانية مراحل .. كل مرحلة منهم بيكون فيها صراع داخلي مختلف .. وبيكون مطلوب بشكل أو بآخر حل هذا الصراع .. والوصول إلى حل نفسي معين .. وقيمة حياتية مهمة .. ثم الانتقال إلى المرحلة الي بعدها

المرحلة الأولى عنوانها Trust Vs. Mistrust (الثقة في مقابل عدم الثقة) وبتبدأ منذ الولادة لغاية سنة ونصف من العمر .. في المرحلة دي، الطمانينة بيختبر العالم (من خلال أمه) .. وبيكوّن عن الحياة فكرة مبدئية أساسية .. احتمال يكمل بيها عمره كله .

بيكون مطلوب من الأم في المرحلة دي (مرحلة الرضاعة)، إن توصل للطفل رسالة نفسية بسيطة جدًّا، بس هتفرق معاه طول حياته الرسالة دي مفادها (أنا متاحة وقت ما تحتاجني) ..

يعني لما الطفل يكون محتاج يرضع مثلاً.. يلاقي أمه متاحة (معظم الوقت مش لازم طول الوقت).. لما يكون محتاج حضنها يلاقيه.. لما يكون محتاج ينام بين أيديها.. تعمل ده.. لما يكون محتاج إنها تحس بيه وبألمه أو برحته أو غضبه.. يلاقها حاسة بيه ومتفاعلة معاه.. لوده وصل.. هتبقى رسالة طمأنينة من كل العالم (تمثل في شخص الأم)، للطفل ده بتقول (العالم مكان آمن.. تقدر تثق في الناس بدرجة جيدة.. تقدر تعتمد على أهللك وأصحابك وحبايك.. تقدر تحس بالأمان.. تقدر تتفاعل.. لاك لما محتاج.. هتلاقي). إنها لو كانت الأم مهملة.. مشغولة عن ابنها.. غير مهتمة.. غير متاحة.. أو قاسية.. مؤذية.. مضطربة.. فده بدل الرسالة العكسية عن العالم والناس تماماً.. والي تقول للطفل (المش مكان آمن.. ماتثقش في حد.. دي أمك نفسها ماكانتش قد ماينفعش تعتمد على حد.. كلهم هيفخونوك.. إوعى تطمن.. إوعى تحس بالأمان.. الدنيا سواد وظلم وتشاوم).

المرحلة الثانية -ودي الي تمهنا هنا- بتكون ما بين سنة ونص إلى ثلاث من عمرنا.. عنوانها (Autonomy Vs Shame) (الاستقلالية مقابل الشعور بالعار).. في المرحلة دي.. بيحاول الطفل إنه يثبت نفسه.. يعتمد على نفسه.. يقول (لا).. يستقل بذاته.. تلاقيه لما حد يحاول يساعده في حاجة، يقول له: لا.. سييني.. أنا هاعملها.. لو حد يسنده وهو بيقع على الأرض، يبعد إيداه ويقف لوحده.. بيدأ يفك الحذاءات ويركبها.. يلبس نفسه الهدوم ويقلعها.. وهكذا.

في المرحلة دي كمان بيتعلم الطفل التحكم في جسمه وأعضائه.. اللي منها (عضلات الإخراج.. التبول والتبرز).. وتعامل الأمهات مع أطفالهم في التوقيت ده.. بيكون مهم ومؤثر للغاية.. إما بيساعدهم على الإحساس بالاستقلالية والثقة والقدرة على التحكم الذاتي.. وإما على الإحساس بالتردد والحزني والعار..

يعني لو كان الأب والأم متساعحين.. وصبورين.. وساعحين لأولادهم
بمساحة من التجربة والخطأ (في الإخراج وغيره).. فده هيربي في الأ
شعور بالتلقائية، والقوة.. والاعتماد على النفس.. أما لو كانوا واه
لأولادهم على الواحدة.. وبيشككوهم في أنفسهم.. ومش بيسامحوهم
أخطائهم.. وأحياناً يعايروهم على المرات اللي ماقدروش يمسكوا ن
فيها.. وأحياناً أخرى يهددوهم باللسع والقرص والضرب والحبس..
هيزرع في الأولاد الشك.. والتردد.. والخوف.. والاعتمادية.. ويخليهم هم
مايسامحوش أنفسهم.. ولا يفارقهم الإحساس بالدونية.. والخزي.. وال

أنا شفت بنات وأولاد وصل لهم من اللي حواليلهم إن وجو
خزي.. وإن كيانهم عار (صوتهم عار.. أو جسمهم عار.. أو أفو
عار.. أو طبييتهم عار.. أو تلقائيتهم عار).. وإنهم مضطرين للآ
يوميًا عن مجرد وجودهم في هذه الحياة.

- ٤ -

الي عمله (فينياس بارنوم) هو إنه جمع كل المختلفين.. المختب
التردددين.. الخائفين.. وقرر إنه يُظهرهم.. ويحررهم.. ويتحدى
الناس.. دون خجل.. دون كسوف.. دون خزي.. دون أي إح
بالعار.. وليكن ما يكون.

لحظة..

هو انت تقدر تعمل كده؟

تقدر تُحيي ما دفتته من نفسك دون خوف؟

تقدري تحرري ما سجتته من نفسك دون أي إحساس بالعار؟

تقدروا تتحدوا كل رافض لوجودكم ولحقيقتكم ولاختلافكم

..الى عمله كل واحد في مجموعة (بارنوم) بشجاعة وكبرياء.. وده
..سعر عنه كلمات أغنياتهم الجميلة اللي صرخوا بيها في كل مكان، لما
..م) نفسه حاول ينجيهم من ضيوفه في إحدى الحفلات.

والها بأعلى صوتهم:

This is Me أنا..

..همش «هذا ما وجدنا عليه آباءنا».
..افوش من الاستغراب والاستهجان والرفض.

..مش بس قرروا يكونوا أنفسهم..
..ل قرروا يعلنوا عن أنفسهم..
..ابتوا وجودهم..
..توقعوا بالحضور.. في دفتر غياب الحياة.

..الكتابين اللي فاتوا (الخروج عن النص، وعلاقات خطرة)، كنت
..للك: كن نفسك.. حسي بوجودك.. خليك حقيقيين.

..اوقت آن أوان الخطوة الجديدة..

..باقول لك هنا ودلوقت:
..ن حقت تعلن عن وجودك الجديد..
..ن حقت ماتحسش بالتحجل من نفسك..
..ماتحسش بالدونية..
..ماتحسش بالخزي..
..ماتحسش بالعار..

ردد معايا كلمات أغنية This is me، بكل ما أوتيت من طاقة
وصوت.. وحركة داخلية:

I am not a stranger to the dark
I hide away, they say
'Cause we don't want your broken parts
I've learned to be ashamed of all my scars
I run away, they say
'Til one'll love you as you are.

لست غريبًا على الظلام
يقولون لي اختبئ
لأننا لا نريد أجزاءك المكسورة
لقد تعلمت أن أشعر بالعار من كل ندوبي
يقولون لي اهرب
فلن يحبك أحد كما أنت

But I won't let them break me down to dust
I know that there's a place for us
'Cause we are glorious.

لن أسمح لهم بسحقني حتى أصير ترابًا
فأنا أعلم أن هناك مكانًا لنا؛
لأننا رائعون

When the sharpest words wanna cut me down
Gonna send a flood, gonna drown them out
I'm brave, I am bruised
I'm who I'm meant to be, this is me
I look out 'cause here I come
I'm marching on to the beat I drum
I'm not scared to be seen
I make no apologies, this is me.

أو أرادت أشد الكلمات تمزيقي
 وسوف أرسل عليها فيضاً يغرقها
 أنا شجاع.. أنا مليء بالكدمات
 أنا كما مقدر لي أن أكون.. هذا أنا
 انتبهوا لأنني ها قد أتيت
 أنا أسير على إيقاعي الخاص
 أنا لست خائفاً أن تروني
 أنا لن أعتذر عن وجودي.. هذا أنا

Oh_oh_oh_oh

Oh_oh_oh_oh

Oh_oh_oh_oh

Oh_oh_oh_oh

Oh_oh_oh, oh_oh_oh, oh_oh_oh, oh, oh

Another round of bullets hits my skin

Well, fire away 'cause today, I won't let the shame sink in

We are bursting through the barricades and

Reaching for the sun (we are warriors)

Yeah, that's what we've become (yeah, that's what we've become).

..ولة أخرى من الصدمات تصيبي
 سنأ.. توجها بعيداً.. لأنني اليوم لن أسمح للعار بأن يملكني
 سأخترق كل الموانع
 سني أصل إلى الشمس ذاتها.. فنحن مكافحون
 وهذا ما أصبحنا عليه

I won't let them break me down to dust

I know that there's a place for us

For we are glorious.

لن أسمح لهم بسحقي حتى أصير ترابًا
فأنا أعلم أن هناك مكانًا لنا؛
لأننا رائعون

When the sharpest words wanna cut me down
I'm gonna send a flood, gonna drown them out
I am brave, I am bruised
I am who I'm meant to be, this is me
Look out 'cause here I come
And I'm marching on to the beat I drum
I'm not scared to be seen
I make no apologies, this is me.

لو أرادت أشد الكلمات تمزيقي
فسوف أرسل عليها فيضانًا يغرقها
أنا شجاع.. أنا مليء بالكدمات
أنا كما مقدر لي أن أكون.. هذا أنا
انتبهوا لأنني ها قد أتيت
وأنا أسير على إيقاعي الخاص
أنا لست خائفًا أن تروني
أنا لن أعتذر عن وجودي.. هذا أنا

Oh_oh_oh_oh

Oh_oh_oh_oh

Oh_oh_oh_oh

Oh_oh_oh_oh

Oh_oh_oh, oh_oh_oh, oh_oh_oh, oh, oh

This is me

and I know that I deserve your love

(Oh_oh_oh_oh) 'cause there's nothing I'm not worthy of

(Oh_oh_oh, oh_oh_oh, oh_oh_oh, oh, oh)

When the sharpest words wanna cut me down

I'm gonna send a flood, gonna drown them out

This is brave, this is bruise

This is who I'm meant to be, this is me.

أعلم أنني أستحق حبكم
لأنه لا يوجد شيء أنا لا أستحقه
أو أرادت أشد الكلمات تمزيقي
فسوف أرسل عليها فيضاً يغرقها
هذه شجاعتني .. هذه كدماتي
أنا كما هو مقدر لي أن أكون .. هذا أنا

Look out 'cause here I come (look out 'cause here I come)
And I'm marching on to the beat I drum (marching on,
marching, marching on)
I'm not scared to be seen
I make no apologies, this is me

انتبهوا لأنني ها قد أتيت
أنا أسير على إيقاعي الخاص
أنا لست خائفاً أن تروني
أنا لن أعتذر عن وجودي .. هذا أنا

When the sharpest words wanna cut me down
I'm gonna send a flood, gonna drown them out
I'm gonna send a flood
Gonna drown them out
Oh
This is me.

أو أرادت أشد الكلمات تمزيقي
فسوف أرسل عليها فيضاً يغرقها
هذا أنا.

بص بقی ..
من اليوم والساعة واللحظة ..
إوعی تتكسف من نفسك ..
إوعی تعتذري عن وجودك ..

دي حياتك ..
وتجربتك ..
وكدماتك ..
وجروحك .

ده شرف ..
واعزاز ..
وفخر .

أخيرًا ..
اكتب معايا الكلمتين دول ..
احفظهم ..
علقهم في أوضتك ..
حطهم في شنطتك ..
على تليفونك ..
في كتابك ..
في جييبك .

وقولهم بكل ما فيك :
« ده أنا .. »
وأنا مش عار » .

جذور القلب

الثانوية العامة اتعرفت على (علاء).. الشاب الأسمر الي مليون
رومانسية وخيال وأحلام وطموح.. وأيضًا حزن.. خليط
رائع من البساطة والقرب وروح الدعابة، لا تملك أمامه
الصديق والاحترام والحب.. أصبحنا أنا وعلاء صديقين في يوم
كنت باعدي عليه في البيت كل يوم الساعة ٧ الصبح علشان
المدرسة.. نسمع أغنية (علمي) لإيهاب توفيق، في طقس يومي
ومتجدد في نفس الوقت.. ونشوف في طريقنا الجميلة (٦٥) الي
علاء بيحبها ومتيم بيها.. وأنا أعدي من تحت بيت (٦٦) يمكن
واقفة في البلكونة.

١. كنا عاملين شفرة كودية مُرَقَّمة للبنات ☺

كنت مع علاء في بلدتنا الصغيرة (مغاغة) أجل أيام عمري..
الثانوية العامة.. الكُتَّاب.. أغاني وألبومات محمد فؤاد وعمرو
وحيد الشعاري وعاشق الساكس.. الي كنا بنشتريها أول
المرّة، ونسمعها فوق سطح بيت (علاء) على ضوء الأباجورة
التي جابها لي هدية في عيد ميلادي..

كنا بنسافر أحياناً لبلدة محبوبته الجميلة (٦٥)، ونلف حوالين بيتها .. وبعد ما نخلص .. نجمع شوية رمل من تحت البيت .. ونحطهم في بلاستيك شفاف .. علشان يحتفظ بيه علاء جنب قصصه ومذاكره علاء كان بيكتب قصص قصيرة حزينة .. لم تختلف كثيراً عن سيرة حياته .. اللي افترق فيه عن حبيبته .. وبلده .. وأيضاً صديقه.

تنسيق الثانوية العامة خلى علاء يروح كلية (دار العلوم) بالقاهرة وأنا رُحت كلية (الطب) بالمنيا .. وبدأنا مرحلة جديدة في علاقتنا .. بدل ما كنا بنتقابل كل يوم لساعات طويلة .. بقينا بنتقابل كل أسبوع في محطة القطار .. هو واقف على رصيف قطار القاهرة .. وأنا واقف على رصيف قطار المنيا .. نعدي لبعض بسرعة .. نتكلم نحكي .. ونودع بعض .. ونمشي.

ماكانش فيه تليفون محمول .. كنا بنكتب لبعض جوابات و .. ونبعثها في البوسطة .. أكتب له كل اللي حصل معايا طول الأسبوع .. يخص الدراسة، والبيت، والحب .. وهو نفس الكلام .. لغاية ما تمام الأسبوع اللي بعده .. مئات الخطابات خلال عشرات الشهور .. جواب فيهم عبارة عن مجموعة دروس في العشق، والعلم، والبلد .. والطب، والأحلام .. ما زالت كلها محفوظة في صندوق صغير بيتي .. وفي قلبي.



زي أي علاقة صداقة بين اتنين .. أنا وعلاء لما كنا بنتقابل كنا بنحس على بعض بحرارة شديدة واحتضان قوي .. كنا بنعبر عن الوجدان والغربة والاشتياق لأيامنا وحكاياتنا .. كنا بنعد الأيام والليالي علشان نتقابل في الإجازات.

لكن ..

اللي لاحظته بعد شوية، هو إننا مابقيناش نشاق لبعض زي الأول .. مابقيناش نعد الأيام والليالي .. مابقيناش نحضن بعض لما نتقابل.

فانت بتفكر في إيه دلوقت.
يقول في شرك: طبعًا علاقتكم أصابها الفتور.. وغيرها
أحولتم إلى أغراب.
الحقيقة (لا).. مش ده اللي حصل..
الحسن هو الصحيح تمامًا.
وما تهشوف بعد شوية.



العلاقات الإنسانية على اختلافها بتمر بنفس (أو بعض)
العلاقة الأولى والأهم في حياتنا: علاقة الطفل بأمه.. والتي
المادة الخام لكل العلاقات الجيدة (أو غير الجيدة) التالية لها..
ملاقاتنا الحالية مع الآخرين في حياتنا، فيها شبه كبير ببعض
العلاقة الأصلية القديمة بالأم.
طمانينة والأمان والراحة اللي بنحسهم في علاقة طيبة.. ينفكرونا
والباطن- بالأوقات اللي كنا بنحس فيها بالقرب والاحتواء
من الأم.

والخوف والوجع اللي بنحسهم في علاقة صعبة.. يصححوا
الاساق والرعب والألم، اللي كنا بنحس بيهم لما الأم تبعد أو تزعل

الأم النفسية (مارجريت ماهر) قسمت مراحل علاقة الطفل
إلى ثلاث مراحل.. وكثير من الناس -وأنا منهم- يشوفوا إن نفس
المرحلة دول، ممكن يتكرروا في معظم علاقات حياتنا.. سواء
المرحلة.. أو المريضة.

هاستعرض هنا المراحل دي ببعض التفاصيل.. وهاوضح الشبه
والمشابه بين بعض علاقاتنا واحنا كبار.. وعلشان ذكريات الألبومات
التي بدأنا بيها الفصل، وجوابات الفن والعلم المحفوظة في
السندوق الصغير.. هاستعين بأمثلة من بعض الأغنيات، والأعمال
فنية، والتجارب الحياتية.. وبعدين نرجع لحكايتي مع (علاء) تاني.

المرحلة الأولى اسمها مرحلة (التوحد) Normal Autistic Phase
- من الولادة حتى شهرين:

الطفل هنا مش بيكون عامل علاقة غير مع نفسه.. تلاقيه في الـ
دي بيقتضي معظم وقته نايم، مالهوش دعوة بحد، كل علاقته بأمه
الحصول على احتياجاته الغذائية منها وبس، (بيستخدمها) علشان يربو
ويشبع، وبعدين يتبسط وينام.. وهكذا. هو عايش مع نفسه، جوده
نفسه وبس.

المرحلة دي مهمة جداً في النمو النفسي، لأن الطفل فيها بيكون
كمية خوف ورعب مالهمش حدود من العالم، ومن الناس، ومن كل
حاجة حوالية، بعد ما نزل من جنة عدن اللي كان فيها لمدة تسع شهور
قبل الولادة.. بيكون محتاج يفصل وينعزل ويحمي وجوده.. يفصل
عن هذا العالم المخيف المرعب، المهدد لو جوده الضئيل الضعيف، ينع
عن هؤلاء الأشخاص العالقة اللي بيثيلوه ويخطوه دون أي إرادة
مقاومة منه.. يحمي نفسه حتى من مشاعر الجوع والعطش المؤلمة،
عمره ما عرفها قبل كده.

في المرحلة دي من النمو، طبيعي يكون الطفل مخلوق نرجسي وأنا
جداً، مش مهتم غير بنفسه، متوحد ومتحوصل حول ذاته، علاقته بالـ
حواليه هي علاقة استخدام واستغلال وشبع فقط.

لو لاحظت.. هتلاقي إن نفس التفاصيل دي ممكن تكون موجودة
في بعض العلاقات.. لما يكون طرف من الطرفين مش بي فكر غير
نفسه.. مش مهتم غير بأحواله.. غير مراعي لمشاعر ولا احتياجات
الطرف الثاني.. غير مبالي بإصابته أو بجرحه.. كأنه مش شايفه أصلاً
أو -بمعنى أدق- مش شايف منه غير اللي يبسطه، ويسعده، ويرضيه..
وبيستغله وبيستخدمه لمصلحته طول الوقت.

الده من العلاقات نمط طفولي.. ماينفعش حد كبير يكون ده
العلاقاته مع الناس..

الدهش يبقى عندي خمسة وعشرين سنة وباعمل علاقة مع حد
وانزل عنده شهرين، شايف نفسي بس، أنا الوحيد اللي ليا حقوق،
الدهش اللي مهم يرضى ويتبسط وينام قرير العين، أنا أولى وأهم من
الدهش وأي حاجة.. والطرف الثاني مالهوش لازمة، مالهوش وجود،
الدهش فايدة غير إنه يُستهلك، ويتحرق، ويُستنفد لآخر قطرة، وآخر

الده يبقى مرض.. وللأسف موجود كثير.. ووصفته (شيرين) في
أحد أغانيها:

ما بتفرحش غير لفرحك..
ما بتحزنش غير لجرحك..
ما بتتعبش غير لصالحك..
إنت عايش ليك وبس.

علاقة نكوصية توحدية، مافيش فيها غير (أنا).. أنا ومن بعدي
الدهش فان.

علاقة ممكن تكون مفهومة ومبررة واحنا أطفال.. لكنها -بالتأكيد-
هالة وقاتلة واحنا كبار..

وانت عارف الباقي..

المرحلة الثانية اسمها مرحلة (التكافل) Formal Symbiotic Phase

— من سن شهرين لغاية ست شهور:

هنا الطفل يبدأ يقرب شوية من العالم، ويخرج بره حويصلة نذرية ويفتح عينيه للخارج، مش للدخول زي ما كان.. ساعتها ما بيصا (يلزق) في أول كائن يلاقه قدامه (أمه).. يلزق يعني يحس إنه هو وحده حاجة واحدة، مافيش أي حدود نفسية أو حتى جسدية بينهم.. يجوز ترضعه فوراً كأنها هي اللي جاعت.. بطنه توجعه.. تحس بيه وتدايه كأنه حته منها.. يبرد.. تدفيه كأنها ساكنة تحت جلده.. وهكذا.

هو طبعا بيكون معذور، لأن دي الحاجة الوحيدة اللي ممكن تطلب وسط الرعب والخوف الرهيب من العالم اللي براه.. أو بمعنى أدق دلوقت.. اللي براه هو وأمه.. دي الحاجة الوحيدة اللي ممكن تحس بكيانه الوليد.. تحس إنه موجود، بس كجزء من وجود أكبر مع الأم. جوه فقاعة صغيرة فاصلاهم هما الاثنين عن كل العالم خارجهما.. لما ما كان مفصول عن العالم في فقاعة خاصة بيه وحده.

المرحلة دي طبيعية ومهمة جداً عند الأطفال في السن ده. بس برضه ما ينفعش تستمر أكثر من كده.. وما ينفعش تكمل طول العمر.. وما ينفعش تثبت عندها، ويكون هو ده نمط علاقاتنا مع الآخرين خاصة اللي بنحبهم.

لكن للأسف.. بنلاقي كتير من العلاقات بيحصل فيها كده بالظبط وبيتكرر فيها نفس اللي بيعمله طفل عنده ست شهور في علاقته بأمه والمثل الأشهر على ده هو علاقة (الحبل السري)، اللي وصفتها في كتاب علاقات خطيرة.. واللي بيقرر فيها اثنين انهم يلزقوا في بعض، ويكسبوا ببعض عن الناس، وينعزلوا ببعض عن العالم.. ويقطعوا كل أواصر الصلة بينهم وبين أي حد غيرهم.. ويلعبوا مع بعض لعبة (أنا وانت وحدك) (حد تالتنا).. لغاية ما يلفوا حوالين بعض حبل المشنقة.. مشنقة التشنج والسيطرة والغيرة والخوف وذوبان الحدود.. وفي الحقيقة.. كل واحد فيهم جواه طفل صغير مرعوب من الوحدة.

فأصالة بتقول إيه في أغنيها (ملهمته الوحيدة):
أحب أحسن بجد..
إيه وأنا جنبه دايماً مستعد..
سغننى بيا عن الدنيا باللي فيها.
أحب أحسن بجد..
أ قال يوم كلمة حلوة لأي حد..
الكلمة دي يبقى قاصدني بيها..
أحب أحسن..
إيه وأنا في غيبتني عامل ليا خاطر..
أ انه عشاني بحياته وعمره خاطر..
أ ماشفوش مرة قادر
إن انا ابقى في يوم بعيدة.
وأما يفتح دقاته..
عشان يكتب خواطره..
أحب أحسن..
إني بس..
ملهمته الوحيدة.

طبعا أنا مش هاعلق.. علق أنت.

المشكلة إن الأغاني اللي من النوع ده منتشرة جداً.. ومشهورة جداً..
أ بتعيش الناس في حالة هلامية من الرومانسية الخزعبلية الزائفة.

المرحلة الثالثة اسمها مرحلة (الافتراق والتفـ
(Separation-Individuation Phase) - من سن ست شهور إلى سن
ودي فيها أربع لقطات (أو مراحل فرعية):

• في اللقطة الأولى (من سن ست شهور لعشر شهور)، يكتشف
الطفل إن أمه كائن منفصل بذاته، وإنها مش جزء منه زي ما
متصور في المرحلة اللي فاتت.. يكتشف إنها ممكن تبعد، وتبقى
متاحة.. وإنه ممكن - أحياناً - يحتاجها وما يلاقىهاش.. يكتشف
ممكن تتعب، وتقصر، وتعوز ترتاح.. وإن ليها احتياجات زي ما
ليه احتياجات بالظبط.

يكتشف إنه هو وهي اتنين مش واحد.. زي بالظبط و..
(عمرو دياب) وهو يقول:

تقدر تتكلم عن روحك يا حبيبي خلاص
ما بقينا اتنين..

طول عمرنا عايشين روح واحدة..
دلوقتي خلاص بقينا روحين.

الاكتشاف ده بيصدم الطفل، ويلخبطه، لكنه بعد شوية بيستوعب
ويقبل وجود حدود بينه وبين أمه، ويبدأ يستحمل بُعدها.. ويسأل
على ده وجود حاجة (من ريحتها)، تفكره بيها وتصبره على غيابها
يعني تسبب جنبه شنطتها.. لعبة بتلعبها معاه.. البطانية اللي بتغطى
بيها.. وهكذا.

بيسموا ده Transitional Object (آخر انتقالي).. زي الصورة
بيطلبها الحبيب من حبيبته علشان يبص لها كل شوية.. وزى اللي
اللي بتحتفظ بيها الحبيبة من حبيبها.. وزى المنديل اللي في أغنية
العزیز محمود) اللي سابتهوله حبيبته قبل ما تغيب:

• منديل الحلو..

• يا منديله..

• هل دقة قلبي..

• غني له..

• النبي لاحكيه يا منديله..

• عنيا هاشيله يا منديله.

• بعدها بشوية، في اللقطة الثانية (من عشر شهور لسته عشر شهرا)، يبدأ الطفل يكبر ويتحرك ويلعب بعيد عن أمه، بس يرجع كل مرة يبص عليها ويظمن إنها موجودة.. بتبقى بالنسبة له زي الوطن مغرب.. مهما بعد يشتاق له.. مهما سافر يرجع له.. مهما راح.. ه يعود إليه.

• هنا، كلمات أغنية علاء عبد الخالق (راجع لك)، بتعبر عن ده روح شديد:

• اجمع لك.. مدوب في قلبي الحنين..

• جايب معايا غرام السنين..

• يا حلم.. ألاقي.. في يوم التلاقي..

• شفايفك بتضحك لقلبي الحزين.

• الفن بيعبر عن العلم بشكل غريب.

• بعد كده.. ينفصل الطفل عن أمه نفسياً تماماً، في اللقطة الثالثة (التي هي من ستاشر شهر لستين)، ويبدأ يتعامل مع نفسه ومعها على أنها ذات مستقلة.

• رغم إن ده بيسبب له بعض القلق والألم، لكنه بيساعده جداً في التفرغ والنمو النفسي السليم.. ويساعده كمان في قبول الفقد لما يكبر.. الأحبة.. فقد الأشياء.. فقد الأماكن.

الكلمات دي غناها (علاء عبد الخالق) لوالده المتوفى.. ويبيع
بدقة شديدة عن ألم الافتراق والانفصال:

إيدي.. بتدور على إيدك..
وانا وسط الزحام..
إيدي.. بتدور على إيدك..
وانا وسط الزحام..
محتاج اشوفك ألمسك.. على كتفك الطيب أنا..
على كتفك الطيب أنا اااااااااا..
صوتك بيندهني مش عارف السكة..
صوتك بيندهني ولا سبتليش عنواااااااا..
مش قادر أوصل لك.. إنت هتوصل لي..
محتاج اشوف ضلك.. مايل على ضلي.

• ونوصل في الآخر للقطعة الرابعة (ابتداء من سن سنتين)،
بيقدر فيها الطفل إنه يتحمل غياب أمه لفترات طويلة، من غير ما
بالفقدان أو الحرمان.. لأنه بيكون -أخيراً- قدر يكوّن جواه نسـ
داخلية منها.. نسخة حية بالصوت والصورة.. تطمئه وتطبطب (ا
نفسياً) في أثناء غيابها الجسدي عنه.
وهنا بقى.. لينا كلام.

فيه علاقات لينا واحنا كبار.. بتقف عند لقطة عدم تحمل الـ
الجسدي للآخر.. يعني ما تطمنش غير وانت موجود معايا.. مارتا
غير وانت حواليا.. سببي لي حاجة من ريمحك تونسنى.. صورنا
منديلك.. وردة من إيديكي.. أناام على صوتك في التليفون.

طبعاً دي حاجة رومانسية جميلة جداً.. ومرحلة بتعدها..
علاقات كثير.. بس ماينفعش أي علاقة تثبت عندها.. وإلا
علاقة طفل لسه متعلق بأمه.

.. علاقات ثانية.. بتثبت عند لقطة إني بانحرك وأروح وأجي
.. أشفعش تبعدي عني قوي.. أو إني أتصل بيكي كل شوية أتظمن
.. أو إني أبدأ أخاف عليكي بزيادة.
.. دي حاجة لطيفة.. وبتمر بيها علاقات كثير.. بس اللي يقف
.. مكثف الطرف الثاني ويحبسه في قمقم.

.. بقى علاقات ثالثة -ودي صعبة جدًا- بتقف عند لقطة القلق
.. من البعد.. والخوف الكبير من الهجر.. والألم الساحق من الانفصال..
.. اللي طرف متشعبط في الطرف الثاني.. لدرجة إنه ممكن يسمح له
.. فيه.. في مقابل إنه مايسببهوش.. أو -على الجانب الآخر- واحدة
.. بسببها إنها تقرب من أي حد، وتعمل معاه أي علاقة، خوفًا من إنه
.. ما أو يتخلى عنها في يوم من الأيام.

.. ده بقى كوم..
.. اللقطة الرابعة دي كوم ثاني لوحدها.
.. هي دي اللي أنا كاتب الفصل ده علشانها..
.. لأنها أنضج مرحلة من مراحل العلاقات..
.. آخر سلمة في سلم النمو النفسي..
.. بأعلى درجة من درجات الصحة العلاقاتية.

.. اللقطة اللي بيصبح فيها الوجود الداخلي للآخر (الي أنا في علاقة
.. ثابت وقوي ومتجذر، للدرجة اللي تخليني متونس بيه وهو مش
.. جود.. ومتظمن بيه حتى في غيابه.. وعایش مع حضوره النفسي
.. الداخلي كأني عایش مع حضوره الجسدي الخارجي.. واسمها العلمي
.. Object Constancy) (الثبات الداخلي للآخر).

طيب وإيه اللي يخلي حد وجوده جوايا ثابت وقوي ومتجذر (أ)
دي؟

أقول لك..

فاكر السبع حاجات اللي موجودين في (العلاقة الحقيقية)،
وصفتها في كتاب (علاقات خطيرة)؟
هم دول اللي يعملوا كده.

إن الطرف الثاني يجيد سماعك والإصغاء إليك.. إنه يقبلك و
يحترمك دون شروط.. إنه مايحكمش عليك.. إنه يقدر يحط
مكانك.. إنه يكون صادق ومخلص ومايمثلش عليك.. إنه يهتم
في غيابك عنه.. وإن العلاقة بينكم ماتكونش مقفولة عليكم وبس.

السبع حاجات دول لو موجودين في علاقتك بحد لفترة كاه
هيزرعوه جواك زرعاً.. ويقوموا برّي وجوده داخلك بشكل يومي
ينضب.

طيب.. وإيه فائدة وجود حد جوايا بهذا الشكل الثابت المتجذر
يعني أنا كـ (فلان) استفدت إيه؟

في الحقيقة.. إنت استفدت كتير قوي..

علشان الثبات الداخلي للآخر مالهوش علاقة بالآخر ده بس
يعني النسخة الداخلية من صديقك.. مش وظيفتها تخفف عنك غيا.
هذا الصديق فقط.. لا.. هي وظيفتها تخفف عنك غياب أي
وتهون عليك أي بُعد.. وتربت على قلبك وقت أي أزمة.

الآخر الموجود داخلك بشكل طيب وقوي وثابت، هو به
مرهم مُلطف يوضع على قلبك من الداخل.. وكبسولة نفسية
المفعول، تنطلق في شرايينك كلما احتجت إليها.

.. لا يعدي عليك وقت صعب.. وجود آخر طيب داخلك، ممكن
..

.. ن متوتر ومشدود وأعصابك بتتحرق.. وجود آخر حقيقي
.. ممكن يطفى نارها.
.. الدنيا تضيق بيك وتبدأ بالتهايوي.. جذور الآخر في قلبك، تسندك
.. وتشد من أزررك.

.. حد جواك بالشكل ده.. ممكن يساعدك في تجاوز مشكلة مع
..

.. ف (شيرين) وهي بتقول:
..

.. لاقت كل اللي مش لاقياه..
.. فيه حد زعلني.. أنا مسامحاه..
.. فيه جرح.. أنا هانساه.

.. دي الفكرة في العلاقة الشافية اللي دايمًا أتكلم عنها: وجود آخر
.. داخلك.. يغير لون العالم في عينيك.

.. هو ده السر في كل العلاقات الطيبة المُنيرة: جذور الآخرين الطيبة
.. في القلوب.

.. ملمونا في العلاج النفسي.. إن مريضك مش هيخف.. غير لما تبقى
.. جود جواه.. ويبقى موجود جواك.

.. ده بالضبط اللي حصل - والي ما زال حاصل - في علاقتي بـ(علاء).

(علاء) هو أعز أصدقاء عمري.. وأغلى رفقاء حياتي.. باشوفه
تقريباً في السنة مرة.. لكنني باشوفه جوايا كل لحظة.
باسلم عليه سلام هادئ رصين مليان سكينة.. لأنه عاين
في بيتي النفسي.
باتصل بيه في الشهر مرة أو مرتين.. علشان احنا بنتواصل به
أثير الوعي والروح.

دي مش حكايتي مع (علاء) بس.. دي حكايتي مع ناس كتير
وأمي وإخواني.. زوجتي وأولادي.. أساتذتي وتلاميذي.. أهلي
وأصدقاء.. مرضى ومتعافين.. أحياء وأموات.
وهي حكايتك إنت كمان مع كل اللي بتحبهم وعاشين
أهلك وأصحابك وأحبائك.. وكل الناس والكائنات والأشياء
الموجودة جوانا بشكل ثابت ومستقر.. وجود جميل وهادئ وواضح
يهون علينا البعد.. يخفف عنا الوحدة.. يؤنسنا وقت الوحدة..
ويمسح دموع قلوبنا عند الفراق.

والله لولا نعمة الثبات الداخلي للآخرين جوانا.. ماكناش استمر
موت حد.. ولا كملنا بعد فراق حد.

إحساسنا بوجود آخر داخلنا، واطمئناننا به.. دون أن نراه..
بيساعدنا نصدق في وجود ربنا.. ونطمئن به.. دون أن نراه..
وطوبى لمن آمن.. ولم ير.

شُفت قد إيه علاقتنا الأولى بالأم، بتساهم في تشكيل علاقتنا
التالية بالآخرين؟

شُفت قد إيه العلاقة دي بتفرق حتى في علاقتنا بربنا؟
شُفت؟ عرفت؟ عرفت فالزم..
آه لو يعلم الآباء والأمهات..
آه لو يعلمون.

مَرَايا الروح

١٠٠ تجاوزت الثانية عشرة ظهر يوم يبدو استثنائياً منذ بدايته..
ما زالت تتوسط سماء مدينة بارما الإيطالية، كأنها لا تنوي
.. بل إنها نجحت في تسريب بعض من أشعتها الذهبية عبر
المتكاثفة أمامها، لتخرق في هدوء وثقة نافذة معمل جامعة
العتيقة.. وتستقر على زجاج العدسة اليسرى لنظارة ذلك
الوسيم رمادي الشعر.. المكتوب على جيب قميصه بخيوط
اللون (ج. ريتزولاتي).

١٠١ الرجل نحو النافذة ليسدل ستائرهما كما يفعل كل يوم..
للمرة الأولى منذ سنين.. قرر أن يترك أشعة الشمس تنساب
.. ربما تحمل جديداً.. يأتي على غير موعد.

١٠٢ (ريتزولاتي) وزملاؤه بتثبيت المجسات الكهربائية على رأس
(م)، وجلسوا يراقبون نشاط مخه وهو يلتقط حبة الموز، من على
المنشبة في أحد أركان الحجرة.. ثم يعيدها مكانها مرة أخرى.

١٠٣ بعد عدة ساعات متواصلة من الملاحظة والتسجيل.. ظهرت
أثار التعب والإجهاد على فريق الباحثين، وقرروا إنهاء تجارب
م، الذي كان مجهداً بالفعل.

خرج الجميع من الغرفة واحداً تلو الآخر.. قبل أن يرمق (ريسا) المكان بنظرة خاطفة، وهو يوصد الباب خلفه.. لكنه.. تردد قائلاً: أن ينزع مفتاحه من ثقب الباب.. يبدو أنه تذكر شيئاً.. نعم.. المالكهربائية ما زالت مثبتة في رأس القرد.. وحبة الموز ما زالت على الأرض.. يا لضعف التركيز وهشاشة الذاكرة.

عاد الرجل أدراجه للداخل، ومد يده ليأخذ حبة الموز من القرد.. لكنه تسمر مكانه فجأة.. واتسعت حدقاته في ذهول.. لم يعينيه ما لم يكن يتوقع رؤيته أبداً.

إنه اكتشف للتو اكتشافاً سيغير تاريخ العلم.. إلى الأبد.



من المعروف علمياً أن (المنطقة رقم ٤) في القشرة المخية، هي المسؤولة عن تنبيه الأعصاب لتقوم بدورها بتحفيز العضلات.. ومن ثم المأكل بمعنى أنك لو أردت أن تقلب صفحة هذا الكتاب الآن، فستقوم (٤) ببداية مجموعة من النبضات العصبية المتلاحقة، تصل من مخك إلى أذنك، ذراعك ويدك، لتؤدي أخيراً إلى تحريك إصبعيك السبابة والإبهام، ضمهما على ورقة كتابك في الاتجاه من اليسار إلى اليمين.

لكن ما اكتشفه (ريتزولاتي) في هذا اليوم كان شيئاً مختلفاً تماماً.. فبعد أن مديده ليرفع حبة الموز من أمام القرد.. فوجئ بأن الحبة المثبتة على رأس (م) تلتقط نبضات عصبية من (المنطقة ٤) داخل القرد رغم أن القرد لم يفعل شيئاً.. لم يتحرك مطلقاً.. فقط كان يراقب فعله الرجل.

فرك (ريتزولاتي) عينيه في دهشة بالغة.. كأنه يُفقق نفسه من غريب.. وكرر ما فعله مرة أخرى.. لتزداد دهشته بأن يحصل النتيجة نفسها: Monkey see, Monkey Do.. أو «حينما يرى أحدهم حركة من شخص ما، يتعامل معها كأنه هو صاحب الحركة»

١٠٠١. ذلك؟ كيف يحدث ذلك؟ ما تفسيره؟ هل يحدث في مخ
ك أنتما؟

١٠٠٢. بل مئات الأمثلة تفجرت في عقل صاحبنا.. الذي
مئات الباحثين الآخرين في نهايات القرن العشرين، سلسلة
من التجارب العلمية في جميع أنحاء العالم.. انتهت إلى وجود
م (بالخلايا العصبية المرآتية) Mirror Neurons.. وهي مجموعة
من الخلايا المخية الدقيقة جداً تستطيع أن تراقب مخ الشخص الذي
تراه، وتقلد نبضاته وإشاراته وتنقلها إلى مخ صاحبها كما هي.. تماماً
كالمرأة..

١٠٠٣. الشخص (أ) قدمه مثلاً.. تنبض (المنطقة ٤) بمخه بإشارات
معينة.. تلتقطها الخلايا المرآتية في الشخص (ب) .. لتنبض
بمخه هو الآخر أيضاً.. رغم أنه لم يحرك ساكناً.

١٠٠٤. منى ذلك؟

١٠٠٥. علاقته بك؟

١٠٠٦. أنت مستعد للإجابة؟



١٠٠٧. عارف حضرتك لما تتأوب (تثاءب) في وسط ناس بيحصل إيه؟
١٠٠٨. منهم كلهم أو على الأقل معظمهم بيتأوب زيك! سألت نفسك
نفسه ليه ده بيحصل؟

١٠٠٩. عارف لما تبقى مع مجموعة من أصحابك ويكون معاكم
مكتتب وحزين شويتين، تلاقي اثنين تلاتة من المجموعة بدأوا
بالتضايقوا، ويكتبوا زيه.. ويروحووا بيوتهم شايلين الهم.. من
أين سبب!

١٠١٠. كده.. لما تكون راكب عربية جنب حد.. ويظهر فجأة على
أحد متهور قرر يعدي الشارع.. فالسواق يدوس فرامل بسرعة..
في رجلك انت اليمين بحركة تلقائية تدوس فرامل هي كمان.. رغم
أنك تحتك فرامل ولا حاجة.. ولا انت اللي سايق أصلاً!

خذ المفاجأة بقي..

سُفّت الطفل الرضيع لما يعيط فأمه تقول ده جعان، يعبرها بعدها بشوية تقول ده عنده مغص.. يعيط ثالث تقول لك ده ينام.. طيب هي عرفت منين؟ رغم إنه نفس العياط.. ونفس الكلام إيه ده؟ هو فيه إيه؟ وازاي ماسألش نفسي الأسئلة دي قبل كذا



(ريتزولاتي) وفريقه قدروا يلاقوا باكتشافهم العظيم إجابة الأسئلة دي، وأكثر منها بكثير.. هم اكتشفوا ببساطة إن بعض مخ حضرتك بتعكس بالظبط اللي بتشوفه في مخ الشخص اللي قدام، وهو بيتحرك أو بيتكلم أو يفرح أو بيحزن.. كأنك انت اللي بتعدا شخصياً.. والحكاية دي مش موجودة في البني آدمين بس، دي موجودة في كثير من الحيوانات.

طيب وإيه يعني؟

لا.. ده يعني كثير قوي.

على مستوى بعض الحيوانات مثلاً.. لما نمر مفترس يبدأ يتحرك ناحية غزال مسالم.. خلايا الحركة في مخ الغزال ده هتقرا اللي حاه في مخ النمر، كأن الغزال نفسه هو صاحب الحركة.. فتقدر تتنبأ الحركة الجاية من النمر هتكون إيه.. وتتفادها، وتهرب، أو تدافع بنفسها.. ويسموا ده (التنبؤ بالحركة).. اللي هو مهم جداً في التعامل الخطر.. واستمرار الحياة.

لما ابنك اللي عنده كام شهر يتابع حركة شفائيفك ولسانك في أ. الكلام، تبدأ خلايا مخه (المرآتية) تقرا خلايا مخك، وتبعت إشارات لفمه وشفائيفه ولسانه زيك بالظبط.. فيتعلم النطق.. وإحنا الحروف.. والكلام.. ويسموا ده (التقليد).. اللي ليه دور كبير جداً في تطور اللغة، والتعلم.

...أبي قصاد صاحبك وهي متألمة، وحزينة.. وتبصي في وشها..
الأم والألم جوا نحك هتتفاعل مع اللي انتي شايفاه كأنه تبعك،
نحك، فتبدأي تتألّمي زيتها، وتحزني معاها.. كأنك انتي الموجهة..
...أبي المجروحة.. ويسموا ده (المواجدة) أو (التعاطف).. اللي
...أساسي في أي علاقة طيبة.

...الطفل - اللي لسه مش بيتكلم - يعيط من الجوع، خلايا الجوع اللي
...الده تحس بيه كأنها هي، فتعرف إنه بيعيط علشان جعان، لما
...المغص تلقطه خلايا المغص عندها.. لما يكون زهقان، تتفاعل
...أيا الزهق بتاعتها.. ويسموا ده (التناغم).. اللي هو أصل كل
...ام بين اثنين.

...الخلايا المرآتية هي اللي بتخلينا نحس ببعض، ونقلد بعض،
...الخطوة الجاية من بعض، وبتناغم ونسجم مع بعض.

...اللي بتخلينا نحط نفسنا مكان بعض.. هي اللي بتقرب لنا
...ات من بعض.. هي اللي بتساعدنا نفهم بعض، ونشوف جوه
...ونعذر بعض.

...اللي بتخلينا نتواصل مع بعض من دون كلام، ونعرف اللي
...بعض بمجرد ما نتقابل.. هي همس القلوب.. ولغة العيون.. ومرايا
...أح.

...الخلايا المرآتية هي اللي بتخليني باكتب لك كأني قاعد معاك..
...سك إني دخلت جوه نحك، وقريت اللي في نفسك، وكلمت بك بلغة
...ك.

هي التي بتقدم تفسير علمي ومنطقي لعلاقة (التقمص الإسقاط- كتاب علاقات خطرة)، و(مشاعرك الي هي مش مشاعرك.. الخروج عن النص).. الي يُسقط فيها حد مشاعره أو أفكاره سلوكه عليك، (يقول لك مالك زهقان ليه؟ متضايق من إيه؟ انت مكشرازي؟)، وانت ما عندكش أي حاجة من دول، وبما تصدقه، وتبدأ تحس بالحاجات دي فعلاً، وتزهق أو تتضايق أو تغص أو حتى تخون.. وتتحول بعد شوية لبنى آدم تاني خالص.

الموضوع ما طلعش كلام أو تشبيهات أو أوصاف نفسية بس، حضرتك بيحصل لك تغير بيولوجي حقيقي في المخ نفسه.

إذا كان اكتشاف (الدي إن إيه DNA) هو أهم اكتشافات العلم على مستوى الأفراد.. فالخلايا المرآتية هي أهم اكتشافات العلم على مستوى العلاقات.



طبعاً.. هيكون منطقي جداً.. إن كل ما يقل عدد الخلايا المرآتية في مخك، كل ما إحساسك بالناس يكون أقل، وعلاقتك بيهم، أضيق.. كأنك عايش لوحده.. علشان كده مرضى (التوحد) هيا أقل عدد من الخلايا دي.

وكل ما زاد عدد الخلايا المرآتية في مخك، كل ما إحساسك بالناس يكون أكبر، وعلاقتك بيهم تكون أقوى.. علشان كده الناس الي هيا عليهم (المتعاطفين) Empath، عندهم أكبر عدد من الخلايا المرآتية بس للأسف ده بيخليهم عرضة لكثير من الصدمات، والمشاكل والخداع، والألعاب النفسية في علاقاتهم.

لأنك بتحط نفسك مكان الشخص اللي بتعامل معاه (زيادة)..
 ..مرح معاه (زيادة) .. ويصعب عليك (زيادة)..
 ..أبلة حنة منك (زيادة) .. بتروح لغاية عنده (زيادة)..
 ..حس بيه أكثر ما بيعس بيك..
 ..همه أكثر ما يفهمك..
 ..الم ليه أكثر..
 ..تالم منه أكثر.

أنا عارف السؤال اللي في ذهنك دلوقت: طيب وده حله إيه إن شاء
 الله؟ أعمل إيه علشان مايحصلش فيا كده؟ هو ده كويس واللا وحش
 ؟؟

أهل لك..

ده كويس أحيانًا .. ووحش أحيانًا أخرى .. كويس لما تستخدمه في
 الماك .. ووحش لما حد يستخدمه ضدك .. يعني سلاح ذو حدين.

• انتضايقش من إن حساسيتك النفسية زيادة شوية .. وإن ده جزء
 من كيبك وتكوينك العقلي .. علشان ده زي ما هو بيوجع وبيخلبك
 .. تأثرًا بالصدمات النفسية من الناس .. هو كمان بيخلبك تحس
 .. بالجمال اللي في الناس .. وتفرح أكثر بالخير اللي في قلوب الناس ..
 .. أصل أكثر الطيبة في نفوس الناس.

بس مهم تقرا وتدرس وتتعلم كويس قوي عن (الألعاب النفسية)
 اللي ممكن تحصل في العلاقات دون وعي منك، (ومن اللي بيعملها
 .. أنا)، فتخلي بالك، ومتبقاش جزء منها .. وماتسمحش لحد يلعبها
 .. لك .. علشان ده أكثر فسخ يقع فيه الأشخاص ذوو الحساسية المفرطة،
 اللي عندهم (خلايا مرآتية) كتير .. وعلشان كده برضه أنا عامل باب
 .. أصل في الكتاب ده عن (الألعاب النفسية) .. يبشر جهنم واحدة
 .. واحدة .. وبالتفصيل.

منهم كيان ..
تقرأ حكاية (سالي) و(آن) ..
ما تعرفش مين (سالي) ومين (آن)؟
دول اتنين أصحابي ما تعرفهمش ..
تعال نقابلهم في الفصل الجاي ..

حكاية (سالي) و(آن)

هذه حكاية شهيرة في العلم الحديث اسمها حكاية سالي وآن..
سالي دي بتقول إن (سالي) كان عندها سلة، و(آن) عندها صندوق..
سالي حطت الكورة بتاعتها في السلة ومشيت.. قامت (آن) واخدة
الكورة من سلة (سالي) وحطتها في الصندوق بتاعها..
سألوا (سالي) لما ترجع هتدور على الكورة فين؟

بالتة الإجابة المنطقية والصحيحة هي إن (سالي) هتدور على الكورة
في مكان ما سابقتها.. يعني في السلة.. رغم إنها مش في السلة.. ورغم إن
ساليها (آن) عارفة ومتأكدة إن الكورة مش في السلة.. ورغم إن
ساليها بك شخصياً كمان متأكد من كده.

السلام ده فايدته إيه ومعناه إيه؟

النسبة لفايدته.. فده اختبار بسيط لكمية ووظيفة (الخلايا المرآتية)
في المخك..

يعني لو حضرتك قلت إن (سالي) هتدور على الكورة في السلة.. انت قدرت تحط نفسك مكانها، وتفكر زي ما هي هتفكر بالطبط، بنا.. المعلومات والمعطيات اللي عندها مش اللي عندك انت.. وده يقول إيا شاء الله خلايا نخك المرآتية موجودة بشكل جيد وشغالة تمام وزى الـ

أما لو حضرتك قلت إن (سالي) هتدور على الكورة في الصناديق فيبقى حضرتك ما قدرتش تخرج بره نخك، ومقدرتش تحط نفسك مكانها، وفكرت زي ما انت شايف، مش زي ما هي شايفة، بنا.. المعلومات والمعطيات اللي عندك انت، مش اللي عندها هي.. وده.. إن خلايا نخك المرآتية مش موجودة كتير، أو مش شغالة كويس.

أما بالنسبة لعنا.. فده موضوع تاني خالص.. وربما يحس بعض المفاجآت.

معناه بكل بساطة.. إن مش لازم اللي حضرتك تكون شايف.. إنه صح مية في المية، يكون من وجهة نظر حد تاني صح بنفس الد.. لأن المعلومات والمعطيات اللي عند حضرتك ممكن تكون مختلفة عن المعلومات والمعطيات اللي عند غيرك.

معناه إنه مش لازم اللي انت عارفه ومصدقه يكون ه اللي لازم يتعرف ويتصدق.. وإنه مش شرط اللي حضرتك مقتنع بيه ومتأكد منه، يكون هو نفسه اللي لازم كل الناس.. وتتأكد منه.

معناه إنه ما ينفعش تكون لو حدك انت اللي صح.. وغيره.. غلط.. مهما كان عندك حجج وبراهين.

• مناه إن غيرك من حقه يفكر.. ويجهد.. ويوصل.. بطريقته المناسبة
ومن خلال السكة الي هو شايفها أفضل.. من غير ما يؤذيك أو
.. طبعاً.

• مناه إننا محتاجين نتعامل بالراحة شوية مع نفسنا..
وبالراحة شويتين مع بعض..

• لا ش نصادر على رأي غيرنا.
• لا ش نحتقر المختلف معانا في الرأي، أو الفكر، أو المعتقد، أو اللبس،
أو حاجة.

• كاية سالي وأن جزء من نظرية علمية حديثة مهمة جداً.. اسمها
Theory of Mind.. وهي إحدى الحاجات الفارقة الي فسرنا اكتشاف
السلوكيات (المراآتية).. الاكتشاف الي غير مسار العلم بشكل غير مسبوق..
• في فهمنا لنفسنا ولغيرنا ولعلاقتنا ببعض.

اسأل نفسك بقى..

• إيه تقدر تحط نفسك مكان غيرك؟
• إيه تقدر تفهم طريقة تفكيره، الي مبنية على عوامل كتير قوي،
أنته تماماً عنك؟

• إيه تقدر تروح لغاية عنده، وترجع عندك تاني؟

• زي ما انت شايف إن غيرك غلط.. هو برضه شايف إنك غلط.
• زي ما انت متأكد إنك صح.. هو برضه متأكد إنه صح.

المتاح ليه غير متاح ليك.. اللي يعرفه غير اللي تعرفه.. اللي ات
عليه غير اللي اتربيت عليه.. مستوى ذكائه غير مستوى ذكائك.. مر
تفكيره غير مرونة تفكيرك.. عقله غير عقلك.. جيناته غير جينانا
ظروفه غير ظروفك.. اهتماماته واحتياجاته وقدراته.. ماث بل ال
المتغيرات والمحددات.

اللي يستوعب ده.. هيقدر يفهم.. ويعذر.. ويسامح.
هيقدر يحط نفسه مكان غيره.
هيبطل يحكم على الناس أحكام سريعة وقاسية.
هيقبل الاختلاف.. ويستحمل التناقض.

هيكبر عقلياً..
وينمو نفسياً..
وينضج إنسانياً.

هو ده الدين الحقيقي..
وهو ده السعي الحقيقي..
وهو ده.. الحب الحقيقي..
بجد.

القيامه النفسية

.. ما كل واحد فينا ليه عيون (خارجية) .. بيشفوب بيها العالم
.. ويراقب بيها الحياة والأحداث .. ويسجل من خلالها
.. والذكريات .. برضه كل واحد فينا جواه عيون (داخلية).

العين الداخلية بتبص على صاحبها من جوه .. بتشفوب نواياه
.. بتراقب تصرفاته وأفعاله .. وتسجل علاقته بنفسه وعلاقته
.. سواء أعلن عنها أو لم يعلن .. تصرف على أساسها أو لم
.. ف .. تحكم فيها أو اتحكمت فيه.

العين دي بتفضل تراقب وتتابع من غير ما تنطق ولا كلمة .. صمت
.. هدوء تام .. سنين وسنين .. قد تطول وقد تقصر .. عمالة تشوف
.. جبل وتخزن .. على قرص إلكتروني حيوي شاسع المساحة .. موقف
.. هنا .. تصرف من هناك .. خير من هنا .. شر من هناك .. حب على
.. حقد على حسد .. معروف على منكر .. وفاء على نذالة .. أمانة على
.. و غيرهم وغيرهم.

وبعد ما تعدي السنين.. ويقطع الواحد من رحلة عمره ش
أشواط.. يقرر عقلنا إنه يقف معانا وقفة.. وقفة مفاجئة دوا
سابق إنذار.. يفتح فيها الدفاتر القديمة.. ويفرغ فيها محتويات..
الداخلية بمنتهى الدقة.. يراجع المواقف.. يحسب الحسابات..
تقوم (القيامة).. مش قصدي طبعاً بالقيامة (اليوم الآخر) الي
هيحاسبنا فيه.. لكن قصدي تقوم (القيامة النفسية).. الي هيحاسبنا
فيها عقلنا ونفسنا وجسمنا.. وياخدوا فيها أحكام صارمة وقا
جدا.. إما بمكافأة ذاتية لا تقدر بثمان.. وإما بتدمير ذاتي باهظ الث

هاقول لك حاجة غريبة جداً.

ساعات الي فينا بيكون عامل عملة.. أو مرتكب خطأ مع
بيخلق (بشكل غير واعى) كل الملابس.. ويبدأ (بترتيب من
الباطن) كل الظروف.. علشان يتكشف.. ويتفصح أمره.

معقول؟

آه معقول.

يعني بدل ما يوقف غلطاته.. ويرجع فيها.. لا.. ده يكررها
هي مرة واثنين وتلاتة.. وكل مرة تكون أخطر من الي قبلها.. وأ
اكتشافاً من الي قبلها.. كأنه بيقول: اكشفوني.. أنا أهو.. وبدل ما
نفسه ويداري عليها.. بيسعى بشكل دؤوب ومستمر إنه يفض
كأن عقله الباطن قرر في لحظة ما، إنه يعاقبه.. ويجلده.. ويحاسبه
الفواتير القديمة.

حاجة ثانية..

بعض الناس يبيعوا عند نقطة معينة في حياتهم.. وجسمهم يقرر
... يقع ويتهد وينهار.. جلطة مفاجئة في المخ دون أي سبب مفهوم..
... في يوم وليلة من غير أي مقدمات.. سكر غير متوقع ولا متظر..
... الأسعب والأشد هو ما يسمى بأمراض (المناعة الذاتية).. التي يتحول
... جهاز المناعة من صديق إلى عدو.. وبدل ما يحارب للخارج ويدافع
... الجسم.. يحارب للداخل ويهاجم الجسم.. وتنتج مجموعة هائلة
... الأمراض، لغاية النهارده الطب مش عارف لها سبب ولا عارف
... علاج.. وطبعاً كل ده كوم.. والسرطان كوم تاني.. التي برضه لغاية
... نهارده الطب مش عارف له سبب ومش عارف له علاج.. وكأن
... جسم يقرر -أحياناً- إنه يعاقب صاحبه.. ويوجعه.. وكان الجسد
... دار على ساكنه.

حاجة تالثة..

شتر من المرضى النفسيين بيكون جزء كبير من مرضهم عبارة عن
... أساس عميق بالذنب.. الاكتئاب أحد أهم أعراضه هو الشعور
... بالذنب.. الهوس (عكس الاكتئاب) يُفسر على إنه طريقة نفسية ذكية
... تظهر وب من الإحساس بالذنب.. الفصام في أعتى صوره (الكتاتونيا)
... أن وراء كتلة ضخمة من الإحساس بالذنب.. الإحساس بالذنب
... إحدى القوى الكونية الهائلة القادرة على تفتيت النفس وتفسيع
... أوارها.

دل ده بشكل غير واعى.. ويتدبير خفى.. وتخطيط محكم.

إحنا زي ما عقلنا بيشتغل لصالحنا.. ممكن ساعات يشتغل ضدنا.
وزي ما جسمنا بيساعدنا ويسندنا.. ممكن أحياناً يقاومنا ويحاربنا.
وزي ما فيه قيامة وحساب إلهي في الآخرة.. ساعات بيكون فيه
... أمة وحساب نفسي في الدنيا.

هل دي قاعدة؟ هل ده يسري على كل الناس؟ هل ده يمنع حساب ربنا وعقابه لينا سواء في الدنيا أو في الآخرة؟
طبعاً لا.

فيه حاجة اسمها ابتلاء.. وفيه حاجة اسمها مصائب.. وكتير الأمراض العضوية والنفسية بتحصل لأي حد.. حتى للأطفال.

لكن كل ده عبارة عن مجموعة من الملاحظات والتفسيرات (بعض الناس).. سهاها صديقي الطبيب النفسي العبقرى د. محمد أنس (نظرية العقاب الذاتي)، وأنا باسميها (القيامة النفسية).

اللي كانت رحلته مع نفسه فيها تزكية.. ومع الآخرين فيها استراحه.. وتراحم.. هتفتح من جواه أبواب (الجنة النفسية الداخلية) اللي مليانة سكينة ونور ورضا عن نفسه وعن حياته، مهما كان مصاعب.. واللي كانت رحلته مع نفسه فيها تشويه.. ومع الآخر فيها ضرر وأذى.. هيشور عليه عقله، ويوقعه في شر أعماله، بتا.. محكم من أعماق أعماقه.. وهيتمرد عليه جسمه ويعاند فيه بكل إمكانياته وترصد.. وهتفتح عليه نفسه أبواب (الجحيم النفسي الداخلي).

فيه جوانا جزء مراقب.. ساعات بيكون مكافئ.. وساعات بيتألم..
مُعاقب.

الجزء ده جاهز.. ومستعد للعمل في أي وقت.. من دون سب أو إنذار.

مش عارف إيه ممكن يمنعه أو يوقفه.
مش عارف إيه علاقته بالضمير والأنا الأعلى.
مش عارف هو خير ولا شر.. ملاك ولا شيطان.

.. من الي عارفه كويس ..
.. الجزء ده موجود ..
.. مستني .. ومتربص ..
.. عقلك .. وداخل جسمك .. وفي أعماق نفسك ..

.. انه يمكن تكون إحدى وسائل الحماية منه ..
.. انك تحب نفسك ..
.. تحترم غيرك ..
.. مراعي ربنا ..

.. اعتها ..
.. بدر بجد .. تتقي شر نفسك ..
.. تملك زمام جسمك ..
.. نأمن مكر عقلك ..

.. خلي بالك ..
.. ده جزء واحد .. من أجزاء كثيرة جدًا موجودة جواك ..
.. ما عرفك عليهم بالتفصيل .. خلال دقائق ..

.. والآن من فضلك ..
.. أرجع مقعدك للمخلف ..
.. واربط حزام الأمان ..

واحد صحيح

- ١ -

أرجعت مقعدك للخلف؟
ربطت حزام الأمان؟
طيب..

إنت ليك كام شخصية؟
فيه منك كام صورة؟
عندك كام نسخة؟

كام مرة بتكون في مكان ما بشخصية.. وفي مكان تاني بشخصية
مختلفة تمامًا.. بتكون مع ناس معينين بصورة.. ومع ناس تانيين بـ
غيرها خالص.. في موقف ما، بتطلع نسخة منك.. وفي موقف
تطلع منك نسخة قد تكون عكسها في كل شيء.

بلاش انت.. مين من الناس اللي تعرفهم بتحس إنه عايش
وش.. بيتلون بأكثر من لون.. بيجير جلده كل شوية.

من أحد مشاهد فيلم Split، يجلس بطل الفيلم (دينيس) أمام
المرآة النفسية المخضرة، في لحظة صدق وبصيرة نادرة.. ويقرر إنه
سأبهر أسراره، ويقول لها:
دينيس: أريد أن أحدثك عن (كيفين)، وماذا فعلت به أمه..
أبشر كل ذلك.

المعالجة: أنا سعيدة لأنك أصبحت منفتحة فجأة.
دينيس: كانت أمه تمتلك العديد من الطرق المؤذية في العقاب منذ
ثلاث سنه ثلاث سنوات.
المعالجة: هل كان هذا وقت أول ظهور لك؟
دينيس: نعم، الطريقة الوحيدة لتجنب عقابها كانت جعل كل
شيء مثاليًا.

الحقيقة (دينيس) كان هو (كيفين).. اللي نتيجة معاملة أمه
الطامسية، قرر بشكل غير واعٍ- إنه يصنع لنفسه شخصية جديدة..
سوف بالجمود، والدقة، والمثالية الشديدة.. علشان يحمي نفسه من
الأم.

(كيفين) ماتحولش لشخصية جديدة.. كيفين (صنع) شخصية
جديدة غيره.. بتظهر أحيانًا، وتختفي أحيانًا أخرى.. بتتوجد في
الوقت.. وماتتوجدش في مواقف غيرها.. هو أصبح مصابًا بما نسميه
الاضطراب الشخصية المتعددة.. أو بلغة أبسط (انقسام الشخصية).

كيفين بقى فيه منه نسختين: (كيفين) الطفل المأذى المجروح.. و(دينيس)
النسخ الجامد المثالي.

وعلشان الجرح كان عميق.. والأذى كان كبير.. هو ما كنا نشعر به
شخصيتين بس.. (كيفين) كان عنده أربعة وعشرين شخصية
بعض.. كل واحدة منهم بتطلع في وقت من الأوقات، علشان
عن (كيفين) الصغير الجريح.. كان فيه منهم (هيدويك)، الذي
المراهق المشهور.. كان فيه منهم (باتريشا)، السيدة الخازمة الصارمة
وكان فيه (الرجل الوحش)، اللي ظهر في نهاية الأحداث، علشان
من الجميع بأبشع الطرق.

- ٣ -

مرض (اضطراب الشخصية المتعددة) Multiple Personality Disorder
من الأمراض النفسية الغريبة والمثيرة للاهتمام.. واللي تناولتها كتب
الأعمال الأدبية والفنية.. من أول (دكتور جيكل ومستر هايد)، إلى
Fight Club، و Split، و Black Swan، و Hide and Seek، و مروا
بـ (بشر الحرمان).

هنا المريض بيكون عنده أكثر من شخصية، في العادة شخص
واحدة منهم بتكون غالباً عكس الثانية بالقطب.. يعني شخص
خبجولة، وشخصية جريئة.. شخصية ضعيفة، وشخصية
شخصية منظمة، وشخصية عبثية.. شخصية مؤدبة، وشخصية
مؤدبة على الإطلاق.. وهكذا.

مش بس كده..

ده ممكن كل شخصية فيهم يكون ليها سن غير الثانية..
المريض وهو في الشخصية الأولى يتكلم بلسان وصوت وحركة
عنده ست سنين، وفي الشخصية الثانية يتكلم بلسان وصوت
واحد عنده ثلاثين سنة.

.. مش بس كده..

.. يحصل كثير إنه يكون فيه تغيرات بيولوجية (جسدية) بين شخصيتين.. يعني شخصية فيهم يكون مقاس نظرها ستة على ستة، شخصية الثانية مقاس نظرها ستة على ستة وتلاتين.. شخصية ثالثة يكون عندها حساسية صدر.. والشخصية الثانية ماعندهاش.. شخصية رابعة فيهم يكون ضهرها مخني أثناء المشي.. والشخصية الثانية لها مفروء، وده يديها طول وعرض أكثر.. إحنا بتكلم عن اثنين آدميين غير بعض.. عايشين في نفس الجسم.. وأحياناً ممكن شخصية فيهم تكون متجوزة ومخلقة.. والشخصية الثانية ماضربة عن الزواج.

شخصيتين مايعرفوش أي حاجة عن بعض.. كل شخصية فيهم ليها منفصلة.. ودواير مختلفة.. وأصدقاء وأماكن وحكايات وتاريخ.. الثانية.. علشان كده بيبكون عند كل واحدة فيهم فترات زمنية منسية، وأحداث تندesh لما حد يحكي لها عليها، كأنها ماكانتش موجودة.. بالفعل ماكانتش موجودة.. واللي كان موجود حد تاني.

ده مختلف تماماً عن تركيبة (الطفل والراشد والوالد) الطبيعية، اللي موجودة داخل كل واحد فينا، واللي اتكلمت عنها بالتفصيل في كتاب علاقات خطرة.

المناجاة بقى.. إنه زي ما فيه مرضى عندهم شخصيتين.. فيه نبي عندهم ثلاث أو أربع أو خمس شخصيات.. لدرجة إن فيه حالة مشهورة لشخص اسمه (كاميرون ويست)، كان عنده أربعة بشرين شخصية غير بعض.. منهم ولد صغير اسمه (كلاي) سنه سبع سنوات.. (كاميرون ويست) ومراته ظهوروا في برنامج أوبرا وينفري سنة ١٩٩٩، وظهروا معاها تاني في ٢٠١٤.

اضطراب الشخصية المتعددة.. موجود في نسبة ١ إلى ٣ في ١١
البشر، تبعاً لآخر بحث عمله (سبيجل) سنة ٢٠١١.
لكن..

في الحقيقة.. وبشكل ما.. كل واحد فينا جواه شوية شخصيات
بعض.. أي نعم ماوصلتش لدرجة مرض واضطراب وانقسام.
انت نفسك تقدر تشوف بوضوح إزاي بتكون مع فلان غير مع فلانة
في المكان ده غير في المكان ده.. وسط الناس دول غير وسط
دول.. في الموقف ده غير في الموقف ده.

بافتكر (شيرين) لما وصفت الحكاية دي بكل بساطة، وهي بتقول
أنا كثير..

أنا أألف حاجة على بعضها..

في حاجة واحدة..

أنا واحدة عايشة لوحدها.. مش حاسة وحدة..

في ضحككي حزن غريب قوي.. وفي حزني ضحكة.

طيب هو إيه اللي ممكن يعمل فينا كده؟

إيه اللي ممكن يخلي حد منا (كثير)؟

إيه اللي يضطرني إني أعمل نسخ تانية غيري أواجه بيها الناس
وأعامل بيها مع الناس؟

الكلام بيقترب منك شوية..

مش كده؟

طيب.. تعالى نشوف علم (السيكوباتولوجي) بيقول لنا إيه؟



• داء أي صدمة نفسية بتعرض لها، يكون عندنا عدة فرص
للالت.

الاحتمال الأول.. إن مقاومتنا النفسية تقدر تتصدى لها، ومناعتنا
تقف قصادها، ونقدر نواجه الصدمة، ونتجاوزها.

الاحتمال الثاني.. هو إننا نفضل في حالة خناقة داخلية مستمرة مع
صدمة دي.. ندخل حرب نفسية شعواء، فيها أسلحة وهجوم ودفاع
وفر.. وده يظهر علينا في شكل أعراض وأمراض (عُصابية) زي
الغثاب والتوتر والأمراض النفس-جسدية، وغيرها.

الاحتمال الثالث.. هو إننا نتراجع (ننكص) عدة خطوات للخلف،
نستقر في تاريخ نمونا النفسي، لغاية ما نوصل لأكثر فترة كنا حاسين
بها بأمان وراحة استقرار، ونقف عندها.. وده ينتج عنه أعراض
السمانة (زي الفصام والضلالات والكتاتونيا، وغيرها).

فيه بقى احتمال رابع عجيب جداً.. وهو إننا نحاصر الصدمة دي
عقلنا، ونحتجز الجزء المصدوم المجروح فينا، ونخفيه داخل أعماق
عقلنا داخلنا.. علشان نحمي نفسنا من الألم وشدته.
خليني أدبك أمثلة..

واحد شاف حادثة على الطريق.. شاف مناظر الموت والدم والجثث،
ما درس يستحمل، فعقله قرر -دون قصد منه- إنه ينسى كل اللي شافه،
يعتبر اللي حصل كأنه ما حصلش، ويركن هذه الخبرة على أحد أرفف
عقله، وتعامل معها ذاكرته كأنها لم تحدث.. بنسمي ده (فقدان الذاكرة
الانشقاقية) Dissociative Amnesia.. بمعنى إن جزء من عقله انشق
من باقي الأجزاء، وانفصل عنها، علشان يحمي صاحبه من الألم الشديد،
والصدمة الموجهة، اللي ممكن تؤدي بيه إلى الاكتئاب أو الجنون أو حتى
الانتحار.

فيه بقى شكل ثاني من أشكال الانشقاق.. وهو إن الشخص كله، اللي شافت الحادث واتألمت فيه، تنفصل جزئياً عن وعي صا وتنزوي في ركن ما داخله.. ويطلع (جنبها) شخصية ثانية مختلفة اسم وتاريخ وذكريات أخرى، ليها صفات وخصائص جديدة، أو أجمل، وربما أقسى.. وده يبقى اسمه Associative Identity Disorder أو اضطراب الهوية الانشقاقي.. اللي هو الاسم الثاني لاضطراب الشخصية.

ده برضه بيحصل أحياناً مع بعض البنات اللي بتعرض للإساءة الجنسية أو الاغتصاب في سن صغيرة.. فيضطرو وعيها إنه يتنصفين.. نصف فيه شخصية الطفلة الصغيرة اللي استغاثت اغتصبت.. ونصف فيه شخصية ثانية غيرها.. قد يكون هدف وجع هو الانتقام من كل رجال العالم.. وتبادل الشخصيتين الحياة بشكرا تعلم عنه صاحبتة نفسها شيئاً.

طريقة صعبة جداً.. وذكية جداً.. بيستخدمها العقل للحفاذا صاحبه من الانهيار النفسي التام، بانه يفكك بعض أجزائه.

تمام كده؟

وضحت الصورة؟

تمام..

تعالى بقى، بعد ما شفنا إزاي صدمة نفسية ممكن تخلق داخل شخصية (أو شخصيات) مختلفة، يتقمص إحداها من حين لآخر بشكل مرضي وغير طبيعي.. تعالى نرجع مع بعض، عندك وعندني ونشوف (العيلة) اللي جوا كل واحد فينا.. أيوه.. العيلة اللي جوا واحد فينا.. أو ما يعرف حديثاً بـ (نظام العائلة الداخلية).



الم العائلة الداخلية (Internal Family System)، هي نظرية
الم النفس الأمريكي (ريتشارد شوارتز) في أواخر القرن
و قدم من خلالها طريقة جديدة لفهم النفس البشرية.. عند
ماء وغير الأصحاء.
أنا هنبدا أنا وانت نبص جوانا شوية..

أنا آدم بيتولد بتكوين نفسي فطري طبيعي.. سبيكة خام نقية
أنا شوائب (عدا طبعا بعد الفروقات والاستعدادات الجينية..
سمي التكوين ده (الفطرة).. ناس تسميه (النفس الحقيقية)..
سميه (الطفل الحر).. وكلهم بيوصفوا نفس التركيبة الأساسية
أنا الموجودة فينا كلنا.

أنا كية دي لما تبدأ تحتك بالعالم.. وتواجه الحياة.. ممكن تتعرض
أنا الصعوبات والصدمات النفسية.. الي ممكن تجرحها.. أو
أنا في أذاها.. لكننا بنحاول نتعامل مع ده وتنصدي ليه بطرق

أنا الي بيحصل في بعض الأحيان.. هو إن الجرح يكون عميق..
أنا يكون شديد.. بدرجة قد تفوق قدرتنا على الاحتمال والمقاومة..
أنا بيضطر عقلنا إنه يتدخل بطريقة مختلفة، علشان يحفظ التركيبة
أنا من الانهيار.

أنا بيقدر إنه ينقذ الجزء المجروح جوانا، ويمنعه من التعرض
أنا من الخطر والألم، بأنه بيعده عن بؤرة الأحداث شوية.. ويعزله
أنا مكان آمن لوحده.. ويحيطه بمجموعة من الحراس الأشداء،
أنا المدافعين الشجعان.. الي يقدرُوا يتولوا مهمة حمايته والذود عنه.

بيسموا الجزء المجروح الي بيتم عزله Exile.. أو (الجزء الم
fighters و Managers والمدافعين دول
أو (المديرين) و (الإطفائيين).. الي مهمتهم يكونوا
directors (حماة).

(المديرين) و (الإطفائيين) دول فيهم شوية شبه من الشئ
البديلة الي بتطلع لما الشخصية الأصلية تكون في خطر.. بس ده
مش شخصيات بديلة.. دول أجزاء داخلية موجودة جوانا كلها

يعني الجزء الغاضب الي بيطلع منك في بعض المواقف.. هو
(الإطفائيين) الي مهمتهم الحفاظ عليك من أي إساءة أو إهانة.

الجزء الخايف والقلقان.. هو أحد (المديرين) الي بيتولوا قيادة
نفسك أحيانًا، علشان يجنبوها أي سوء أو مكروه.

الجزء الدقيق المهتم بالتفاصيل.. هو برضه أحد (المديرين) الي بي
شخصيتك تحت بعض الظروف، علشان يبعدوا عنك أي مفاجأة
محسوبة، أو عقاب غير مأمون.

مافيش حد فينا ما فيش جواه جزء مجروح..
مافيش حد فينا ماتصدمش أو ماتخذلش أو ماتخانش..
مافيش حد سليم وقويم ومعافى بنسبة مئة في المئة..
كل واحد مننا -وبشكل طبيعي- عنده (المديرين) بتوء
و (الإطفائيين) خاصته.. والجزء (أو الأجزاء) الجريحة داخله.

أمال إمتى تحصل مشكلة؟

الجزء المشكلة لما أحد (المديرين) أو (الإطفائيين) دول يلعب دوره
غير مناسب.. أو لفترة أطول من اللازم.. أو بشكل مرضي
سحي.

(الجزء الغاضب) منك يبقى هو المسيطر عليك.. والظاهر في
أماماتك.. سواء عن حق أو عن غير حق.
إن (الجزء الخائف) يتولى قيادة أمورك بمفرده.. في الوقت
وغير المناسب.

(الجزء الدقيق المثالي) يتحول إلى جزء مهووس بالدقة، وموسوس
بشكل مُعيق ومُعطل.
(الجزء المُسكن) يستخدم المخدرات لتسكين الألم.
(الجزء اللطيف) يستخدم الإغواء للحصول على القبول.
(الجزء المسالم) يصبح مستسلم على طول الخط.
هكذا..

قد نفسك السيطرة على أحد (أو بعض) أجزائها.. اللي يقفز على
ها الأمامي.. وينطلق بيها بكل سرعة.. نحو هاوية المرض النفسي.

المليح ويعدين؟ نعمل إيه؟
نتخلص ازاي من المديرين والإطفائيين دول علشان ماننجرش
وهاوية المرض النفسي؟

تصور بقى إن إجابة السؤال ده.. هي السبب في إني كتبت الفصل
من أوله!

وإن كل الشرح والتفصيل والإحاطة اللي فاتوا.. كانوا بمثابة البوابة
الي حبيت أدخل منها.. وأدخلك معايا.. للكلام الي جاي.. والي أنا
شايفه أهم حاجة.. وأول خطوة.. في سكة أي تغيير حقيقي.
خد نفسك شوية..

وياللا نكمل.



الخطأ الأول اللي بيرتكبه أي حد قصاص أي جزء مش عاجبه .
نفسه .. هو إنه يرفض هذا الجزء .. ويقرر التخلص منه .. ويبدأ يتخلى
(مع حته منه) خناقة صعبة جداً .. تستنزفه وتنهكه على كل المستويات .
- آه ما احنا عارفين ده يا دكتور .. إنت قلت في كتاب علاقات خذل
إننا مهم نقبل الحزن والضعف والخوف .. ومانرفضهمش .. لأنهم مش
طبيعية موجودة عند كل البشر .

لا .. مش هو ده اللي أقصده .. أنا هنا مش باتكلم عن المشاء
والأجزاء (الطبيعية) اللي جوانا .. اللي طبعاً مهم نقبلها ومانرفضهاش
أنا باتكلم عن الأجزاء (المريضة) اللي جوانا .

- إيه ده؟ يعني عاوزني أقبل الجزء المكتشب فيا؟ عاوزني أرفض
بالجزء الجبان مني؟ عاوزني أستسلم للجزء العصبي أو الموسوس
الاعتمادى أو المدمن؟

في الحقيقة -وبالفهم المليون- آه .

نقبل كل حاجة، وأي حاجة، لو عاوزين نتغير بجد ..
بس خلي بالك ..

نقبل مش معناها نوافق .. ونقبل مش معناها نرضى .. ونقبل مش
معناها نستسلم .

نقبل معناها نفهم: هو الجزء ده جه ليه .. وعاوز إيه .

نقبل معناها نشوف: هو الجزء ده ظهر إمتى .. وظهر ازاي .

نقبل معناها نعرف: إيه وظيفته .. وليه قرر يؤديها بالشكل ده .

نقبل يعني نقرب .. ونتكلم .. ونتفاهم .. ونتفاوض .

نقرب من الجزء المتمرد فينا ..

نتكلم مع الجزء المعطوب داخلنا ..

نتفاهم مع الجزء غير المتزن منا .

ونتناوض مع الجزء اللي قرر -عنوة- إنه يتولى دفة القيادة .. لأنه ١١

ظهر .. ظهر لسبب .. هو شايفه منطقي .. ولهدف .. هو شايفه مهم
ولو وظيفة .. هو شافها حتمية .

المكتب ظهر علشان يقلل سقف توقعاتك من الدنيا ومن
فما تستناش حاجة من حد.. وما توجعش تاني.

الجزء الجبان ظهر علشان يبعدك عن أي مصدر خطر - حتى ولو
بسط - لأنك مش هتستحمل مزيد من التهديد اللي دقت منه كثير.

الجزء الاعتمادي ظهر علشان شاف ان دي الطريقة الوحيدة اللي
تنبك بيها الرفض.

الجزء المدمن ظهر علشان الألم كان شديد.. وكان محتاج مسكن
الدرجة التخدير.

الجزء الموسوس المشالي ظهر علشان دي الطريقة الوحيدة اللي
هتجيب لك الرضا من اللي حواليك.

ياهم ظهورا علشان يحمو الجزء المجروح جواك.

ياهم طلعا علشان يدافعوا عن الحطة المكسورة منك.

ياهم اتوجدوا علشان يحرسوا ما تبقى من نفسك.

أول بقى ما تفهم ده.. وتعرفه.. وتتأكد منه.. وأول ما يحس هذا
انق المتهور، والقائد الأرعن، إنك سمعته، وصدقته، وتعاطفت
سأه، وبطلت تحكم عليه.. هتحصل المفاجأة.. اللي بتؤكد بكل دقة
ان ما هو داخلك.. هو جزء لا يتجزأ من عائلتك النفسية.. وقطعة
من بازل حياتك.. حتى لو ضلت طريقها لبعض الوقت.

اللي هيحصل هو إن هؤلاء الحراس والمدافعين هيحسوا إنهم مش
أرين يفضلوا في نفس حالة التأهب القصوى، ما انت خلاص
منهم.. وإن المديرين والإطفائيين هيكشفوا إن دورهم ما عايش
السبب زي الأول.. ما انت خلاص حسيت بيهم.. وإن هذا الوحش
الساير.. والغول الضخم.. أن له أن تخور قواه.. ويسلم أسلحته..
اجع عن القيادة قليلاً.

هيحصل كمان إن كل دول يفكوا الحصار عن الجزء المجري
اللي جواك.. واللي كان مستخبي وراهم.. ومتبداري بيهم.. و
عن طريقهم.. ويا سلام لما يلاقيك مستنيه.. ومهتم بيه.. وفاز
حضنك.

فاتح حضنك لنفسك.. حاببها ومقدرها ومسامحها.. شايفها وحا..
وراحها.. معاها وليها، مش ضدها ولا عليها.

وهنا.. وعند النقطة دي.. تحصل عملية التئام طبيعية.. زي الا
اللي بيحصل بعد العمليات الجراحية.. اللي بيكون دور الجراح
فقط الفتح، والاستكشاف، ثم تقرب طرفي الجلد من بعضه.
وترك الباقي لجسد صاحبه.

تاني..

يعني أقبل الجزء الشكاك اللي فيا؟
آه.. أقبله.. بس ما وافقش عليه.. أعرف أصله إيه وظنه..
وامتى.. وأستخدمه في وقته وفي مكانه.

طيب أقبل الجزء العصبي المتهور اللي مني؟
آه.. أقبله.. بس ما اسلمش ليه.. أحاوره.. أفهم وظيفته اللي
يؤديها.. وأقرر إنني أؤديها بالجرعة المناسبة لو احتجتها في يوم من الأيام.

وبرضه أقبل الجزء المدمن بتاعي؟
طبعاً أقبله.. مش أَرْضِي بيه.. أسأله انت موجود ليه وعاوز إيه.
وأقول له كتر خيرك شكراً.. أنا ها علمك طريقة ثانية نتعامل بيها.
أنا العميق.

١. إحدى الجلسات العلاجية.. قدرنا أنا والعميل الي كنت شغال
اه نوصل للجزء الي جواه الي بيقلل منه.. ويهز ثقته في نفسه..
الجزء ده.. ونسأله انت موجود ليه؟ (في إطار تمثيلي درامي) .. وده
ردده:

أنا باضغط عليه علشان أنا متصور إنه مش قد المسؤولية.

أنا متصور إنه ضعيف.

أنا شايف إني كده باحميه.

لو خرج هيتأذى.

هو ماعندوش خبرة.

أنا مش عاوز الي حصل له قبل كده يتكرر تاني.

أنا متصور إنه حتى لو بدأ، مش هيكمل.. هيقف في نص الطريق.

في جلسة ثانية مع عميلة أخرى.. شفنا الجزء العصبي الغاضب
المدفع.. ولما كلمناه، قال لنا:

- أنا جيت علشان آخذ لك حقل.

- أنا الي باحميكي.

- من غيري إنتي عاجزة.

- من غيري إنتي خايفة.

- إنتي طيبة وهبلة وأنا الدرع بتاعك.

وبعد ما فهمنا الأجزاء دي.. وقبلناها.. وحسينا بيها.. واكتشفنا
الليفتها الي كانت بتؤديها ببعض من الرعونة.. شكرناها.. وقدرناها..
استنينا ليها.. واستأذناها في الإفراج عن الجزء الجريح المختبئ تحتها..
والخروج به إلى النور.

وأول ما طلع.. وأول ما شم نفسه.. اتكلم وقال:
أنا فعلاً أتأذيت.. بس مش هينفع أستخبي على طول.
أنا فعلاً اتجرحت.. بس مش الحل إني أفضل في الضلمة.
إنتو فعلاً حاولتو تحموني وتحفظوا عليا.. بس كفاية لغاية كده
أنا محتاج أعيش.
أنا محتاج أحيأ.



حل المشكلات والصعوبات والأمراض النفسية - من وجهة نظر
نظام العائلة الداخلي - مش هو التخلص، والاستئصال، والرفض.
الحل هو الاقتراب، والفهم، والتصالح.
أقرب من أجزاء نفسي.. وأقبلها كلها على بعضها.. فكل جزء بأنا
حجمه.. ويرجع مكانه.

أفهم كل حنة مني.. وأحتويها وأستوعبها.. فتحميني بجد.. بال
ما كانت بتؤذيني، وهي متصورة إنها بتحميني.
أتصالح مع نفسي.. أتراضى معايا.. أتراحم بيا.
أقبل الجزء العنيد اللي جويا.. ما هو حماني من الاضطراب إلى الاستسلام.
أقبل الجزء الفاشل مني.. ما هو كان إعلان لرفض الواقع الضاغطة.
أقبل الجزء المكتئب.. ما هو حاش عني صخب الحياة وخذلان
الناس.

أقبل الجزء الجبان.. والجزء المقصر.. والجزء الغبي.. والجزء
الغشيم.. والجزء الغلطان.. والجزء المجنون.. والجزء المعاقب.
أقبلهم.. مش أوافق عليهم.. ولا أرضى بيهم.
أقبلهم..

لأنهم كانوا جنود رحلتي.. وحراس مشواري.
لأنهم كانوا كدماتي.. اللي منعت عني كثير من الجروح.
لأنهم كانوا خلدوشي.. اللي أنقذتني من مزيد من الكسور.

اللعنة في كتاب الخروج عن النص، عن (النفس الحقيقية) التي
التي بها، و(النفس المزيفة) التي بنضطر نتحول ليها علشان نلاقي
قبول وحب الي حوالينا.. قلنا إنه مهم نستعيد نفسنا الحقيقية..
التحول إلى نفس مزيفة هدفها إرضاء أي حد بأي شروط.
الانكلمنا عن (الطفل الحر)، و(الطفل المتكيف) في كتاب علاقات
قلنا برضه إنه مهم نسمح للطفل الحر الي جوانا إنه يعيش
ويعبر عن نفسه، ونبطل نكون (طفل متكيف) تحت الضغوط
المشوهة الي اتعرضنا لها.

أبقى.. أنا باقول لك إزاي ده ممكن يحصل.. من غير ما تخسر أي
نفسك في الطريق.. أو تكسر أي حبة من روحك في السكة.
غير ما تبقى زي (نينيا).. بطلة فيلم Black Swan (البجعة
سوداء).. وبطلة آخر فقرة في هذا الفصل.



(نينيا) كانت راقصة باليه.. مطلوب منها تلعب دور البجعة البيضاء
البجعة السوداء في أحد العروض.. نينا عاشت طول حياتها بجعة بيضا..
مهذبة.. خجولة.. بتسعى إلى المثالية والكمال.. بس دايما كان
حاجة ناقصة في شغلها وفي حياتها، على الرغم من قدرتها الكبيرة
الدقة والإتقان والتحكم في كل التفاصيل.. كان ناقصها التلقائية،
الوثة.. كان ناقصها عبث الجنون، وروح المخاطرة، وعنصر المفاجأة..
الناقصها إنها تسبب نفسها في بعض الأوقات لأحاسيسها ومشاعرها.
وعلشان تلعب (نينيا) دور البجعة السوداء في العرض، كان مهم الأول
أها تشوف البجعة السوداء الي جواها.. وتقرب منها.. وتلتحم بيها.
وخلال رحلتها شافت (نينيا) خوفها المرعب، ورغباتها الدفينة، وجنونها
الستحيبي.. ومع كل خطوة كانت بتخطيها، كان بيظهر إبداعها أحلى،
وبان تلقائيتها أكثر، وتححر نفسها من قيود قديمة كثير، ساهمت فيها
القياسية. بس (نينيا) ما استحملتش الرؤية، وماقدرتش تقبل أو
تتوعد الي شافته وعاشته.. علشان كده كانت نهايتها المأساوية.

إنّ بقي .. وأنا .. وكل واحد فينا .. محتاج يشوف البجعة السـ
الي جواه، ويستحمل اللي هي شوفه .. ويقبله .. ما ينكروش ولا ...
أو يهرب منه.

يمكن نكتشف عن نفسنا حاجة جديدة ..
يمكن نكمل اللي ناقص منها .. بيها ..
يمكن نلحم الطيبة بشوية دهاء ..
يمكن نضيف للتهذيب شوية جرأة ..
يمكن نخلط مع الخجل شوية إقدام.

يمكن نكتشف إن المثالية الحقيقية بتبدأ من قبول الأجزاء الي ...
قابليتها في نفسنا، وجمع الأجزاء دي في كل واحد متكامل .
وإن الجمال الحقيقي هو شوية من الأبيض على شوية من الأسود ..
بينهم كل ألوان الطيف .
شوية من الوهج على شوية من الضلمة .. بينهم كل درجات الزهـ ..

وإن الكمال الحقيقي هو التحام فجورها .. بتقواها ..
وتكاملهم ..
والتحامهم ..
ثم التتامهم ..
وإن هو ده أصل الطريق ..
وإن هو ده شرف الرحلة ..
رحلتك إنك تكون: «واحد صحيح» .
...

تقدر دلوقت تُعيد مقعدك للأمام ..
وتفك حزام الأمان .
وتقول لنفسك:
حمد الله على السلامة .

إنت عبقرى

فیه معالجة سیکودراما شهيرة اسمها (مارشا كارب).
مارشا تتلمذت فی أمريكا علی إید الراجل الی اخترع السیکودراما
... اسمه (جاكوب مورینو).. وبعدها انتقلت إلی بریطانیا..
... ساهمت فی انتشار هذا النوع من العلاج هناك (وفی العالم كله) حتی
الآن.

مارشا حكت لی إنها فی يوم من الأيام كانت بتبأشر مرضاها فی أحد
مستشفيات نیویورك الساعة السابعة صباحًا.. وجاها تليفون عاجل
من جاكوب مورینو.. بیطلب منها إنها تسیب الی فی إیدیها، وتتوجه
إل بیته فورًا.

مارشا اتخضت واتلخبطت، ودار فی مخها كل الاحتمالات السيئة
الممكنة وغير الممكنة.. یا ترى أنا عملت إیه غلط؟ إیه المصيبة الی ممكن
الحالی أستاذی یطلبني بالشكل ده الساعة ٧ الصبح؟ طیب هیقول لی إیه
هاقول له إیه؟

مارشا قطعت الشك باليقين، وراحت لمورينو البيت.. فتحت الباب زوجته الجميلة الوفية (زيريك)، وقالت لها إنه منتظرها في مكان

دخلت مارشا المكتب.. وقعدت على الكرسي المواجه لمورينو، وهي في انتظار نزول الصاعقة.

مورينو بص لها في هدوء، وعلت وجهه ابتسامة مشجعة.. وولها: مارشا.. You are a genius (إنني عبقرية).

مارشا استغربت.. وضربت أخماس في أسداس.. وما فهمتشي الراي يقول لها كده ليه.. وإيه اللي حصل علشان يهديها هذا الإطراء الاستثنائي وقبل ما تسأله إيه السبب؟ وإيه المعنى؟ وإيه المطلوب؟ أشار لها مورينو بالانصراف.

رجعت مارشا المستشفى.. وهي في حالة ذهول وتعجب.. وأما ما زمايلها شافوها، اتجمعوا حواليتها وبدأوا يسألوها: فيه إيه؟ قالوا إيه؟ إيه الحكاية؟ جاوبتهم مارشا باللي حصل.. علشان تُفاجأ بأمر زمايلها بيقول لها: ياه.. معقول.. ده من يومين، مورينو اتصل وطلب يقابلني في نفس المعاد، رحت له وأنا مخضوض.. وقال لي نذ الجملة: «إنت عبقري».. وزادت المفاجأة لما زميلة أخرى ضحك بصوت عالي وقالت لهم: ده نفس اللي حصل معايا الأسبوع اللي فات، بالضبط.. وزميل تالت.. وزميلة رابعة.. بصوا كلهم لبعض.. وفيه الرسالة اللي مورينو كان عاوز يبلغها لهم:

(كل حد فيكم عنده القدرة إنه يكون عبقري.. أي حد منكم جالس الاستعداد إنه يكون ميدع).

ملعباً الكلام ده لا يسري على مارشا وزميلها فقط.. الكلام دي
دي عليك وعلياً.. وعلى كل الناس..

سيجموند فرويد يفسر الإبداع والعبقرية على إنهم طريقة لحل
معضلات نفسية داخلية، بدلاً من مواجهتها.. بس الكلام ده مختزل
صحيح الأفق جداً.. لأنه بيدي أبعاد مرضية للعملية الإبداعية.. وده
ما بيكون صحيح في كل الأحوال.

على الجانب الآخر، علماء مدرسة الجيشتالت في العلاج النفسي
نوفوا إن الإنسان بطبعه مبدع.. وإن العبقرية صفة طبيعية وصحية
جودة فينا من وقت ولادتنا.. وموجودة في كائنات غيرنا كمان.. بس
هت وتندثر بمرورنا ببعض الخبرات السيئة.

الإبداع مش لازم يكون معناه إنك تؤلف رواية، أو ترسم لوحة،
أو تكتب شعر.. ولا العبقرية معناها إنك تحل معادلة.. أو تكتشف
الدرة.. أو قانون الجاذبية.. دي فقط إحدى صور الإبداع.. اللي بيكون
فيها الناتج الإبداعي (ناتج خارجي).. يعني خارج الشخص المبدع..
ومنفصل عنه.

إنما فيه صورة أعقد وأهم للإبداع.. وهي إنك تبدع في نفسك..
غيرها للأحسن.. تسلك بها مسالك جديدة.. تمشي بها في طرق مختلفة..
تزيكها وتطهرها وتسمو بها في رحاب الحياة.

ده (الإبداع الداخلي).. اللي مش منفصل عن صاحبه.. ومش بعيد
عنه.

بعض المبدعين (إبداع خارجي) سيكون عندهم بالفعل مشكلات نفسية.. يحاولوا يتغلبوا عليها عن طريق انفصالهم عن الواقع، والتحليق في سماء إبداعهم.

لكن معظم المبدعين (إبداع داخلي) يقربوا من أنفسهم، ويعيدوا اكتشافها، ويعيدوا صياغتها وصقلها، علشان تكون هي الناتج الحقيقي للإبداعهم.. والشكل الأصيل لعبقريتهم.

وفي رأيي.. هو ده الإبداع الحقيقي والأكثر أصالة.

يعني لما تقرر تلعب دورك وبس.. وماتلعبش أي دور غيره.. د

إبداع.

لما تقطع كل أواصر ولائك الخفي لحكايات الماضي.. دي عبقرية لما تخرج بره الكومفورت زون.. ده إبداع.

لما تقول «لأ» المناسبة في الوقت المناسب.. دي عبقرية.

لما تلملم أجزاء نفسك.. وتتصالح عليها.. ده إبداع.

ولما تبقى واحد صحيح.. دا منتهى الإبداع.. وقمة العبقرية.

فيه نوع ثالث من الإبداع بيجمع بين النوعين السابقين.. لكنه أنا.. وأقل وجودًا.

يعني تكتب شعر أو قصة أو رواية.. وده في نفس الوقت يقربك من نفسك.. ترسم لوحة.. وده جنبًا إلى جنب يصالحك عليها تكتشف فكرة أو اكتشاف جديد.. وتكتشف معاه في التو والحين حنة جديدة منك.. وهكذا.

المناسبة.. معظم أصحاب الإبداع الخارجي، أول ما يتعالجوا
مشكلاتهم وصعوباتهم النفسية، يبتطلوا يبدعوا.. علشان الصراع
الذي المحفز للإبداع يكون خلاص انتهى.. والعقدة النفسية المثيرة
التي بتكون خلاص اتحلّت.. فيتحوّل إبداعهم الخارجي إلى إبداع
الذي في أنفسهم وفي أرواحهم.. علشان كده فيه جدال علمي عنيف
بين المفاضلة بين علاج بعض المبدعين من ناحية.. واحتمالات
فهم عن إبداعهم (اللي هو من حق الإنسانية) بعد العلاج، من
ناحية أخرى..

فلما مبدعين بدرجة أو بأخرى..
فلما عندنا استعداد للعبقريّة..

بقي فقط..
إنك تصدق ده.
وسدق.. إنك مبدع..
وإنك عبقرى.

باللا صدق.
مستني إيه؟

هنا ودلوقت

عارف إيه أصعب سجن في الدنيا؟
سجن «خايف من بكره».
عارف إيه السجن اللي أصعب منه؟
سجن «زعلان على امبارح».
عارف إيه أصعب حاجة فيهم هما الاتنين؟
إن احنا اللي بنسجن نفسنا فيهم بإيدينا.

ما فيش سجن بيهدل صاحبه، ويعذبه، وما ينيمهوش الليل...
سجن «خايف من بكره».. وما فيش زنزانة ضيقة ومظلمة وموحشة
زي زنزانة «زعلان على امبارح».

كل يوم باسمع مئات الشكاوى.. من عشرات الأشخاص
تتلخص معظمها في الندم على اللي فات.. أو الرعب مما هو آت
إما واحد غرقان في امبارح ومش قادر يفلت من شباكه.. وإما واه
مشنوق من بكره ومش عارف يفك حبل المشنقة.
مع إن اللي بيعوز بيقدر.. واللي بيعوز بيعرف.

... شعبط في علاقة قديمة.. أو زعلان على فشل سابق.. أو ندمان
في ضائعة.

... خائف من فقد الموجود.. أو ضياع المحسوب.. أو خسارة المكتسب.
لأده عايش.. ولأده عايش.

... الحقيقة.. هما الاثنين عايشين..
... ما فيش حد فيهم على قيد الحياة.
... الاثنين بياكلوا ويشربوا ويتنفسوا..
... ما حدش فيهم حاسس بطعم الأكل أو الشرب أو النفس.

... عايش في حزن.. وده عايش في هم.. والاثنين عايشين في غم.
... الحزن هو الانشغال بما مضى.. والهم هو الانشغال بما هو آت..
... الهم هو الانشغال بما هو حاضر.

... عني واقع الحال.. إن الانشغال بامبارح ويبكره.. بيضيع علينا
النهارده.

... بيضيع علينا فرحة النهارده.. خوفاً من حزن (قد) يأتي بكره.
... بيحرمنا من حب النهارده.. تعلقاً بحب امبارح.
... بيخطف منّا جمال النهارده.. فجأة ومن دون إنذار.

... مش بس كده..
... ده الانشغال بدقيقة فاتت.. أو دقيقة جاية.. بيضيع علينا الدقيقة
الاحنا فيها حالياً.
... والانشغال بلحظة فاتت.. أو لحظة جاية.. بيحرمنا من هنا
دلوقت.

هنا ودلوقت.

إحنا في الحقيقة لا نملك في حياتنا غير (هنا ودلوقت).. مافيش في أيدينا غير اللحظة دي، في المكان ده.

إلي فات انتهى.. حتى لو كان ساب أثر أو كدمة أو جرح.
واللي جاي.. ما زال بإيد ربنا.. مانعرفش هنشوفه أصلاً واللا لا

مافيش غير (هنا ودلوقت).

كل حياتك مُركزة في هذه الثانية.. اللي هتروح ومش هترجع تاني
هي فعلاً راحت بعد قرابتك للسطر اللي فات.
واللي بعدها راحت أول ما وصلت للسطر ده.
سُفّت؟

في بعض تدريبات الوعي اليقظ «Mindfulness»، بيحطوا قدام
الناس أكل.. ويطلبوا منهم ياكلوا على مهلهم جداً.. ويوجهوا
إنهم يعملوا كل خطوة في عملية الأكل ببطء شديد.. يمضغ اللقمة
براحته.. ياخذ وقته في إنه يتذوقها.. يحس بطعمها. ويعدين يبلعها
دون أي استعجال.. ويبدأ اللي بعدها.. وهكذا.

في بعض التدريبات الأخرى، بيخلوا الناس يغمضوا عيونهم.
ويتنفسوا بهدوء.. ويحسوا بالهوا وهو داخل وخارج من صدرهم.
ويحسوا بعضلات الصدر والبطن وهي بتتقبض وتنبسط.
ومايفكروش في أي حاجة غير النَّفس اللي بيتنفسوه.

كل ده علشان يورونا قيمة اللحظة الحالية.. ويعلمونا إزاي نرتد
فيها.. ونمسكها.. ونقتنصها.. ونحسها.. ومانسيهاش تضيع هباء.

أقول لك..

٨. انت إمتى آخر مرة حسيت بطعم الأكل في بقلك؟
أ. آخر مرة غمضت عينيك وسييت نفسك يدخل ويخرج في هدوء؟
ب. زمان قوي.. مش كده؟
ج. اللا ما حصلش أصلاً؟
د. ليب.

ملشان كل ده.. اتعملت قاعدة مهمة جداً في جلسات العلاج
الجمعي الحديثة.. اسمها (أنا وانت، وهنا ودلوقت).
بني لما أحب أتكلم.. أتكلم بصيغة (أنا).. مش صيغة الواحد.. أو
..ان.. أو النبي آدم.. ما ينفعش أقول: «والله الواحد تعبان النهارده»،
«الإنسان طول عمره ضعيف». لكن ينفع أقول: «أنا تعبان النهارده»،
«أنا حاسس بضعفي».
ولما أحب أكلم حد.. أكلمه في وشه وأقول له: «إنت».. ماتكلمش
حد غايب.. وماتكلمش مع حد عن حد موجود بالفعل بصيغة
الذات.

وفي كل ده.. إحنا عايشين هنا ودلوقت.. وحاسين هنا ودلوقت..
وماسكين في هنا ودلوقت.

أنا شايف إن القاعدة دي مش بس تنفع في العلاج.. دي ممكن تكون
قاعدة حياة.

ليه أخفف عن نفسي مسؤولية كلامي ومشاعري وتصرفاتي.. وأقول
(الواحد عمل).. بدل (أنا عملت).
ليه أهرب من مواجهة حد موجود أو غايب.. في حين إني أقدر
ألمه مباشرة.
ليه أهرب من هنا ودلوقت.. في امبارح وبكره.

يعني ما فتكرش اللي فات؟
لا طبعاً نفتكره.. بس نتعلم منه.. من غير ما نسجن نفسنا فيه.
يعني ما نعملش حساب اللي جاي؟
مين قال كده؟ نعمل حساب طبعاً.. ونخطط له.. بس برضه..
غير ما نسجن نفسنا فيه.

عاوزك دلوقت بقى تغمض عينيك..
وتاخذ نفْسك على مهلك..
حس بالهوا وهو داخل وخارج صدرك..
حس بجسمك..
بعضلاتك..
بأطراف إيديك..
حاسس؟

جرب تافي..
وبعدها..
هتعرف يعني إيه (هنا).. ويعني إيه (دلوقت)..
وهتكون جاهز تماماً..
لدخول الفصل المقبل من أوسع أبوابه:
باب الوعي.
باب.. وعيك.

وفيك انطوى العالم الأكبر

عماوزك تشغل موسيقى هادية وانت بتقرأ الفصل ده..
لأنه هيخترق روحك ويوصل لأعمق نقطة فيها..
كنا لم يحدث معك أبداً من قبل.

أقترح عليك تسمع مقطوعة None of them are you من فيلم
The Adjustment Bureau.. شغلها في الخلفية بصوت منخفض..
والبطها تعيد نفسها تلقائياً لغاية ما تخلص الفصل.

- ١ -

إنت دلوقت شايف كلامي وبتقرأه ومركز فيه.. وبتسمع صوت
موسيقى هادية في الخلفية.. وبتقلب بإيديك الصفحات واحدة ورا
التانية.

إنت صاحبي.. وواعي.. وحاسس.
شايف.. وسامع.. وفاهم.

إنت دلوقت في مستوى يَقْظ من وعيك .. المستوى ده اسمه (الوعي الظاهر) Conscious Mind.

في مستوى (الوعي الظاهر)، إحنا بنشوف، ونسمع، ونحس،
بنبقى مركزين وفاهمين وعارفين .. بتكون فيه أفكار معينة في دماغك
ومشاعر معينة في قلبك، وسلوك محدد في تصرفاتك.

ببساطة شديدة .. بتبقى مش نايم .. علشان النوم ده مستوى (الوعي)
من الوعي.

تصور بقى إن فيه سبع مستويات من وعيك .. وسبع حالات
لوجودك .. وان (الوعي الظاهر) هو فقط أولها وأكثرها سطحية ..
وان اللي بعده أعمق .. واللي بعده أعمق .. وهكذا.

إحنا دلوقت هنقوم برحلة داخل وعيك ..

هنخترق طبقاته .. ونتجاوز مستوياته ..

لغاية ما نوصل لأبعد نقطة ممكنة.

ومش هتصدق هنلاقي إيه هناك.

جاهز؟

ياللا بينا.

المستوى اللي فات، كان المستوى الأول من الوعي.. اللي اسمه (العقل الظاهر).. أو (العقل الظاهر).

المستوى الثاني من وعيك اسمه (العقل الباطن الشخصي) Individual Unconscious، وده بقى حكاية لوحده.. قضى فيها (سجيموند فرويد) عمره كله علشان يكتشف أسرارها.

المستوى ده عامل زي الكهف المظلم، اللي شايل جواه ذكريات مدبسة من أيام طفولتك.. ومواقف مؤلمة عدت عليك في حياتك.. جود فيه غرائزك ودوافعك الخفية.. الجنس والعنف والعدوان.. الخجل والشح والأنانية.. الرغبات الغريبة والأمانى الخيالية.. وكل الحاجات اللي ماينفعش تبقى موجودة وحاضرة في وعيك الظاهر.. إلا هتجنن أو تتحر.

يعني ماينفعش مثلاً يكون حاضر في وعيك بمعدل أربعة وعشرين ساعة في اليوم، تفاصيل المرة اللي أبوك هزأك فيها قدام أصحابك.. دمية غضبك منه وقتها.. ماينفعش كمان تلح عليك أمنتك الدفينة في الطيران كل شوية (الأمية دي موجودة في العقل الباطن بتاع كل البشر)، لأن ده لو حصل، هتطلع فوق سور بلكونة بيتكم.. وتقفز مالياً في الهواء الطلق.. وأكيد برضه ماينفعش تحضر في وعيك كل دقيقة رغباتك الجنسية العارمة، وإلا هتتحول لحيوان هائج هائم على وجهه.. مهم كل ده يكون مدفون في بير عميق تحت سطح وعيك، ويكون متغطي بقشرة نفسية سميقة اسمها (الميكانيزمات الدفاعية)، دل هدفها منع وصول حمم عقلك الباطن الملتهب إلى طبقات وعيك الأعلى، علشان ده مُقلق.. ومؤلم.. وخطير.

لكن ده مايمنعش إن بعض محتويات عقلك الباطن، بتلاقي ده
لفوق من خلال شوية شقوق صغيرة في هذه القشرة النفسية.. زي الـ
مثلاً.. اللي سماها فرويد (الطريق الملكي للعقل الباطن).. كل حد
حد أو حدث في الحلم، بيرمز لحاجة أو حد أو حدث مخزون في
الباطن.. الكرسي ليه معنى.. القميص ليه معنى.. الضلعة ليه
الحصان ليه معنى.. وهكذا.

مممكن كمان بعض محتويات عقلك الباطن تظهر من خلال
لسانك وانت بتتكلم.. يعني لما تغلط وتقول «أنا فرحان فيك»
«أنا فرحان بيبك»، يبقى عقلك الباطن فيه شيانة فعلاً ناحية الـ
ده.. ولما تقولي «أنا عاجزة» بدل «أنا عايزة»، يبقى جواكي خوف
وحقيقي من العجز وقلة الحيلة.. لما تندد اسم مكان اسم.. لما
كلمة مكان كلمة.. كل ده ليه معنى ومدلول خفي.

شفت حد وهو خارج من أوضة العمليات بعد عملية (اللوز)
بيكون واخد بنج (مخدر) قبل العملية.. بس المخدر ده خفيف لـ
إنه مش بينيمه بشكل عميق قوي.. كأنه بيوارب باب العقل الـ
شوية.. واسمع بقى يا سيدي منه (أو منها) قبل ما يفوق حكايا
وروايات.. وأسامي ناس غريبة.. وشتايم أحياناً.. ورغبات ساعا
مع إنه مؤدب جداً ومش بتطلع منه العيبة.. بس عقلنا الباطن للـ
مش مؤدب.. ومليان بلاوي.. بس ربنا بيستر.

طبعا اللي بيشر ب ويشكر، باب عقله الباطن بيتفتح، واللي بيبا
باب عقله الباطن برضه بيتفتح، واللي بيتجنن بيطلع كل محتويات
الباطن، من صور وأشكال وأصوات ومخاوف، ويحطها قدامك
الترابيزة.

صندوق أسود مغلق.. ما حدش يعرف يفتحه.. ولا حد يقا
يعرف اللي فيه.. غير بطرق صعبة جداً.. زي التنويم المغناطيسي.. أو
التداعي الحر.. أو بتحليل نفسي طويل ومجهد لظواهر وصدف نفسه.
زي اللي ذكرناها فوق.

خلينا نفتح الصندوق بالراحة..
وتعالى ننزل للمستوى اللي جاي.

السنوى الثالث.. والطبقة الأعظم من طبقات وعيك اسمها Peri-natal Unconscious، أو (لا وعي الحمل والولادة).. وده
 هو اللي متخزن فيه كل ذكريات حضرتك من بداية حياتك
 (في الرحم)، لغاية ولادتك ونزولك أرض الدنيا بسلام.
 هو أنا كان عندي وعي أو ذاكرة وأنا في بطن أمي؟
 .. تصور.

الجارب اللي أجراها الطبيب النفسي والعالم التشيكي الشهير
 (سلاف جروف) أثبتت، إن عقلنا بيسجل ويخزن خبراتنا في
 سنم ويحتفظ بيها طول العمر.. وإننا نقدر ببعض التقنيات العلمية
 الخبرات دي ونحسها، كأننا عايشينها بالظبط.

جروف في تجاربه بالسبعينات.. كان بيحقن الناس بمادة كيميائية
 (إل إس دي - LSD)، تخليهم يدخلوا في حالة من الوعي بين
 والصحيان.. واكتشف انهم وهما في الحالة دي بيقدروا يسترجعوا
 حياتهم الجينية بشكل مذهل.. بعضهم كان بيوصف تفاصيل
 غريبة، زي المرة اللي حس فيها باختناق شديد (بسبب بعض
 ماسات الرحم)، أو المرة اللي حس بخبطة جامدة على بطن الأم (اللي
 تكون اتشنكلت ووقعت مثلاً)، أو المرة اللي حصل له فيه دوار
 مدم اقتران، بسبب وصول مادة غريبة لدمه عبر المشيمة (لما الأم كانت
 معصب مثلاً).. وكثير منهم وصفوا لحظات ولادتهم، وخوفهم
 المهم أثنائها بالتفصيل.

بعض الناس كانوا بيرسموا اللي شافوه في أثناء التجربة.. بعضهم
 رسم نفسه ملفوف بحبل حوالين رقبته (الحبل السري).. بعضهم رسم
 نفسه في مكان مظلم وبابه بيتفتح ويدخل نور (انقباضات وانبساطات
 عنق الرحم).. بعضهم رسم نفسه زي سمكة في بحر مياه كبير (السائل
 الأمنيوسي حول الجنين).

بعض الناس كما ان كانوا يياخذوا وضع الجنين تلقائياً في التجربة (وهم بين النوم والصحيان)، كأنهم يعيشوا بعض مشاهد حياتهم الجنينية فعلاً.. وعدد منهم كان بتظهر على جسمه علامات زرقاء، زي اللي أحياناً حد بيلاقيها على جسمه بعد ما يصحى من حلم مزعج.

أنا كنت على تواصل مع (جروف) من فترة.. وبعث لي الرسومات اللي رسمها بعض من خضعوا لطريقته.. الرسومات تتخطى قدرة أي حد على الوصف أو التخيل فعلاً.

مادة الـ «LSD» أصبحت محرمة دولياً لخطورتها على الجهاز العصبي.. واستبدالها جروف وتلاميذه باستخدام موسيقى ليها إيقاع معين، مع بعض الحركات الجسدية المنتظمة، اللي بتساعد على الاسترخاء النفسي، والدخول في هذه الحالة من الوعي.

إنت مش محتاج تعمل أي حاجة علشان تستكشف الطبقة دي من وعيك.. لأنها ممكن تعبر عن نفسها ومحتوياتها بشكل تلقائي يومي من غير ما تاخذ بالك.. النوم في وضع الجنين هو تعبير واضح عن نشاط هذا المستوى من الوعي.. الحلم المتكرر بالمياه أو الشاطئ أو السباحة أو الغرق، برضه تعبير عن ذكريات (أو مخاوف) مُسجلة في عقلك وجسدك من هذه المرحلة.. حلم إنك في غرفة مظلمة أو مغلقة لوحده هو مثال آخر.. وكذلك حلم الخروج من مكان ضيق إلى مكان واسع، أو القفز من مكان عالي إلى مكان منخفض.

إحنا أحلامنا بتعبر عن مستويات وعينا.. وكل حلم بنحلمه نقد نشوف هو طالع من أي مستوى.. وده يقول لنا حاجة عن معناه. مش بس كده.. ده ممكن حلم واحد يكون طالع من أكثر من مستوى. ممكن منهم كلهم.. ويكون ليه أكثر من تفسير وأكثر من معنى على حسب إنت بتشوفه من أي زاوية.

إحنا وعينا كبير جداً.. وواسع جداً.. ومتجاوز جداً. وابتداء من طبقة الوعي الآتية.. وعيك هيبدأ يتجاوزك أنت شخصياً.

خليك معايا..

وتعالى نشوف.

ومراتك اتفرجتو بالليل قبل ما تناموا على حلقة من مسلسل
١٠، الي فيه ناس مفقودين على جزيرة في عرض البحر.. وبعد ما
١١، انت حلمت انك على جزيرة.. ولقيت مراتك الصبح بتحكي لك
١٢، ان حلمت انها كانت على جزيرة.. مع اختلاف تفاصيل الحلمين.
١٣، حلقة مكونة من أب وأم وابن وابنة.. مروا بأزمة مادية طاحنة..
١٤، ما عدوا منها بسلام.. بقي كل واحد فيهم يحسب ألف حسبة قبل
١٥، ف أي مبلغ معاه.. خوفا من تكرار ما حدث.

١٦، من كرة قدم.. اتدربوا مع بعض.. عاشوا مع بعض شهور وسنين..
١٧، اوشربوا وناموا.. لدرجة انهم بقوا يفتكروا زي بعض.. ويفهموا
١٨، من غير كلام.. ويقرأوا خطط خصومهم بنفس الطريقة.. كأن
١٩، عن عقلهم الباطن بقى شبه بعض.

٢٠، الجزء دا من الوعي.. بتكون محتويات عقلك مشتركة مع عقل
٢١، تاني غيرك.. لأنكم بتكونوا اتعرضتو لنفس الخبرات.. وخزنتموها
٢٢، الذكريات.. وده بينعكس على تصرفاتكم وسلوككم.. ويظهر في
٢٣، مخكم وردود أفعالكم.. وأحياناً أحلامكم.. كأنكم شخص واحد.

٢٤، ملك الباطن في المستوى دا بيبكون مفتوح على العقل الباطن بتاع
٢٥، تاني.. مراتك.. صاحبك.. شلتك.. زميلك في الشغل.. كأن
٢٦، انكم متوصلة ببعض، بمعابر وكباري وقنوات اتصال.

٢٧، المستوى ده اسمه (اللا وعي المشترك) Co-Unconscious، وهو أعمق
٢٨، أوسع من اللا وعي الشخصي.. وأول واحد اتكلم عنه ووصفه كان
٢٩، عالم النفسي الروماني جاكوب مورينو (الي ابتكر طريقة السيكدراما
٣٠، العلاجية)، الي لاحظ إن ما يحدث في جلسات السيكدراما من مشاهد
٣١، مشاعر وتفاعلات عميقة، بيتم تخزينه بشكل كامل ومتشابه في عقول
٣٢، الموجودين.. كأن ليهم عقل واحد.

٣٣، استنى ماتستعجلش.. وماتستعجش استنتاجات سريعة..

٣٤، خلي ده بعد شوية..

٣٥، علشان الي جاي أوضح..

٣٦، وأغرب.

خليتنا نوسع الدائرة شوية..

المستوى اللي فات كان بداية خروج وعيك من حيز عقلك وجسدك وتواصله مع وعي آخر معاك.. بس في حدود اتنين.. ثلاثة.. شيء صغير.

المستوى دا بقى، واللي هو أعمق من اللي فات كله.. اسمه اللا، المجتمعى «Social Unconscious»، وفيه كل حاجة مشتركة ومتشابهة نفسياً بينك وبين كل الناس اللي من ثقافتك ومجتمعك.

الجزء ده من وعيك فيه ذاكرة بلدك وتاريخها.. اللي هي محفورة في وجوه أهللك وعيلتك وجيرانك وأصحابك وأحبائك.. فيه الحرف والانتصارات والهزائم.. وأثرها عليك وعليهم.. فيه كل الأساطير والحكايا القديمة.. كل الخيالات والتوقعات.. فيه مخاوف مجتمعك، ودفاعاته.. فيه عقده، وأمراضه.. فيه تفاصيل تركيبته النفسية.. اللي أصبحت لا يتجزأ من تركيبتك النفسية.

يعني مثلاً.. المصريين مشهورين بأنهم معتززين بنفسهم جداً في الأماكن والمواقف.. أو كما يقال عنهم (فراعة).. أهو ده جزء من التماثل النفسية لينا كمجتمع، والمتخزنة في طبقة (اللا وعي المجتمعى) الخفاء بكل واحد فينا.. واللي بتظهر فعلاً في تصرفات معظمنا في بعض المواقف.. كلنا تقريباً.. بنخاف من الحسد.. كلنا تقريباً.. عاطفين ومشاء.. تسبق كلامنا.. سهل جداً نقدس حد معين ونشوفه بني آدم ما حصلش.. وبعد شوية ننزل بيه تحت الأرض.. كلنا تقريباً.. نميل إلى الشجر بنعيط لما نفرح.. ونتخض لما نضحك، فنقول اللهم اجعله خير.

كل ما هو مشترك في وعيك ووعي معظم الناس اللي من ثقافتك ومجتمعك، موجود ومتخزن في هذا الجزء وهذه الطبقة من الوعي.. كأن فيه عقل كبير جداً حوالينا، وكلنا متوصلين بيه بشكل ما.

أول واحد وصف المستوى دا من الوعي هو العالم الإنجليزي ذو
الأسل الألماني «S.H.Foulkes» في الستينات، ومؤخرًا بدأت تظهر سلسلة
جبارة عن اللا وعي المجتمعي لكل شعوب الأرض.
الطرق بقى اللي بنعرف بيها محتويات (اللا وعي المجتمعي) لشعب
مذهلة فعلاً.

أولاً وأبسطها الأمثال الشعبية.. يعني هات مجموعة الأمثال الشعبية
منتشرة في مجتمع معين، في حقبة معينة من الزمن.. تقدر تعرف العقل
الذي بتاع المجتمع ده فيه إيه ويفكر إزاي.. لما تكون الأمثال المنتشرة
عينة (اللي ليه ضهر مايتضربش على بطنه)، و(اللي مالهوش كبير
يلاقي له كبير).. غير لما تكون من عينة (من جد وجد)، و(من زرع
حصد).. لما تكون من قبيل (اللي اختشوا ماتوا)، و(خدوهم بالصوت
علاهم كم).. غير لما تكون من قبيل (نواية تسند الزير)، و(بصلة الحب
تفترق).. كل مجموعة أمثال منتشرة في فترة ما من عمر مجتمع ما،
تدل لك حاجة عن اللا وعي بتاع المجتمع ده.

الطريقة الثانية هي إنك تشوف إيه الأغاني والأفلام والأعمال الفنية
والدرامية الموجودة على الساحة، واللي عليها إقبال جماهيري كبير،
تشوف إيه المشترك بينها.. فتقدر تعرف بكل بساطة المجتمع ده في
الاعتقالات دي من التاريخ، عقله الباطن فيه إيه.. فيه هدوء واللا غضب..
فيه شعار جنسي واللا نضج وتروى وحكمة.. فيه عنف واللا إبداع..
فيه قبول للآخر واللا رفض للآخر.. فيه تحمل للاختلاف واللا إنكار
لفض للاختلاف.. وهكذا.

الطريقة الثالثة.. وهي أعجبهم.. هي إنك تسمع مجموعة من أحلام
الأس في هذا المجتمع.. وتحاول تشوف إيه الحاجات المشتركة فيها..
ده يقول لك بمتهى الصدق والعمق إيه الموجود في العقل الجمعي
لهذا المجتمع.. اللي فيه حته منه داخل عقل كل فرد فيه.. يعني لما تسمع
عن أحلام من ناس مختلفين، وتلاقي فيهم كلهم أو معظمهم عنف
دم وقتل، تعرف إن فيه كمية لا بأس بيها من الخوف في هذا المجتمع
في الوقت ده.. نتيجة حروب أو إرهاب أو ما شابه.. لما تلاقي أحلام
من الناس مشترك فيها وجود أطفال صغيرين أو حمل أو ولادة،
تدري إن المجتمع ده في الوقت ده مليان أمل وحب للحياة.

ومحدثاً طبعاً تحول القيس بوك إلى بيئة خصبة جداً لدراسة الباطن لأي مجتمع، بمتهى البساطة.

سنة ٢٠١٤ عملنا دراسة في قسم الطب النفسي بجامعة الملك وزميلي العزيز د. محمد أيمن عبد الحميد. جمعنا فيها أكثر من ألف من اللي مكتوبين على ظهر عربات التوكتوك والميكرو باص.. و تحليل كيفي Qualitative Analysis لنصوص الجمل دي، عايناشوف إيه المشترك فيها.. وهتقول لنا إيه عن (لا وعينا المجتمع) لقينا فيه أربع محاور أساسية بيتكرروا في الجمل دي:

المحور الأول هو الشعور الشديد (بالعظمة).. يعني كلام زي: بابا يا لا.. (الساحر حضر).. (شاب حريف ودمه خفيف).. (العلف المعلم).. (الزعيم)..

المحور الثاني هو بعض الميل للعنف والتهديد.. بجمل زي (درات العقرب).. (السفاح).. (هافر مك).. (هُس يادانت).. (ماتت حدان).. (عاوز تعيش ماتعدينش)..

المحور الثالث هو سهولة تقسيم الناس لطيب وشرير.. بأشكال (من كُتر الناس الشمال قلوا ولاد الحلال).. (مش كتر مال، ده.. الأندال).. (إحنا كبار.. بطلنا نلعب مع العيال)..

والمحور الرابع والأخير هو الخوف من الآخر.. مرة بدعوى مرة بدعوى الخيانة، وهكذا.. بجمل زي (ما فيش صحاب).. (للشعر).. (من عيون الناس يا رب سلم).. طبعاً أنا مش محتاج أوعنه إيه بالنسبة لعقلنا الباطن المجتمعي.

١٠ بحث عمله (آدم كلوسين وآخرون) وانتشر في مجلة (ساينس) ٢٠١١، أثبت إن محتويات اللاوعي المجتمعي تنتقل من جيل إلى جيل الجينات (وحتى ١٤ جيل) ..

١١ إنسان كده أولادك وأولادي مولودين وفيهم نفس التركيبة المجتمعية بتاعتي وبتاعتك .. حتى لو اتولدوا برة وطنهم ..

١٢ أفيش مانع طبعا إن التركيبة دي ممكن تتغير مع التعرض لخبرات جديدة ..

١٣ نفّسك بقى شوية ..

١٤ أنا هنوسع الدائرة قوي ..

١٥ منزل لتحت أكثر ..

١٦ هنكتشف مع بعض ..

١٧ رابعة رائعة جديدة ..

١٨ من طبقات وعيك ..

١٩ المعجز حقًا ..

الموسيقى لسه شغالة؟
طيب.. كويس.

غمض عينيك..

قول لي إيه الصورة اللي هتخطر في بالك أول ما تسمع كلمة «الحكيم الكبير».. تاني: الرجل.. الحكيم.. الكبير.. غمض عينيك.. وقول لي شايف إيه.

أيوه.. بالظبط.

راجل كبير في السن.. شعره أبيض.. ودقته بيضا.. ولا بس.. ناصعة البياض.. شبه شخصية (جانداالف) في فيلم (مملكة السماء) كده.

دي الصورة الغالبة طبعًا.. علشان هيكون فيه استثناءات بس.

طيب.. إيه الصورة اللي هتخطر في بالك أول ما تسمع (شيطان)..

أيوه.

كائن قبيح، مختلط فيه اللون الأسود باللون الأحمر.

طيب كلمة (فارس).. أو كلمة (بطل).. أو كلمة (جوكر). نفس الصور.. عند كل الناس.. أو على الأقل معظمهم. طيب أنا عرفت منين؟

إنسان نفس الصور دي متخزنة عندي.. زي ما هي متخزنة
زي ما هي متخزنة عند واحد سعودي.. أو واحد أمريكي..
...أو ياباني.. أو أي حد في أي حته.
هنا بتتكلم عن طبقة من وعيك مشتركة ومتصلة بكل وعي
منذ بدء الخليقة.. لغاية النهارده.. كل الأجيال وكل الأشخاص..
...إن بالمعنى الحرفي.. عبر كل القرون.

النوى ده من الوعي اكتشفه العالم السويسري العبقري كارل
ابن يونج.. وسماه (اللا وعي الجمعي) Collective Unconscious..
إن معظم محتوياته عبارة عن صور ونماذج وأطر أولية بيتناقلها
عبر الزمن والحضارات من جيل إلى آخر.. من خلال الأساطير
والعقائد.. من خلال الخبرات المنقولة والموروثة.. وبرضه من خلال
...زي ما أثبتت الدراسات الحديثة.

كل البشر في كل مكان في العالم عندهم خوف من التعابين..
...عام موروث.. موجود في الأطفال بفطرتهم.. زي ما هو موجود
في النصار بختبرتهم.. لدرجة إن يونج سجل بعض الأحلام بالتعابين
...إن عايشة في أماكن نائية، عمرهم ما شافوا تعابين أصلاً.

...فلم البشر في كل أنحاء المعمورة بيخافوا من الضلمة.. من
...بصرف النظر عن جنسيتهم ولونهم ودينهم وثقافتهم..
...غريب فعلاً.. مش كده؟

...مش هيكون غريب قوي.. لو تخيلت إن فيه أرشيف كبير.. متخزن
...ال خبرات البشرية.. كل رموزها.. كل أساطيرها.. كل أحلامها
...فها.. وكل واحد فينا جواه باب صغير مفتوح على الأرشيف ده في
...طبقات وعيه.. بمعنى إنك موصول بكل تاريخ البشرية ومحتوياته
...مثل ما.. وأنا موصول بيه زيك.. وكل البشر موصولين بيه زينا.

مش بس كده..

ده الخبرات اليومية والحياتية المهمة اللي بنعدي بيها أنا،
وغيرنا.. بتتخزن هي كمان في الأرشيف ده.. وتُورث بشكل ما
الأجيال المقبلة.. حتى آخر الزمان.

شيء لا يصدقه عقل.. بس حقيقي.

(يونسج) كان ليه نظرية معينة في الأحلام بناء على الكلام د
بيقول إن بعض الأحلام بتكون عبارة عن نصائح وحكم وعلم
على الطريق، موجهة ليك من آبائك وجدودك وجدود جدك
علشان تساعدك في موقف معين انت بتمر بيه دلوقت.. أو
قرار معين في حاجة انت محتاجها حاليًا.

مرة واحدة من عميلاتي (ف) حكّت لي حلم: إنها رايحة شغل
كل يوم الصبح.. بس لقيت قدامها طريقين، على غير العادة.
أسفلتي ممهد وسهل (ده الطريق اللي بتمشي فيه كل يوم).. وطريق
عبارة عن ألواح خشبية مرصوفة قدام بعض ومعلقة بحبال في
كوبري خشبي بدائي جدّا، من النوع المعلق، زي اللي بنشوفه في الأماكن
(ف) في الحلم كانت خائفة ومتردة.. واختارت أخيرًا إنها تمشي
الكوبري الخشب، رغم خطورته.. وقدرت توصل لشغلها بساعت
(ف) في الحقيقة كان عندها امتحان قريب.. ليه علاقة بشغل
وكانت بتفكر تستسهل وماتدخلش الامتحان.. حتى لو اقتضت
إنها تسبب الشغل خالص.. الاختيار الأسهل فعلاً كان هو
الامتحان.. لأنها هتريح دماغها وماتضغطش نفسها.. لكن
الأصعب كان المخاطرة بالدخول.. والمثابرة وعدم الاستسلام
والمواجهة وعدم الهروب.

الحلم كان بيقدم ليها النصيحة.. المستخلصة من خبرة آبائها وأجدادها
عبر العصور.. والمنقولة ليها -منهم- عبر الحلم.. ورموزه والرموز

.. ما وصلت الرسالة .. وقد رنا نك شفرتها .. قررت (ف) دخول
 .. وكان ده الاختيار الأفيد على كل المستويات.
 .. السببة .. يونسج كان بيربط كتير بين الرموز في الأحلام .. وبين
 .. في الحضارات والأساطير القديمة .. يعني السمكة في الحلم رمز
 .. المياه رمز المشاعر المدفونة .. الموت رمز لإعادة الولادة ..
 .. في الحكاية دي كتاب مهم جدا اسمه Man and His Symbols
 .. ده بقى كوم .. والمفاجأة دي كوم تاني.
 .. حاجة هي إنه في نفس الوقت اللي العميلة (ف) حلمت الحلم ده
 .. لي .. أنا شخصياً كنت على أبواب ترقية في شغلي .. وده كان محتاج
 .. شاق وتحضير صعب جداً .. وأيضاً دخول امتحان أمام لجنة من
 .. اساتذة الطب النفسي في مصر .. وكان قدامي طريق من اتنين .. إما
 .. سهل وأجل الترقية وما دخلش الامتحان .. وإما إني أتعب نفسي
 .. وأبذل هذا المجهود الشاق .. وأقوم بذلك التحضير الصعب ..
 .. التجربة .. اللي كانت تشبه عبور كوبري خشبي معلق في الهواء.
 .. اشفت وقتها حلم (ف) على إنه رسالة موجهة ليها .. وليا أنا
 .. وإن فيه نصيحة جاية من مكان ما .. وتوجيه صادر من أحد ما ..
 .. مشاور على نفس الاختيار ليها وليا .. في نفس الوقت .. الاختيار
 .. اللي فيه مخاطرة .. وده اللي حصل .. واجتزت الامتحان ..
 .. الترقية فعلاً.
 .. (ف) بيورينا حاجة خطيرة جداً ..
 .. إنا مش بس متصلين بآباءنا وأجدادنا وكل الأجيال والخبرات
 .. السابقة ..
 .. إحنا كمان متصلين ببعض ..
 .. عينا .. على أحد مستوياته .. مفتوح بينا وبين بعض ..
 .. امسك بقى أعصابك كويس ..
 .. ماشان ده اللي هنشوفه في الطبقة المقبلة من وعيك ..
 .. الطبقة الأعمق .. والأغرب .. والأكثر إعجازاً ..
 .. اللي هي كمان ..
 .. الطبقة الأخيرة ..

سنة ١٩٦٩، وفي أثناء رحلة عودته من القمر - كأول إنسان -
بقدميه - تفوه رائد الفضاء الأمريكي (نيل أرمسترونج) بجملة
جداً: «حظ موفق يا سيد جرونسكي». حاول كثير من النصارى
والمراسلين بعد هبوطه على الأرض إنهم يسأله عن المقصود بال
دي، لكنه ما قدمش أي إجابة واضحة على الإطلاق.. لدرج
البعض تصور إن دي شفرة سرية هدفها توصيل رسالة معينة لـ
بعدها بعدة سنوات (١٩٩٧)، وفي حفلة أقامها سترونج في
بفلوريدا.. حذفت معاه الموضوع ده تاني.. وسأله مين هو ال
جرونسكي وإيه حكايته.. وكانت الإجابة مفاجأة من العيار الثا
(نيل) حكى إنه في مرة لما كان طفل صغير، كان يلعب مع أم
كورة في الحديقة الخلفية بتاعة بيتهم، وإن الكورة وصلت بالخطأ
نافذة جارهم السيد (جرونسكي).. (نيل) راح علشان يرجع الك
وسمع بالصدفة زوجة الرجل بتتخانق معاه ويقول له بعصية ش
«مستحيل.. إيه اللي انت بتطلبه ده؟ لو الولد الصغير ابن جير
مشى برجليه على القمر، هابقى اعمل لك اللي انت عاوزه».. (١٩٨٠)
The Cosmic Game - صفحة ٩٤ و ٩٥، ستانيسلاف جروف - ١٩٨٠

الدكتور مصطفى محمود - الله يرحمه - حكى في إحدى حلقات ب
الشهير (العلم والإيمان)، عن نقطة البداية في رحلته الطويلة للبحث
الحقيقة.. حكى إنه كان نايم في ليلة واتصل بيه أحد أصدقائه (ال
الفني جلال العشري)، ولما عرف إنه كان نايم اعتذر له وسأبه
نوم.. نام الدكتور مصطفى محمود تاني وحلم بالأستاذ (جلال العشري
ماشي في شارع سليمان باشا مع زميل آخر (الكاتب شوقي عبد الحكيم
وبيتكلما في موضوع جاد فيه سيرة كتب وألفاظ بالإنجليزية..

١٠ ما صحي الدكتور مصطفى من النوم اتصل بصديقه، وقال
١١ .. إنى لسه كنت باحلم بيك إنت وفلان، ماشيين فى شارع كذا
١٢ .. فى موضوع كذا.. الراجل على الطرف التانى من الخط أسقط
١٣ .. وقعت منه سماعة التليفون.. وصرخ فى دهشة وفزع: ده مش
١٤ .. ده اللي حصل فعلاً.. بنفس المكان والكلام والألفاظ. من وقتها
١٥ .. الدكتور مصطفى محمود - الله يرحمه - فى دوامة من إعادة النظر
١٦ .. فى شىء.

١٧ فى القرن دول.. وأمثلة أكثر جاية.. بتقول إنه فى إحدى طبقات
١٨ .. كلنا متصلين ببعض.
١٩ .. أى معنى؟

٢٠ إحنا فى مستوى الوعي اللي فات (اللا وعي الجمعي) كنا متصلين
٢١ ..
٢٢ ..
٢٣ ..
٢٤ ..
٢٥ .. فيه حاجتين زيادة.

٢٦ الحاجة الأولى هي إننا مش بس متصلين ببعض (البنى آدمين اللي
٢٧ .. لأ.. إحنا كمان متصلين بباقي المخلوقات.. متصلين بالحيوانات..
٢٨ .. بالإنسان.. والجملادات.. والسما.. والأرض.. والملايكة.. والشياطين..
٢٩ .. حاجة.. إحنا هنا متصلين بالكون حرفياً.

٣٠ الحاجة الثانية هي إن وعينا فى المستوى دا مش بيعترف بحدود
٣١ .. إن ولا المكان ولا الجسد.. يعنى يقدر يشوف الماضى.. ويقدر
٣٢ .. المستقبل.. يقدر يتواصل مع حد فى أمريكا.. ويقدر يحس بحد
٣٣ .. حد فى عالم البرزخ.

٣٤ .. أى بس كده وماتتخضش..
٣٥ .. ولشان الذهول كله جاي.

كأ مرة كنت بتكلم أنت وواحد صاحبك عن حدنا
وبصيتوا لقيتوه جاي قدامكم؟

كأ مرة حلمتي حلم، وصحيتي الصبح لقيتيه بيتحقق.. أو..
يومين.. أو شهرين.. أو حتى سنين؟

كأ مرة حسيتي إنك عشتي الموقف اللي أنتي فيه ده قبل كده؟
يتكرر هو هو بالظبط؟

بلاش كده.

كأ مرة حسيت بحاجة قبل ما تحصل، وحصلت كما هي؟
كأ مرة حصل توارد خواطر بينك وبين حد تاني.. كأن
مفتوح على بعض؟

كأ مرة شفت في الحلم حد متوفى، يوصل لك رسالة معينة؟

إحنا وعينا في المستوى دا بيكون في أكمل حالاته.. وأجل حاله
بيقدر يتخطى كل الحدود.. ويتجاوز كل الحواجز.. ويتجاوز الوه
ويتجاوز الجدران.. ويتجاوزك أنت شخصياً.. علشان كده المس
دا اسمه Transpersonal Level of Consciousness، الوعي
الشخصي.. الوعي المتجاوز للأشخاص.

أنا هنا مش هاسميه مستوى من الوعي.. أنا هاسميه حالة
الوعي.. بيطلق عليها (جروف) اسم (حالة الوعي الكاملة)
Holotropic State of Consciousness.

الحالة دي من الوعي بتكون نشطة أحياناً عندك.. وعندي.. و
أي حد.. لما نحس بحاجة وتحصل.. أو نفكر في حد ونلاقيه قدامنا
أو أي مثل من اللي ذكرتهم فوق.. وده بيحصل بشكل تلقائي وطبعاً

.. نشطة بقدر أكبر جدًا عند فئة معينة من البشر.. ربنا
هذا القدر من التواصل والوصل والاتصال.. هم الأنبياء
.. الي وعيهم تمدد واتسع.. ليكون على جاهزية واستعداد
الوحي والرسالة.

الإنسان عليه السلام كان على تواصل مع النمل والطير ويفهم

الله مد صلى الله عليه وسلم سمع أنين جذع النخلة وتجاوب

عيسى عليه السلام كان يخبر الناس بما يأكلون وما يحتفظون

هم وباقي الأنبياء والرسل كانوا يرون الملائكة ويكلمونها.

هنا مخرق ونافذ إلى أقصى درجة.

في الوقت نفسه ربنا بيعرفنا ويعلمنا إنه مش لازم علشان

ن في الحالة دي، إننا نكون أنبياء.

حكاية شهيرة عن سيدنا علي بن أبي طالب مذكورة في كتاب

النضرة في مناقب العشرة) كما يلي:

ابن الإمام علي بن أبي طالب في المنام أنه في أثناء ذهابه إلى المسجد،

المسيح مع النبي صلى الله عليه وسلم، وجد امرأة على باب المسجد

طاف به تمرات، وقالت له: أعط هذا للنبي صلى الله عليه وسلم،

أعطاه للنبي صلى الله عليه وسلم، أعطاه الرسول صلى الله عليه

ثمرة، فلما ذاق حلاوتها قال: زدني يا رسول الله. وهنا استيقظ

علي وسمع أذان الصبح، فذهب إلى الصلاة، وبعد الصلاة وجد

باب المسجد امرأة معها طبق به تمرات، فقالت له: أعط هذا لعمر،

أعطاه لعمر، ناوله ثمرة، فلما ذاق حلاوتها، قال: زدني يا عمر، فقال

لو زادك النبي صلى الله عليه وسلم لزدناك».

وحكاية سيدنا الخضر مع سيدنا موسى عليه السلام، بتوريات
إيه بني آدم عادي طبيعي قدر يشوف مستقبل السفينة والغلام وال...
رغم إنه ماكانش نبي.

وكلنا كمان بنسمع عن زرقاء اليمامة.. اللي كان عندها القدرة
تشوف على بعد مسيرة ثلاثة أيام.. زرقاء اليمامة ماكانتش موسى
الأساسية قوة البصر.. إنها كانت قوة البصيرة.. قوة الوعي.

(ستانيسلاف جروف) وصف في تجارب الوعي عبر الشخصيات
بعض الناس في أثناء الجلسات، شافوا حد متوفى عزيز عليهم، وكل
وقال لهم يروحوا المكان القلاني علشان يلاقوا فيه حاجة معينة
شايلها.. وراحوا ولقيوا فعلاً اللي هو قال لهم عليه.

(جروف) وصف كمان واحد اسمه (كارل) شاف في أثناء تجربته
موجود مع بعض الجنود الإسبان في كنيسة محاصرة من الجيش الإنجليز
وشاف نفسه لابس خاتم عليه حروف معينة.. بعد الجلسة حاول (كارل)
البحث والاستقصاء لغاية ما وصل لاسم ومكان الكنيسة تفصيلاً.
إسبانيا ودور في أرشيف المكتبة العامة وعرف اسم وتاريخ المعركة
شافها.. وفوجئ إن اسم كاهن الكنيسة المذكور في إحدى الوثائق،
بالظبط الاسم المكتوب على الخاتم اللي شاف نفسه لابس.

فيه حاجة أعجب..

البروفيسور (إيان ستيفينسون) بجامعة فيرجينيا، عمل مجموعة
الأبحاث على أكثر من ثلاثة آلاف من الأطفال اللي بيعجوا عند
معين ويبقى عندهم (صديق خيالي) له اسم وسن وأوصاف مع
كان بيدور ويبحث ويستقصي، لغاية ما يوصل في بعض الأحيان لـ
حقيقيين، ليهم نفس الأسماء والسنين والأوصاف اللي الأطفال
أدلوها بيها، رغم إنهم عمرهم ما شافوهم في حياتهم. (ستيفينسون)،
نتائج أبحاثه سنة ١٩٦٦ و١٩٨٤ و١٩٨٧.

إله ده بيقول إيه؟

يقول إن وعيك مفتوح على العالم.. على الكون.. على الزمان
إن.. بلا أي حدود.

يقول إن وعينا مفتوح على بعضه.. ومُتصل ببعضه.. ومتواضل
فيه.

يقول إن زوحك أوسع مما تتصور.

احتمال زوحك تكون ساكنة هذه الطبقة من طبقات وعيك..

واحتمال الوعي في الطبقة دي يكون هو الروح..

واحتمال مايكونش أصلاً فيه فرق كبير بين (الوعي).. والروح.

ممكن يكون الوعي.. هو أحد وظائف الروح.

والله أعلم.

المهم..

إله مش مصدق إن ده موجود عندك؟

إله مش متأكد إنك تقدر على كل ده؟

يا بيب.. خليني أحكي لك حاجات حصلت معايا أنا شخصياً.

أول ما بدأت أقرأ وأبحث في الموضوع ده كان سنة ٢٠٠٦، ووقتها

كنت زيك كده، وبدأت أدور وأسأل وأراسل، لغاية ما وصلت

إلى نيسلاف جروف) نفسه.. تواصلنا وبعث لي كل كتبه ومقالاته،

الصور واللوحات اللي رسمها مرضاه، وسيدياته وأفلام..

حاجات تانية كتير.

حصل لي في الوقت ده حاجات في منتهى الغرابة.. منها إني في ليلة

واحدة، وحلمت إن فيه تعبان قرصني في صباغي السبابة اليمين.. وقمت

النوم مذعور وخايف.. ثاني يوم وأنا باركن العربية، قفلت بابها جامد

سأمن غير ما آخذ بالي إن صباغي على حافته الداخلية.. وحصلت لي

ألمة شديدة، في نفس الصباغ ونفس مكان الألم.

حاجة ثانية..

من أربع سنين، حلمت إنني في إسكندرية باتعشى مع مجموع الأصدقاء.. بعد ما صحبت كلمت واحد فيهم وقلت له على ما رد عليا بثقة شديدة: «ده مش حلم.. إحنا كنا لسه قاعدين.. نعزمك عندنا في إسكندرية قريب».. طبعاً أنا ماكدبتش خبر ولا لهم.. واخترنا مطعم جميل قدام مسرح سيد درويش علشان ننعش فيه.. وإذا بالصدفة الغربية اللي مش لاقى لها أي تفسير لغاية دلوه لقيت المنيو (قائمة الطعام) اللي جاية لي مكتوب أعلى إحدى صفحاته بالقلم الرصاص، ويخط يبدو إنه مر عليه شهو: M.Taha. اللها، أنا مانمتش.. ومن ساعتها والحاجات اللي زي دي بتحصل تقريباً كل ما اروح إسكندرية.

حاجة أخيرة..

إحدى زميلاتي الغاليات عليا جداً واللي عايشة في محافظة أسيوط.. حلمت بيا من عدة سنوات إنني نايم في وضع الجنين.. ولا بس أبيض وبانزف من راسي بشكل مؤلم جداً.. رغم إنها ماكانتش تعرف.. على أرض الواقع.. كنت بامر في الوقت ده فعلاً بتجربة نفسية وقاسية.. وكنت أنا أرجح فيها بين الموت والحياة -نفسياً- دون مبالغة.

أنا لو كملت في سرد الأحلام مش هاخلص.
بس خليني أحكي آخر ثلاث أحلام.

زميلتي (د.) في مستشفى المنيا الجامعي حكّت لي الآتي: «وأنا.. سنين حلمت إن عمي بيموت، وكان بيتعذب كثير وهو بيموت.. حكيت الحلم ده لوالدي وماكانش وقتها شايف له أي تفسير.. مر الأيام والسنين، ورأيت عمي بعينيا وهو بيموت، وكان بيتألم كثير في أثناء موته».

نفس الزميلة حكّت لي حلم آخر: «رأيت نفسي في مكان مظلم
أريت أمامي الناس مجتمعين في مكان يشبه السرداق، وأنا واقفة
أسه، وفجأة رأيت نوراً يمشي بينهم، وسمعت صوتاً ينادي يشبه
ت أبي، يقول لي أقبل يا... ولا تخافي، فهذا رسول الله (ص)،
كنت وأقبلت عليه شيئاً فشيئاً، وتلاشى الناس من حولنا».

أخيراً.. حكّت لي هي نفسها هذا الحلم الأغرب: «أنا كنت واقفة
أمام ربنا مافيش بيني وبينه حجاب، ضوء رهيب وجيل جداً حواليا..
أنا كان بيكلمني وأنا كنت واقفة على جبل عالي. لما صحيت من النوم
الفجر كنت مرعوبة جداً، وطلبت من ربنا إني أنسى الرؤيا.. فلما
صحيت تاني ما فتكرتش كلام ربنا ليا.. الزميلة دي قعدت ١٢
يوم بعد حلمها ده تعاني من التهاب شديد بالعين، تم علاجه بصعوبة.

الأحلام دي بتقول إن وعيك يقدر يسبق الزمن.. أو بكلمات
أخرى.. مع وعيك، يتلاشى الزمن.. وبالمناسبة.. فيه نوعين للزمن:
الخطي Linear Time (امبارح يسبق النهارده، والنهارده يسبق
غداً، وهكذا).. والزمن غير الخطي Non-Linear Time (امبارح
والنهارده وبكرة موجودين في نفس الوقت).. وده الزمن المتحكم في
الحالة من الوعي.

ماستغربش..

لأن ده هو برضه الزمن اللي ربنا بيتكلم بيه في القرآن عن
الاستقبال بصيغة الماضي: ﴿وَوُضِعَ الْكِتَابُ فَتَرَى الْمُجْرِمِينَ مُشْفِقِينَ مِمَّا
يَقُولُونَ يُوتِلُنَا مَا لَ هَذَا أَلَكُنْ تُبْ لَا يُعَادِرُ صَغِيرَةً وَلَا كَبِيرَةً إِلَّا
سُئِلُوا وَجَدُوا مَا عَمِلُوا حَاضِرًا وَلَا يَظِلُّ رُكُوعًا﴾ (الكهف: ٤٩).

وهو ده الزمن الي بيوصفه كثير من الناس الي بتعدي به (الاقتراب من الموت) Near-Death Experience، زي الناس اللي بيحدثوا الحوادث والعائدين من غيبوبة طويلة. واللي بيعكوا إنهم في معينة كانوا بيشفوا كل تاريخ حياتهم بيمر من قدام عينيهم زو السينما في ثواني معدودة.

في الحالة دي من الوعي ما فيش زمن.. فيه أحداث موجعة على نفس الخط الزمني جنبًا إلى جنب.. علشان كده تقدر إمبارح وبكرة وعشر سنين جاية في نفس اللحظة.. وده جزء كبير جدًا وحديث جدًا اسمه الفيزياء الكمية Quantum Physics مش وقت الكلام عنه بالتفصيل.

الأحلام دي كمان بتقول إننا على تواصل مع بعض.. وكمان عاشوا في أزمنة وأمكنة مختلفة عنا.. ومنهم الأنبياء.. علشان كده نشوف ونتواصل مع حد من أهلنا أو أصدقائنا أو أقاربنا أم أو معارفنا المتوفين في المنام.. وده معناه إن الوعي يستمر بعد الودع برضه يؤكد علاقته بالروح، الي بتكمل في حياة البرزخ، جسد صاحبها.

أما الحلم الأخير فيقول حاجة أهم من كل اللي فات: إننا في هذه الحالة من الوعي.. بنكون في حالة وصل مع ربنا.. وتعالى.. بتكون قنوات القرب بيننا وبينه مفتوحة على مصرع، بتتكشف فيها الحجب عنا (بدرجة ما).. وتنصهر فيها طبقات حتى الذويان بين يديه.

(جروف) ذكر إن بعض مرضاه شافوا في جلساتهم نور (لا يش المعتاد).. ليه خصائص فيزيائية ماشافوهاش قبل كده في حياتهم.. السطوع.. شديد الجمال.. ما هوش حدود.. ولما أنا أرسلت له الا سورة النور الي بتوصف نور ربنا، الراجل قال لي: هو ده بالظبط الناس حكوا لي عليه.

الكلام يبدأ يشبه الصوفية شوية؟
أه.. بالظبط.

مش بس الصوفية.. دي الرهينة.. والبوذية.. وكل ماله علاقة
الفلسفة الفلسفية والأخلاقية، ممكن يؤدي لهذه الحالة بشكل من
الشكال.

الصوفية بتتكلم عن الحالة دي من الوعي بشكل دقيق ومفصل..
بترق بين إنها تكون (حال) مؤقت، أو تكون (مقام) دائم.

يوصفها الدكتور مصطفى محمود على لسان ابن عربي في كتاب
«السر الأعظم»، بإنها: «حالة تنمحي فيها الصفات المتقابلة، وتنمحي
السمات، ويكون الجمع بين الضدين. حالة تختفي فيها حدود الزمان
والمكان.. ويصبح الإنسان وعيًا مطلقًا، متصلًا بالسر الإلهي الساري
الوجود.. وقد يختلط الأمر على بعض الصوفية فيصرخ (أنا الله)».

ويوصفها جروف (الي اتكلم برضه عن الصوفية) بمعاني شبيهة
بما في كتابه Psychology of the Future:

— Experiencing the "Mystical moment, which is called" "a
time out-of-time within time, bringing the eschatological
afterworld into the present".

خوض اللحظة الروحانية.. التي توصف بأنها: «زمن.. منفصل
عن الزمن.. بداخل الزمن»، حيث تأتي الحياة الآخرة من المستقبل إلى
الحاضر.

— A sense of time as pulse, including all times, rather than as
objectified points on a line or circle. At this point, the classical
Western notions of the strict separation of past, present and
future do not adhere.

إحساس بالزمن (كنبضة) تحوي داخلها كل الأزمنة.. وليس
مفاهيم متتالية على خط أو في دائرة.. وقتها، لا تنطبق المفاهيم الغربية
المعاداة عن الفصل الحاد بين الماضي والحاضر والمستقبل.

.. A sense of divine Love.

إحساس بالحب الإلهي.

Infinity and eternity are experienced in the same time.

الشعور باللا نهاية وبالخلود في الوقت نفسه.

Transcendence: reaching very highest and most inclusive

holistic levels of human consciousness.

التجاوز: الوصول لأعلى وأشمل وأكمل مستوى من الـ

الإنساني.

Feeling of union with God

الشعور بالقرب الشديد من الله.

وكان كل هذه الأوصاف من الوصل والقرب والدنو المذكورة في الحديث القدسي: «... وَمَا يَزَالُ عَبْدِي يَتَقَرَّبُ إِلَيَّ بِالدُّنُو حَتَّى أُحِبَّهُ، فَإِذَا أَحْبَبْتُهُ: كُنْتُ سَمْعَهُ الَّذِي يَسْمَعُ بِهِ، وَبَصَرَهُ الَّذِي يَبْصُرُ بِهِ، وَيَدَهُ الَّتِي يَبْطِشُ بِهَا، وَرِجْلَهُ الَّتِي يَمْشِي بِهَا، وَإِنْ سَأَلَنِي لِأَعْدَا وَلَئِنْ اسْتَعَاذَنِي لِأَعِيذَنَّهُ...».

اللي ييوصل للحالة دي من الوعي، بتفتتح عليه أبواب المـ.. بشكل مكثف وغير مسبوق..

وبتنهمر عليه الدلائل والمشاهدات من كل حذب وصوب.. ويكتسب رؤية وبصيرة تعادل قرون من الزمان.

أعتقد مافيش كلام ثاني.

ناخد بقى نَقْسِنَا شوية.

• نسأل السؤال المهم:

• أنا أقدر أوصل لكل ده إزاي؟

• إزاي أبقى في حالة الوعي الكاملة؟

• إزاي أفتح قنوات التواصل بيني وبين كل المخلوقات بالشكل ده؟

• إزاي أقرب من ربنا للدرجة دي؟

• إزاي أعمل كل ده بشكل دائم من غير ما يكون صدفة، أو حادث

• ...، بيحصل مع آلاف البشر كل يوم؟

• الإجابة في الحقيقة أبسط ما يكون، لكنها أعمق ما يكون،

• ... ما يكون.

• قدر توصل لكل ده بشكل مستمر غير منقطع .. بإنك تقرب من

• ... وإنك تصفي روحك .. وإنك تهذب جسدك.

• أبحاث علم النفس عبر الشخصي Transpersonal Psychology،

• ... إن فيه بعض الوسائل اللي ممكن من خلالها، يوصل وعينا للحالة

• ... من السمو والكمال:

• إزاي الصيام ..

• والسفر ..

• وسماع بعض أنواع الموسيقى ..

• والبقاء لفترة ما في مكان هادئ معزول عن ضوضاء العالم

• ... شويشه ..

• والسمو الروحي والأخلاقي ..

• وأخيراً .. العلاج النفسي العميق ..

• اللي بيقوم بتفكيك نفسك، وإعادة تركيبها من أول وجديد ..

• واللي هو عبارة عن سلسلة متصلة من الولادات النفسية الجديدة

• ... كل مستويات الوعي.

• وكل ده، في متناول إيدك ..

• وفي حدود قدرتك ..

• وفي كامل استطاعتك ..

إذَا.. وأخيراً..

جواك سبع طبقات من الوعي (على الأقل)..
جواك مكتبة فيها ذكرياتك وتاريخك وتاريخ عيلتك،
وجيرانك وأصحابك ومجتمعك وبلدك وثقافتك.

جواك أرشيف كبير، فيه كل تاريخ وحضارة بشرية.
جواك موصول بكل الخلق، والمخلوقات، والخالق نفسه.
جواك الأرض والسماء.
جواك الكون كله.

شفت نفسك كبيرة قد إيه؟
شفت روحك واسعة قد إيه؟
شفت وعيك متصل قد إيه؟

شفت إن النبات له وعي.. والجهد له وعي.. والسماء والأرض..
والجبال ليهم وعي؟ ومن وعيهم رفضوا الأمانة الي حضرتك شياً..
بكامل إرادتك.. أمانة الحرية والاختيار.

الكتاب الي انت ماسكه له وعي..
والكرسي الي انت قاعد عليه له وعي..
ده حتى جسمك وأجزاؤه وخلاياه ليهم وعي.. وعندهم ذاكر..
وهيتكلموا يوم القيامة ويشهدوا بحياتك معاهم.. وعلاقتك بيهم..
واحترامك.. أو عدم احترامك.. ليهم.

أنا دلوقت مش عارف أقول إيه..
كلامي خلص..
وحاسس إن وعيي أنا شخصياً بيتمدد ويوصل لغاية عندك..
ويحوم حوليك..
ويحس بيك..
ويطمنك..
ويقول لك:
داؤك فيك وما تبصُر
وداؤك منك وما تشعُر
وتحسب أنك جرم صغير،
وفيك انطوى العالم الأكبر.



الموسيقى لسه شغالة؟
ليب غمض عينيك.. وسيبها شغالة خمس دقائق كمان..
وسيب نفسك تسرح في الملكوت الواسع..
وتقرب منك..
ومني..
ومن النور..
إلي بيغمرنا كلنا..
...
خلاص..
وقف الموسيقى..
وفتح عينيك..
واحضن نفسك..
واحضن معاك الكون كله..

الباب الثاني

ألعاب نفسية

في معاملاتنا اليومية مع بعض.. وطبعًا في علاقتنا.. بنستخدم غالبًا- مجموعة هائلة من (الألعاب النفسية).. أحيانًا بوعي وعن قصد.. وأحيانًا من دون وعي أو قصد.

بنستخدم الألعاب دي علشان نوصل لغرض معين.. أو نحس شعور معين.. أو نوصل للي قدامنا رسالة معينة.

الطبيب النفسي العبقري إيريك بيرن، نشر عام ١٩٦٤ كتاب مهم جدًا اسمه Games People Play أو «الألعاب التي يلعبها الناس». الكتاب ده انتشر واشتهر وأصبح واحد من أفضل الكتب مبيعًا في العالم، وتمت ترجمته للغات عديدة، منها العربية، على يد المرحوم الأستاذ الدكتور عادل صادق، تحت عنوان «مباريات نفسية».

بيرن) قدر يوصف مجموعة من التفاعلات المتكررة بين كثير من الناس في سياقات مختلفة، زي الحب، والجواز، والشغل، والأفراح، والماتم، وغيرها.. وسمى التفاعلات دي «ألعاب». وقال إننا بنستخدم الألعاب دي -أحيانًا- مع بعض، علشان نثبت لنفسنا أو لغيرنا شيء، دي لتجنب القرب الحقيقي، والتخلي عن المسؤولية الجادة، وأخيرًا.. إسابة أحد الطرفين (على الأقل) بالإحباط.

بيرن) عمل تشريح مفصل لمجموعة من الألعاب النفسية، ووضح ملوات كل لعبة من أول (رمي الطعم)، وحتى (إحباط أحد الطرفين)، أطلق على كل لعبة فيهم اسم معين من عدة حروف هجائية رمزية.

(إيريك بيرن) كان راجل كندي، اتربى وعاش في مجتمعه، اللي ليه عاداته وتقاليده.. وفيه مفاهيمه ومصطلحاته.. وتتبعه ظروفه وسياقاته.

ورغم تشابه البني آدميين نفسيًا على مستوى معين.. لكنهم حتمًا باينوا على مستويات أخرى.

إحنا.. في ثقافتنا ومجتمعنا.. لينا تركيبة ثانية.. وعلم داخلي مغاير
ونوعيات مختلفة من التفاعلات والعلاقات.. وأيضاً الألعاب النفا
اللي بنلعبها مع (أو على) بعض.
إحنا في الحقيقة، مالتاش زي.

من خلال ملاحظتي العملية، وخبرتي الإكلينيكية، وحياتي اليومي،
لقيت إن عندنا.. باسم الله ما شاء الله.. ألعاب نفسية جديدة تماماً،
ومتفاوتة كلياً عن اللي وصفه (إيريك بيرن).

إحنا من أول ما بنصحى من النوم ونقول "صباح الخير"،...
سلسلة لا حصر لها من المحاورات، والمناورات، والتسديدات، وشخالات،
التسلل، وضربات الجزاء.

إحنا بييجري في دمننا كرات دم بيضا.. وكرات دم حمرا.. وألعاب
نفسية.

علشان كده أنا جئمت عدد لا بأس به من الألعاب النفسية الخفا،
بيننا، وهاشرحها هنا بالتوضيح والتفصيل.. وهاعرضها بشكل متدرج
بنفس تدرج معظم علاقاتنا في الحياة: تعارف.. قرب.. حب.. زواج
انفصال.. بالإضافة إلى نوعين آخرين من الألعاب المجتمعية.

بعض الألعاب دي بنلعبها مع نفسنا،
وبعضها بنلعبها مع الآخرين في حياتنا،
وبعضها بتلعب معانا من غير ما ناخذ بالناس.

أولى هذه الألعاب مذكورة بالفعل في كتاب (بيرن)،
والباقى كله من صياغتي وتحليلي.

الألعاب دي هي اللي بتخلينا نلف حوالين نفسنا في علاقة ما.. وهي اللي بتخلينا ننسى نفسنا في علاقة أخرى.. وهي اللي بتخلي (العلاقات المبررة) خطرة فعلاً.. وبكل أسف.. أكثر ناس بتؤذى من هذه الألعاب هم أكثر ناس مرهفي الحس.. رقيتي القلب.. شغافي الروح.

قبل ما تقول: «طب أعمل إيه لو لقيت نفسي في لعبة منهم؟»
أنا باقول لك:

الألعاب دي مافيهش هزار.. ماينغش تستمر لحظة واحدة بعد انكتشفها. لو لقيت نفسك بتلعب لعبة منهم، أو حد بيلعب معاك لعبة فيهم.. تقف، وتقول «لا» بكل قوتك، وتمنع نفسك وغيرك من الاستمرار في اللعبة دي تمامًا. وعندك أربع أنواع من «لا» مكتوبين في الباب السابق، اختار منهم زي ما انت عايز، حسب ظروفك وقدراتك. سياق الأمور.. إلى جانب بعض المقترحات اللي انا كاتبها في كل لعبة من حلقة.

طبعاً فيه عشرات ومئات الألعاب الأخرى غير المذكورين هنا.. واحد فينا عنده بروفائله الخاص من الألعاب النفسية.. اللي ممكن بعضها تكون من ابتكاره.. وبراءة اختراعه.

مطلوب منك دلوقت إنك تقرأ الفصول المقبلة بعناية شديدة.. تحفظها عن ظهر قلب.. وتذاكرها كأنك داخل امتحان.. لأنها في الحقيقة هتساعدك في نجاح أو فشل معظم علاقاتك.
ولو اكتشفت ان عندك (أو عند غيرك) لعبة مش موصوفة هنا.. سجلها.. واكتب تفاصيلها.. واديبها اسم أو عنوان.. وضيفها للقائمة.. ممكن لو حببت تبعتهالي، علشان ننزلها في الطبوعات الجاية من الكتاب.

جاهز؟

فلتنطلق صافرة البداية..

لعبة (مالهاش حل)

في اللعبة دي.. بيبكون عندك حد مش بيبطل يشتكي.. طول الوقت
ببشتكي.. لا يكف عن الشكوى.. ولا يكل ولا يمل منها.. أنا تعب
أنا مظلومة.. أنا مش عارفة أعمل إيه.. أنا جربت كل حاجة.. ما- ما- ما-
حاسس بيا.. ليه كده يا رب؟

بس كده؟
لا طبعاً.

دا هو بيتعمد يشتكي قدامك علشان حضرتك بكل طيبة تحس بيه
وتتعاطف معاه.. وتحط نفسك مكانه أو مكانها.. وتبدأ تساعد.. أو
على الأقل تبدأ تقترح حلول للمساعدة.. جربت تعمل كذا؟ طيب
ما عملتيش كيت؟ طيب إيه رأيك في كذا؟ طيب أساعدك ازاي؟ هيا
لي بس ازاي وأنا تحت أمرك.

بس كده؟
برضه لا.. لغاية هنا مافيش أي لعبة ولا حاجة.. ولغاية هنا
حاجة عادية جداً، ممكن تحصل لأي حد فينا كل يوم، ونتجاوب معاه
بشكل طبيعي وجميل ومفيد.

اكن اللعبة بقى في الخطوة الجاية.

بعد ما حضرتك تندمج في الدور، وتجتهد في التفكير والاقتراح..
تجسم في عرض وسائل المساعدة.. تلاقي صاحبنا بيقل كل باب
تفتحه قدامه بالضبة والمفتاح.. ويسد عليك كل طريق انت بترسمه
.. ويحرق لك كل كارت ترميه على الترابيزة.. ويخلي المحصلة دايماً
.. (مر).

عني مثلاً:

جربت كذا؟

أنا فعلاً جربت ده ومانفعش.

طيب إيه رأيك في كيت؟

الله.. فكرة حلوة جداً، بس مش هتنفع علشان كيت وكيت.

طيب ماتيجي نكلم فلان وعلان؟

لا مالوش لازمة.. مش هيعملوا حاجة.

.. طيب ماتيجي مع بعض نعمل كذا وكذا.

.. أنا عارف/ عارفة إنك عاوز تساعدني، بس للأسف الطريقة دي

مش هتناسبني علشان (أي حاجة).

قوم تختار حضرتك، وتتضايق، وتحس بالعجز وقلة الحيلة.. بعدهم
الهمق.. والخنقة.. والحزن.. وأخيراً تحس.. باليأس.. والذنب.
.. تحول في نظر الشاكي- لواحد من الناس العزاز، اللي لما احتجنا
اهم طلّعوا أندال بامتياز.

أخطبوط هائل من المشاعر السلبية يتلف حوالين رقبتك في دقائق..
أر ساعات.. أو أحياناً سنين.. لأنك مش قادر تساعد حد هو في
الحقيقة مش عاوز يساعد نفسه.

إيريك بيرن يسمي اللعبة دي (نعم.. ولكن)، ويضرب ..
الست الي في حجرة انتظار عيادة التخسيس وعمالة تشتكي لي
فتلقط صاحبتنا الطعم وتبدأ تقترح عليها شوية اقتراحات ..
دائماً إجابة الشاكية (أه.. اقترح جميل جداً.. بس مش هينفع
كذا وكذا وكذا). فتأس من كانت تقدم المساعدة وتحس إنه
أمل.. وتؤكد الشاكية لنفسها نفس الرسالة: مافيش أمل.

ساعات بيسموا النوع ده من الناس projecting complainers
أو الناس الي ما يطلوش شكوى، وفي نفس الوقت يرفضوا المساعدة
وأنا عارف إنكم بتشوفوهم كثير.

طبعاً التفسيرات النفسية الي ورا ده كثير جداً.. أهمها إنهم
يعيشوا دور (الضحية)، ويلبسوا حضرتك دور (المنتقد)،
الحقيقة مش هيسمحوا له ينقذهم، لأنهم بيعملوا ده علشان ينفذ
زي ما هم.. حاسين باليأس.. والظلم.. والعجز. وده مريح
مقارنة بإحساسهم بمسؤوليتهم عن اختياراتهم في الحياة.

والي أعمق من ده هو إنهم خلال رحلة حياتهم (خاصة في طفولته)
تعرضوا لفترات صعبة من الاحتياج الفطري البسيط للاهتمام والشفقة
والدعم النفسي، لكنهم مالمقيوهوش من أقرب الناس ليهم.. فاته
على السيناريو ده، ومن غلبهم بيكرروه (دون وعي أو قصد).. لآ
الشكل الوحيد للعلاقات الإنسانية الي يعرفوه.. وما يعرفوش
أنا محتاج.. والطرف الثاني مش يساعد.

إلى جانب إنهم قرروا يحسبوا أي حد يحاول يساعدهم بال
والتقصير. كأنهم بيقولوا له بعقلهم الباطن: كنت فين من زده
خلاص ماعادش ينفع.

١. غلطة ممكن تغلطها هنا هي إنك تبلع الطعام، وتدخل اللعبة،
وتلطف فيها.. لأنها تهستهلك طاقتك، وتستنزف فكرك، وتحرق
نفسك.

٢. لبعاً مش دعوة لعدم مساعدة الناس، أو عدم التعاطف معاهم
لأنه حاجة لشكواهم.. بالعكس هي دعوة للتعرف على نوعية خاصة
الناس (لا تكف عن الشكوى). وهي كمان دعوة لتقديم مساعدة
خاصة ومختلف.. لأنهم في الحقيقة مش محتاجين مساعدتك
هم محتاجين مساعدة متخصصة من حد محترف.. فقط ولا غير.

٣. أب تعمل إيه لما تقع في أحد هؤلاء (الشاكين رافضي المساعدة):

أولاً.. إوعى تلقط طرف الخيط.. وتبقى طرف في اللعبة. وطبعاً
ما تفهم اللعبة دي بدري، كل ما بتوفر على نفسك كتبيير قوي.

ثانياً.. مافيش مانع تعبّر له عن إحساسك بيه، وإهتمامك لأمره..
لأن بعد ما على طول تحمله المسؤولية وتقول له: أنا فعلاً حاسس
بك.. أنا بجد مهتم لأمرك.. هتعمل إيه بقى؟

ثالثاً.. النصيحة الوحيدة المطلوبة هنا.. هي إنك تطلب منه التوجه
إلى حد موثوق.. للمساعدة المتخصصة.. بس.. وخلص الكلام.
علشان لو ما خلصش الكلام في نفس ذات اللحظة.
هيعمل إيه؟

أيوه بالظبط.

هيقول لك: ما انا رحت.. وما نفعتش.

لعبة (القرب والبعد)

اللعبة دي من أكثر الألعاب النفسية المنهكة جدًا.

تلاقى حد بيقترب منك، ويقترب أكثر.. ويعشمك بمزيد من القرب والود والدفا.. وأول ما تظمن. وتقترب انت كمان، تلاقىه اتغير من ده أي سبب واضح.. والمسافة بينه وبينك بعدت فجأة.. وراح الود وراح القرب.. وراح الدفا.. ومابقاش فاضل غير العشم.

تمام؟

لا مش غام..

علشان الحكاية كده ماخلصتش..

دي الحكاية لسه بتبدأ.

لأنك أول ما تبدأ تيأس، وتقول خلاص مافيش رجاء، وتأخذ أيا خطوتين في البعد.. تلاقىه -برضه من غير أي مبرر مفهوم- بدأ يقترب. ثاني، وياخد بدل الخطوتين ثلاثة.. والعشم يزيدي، والود يرجع.. وتحس بالدفا والأمان جاي هناك أهو.. وتسبب نفسك.. وتسلم مفاتيحك.. و.. استنى.. استنى.. إنت رايع فين؟

عند اللحظة دي بالظبط.. اللحظة اللي تطمئن فيها وتآمن
بفسك تقرب منه تاني.. هيلعب نفس اللعبة.. ويبعد فجأة..
التدريج.. أو أي حاجة.. المهم إنه هيبعد.. ويسيبك لوحده من
... زي اللي تايه في الصحرا.. مش طایل موت، ولا حياة.

ناس (بوعي أو من غير وعي) بتحترف اللعبة دي.. لعبة (القرب
والبعد).. لعبة (العشم والصد).. لعبة (الحياة والموت).. ويبارسوها في
وأي نوع من العلاقات.. علاقة حب.. علاقة صداقة.. علاقة عمل..
زواج.. علاقة تربية.. وغيرها وغيرها. ويستمتعوا بممارستها
ال هو أقرب للإدمان.

اللعبة دي في منتهى الخطورة؛ لأنها بتلخبط الطرف الثاني، وتحيره،
تأله أسئلة من النوع الحاد المسنون الجارح، اللي مالهوش إجابة: يا ترى
بيحبني واللا مش بيحبني؟ يا ترى هو عاوزني واللا مش عاوزني؟
أنا عملت إيه؟ هو أنا زعلته في حاجة؟ طيب هو بيعمل كده
؟ هو فيه إيه؟ لغاية ما يشك في نفسه أو تشك في نفسها، وتتردد في
سلوكاتها.. القرب مؤذي.. والبعد برضه مؤذي.. وينتهي الأمر إما بشلل
بي وانطفاء روعي.. وإما بالتحول إلى قطعة صغيرة من الشطرنج في
ذلك اللاعب المحترف.

على الجانب الآخر.. اللي بيلعب اللعبة دي بيبكون غالبًا اتعرض في
اته لصدمة نفسية بشعة من حد كان قريب منه جدًا (من أول أبوه
، أمه لغاية أي حد تاني).

الصدمة دي خلته مقسوم نصين من جواه..
نص عاوز يقرب.. ونص خايف من القرب.

نص يقرب علشان يشبع احتياجاته النفسية..
ونص يبعد علشان خايف من تكرار الصدمة..

نص نفسه يقرب لغاية ما يدوب في الطرف الثاني..
ونص نفسه يبعد أحسن يدوب فعلاً وما يلاقيش نفسه بعد كذا..

نص عاوز يقرب لغاية ما ييلع..
ونص عاوز يبعد أحسن يتبلع.

خناقة نفسية داخلية عنيفة.. بيدفع عنها كل حد يعدي جنب
الشخص المسكين، المحتاج جداً.. واللي خايف من احتياجه في الـ
نفسه. محتاج جداً للناس، وخايف منهم بنفس الدرجة. محتاج
لأي حد، وخايف جداً من كل حد.

اللعبة دي صعبة ومتعبة ومرهقة.. عاملة زي الجبل.. اللي بيرد
شوية لغاية ما تتظمن انه ساب.. بعدها يتشد شوية لغاية ما تخاف
يتقطع.. ويتكرر ده تاني وتالت وعاشر.

علشان كل ده..
من هنا ورايح..
اتعلم إنك ماتسمحش لحد يلعب اللعبة دي تاني معاك..

لأن التمن هنا..
هو انت.

لعبة (الحبيب الشبح)

طبعًا فيه أنواع وأشكال كثير من الندالة في بعض علاقات الحب..
المعبة دي بتمثل أحد أنواع الندالة اللي شفته كثير مؤخرًا.. ممكن نسميه
الحبيب الشبح).. وهافترض - مجرد فرض - إنه رجل.. رغم إنه ممكن
يكون بنت في بعض الأحيان.

واحد لطيف وظريف.. يتعامل معاكي بشكل مختلف عن باقي
البنات.. يبص لك كثير لو كنتي في وسط أصحابك أو حتى لو حدك..
يسلم على كل زمايلكم في المكان بطريقة، لكنه يسلم عليككي انتي
بطريقة ثانية.. يحاول يتكلم معاكي بزيادة حبتين.. فيه من ناحيته اهتمام
واضح لكن من غير ما يصرح بأي مشاعر.

مش بس كده..

ده يتابعك على الفيس بوك.. ويبعت لك فريند ريكويست.. ويعلق
على كلامك وبوستاتك بمنتهى اللطف.. ويبدأ يكتب كلام موجه ليكي
من بعيد لبعيد.. أو يحط أغاني تحسي إنها ليكي.. ولايكات وشير للصبح.

برضه مش بس كده..

ده يبدأ يقرب.. ويقرب.. ويسألك عن حياتك الشخصية باه
وبعدين يكلمك عن حياته وظروفه.. ويشاركك مشكلاته ومب
واتصالات.. ورسايل.. لغاية ما تصدقي بما لا يدع أي مجال للشك
الراجل ده بيعحبك.. وعاوز يرتبط بيكي النهارده قبل بكرة.

بس يا ستي.. خلاص.

خلاص إيه؟

خلاص.. خلصت الحكاية.

صاحبنا ده أول ما يلاحظ إنك أخذتي الموضوع جد.. وبدأق
منه بشكل واضح إنه يقول.. ويعبر عن مشاعره ويسميتها.. و
خاطره وياخد خطوة لقدام.. تلاقيه زجع خطوتين لورا.. وقال
لا.. الظاهر إنك فهمتيني غلط.. أنا باعاملك عادي جدًا.. إحنا
آه، بس مش بالشكل اللي وصل لك. أنا باحب أتكلم معاكي كأص
أو إخوان.

- طيب والكلام والأغاني والتعليقات واللايكات؟

- عادي.

- والنظرات والهمسات والمكالمات؟

- إيه المشكلة؟

طبعا لو كانت الحدود بينكم دابت شوية ووصلت للشك
والفسح ويمكن أكثر.. يبقى هيقول لك آه أنا باحبك فعلا، وبأ
أكون معاكي، وباتبسط في وجودك، بس مش هينفع أكثر من كده..
هينفع نتجوز.. الجواز هيبوظ اللي بينا.. خلينا كده أحسن. أو أنا
مرض خطير يمنعني من الجواز.. أو «إنتي تستاهلي حد أحسن مش

فيه نوع أخطر وأخطر.. اللي هو يحب ويتقدم ويخطب.. وقبل الفرح
..وية أيام (وأحياناً ساعات).. يخلع.. يختفي.. يخ!

ده مش حد يقرب ويبعد زي اللي في اللعبة اللي فاتت.. ده حد
..وب ويختفي.

باختصار شديد.. الراجل اللي زي ده مكتوب على جبينه (بالخبر
السرّي) يافطة كبيرة جداً: (أنا مش بتاع مسؤولية).

واحد بيوصل رسائل نفسية وعاطفية بالحب والاهتمام، لكن من
تحت؛ علشان مايقاش مسؤول عنها عند اللزوم.

بيتعهد إنه يمشي على الحبل في علاقته بيكي علشان يتجنب الوحدة
.. من ناحية، والارتباط من ناحية ثانية.. ومايقاش مسؤول عن مصير
العلاقة دي.

تصرفاته بتقول كلام.. ولسانه بيتبرأ منه بكل جبن.. علشان حتى
..ايقاش مسؤول عن كلامه.

البنسي آدم اللي زي ده عامل زي الطفل الصغير.. عاوز يرضع
، يشبع ويتبسط ويس.. من غير ما يدفع أي ثمن.

عاوز شوية تدليك عاطفي بالليل.. ومساج نفسي بالنهار.. وكل
..واحد يروح لحاله بعد كده.

يحرك فيكي أحلى مشاعر.. ويعيشك في أروع أحلام.. لكن دوره
بنتهي لغاية هنا.. لأنه مش قد اللي بعد كده.

الراجل ده عمره ما هيتحمل مسؤولية علاقة حقيقية.. وده وان
من الأول.. بس انتي ماكتيش واخدة بالك.. واحتمال لما أخذتي بالاً
عملتي نفسك مش واخدة بالك.. وتبقي كده شاركتي في اللعبة.

الراجل اللي زي ده ماينفعش تأتمنيه على نفسك.. وماينده
ترتبطي بيه.. وماينفعش تتجوزيه؛ لأنه شخص غير مسؤول.

الرسالة اللي باوصلها لحد من خلال تصرفاتي.. مسؤولية.
المشاعر اللي باحركها جوه حد.. مسؤولية.
الكلمة والنظرة والتعليق واللايك.. مسؤولية.
لأن ليهم معنى.. ووراهم هدف.

طبعا فيه أسامي حلوة وأوصاف شيك للراجل ده.. زي إنه
فير اوف كومتمنت (Fear of commitment)، أو عنده كوميتمن
إشورز (Commitment issues).. بس أنا أفضل تسميته (الخبير
الشبح).

هاقي بقى كشاف نور قوي..
وافتحه على الآخر..
ووجهيه لعنيه مباشرة..
وقولي له:
لأ..

كفاية ضباب لغاية كده..
يا نطلع للنور سوا..
يا تخليك في الضلمة لوحذك.

لعبة (الحب المستحيل)

اللعبة دي بيلعبها اتنين في منتهى الذكاء.. وفي منتهى الغباء في نفس الوقت.

هنا فيه اتنين بيعجبوا بعض.. بيدوبوا في بغض.. مش قادرين يستغنوا عن بعض.. لكنهم في نفس الوقت مستحيل ياخدوا خطوة واحدة اسام في علاقتهم (في ثقافتنا ومجتمعنا اسمها مستحيل يتجوزوا).

يعني فيه صعوبات وعوائق كثيرة جدًا واقفة في طريقهم، وهم يحاولوا يتغلبوا عليها دون أي جدوى.. وخلي بالك من (دون أي جدوى دي).

طيب ودي فيها إيه؟
فين اللعبة؟

أقول لك أنا فين اللعبة.

الأول مهم نعرف إن أي لعبة يكون فيها مستويين.. مستوى واحد (في العقل الظاهر).. ومستوى غير واعى (في العقل الباطن)..
بقي إن الاثنين دول على مستوى (عقلهم الواعى) عاوزين يتجوزوا ويتجوزوا وكل حاجة.. بس من تحت لتحت. وعلى مستوى..
جداً من (عقلهم الباطن).. هم مستعدين يعملوا أي حاجة علشان مايتجوزوش.. وأول حاجة عملوها علشان مايتجوزوش هي إختياروا بعض.. تصور!

أنا شايف دلوقت حواجبك المرفوعة.. وعيونك المبرقة.. و..
جداً حجم غرابة ودهشة الكلام.. بس خليك معايا.

تحليل واحدة مرعوبة من الجواز.. عندها مخوفات كتيرة جداً ما شافت علاقات زواجية فاشلة جداً (واحتمال علاقة أبوها وأ..
تكون منهم). سمعت عن بلاوي وبلاوي في البيوت.. كرهت الجواز والمتجوزين وسيرتهم.. لغاية ما قررت في أعماق أعماقها إنها مش تتجوز.. وبدأت تنفذ قرارها ده فعلاً.. بس بشكل غير واعى.. أو..
واعى قوي يعني.. تمام؟ تمام.

ليه بقى هي أذكى وأمهر طريقة تقدر تمارس بيها قرار عدم الزواج؟

الطريقة دي هي لعبة (الحب المستحيل).. يعني تختار واحدة.. وتقترب منه وتدي له قلبها.. بس الواحد ده عنده ظروف معينة تمنع من إنه يتجوزها.. منها مثلاً إنه يكون متجوز ومخلف وعنده عيال.. أو (في ثقافتنا) يكون من دين غير دينها.. أو يكون فيه فرق سن شاسع بينهم وبين بعض.. أو يكون مش مستعد للجواز دلوقت.. أو عنده أي حاجة تحلّي زواجه بيها مستحيل.. أو تحلّي أهلها يرفضوه.. أو أهلها يرفضوها.. أو الاثنين مع بعض.

باب هي تعمل كده في نفسها ليه؟

علشان هي مش قادرة تواجه نفسها بقرار عدم الزواج اللي جواها..
عملت اللي عليها قدام نفسها.. أهوه.. أديني حبيت وسلمت
بس الموضوع صعب. أديني قاومت وحاربت علشان اللي
بس المشكلات أكبر من قدرتي.. أديني صبرت واستحملت
بس ما نلتش أي حاجة.

لما أنا ماعنديش أي مشكلة مع فرق السن أو الثقافة أو المستوى
الاجتماعي أو غيره.. بس أنا هنا بتكلم عن اختيار ده كجزء من قرار
الزواج (بعدم الزواج)، مش اختياره الواعي والمسؤول (من أجل
الزواج).

أحد تاني عنده عقدة من الجواز.. أو خوف من الالتزام والتقييد
المسؤولية.. أو زي ما قولنا Fear Of Commitment.. بس عنده
إحاجات نفسية وعاطفية للحب والود والاهتمام.. فيقرر برضه من
أه إنه مايتجوزش.. وتكون طريقته الذكية جداً (والغبية جداً في
الوقت نفسه) هي إنه يختار واحدة مستحيل ينفع إنه يتجوزها.. أو إنها
زه.. ويا سلام لو كانت هي كمان واخدة نفس القرار.. وبتلعب
بش اللعبة.. يبقى كده كملت.. وانتظبطت.. وياللا بينا نحب بعض
فوق.. ونموت الحب ده من تحت. نحارب ونقاوم من فوق..
ندور على صعوبات أكثر من تحت.. نتقطع ونتعذب من فوق..
نزوج ونعمل (دماغ عذاب) من تحت.

اللعبة دي عاملة بالظبط زي أعراض المستيريا.. اللي بتكون عند حد
ان حزن وقهر وغضب.. فيقرر عقله إنه يشل إيده مؤقتاً.. فيبقى قدام
اللعبة اتعصب وغضب وعمل اللي عليه.. بس عدم قدرته على تحريك
إيده هو اللي منعه من أخذ حقه..

أو الي عاوز يصرخ بصوت عالي ويعبر عن غيظه ونحلق.. فيقرر ..
إنه يكتّم صوته ويوقف لسانه شوية.. فيبقى برضه حاول قدام نفسه..
الي جواه.. بس صوته راح.. وماقدرش يقول كلمة واحدة.. معاً..
مش بإيده.. وسيلة نفسية دفاعية مفيدة جداً.. بس في وقتها.. ومنا..

لكن الي مش مفيد أبداً هو إننا نعمل ده مع بعض.. باتفاق
غير معلن.. هدفه تعطيل الحياة.. ووقف الحال. ونقول لنفسنا..
بنحب بعض.. وهنموت على بعض.. ونعمل كل الي علينا.. والـ
من جوانا مش عاوزين نتحرك من مكاننا.

أصعب ما في اللعبة دي هو إن الي يلعبوها بيتمسكوا..
جداً.. بيكونوا ما صدقوا لقيوا بعض.. وده طبعاً لأنهم بيـ
قرارات بعض.. وبيكملوا الأجزاء الناقصة من سيناريوهات
المكتوبة داخلهم من سنين..

والأصعب والأصعب إن هم الاتنين بيعملوا ده وهم مش واعين
بالهم.. ومش واعين بيه على الإطلاق.. وهنا الغلب الحقيقي.

الغلب الحقيقي هو إنهم بيضيعوا سنين طويلة من عمرهم..
فاكرين إنهم ضحايا لظروف قاسية..

وانهم بيعاربوا ويقاوموا ويتحاربوا ويلقوا ويدوروا..
بالظبط زي الي بيضرب دماغه في الحيط.. وانهم متوهمين إن قصـ
هي إحدى أصعب قصص الحب والرومانسية في التاريخ. وفي الحـ
كل ده سراب.

لأنها فيه أشكال ثانية كثير لممارسة قرار عدم الجواز اللي ورا اللعبة
أي إني أتركك لأي حد يحاول يرتبط بيا، رغم إني فاتحة الإشارة
للارتباط.. أو إني أول ما حد يرتبط بيا، أبدأ علاقة مع حد
أو إني أدخل اللي هيرتبط بيا في اختبارات نفسية صعبة جداً،
لأن تعجيزه وإفشاله.

أنا عارف إن الكلام ده مؤلم.. والرؤية دي مزعجة.. خاصة للي
ف ده في نفسه ويكتشفه وهو بيقرا دلوقت.. بس إذا كان الكلام
فالسكوت والاستمرار بالشكل ده مؤلم أكثر.
إذا كانت الرؤية مزعجة.. فالعمى مزعج أكثر.
إذا كان الاكتشاف مرعب.. فالنزيف اليومي البطيء مرعب أكثر.

أنا تختار.. أسأل نفسك وانت في كامل وعيك: أنا اخترتها ليه؟
أنا تختاري.. أسألي نفسك وانت مفتحة عينيكي: إשמعنا ده؟

جاوبوا بصدق.. وبأمانة.. وبمسؤولية.
وشوفوا بوضوح.. وجرأة.. وشجاعة.

علشان الخسارة هنا.. هي الأفدح على الإطلاق.

لعبة (أمل حياتي)

معقول؟

هو الأمل ممكن يكون لعبة؟

آه طبعًا.. كل حاجة ممكن تكون لعبة.. لما تتعمل في غير مكان
وفي غير وقتها.

الأمل شيء جميل ومطلوب ومهم.. الأمل بيهدئ من و
الأيام.. ويخفف من حدة الليالي.. الأمل بيعت على الحياة.. بس
يكون في توقيته وموضعه.

لما يكون عندك أمل إنك تنجح السنة دي.. رغم الصعوبات
والتحديات.. غير لما يكون عندك أمل إنك تصحى بكره الصبح تلام
نفسك صغرت عشر سنين..

لما يكون عندك أمل إن زميلتك في الجامعة تعجب بيك وتحبك
غير لما يكون عندك أمل إن سكارليت جوهانسون تتصل بيك دلوق
علشان تتعرف عليك. إنت تستاهل طبعًا ماقلناش حاجة.. بس
مش هيحصل.

الأمل لا يعني الانفصال عن الواقع.. ولا يعني رفع قدميك بعيداً
الأرض، والتحليق في السماء بلا أجنحة.. لأنه ساعتها ما يقاش
ال.. يبقى وهم.. يبقى هراء.. يبقى لعبة نفسية بالغة التعقيد.. لا
إلا بإحباط بالغ.. وشعور عارم بالعجز.

من أصعب الأمثلة التي شفت فيها اللعبة دي، هي الفتاة المرتبطة
بخص سيكوباتي (مؤذي جداً).. هي بتدوق المر حرفياً كل يوم..
مذب بكل أصناف العذاب النفسي والبدني بلا انقطاع.. مرة
العب بمشاعرها.. مرة يوحى لها بصفات سيئة وغير حقيقية عن
نفسها (وهي تصدقها).. مرة يحسسها بالذنب علشان يملكها..
بقلل من شأنها علشان يسيطر عليها.. مرة يبكي ويوس إيديها
جليها علشان يصعب عليها ويخليها تتعاطف معاه.. ومرات يهددها
بالجرح أو الانفصال.. وأحياناً بالقتل أو الانتحار.

تيجي هي رغم كل ده.. يبقى عندها أمل فيه.. وتبقى مستنية
إيه يتغير.. ويتحسن.. ويتصلح حاله.. وهو ما لم يحدث في التاريخ من
ال.. ولن يحدث أبداً.

جلين جابرد العالم النفسي المعروف، يحذر في كتابه (Psychodynamic
Psychiatry in Clinical Practice - الطبعة الخامسة، ٢٠١٤) الأطباء والمعالجين
النفسيين من هذا النوع من السيكوباتيين.. يقول لنا إوعوا تستعملوا
معاه طرق العلاج التقليدية؛ لأنه ممكن يتلاعب بكم ويغيركم أنتم
شخصياً للأسوأ.. إوعوا تدخلوه مجموعة علاجية.. هيوظها ويفركشها
بؤذي أعضاءها.. إوعوا تاخذكم الحاسة والجلالة وتلعبوا معاه دور
المنقذ.. مش هتلاقوا اللي ينقذكم منه بعد كده.. السيكوباتي علاجه هو
استئصاله من المجتمع.. وحجزه في قسم نفسي بمؤسسة خاصة بتأهيل
المجرمين.. فقط.. ولا غير.

تيجي صاحبتنا المسكينة بقى، وتقول لك ده هيتغير.. أنا .. أمل.. أنا هاقف جنبه وأساعده.. أنا معاه للآخر.. مش انت يار.. قلت إن ممكن علاقة واحدة في حياة البني آدم تشفيه وتعالجه .. آه يا ستي قلت.. بس جيت عند ده بالذات، وقلت: «يا إمانا على الدكتور النفسي فوراً.. أو.. مش هاقول لك خدي دانا سنانك واجري.. لا.. سيبي ديلك.. واجري بكل سرعتك».. انتي ماتعرفيهوش.. إن الدكتور النفسي مش هيعرف يعالجه.. هتصابوا بالإحباط.

نفس الكلام مع اللي حاطة أمل في الارتباط بشخص عنده .. في تحمل المسؤولية، ومش عاوز يتعالج، ومش بيسعى للتغير، أو كل شوية يبعد ويقرب.. أو اللي بيعت رسائل مزدوجة.. زالت مصرة إنه لسه فيه أمل.

الأمل المبالغ فيه يؤدي إلى الإحباط.

من الأمثلة الثانية الصعبة جداً هي إنك تحط أمل إن وضعك المادي الاجتماعي يتغير.. وانت مش بتسعى لكده.. ومعندكش خطط واهد.. ومافيش أي مؤشرات حقيقية ولا واقعية عليه.. وتفضل مكانك مستني جنب الحيط.. وباصص في الفراغ.. والمشكلة تبقى لو فيه معاك غيلة أو ناس مسؤولين منك.. عندهم حلم متوقف حلمك.. وأمل مبني على أملك.. وكلكم في انتظار المعجزة.. اللي هتحصل أبداً.

الأمل غير المبني على قواعد ثابتة، يؤدي إلى العجز.

إنت عارف كام واحد في مصر كان عنده أمل إننا نفوز بكاس العالم بعد صعودنا إليه بطلوع الروح، مش إننا بس نطلع الدور الثاني، وبس لك: أدينا بنحلم.. خلي عندك أمل؟ هو فيه حاجة بعيدة على ربنا؟ طبعاً.. مافيش حاجة بعيدة على ربنا.. بس ربنا عمل لكل حاجة وقتاً وأسباب.. حتى الأمل.. حتى الحلم.

الأمل في غير موضعه وهم..

الأمل في غير توقيتته حماقة..

الأمل في غير جرعته.. قد يكون ساماً.

لعبة (مين هيمسك الكونترول؟)

أقول وبكل أسف.. إن معظم العلاقات اللي بندخلها في حياتنا،
اللعبة دي جزء منها.. وهي لعبة قائمة على سؤال بسيط جدًا:
اللي هيمسك في إيد الكونترول؟
اللي هيتحكم في الثاني؟
اللي هيمشي الثاني على مزاجه؟

أشكال ظاهرة وواضحة لممارسة اللعبة دي، وفي مجتمعنا تكاد
بكل أسف برضه.. بديهية، بمجرد ما واحد يرتبط بواحدة..
أقول لها اسمعي كلامي.. البسي كذا وماتلبس كذا.. كلمي
ماتكلميش ده.. غيري صورة بروفيلك على الفيس بوك وحطتي
... ماتأخريش بعد الساعة عشرة الصبح.. أقصد عشرة بالليل..
... ماتشوفش إلا النور.. وطبعًا لو هي تجرأت واعترضت أو حتى
... يقول لها أنا مش باحب المناقشة.. ماتتعاملش معايا الند للند..
... ألفت معاه.. يبقى المركب اللي ليها ريسين تغرق.. ولازم نتفق
... إنه من حقت تقولي رأيك لكن كلامي أنا اللي يمشي في
... مش أنا الراجل؟

طبعًا لو راجل (أقصد ذكر) حويط شويتين، يقول لك أنا صغيرة، ماعندهاش خبرة، علشان أربيها وأشكلها على إيدي.
فيه طرق تانية للممارسة لعبة الكونترول.. بس أخفى وأكثر دة.

زي إنك تحسس شريكك في العلاقة بالذنب.. فيبقى مضطرب الوقت إنه يعمل اللي يرضيك.. دي بيستخدمها أحيانًا الآباء والأولاد مع أولادهم.. ويستخدموها بعض النرجسيين والسيكوبات.. علاقتهم.

وزي إنك تهدد الطرف الثاني إنك هتهجره وتسبيه.. أو نفسك أو هتؤذيه.. فيقلق ويخاف.. ويمشي على العجين مايلخبطها.

وفيه طريقة عجيبة غريبة، وخبيثة جدًا في نفس الوقت:

- قولي لي الباسوورد بتاع تليفونك!

- ليه.. هو أنا أقدر أطلب الباسوورد بتاع تليفونك؟

- آه طبعًا.. أهى خديها.

- ماتكلميش فلان وفلان علشان مش مستريح لهم.

- إيه ده.. ولو أنا طلبت منك الطلب ده هتعمل إيه؟

- هاعمل كده طبعًا.. ده حقك زي ما هو حقي.

الطريقة دي هي إني علشان اخترق خصوصيتك، أكشف (بعض) أسرارى.. وعلشان أتحكم فيك، أسبيك تتحكم في (أنا) مما يخصني.. يعني أرمي لك الطعم.. علشان أملكك.. بتحصل بين المخطوبين واللي بيحبوا بعض جديد.. إطار خارجي من المراعاة.. داخله انقضااض والتهام شديدين.

..ض البنات بمجرد ما تتجوز.. تصاب بهوس الكونترول.. ويبقى
..أما صراع نفسي محتدم حوالين (مين هيتحكم في الثاني؟).. وتختار
.. طريقة على الإطلاق في كسب هذا الصراع.. وهي إنها توحى
.. ما إنها بتسمع كلامه.. اللي هو أصلاً كلامها، واللي هي مرتباه،
.. اسماء، ومخططة له، بينما هو يتباهى بذكورته.

..لبعاً الدلع.. واللعب على وتر العلاقة الحميمة (كمكافأة).. والنكد
.. في الأزلي (كعقاب).. بينهم الصراع ده تماماً، بالضربة القاضية.

..أما عن استخدام الأطفال في التحكم في أبوهم، وإقصائه هو شخصياً
.. من بيتهم، وحصر دوره في الإنفاق والمتابعة عن بعد.. فحدث ولا حرج.

..الستات اضطرت إنها تبكر وتطور لنفسها عدد هائل من الألعاب
.. سبية، لمجرد العيش بسلام في هذا المجتمع العظيم.

..يوحوا للرجالة إن الكونترول في أيديهم.. في حين إنهم بيحركوهم
.. الماريونيت.. والأتنين في الآخر ضحايا.

العلاقات مش خناقة..

مش صراع..

مش حرب.

سيبوا الكونترول..

وامسكوا إيد بعض.

لعبة (خُد وخُد)

هنا.. إنت قدام حد بيدي وبس.. بيدي طول الوقت.. بيدي
الفاضية والمليانة.. ومش بس بيدي للناس اللي بيعجبهم ويعبوه..
ده بيدي أكثر للناس اللي هو واثق انهم مش بيعبوه.. الناس اللي
وبينهم خلاف.. اللي كل شوية يتخانقوا معاه ويتخانق معاهم.

طيب وفيها إيه؟

فيها إيه لما الراجل يدي ويصرف على مراته وولاده بكرم وسخا.
فيها إيه لما الست تدي وتتعب نفسها في شغل البيت، وتضحك
سبيل جوزها وعيالها؟

فيها إيه لما أتصل بحد فيه بيني وبينه مشكلة واسأل عليه باهتمام شا.
فيها إيه لما اضحك في وش صاحبتى اللي أنا لسه متخافقة معاها امبار.

طبعا مافيهاش أي حاجة.. بالعكس.. كل ده كويس
ومليان طيبة وكرم وحسن معاملة وأخلاق.. بس لو وقف لغاية
وماكانش هو الخطوة الأولى للعبة نفسية خطيرة جدا.
إزاي؟

«الرجل الي بيصرف على مراته وولاده بكرم وسخاء يبدأ يقول
 «لما أنا باصرف عليكى، يبقى تسمعي كلامي»، أو «ما تطلبيش
 أساعدك في البيت.. أنا باشتغل أهو وباجيب فلوس»، أو
 «امليش معايا راسك براسي.. أنا الي باصرف عليكى». وبعدها
 «أولاده: «طول ما انت في بيتي وباصرف عليك يبقى تسمع
 كلامي»، أو «لما تشتغل وتصرف على نفسك ابقى اعترض على
 رأيي»، أو «لما تتجوزي وتلاقى حد يصرف عليكى، ساعتها يبقى
 رأيي».

أقول ويعمل كل ده.. تبقى الحكاية مش عطاء ولا كرم ولا
 ... الحكاية تبقى «مَنْ» يتبعه أذى، ويكون كل الصرف والكرم
 سخ (ده لو كانوا بيصرفوا أصلاً)، هو الخطوة الأولى من لعبة بالغه
 ... خطواتها الثانية هي الإذلال والاستغلال.

أنا اللي بتتعب نفسها في شغل البيت، وتضحى في سبيل
 ... وعيالها.. تيجي تقول لهم: «ما حدش فيكم حاسس بيا»، «أنا
 بت نفسي علشانكم»، «أنا ضيعت حياتي علشان خاطركم»، «أنا
 نفسي بالحياة علشان تعيشوا». يبقى الموضوع مش تعب ومجهود
 ... لوجه الله.. لأ.. ده فخ في منتهى الذكاء.. مستني حضرتك تقع
 ... ال أرمجة.

أنا اتصل بحد فيه بني وبينه مشكلة واسأل عليه باهتمام شديد..
 ... بن يكون فعلاً كرم أخلاق مني.. بس لما آجي ثاني يوم.. وأقول:
 ... باسأل عليه وهو مش بيسأل عليا»، «ده أنا الي بدأت بالسلام،
 ... لأ»، «أنا كده عملت الي عليا، وهوزي ما هو».. يبقى دي لعبة.

لما أضحك في وش صاحبتى الي أنا لسه متخافقة معاها امبارح
واقعد مستنية منها تتغير كده في ثانية.. كأن مافيش حاجة حصلت
وأقول: «أهو.. شو فوا باسلم عليها وهي مكشرة ازاي؟»، «فلان
أبيض.. وهي قلبها اسود جدًا»، «هي عادتھا واللا هتشتريها».. وبعدين
ضحكتي ماكانتش صافية.. وكانت جزء من لعبة (خُذ وخُذ).. إلا
(خُذ عطاء).. وبعدين (خُذ أذى).

مهم نعرف إن الي بيعمل اللعبة دي -وغيرها- مش لازم يكون واحد
بيها.. أو ناوي عليها بوضوح.. يعني مش لازم الراجل وهو بيصم
يكون عارف إنه هيجي بعد يومين ويذل مراته وولاده بالصم
عليهم.. ومش لازم الأم وهي بتهلك نفسها في سبيل ولادها، تن
ناوية إنها تمنّ عليهم باللي بتعمله علشانهم.. ولا لما أتصل بصاحبي
فيه بيني وبينه مشكلة، أو أضحك في وش صاحبتى الي متخافقة
امبارح، أكون قاصد أو قاصده ألعب اللعبة دي.. كل ده بيحصل
وعبي، ودون قصد، ودون نية.. وغالبًا الطرفين بيكونوا أغلب
الغلب.. بس مش لاقين حاجة تخلي لوجودهم معنى، ولا حاجة
لهم الي بيعملوه.. غير شوية الألعاب النفسية الخايفة دي.

وأدينا بتتعلمها..

علشان نكتشفها أول بأول..

ونوقفها..

ونخرج منها فورًا.

فورًا.

لعبة (زعلان بيني وبين نفسي)

بقي لعبة مُحيرة جدًا للطرف الثاني فيها.

إلى هو فجأة.. ومن دون سابق إنذار، تلاقى مراتك أو خطيبتك
، ومش على طبيعتها.. كلامها قليل.. لو اتكلمت، نظراتها
.. لو بصت، فيه حاجة غلط.. بس انت مش قادر تحددتها أو
ها.

فيه إيه؟

مافيش.

طيب مالِك؟

ماليش.

هو أنا زعلتِك في حاجة؟

لا خالص.

أمال فيه إيه؟

مافيش.

ترجع تلف الدائرة دي من أولها تاني، لعدة ساعات.. وأحيانًا لعدة

الرجالة بقى لما يلعبوا اللعبة دي بيلعبوها بطريقة أصعب شوية ..
طريقة (الكهف) .. بمعنى إنه ينسحب من العالم في هدوء .. ويقرب ..
ينعزل ويتوقع داخل نفسه .. أي صوت ممكن يزعجه .. أي ..
ممكن تؤرقه .. أي وسيلة للتواصل معاه تنتهي بالفشل .. وربما الـ
- سيبيني لوحدي شوية.

- ليه؟

- محتاج أبقى مع نفسي.

- طيب وأنا وجودي جنبك مش بيخفف عنك؟

- يا ستي بيخفف وكل حاجة .. بس مش دلوقت.

- طيب إنت معايا؟ إنت هنا؟

- لا .. اعتبريني مش هنا.

طبعاً من حق كل واحد يكون ليه وقته الخاص، ومبدأ
الشخصية .. بس اللي بيحصل في اللعبة دي (بنسختها الأنثوية)
إنك بتصعبي الأمور على شريكك في العلاقة، وترهقيه نفسياً ..
لغاية ما يزهق ويفقد الأمل، أو يفقد أعصابه. كأنك بتختبريه و
مدى تحمله، وقدرته على الصبر، أو التخمين.

واللي بيحصل في اللعبة دي (بنسختها الذكورية)، هو إنك بتـ
شريكك بالرفض .. إنها مالهش لازمة .. وان وجودها مش فارغ
قد يكون مزعجاً. كأنك عاوز تستأصلها من حيز حياتك .. ولو
الوقت.

فيها إيه لما نكون واضحين .. فيها إيه لما أكون زعلانة .. فأنا
المسافات .. وأقول أنا زعلانة من إيه .. علشان أفتح الباب للـ
والتفاهم؟

فيها إيه لما أحاول أصيغ مشاعري في كلام بسيط.. يقرب شريكتي
، ويحسسها بيا، ومايقطعش خيوط الوصل ما بينا؟

أقول لك أنا فيها إيه.. وليه بنضطر أحيانًا نلعب اللعبة دي.

إحنا بنكون محتاجين حد يحس بينا.. بس من غير ما نقول..
أ. يسمعنا من غير ما نتكلم، ويجاوبنا من غير ما نسأل.. بالظبط زي
أ. نزل الصغير.. اللي اتعود إن أمه تحس بيه وباحتياجه، وألمه، وجوعه،
ملشه، وحزنه، وزهقه.. فتضمه لحضنها، وتطمئه، وتشبعه.. من
ما ينطق ولا حرف.

بس الحقيقة إن دي أمنية طفولية جدًا.. وطريقة بدائية للغاية..
الفعش تستمر طول العمر.

إحنا دلوقت كبار.. ومهم نتعامل مع نفسنا ومع غيرنا بشكل
أ. الف.

لما أكون حزين أقول أنا حزين.. لما أكون متضايق أقول أنا متضايق..
الأذن محتاج حد يحس بيا، أو صف مشاعري.. لما أكون محتاج حد يقبلني
، ما انا، أطلب من اللي معايا إنه يقبلني زي ما انا.

ماستنيش من حبيك أو خطيبك أو جوزك اللي كنتي بتستنيه من
، شي أو من أمك.. وماتوقعش إن كهف الوحدة المظلم اللي بتدخله
تكون بمثابة رحم والدتك الآمن الهادئ.

مبروا عن نفسكم.. واحتاجوا.. واطلبوا.. وخدوا حقيكم.
فأحبال الوصل مهترئة بما فيه الكفاية.

لعبة (اتغير بس خليك زي ما انت)

خلال الفترة اللي فاتت لاحظت ملاحظة غريبة جداً.
تيجي لي واحدة بتشتكي مر الشكوى من جوزها: بيه...
وحش.. مش بيحترمني.. مش بيعحسن بيا.. قاسي.. أنا.. متسا...
مسيطر.. وساعات (بيخونني) أو (يعرف واحدة عليا).

باطلب منها تخلي جوزها ييجي لي.. وباكون عارف إن ده...
جداً وأحياناً مستحيل.. لكن في الحقيقة بعضهم بيعجي فعلاً...
وبينكم.. مش بيكون جاي جدعته ولا شهامة.. بيكون في...
الأحيان جاي علشان يثبت إنه صح.. أو يفشل قصة العلاج...
أصله.. أو جاي تحت الضغط من مراته أو أهلها والتهديد بالانفصال

المهم.. باسمع الزوج وباكون باغلي من جوايا زي البركان الم...
بالظبط: بص يا دكتور.. مش بتسمع كلامي.. بتجادلني.. بتعا...
بندية.. بتعلي صوتها عليا.. مش بتحترم ان انا الراجل وهي الس...
عاوزة نبقي راس براس.. فين القوامه؟ أنا القائد.. أنا صح.. أنا...
(بصوت حسن شعحاته في فيلم طير انت).

يا نون شاييف قدامي طفل صغير، عاوز يثبت لنفسه إنه هرقل، يأمر
الأم.. ومش من حق حد يجادله.. أو يشاركه.. أو حتى يرد عليه.

يا مسك أعصابي.. وأحظ كرات دمي الحمرا في تلاجة، وأطلب
كل هدوء إنه يتعالج.. وأفهمه بالراحة إن أي مشكلة زواجية
علاقائية، مهم إن الطرفين فيها يتغيروا علشان العلاقة تستقيم،
واج يتصلح.. وما ينفعش حد يشيل الشيلة لوحده.

يا مش الرجالة مش باشوفهم تاني بعد اللقطة دي.. اللي يكسل..
يا لي يزهدق.. واللي يرفض.. واللي يكابر.. واللي يقول هو انا مريض
يا ان أتعالج؟ واللي... واللي.

الكن..

يا عدد مش قليل بيقبل فعلاً الفكرة.. ويقرر إنه يبدأ برنامج علاجي
يا وحتى لو كان ده هدف الاختبار أو حرق كارت العلاج في الأول..
يا بيحضر.. ويشارك.. ويكمل.

يا مش بس كده.. ده بيشفو خلال رحلة علاجه إنه مسؤول بدرجة
يا عن صعوبات زواجه وعلاقته بمراته.. ويكتشف البلاوي
يا والمفاهيم الخاطئة اللي اتربينا عليها في مجتمعنا المتدين بطبعه، فيما
يا من الرجولة والأنوثة والقوامة والزواج والعلاقات.. يفتح مخه..
يا يفهم.. ويستوعب.. ويقبل.. ويتألم.. والمفاجأة.. إنه بيتغير.

يا تصوروا.. رجل شرقي أسطوري خارق.. بيسمح لنفسه إنه يكبر..
يا توضح.. ويتغير!

فين بقى اللعبة؟

فين التكة؟

اصبر عليا.



المشهد الثاني.. هو مشهد مريض جاي يشتكي من أهله.. قاسية.. استغلال عاطفي.. ظلم بين.. أمه عاوزة تبلعه بام بيدمره بمعنى الكلمة.. كوارث ومصائب نفسية يشيب لها الوالد.. أطلب منه يجيب لي أمه.. تيجي لي واقعد واتكلم معاها وافا.. حضر تك اللي محتاجة تتعالجي مش ابنك، (وبيحصل كثير بالمانا.. أهل المريض يكونوا هم اللي محتاجين علاج مش المريض نفسه) منها تتعالج وتحضر بانتظام.. وتوافق على ده فعلاً رغم إنه صعب.. بجد.. تحضر وتنظم وتسمح لنفسها إنها تشوف.. وتتعلم..

طيب وبعدين؟

فين اللعبة؟

شوف يا سيدي.. اللعبة في المشهد الصادم القادم.. مشهد اللي كان زي الفرعون من كام شهر، وهو قاعد قدامي دلوة الطفل الحزين اللي بيبكي بمنتهى الحرقه:

- أنا اتغيرت يا دكتور.. أنا اكتشفت الزبالة اللي كنت فيها.. والبلاوي اللي اتربيت عليها.. أنا عرفت إن الرجولة مش هي العالي.. عرفت إن القوامة مش هي الافترا.. أنا كنت ظالم نفسي.. مراقي.. أنا بطلت اتحكم واسيطر.. أنا باعاملها بمنتهى الاحترام.. باعمل اللي هي عاوزاه.. لأ.. أنا شايف إني مش من حقي أصلاً.. اعملي أو ماتعمليش.. أو اخرجي أو ماخرجيش.. أنا مؤمن إنها مستقل بذاته ومسؤولة عن نفسها وده حقها.

الله ينور عليك.. أنا فعلاً فخور بـك وبالي انت وصلت له.. أنا
 مصدق إن فيه راجل شرقي يسمح لنفسه بإنه يتغير.. ومش مصدق
 من أسمع الكلام ده في يوم من الأيام.. تعالى أبوس راسك.. طبعاً
 مراتك دلوقت هي أسعد واحدة في الدنيا.. مش كده؟
 للأسف لأ يا دكتور.. تصور يا دكتور.. مش عاوزه تشوف
 انغير.. بتقف لي على الواحدة.. بتفكرني باللي فات، مش عاوزه
 ف النبي آدم الجديد اللي قدامها.. مش هاتين عليها حتى تقول لي
 حلوة.. أو تبص لي بصة طيبة.
 معقول؟!

عالي يا ستي.. إيه؟ كنتي بتشتكي من الراجل والراجل اتغير وبيتغير..
 دإن راجل شرقي يتغير دي معجزة كونية نادرة الحدوث.. فيه إيه؟
 مش عارفة.. لسه فيه حاجات زي ما هي.
 أه بس ده فيه حاجات كتير قوي اتغيرت.
 لأ.. هو لسه زي ما هو.. ده بيمثل.. كل حاجة زي ما هي..
 مبرش.. ولا عمره هيتغير.. أنا نفسي قافلة منه من زمان.
 طيب ولما انتي نفسك قافلة منه من زمان.. كنتي عاوزاه يتعالج
 بغير ليه؟! ما كنتي تسيبيه من الأول وترجيحنا.
 - ما عرفش بقى.

أوبأ.. هنا بقى يا سيدي اللعبة.. ولك أن تتخيل نفس المشهد بالظبط
 مع الأم أو الأب اللي بيتغيروا، سواء بالعلاج.. أو بالزمن.. أو بالخبرة..
 وفضل ابنهم أو بنتهم مش شايفين.. أو مش عاوزين يشوفوا تغيرهم..
 بما كان واضح.

إيه بقى الحكاية؟

الحكاية إننا ساعات بنشتكي من حد.. ونطالبه بكل حماس..
يتغير.. وأول ما يتغير.. نقول له لا والله.. كان زمان، أو «لأ.. أنا..
مصدق تغيرك»، أو «لأ.. مش هو ده اللي انا مستنيه/ مستنيه».

الست تكون بتشتكي من جوزها.. ولما ربنا يهديه ويتغير.. ترمي
تغيره أو ماتشوفهوش أو تشكك فيه.. كأنها عاوزاه (بشكل غير واثق)
يفضل زي ما هر.. مطلع عينيها ومكفر سيئاتها.

الأبناء يشتكوا من آبائهم وأمهاتهم.. ولما ربنا ينور بصوتهم
ويتغيروا.. يبقى مش هالين عليهم يشوفوا تغيرهم أو يعترفوا،
كأنهم بيدوروا على الغم.. والهم.. والحزن.

وأحيانًا بعض الآباء والأمهات اللي جايين ولادهم يتعابوا
وهيتجننوا علشان يخفوا.. أول ما يبدأوا يتغيروا ويخفوا.. يمشوا
من حضور الجلسات.. ويشككوا في علاجهم.. وينكروا تغيرهم

بالمناسبة.. ما يسري على الأفراد.. قد يسري أحيانًا على المجتمع
اللي بتقاوم التغيير.. وتحن للشكوى.. وتهرب من المسؤولية.

حاجة غريبة جدًا..

بس مش هتبقى غريبة قوي لو عرفنا اللي وراها..
اللي حاصل في عقلنا الباطن من تحت تحت.

هو مين المستفيد الأول من الشكوى؟ الشاكي طبعًا.
مين اللي شايف قدام نفسه إنه مظلوم ومكسور ومتهان؟ الشاكي
طبعًا.

هو مين اللي بيلعب دور الضحية في اللعبة دي كلها؟ أبوه.. الشاكي
طبعًا.

مين اللي يستاهل الانتباه والاهتمام والتقدير والمساعدة؟ الشاكي
طبعًا.

مين بقى اللي هيفخسر كل ده لو الوضع اتغير؟ بالظبط.. الشاكي
طبعًا.

ما هو لو راح الجاني.. لو الجاني اتعالج وما بقاش جاني.. لو ربنا هداه
، اغير.. لو ربنا كرمه وشاف مسؤوليته وبقى إنسان مختلف.. ساعتها
الضحية ينفع يبقى ضحية من غير (جاني)؟
الإجابة.. لأ.. طبعًا.

يعني من فوق أشتكي واشتكى واطلب التغيير.
ومن تحت ممكن أقبل أي حاجة إلا التغيير.

من فوق باقول أنا مظلوم.. ارفعوا الظلم عني.
ومن تحت.. أرجوكم إوعوا ترفعوا الظلم عني.

من فوق يا ريت تتغير.
من تحت: خليك زي ما انت.. إوعى تتغير.

ما هو لو انت اتغيرت.. هاروح فين أنا بقى؟ لو انت اتعالجت..
أشتكي ازاي يعني؟ لو انت اتصلحت.. أعمل إيه إن شاء الله؟

طبعاً ده لا ينفي إنه فعلاً في بعض الأوقات بتكون العلاقة وما
لمرحلة سرطانية، ما ينفعش معاها أي تغير ولا أي علاج.. بس ساء
يقي الانفصال (من الأول) أرحم وأهون من ممارسة هذه العلاقة
الصعبة المرهقة.. وكل واحد يتغير لنفسه أحسن.. وبرضه
ينفي (بل يؤكد) إنه في معظم الأحوال بيكون الطرفين محتاجين
ومساعدة، مش طرف واحد بس.

عندنا قاعدة في العلاج النفسي بتقول إن المريض دايمًا بيقاوم علا
علشان فيه جزء من جواه عاوزه يفضل زي ما هو.. يعاني ويشكو
بس الألعن من كده.. هو إن أقرب الأقربين للمريض (الزوج
الزوج.. الوالدين).. واللي هم جايين يشتكوا منه.. هم شخصيًا بقا
علاجه.. ويرفضوا تغيره.. علشان يفضلوا يشتكوا.. ويشكوا
نهاية. ويكونوا بشكل ما.. مستفيدين من مرض المريض.. اللي
دورهم في المعادلة.. ويؤكد لهم قدام أنفسهم إنهم ضحايا.. وإن
ماهاش حل.

غريب جدًا.. ومعقد جدًا.. هذا الكائن اللي اسمه إنسان.
غلبان جدًا.. ومفتري جدًا.
ظلم جدًا.. جهول جدًا.. متكبر جدًا.

أبوس إيديكم..
تغيير البني آدمين ييقاس بميزان الذهب.. الجرام فيه ييطب.
شوفوه.. وقدروه.. وامتنوا لصاحبه.
اسمحوا لنفسكم.. واسمحوا لغيركم بيه.
جددوا رؤيتكم لنفسكم وللناس كل يوم.. كل ساعة.. كل دة

امنحوا الفرص..
واستغلوا الفرص..
واقتنصوا الفرص..
التي قد لا تعود.

لعبة (أنا اتغيرت أهو)

اللعبة دي شفتها كتير بين بعض المتجوزين.. وفيه أزواج محترفين
بدأ في اللعبة دي.

الزوج يكون سيئ المعاملة لزوجته.. قسوة وإهانة وأذى نفسي
، أحياناً بدني وجنسي.. وساعات يخونها مع واحدة واثنين وثلاثة..
، الزوجة مرة تسكت، ومرة تطنش، ومرة تصبر على البلاء، زي ما اللي
حاوليها بينصحوها.. وده طبعاً بيزيد الوضع سوءاً وتفاقماً؛ لأن اللي
«يوصل للزوج وقتها رسالة مفادها: «كمل.. دوس كمان».

أول بقى ما يفيض بيها الكيل.. وتقرر الزوجة الكريمة إنها تاخذ
موقف.. وتتصدى للإهانة والظلم.. وتضرب عرض الحائط بسلبية
أهلها وجبنهم.. وتقول (لا) بصوت عالي وبكل ما تملك.. ويظهر
في كلامها وعينيها وطريقتها إنها جادة.. وانها مش فارق معاها
الانفصال.. وتهدد بانها مستعدة لفعل أي شيء وكل شيء علشان
تحمي نفسها وتصون كرامتها.. يبدأ صاحبنا أولاً في اختبار جديتها
بمزيج من التهديد والوعيد، وتأخذه الحساسية والرعدة شويتين..

بس أول ما يكتشف إن المرة دي غير كل مرة.. وإنها ناوية ..
آدميتها، وتستعيد ملكية نفسها.. حتى لو اقتضى الأمر فض ..
العيار الثقيل.. يتراجع صاحبنا حبة حبة.. ويتقهقر للورا ..
خطوة.. ويقول لها: طيب شوفي.. خلاص.. أنا هاتغير علشان ..
هاغير من نفسي علشان البيت مايتهربش.. أنا باحبك ومش ..
أستغنى عنك.. قولي لي عاوزه إيه بالضبط وأنا أعمله.
بس..

هي كده وقعت في الفخ..

تقول له تعاملني كويس.. يقول لها حاضر.. بطل تهيني وتضرب ..
يقول لها من عيبا.. إديني من وقتك واهتمامك.. يقول لها ..
وهكذا. ويبدأ يتغير فعلاً.. تغير سريع وساحر وشامل.

فين بقى المشكلة؟ فين اللعبة؟

اللعبة إن التغير ده مش حقيقي.. وإن عمره قصير.. وإنه مازال ..
ليه أي هدف غير الإطفاء السريع لحريق الغضب.. والاستيلاء ..
الكاذب لتوتر الأمور.. والخوف المرعب من فضيحة بجلاجل.. من ..
الإصلاح الجاد، أو المراجعة الهادئة، أو البدء من جديد.. وده بيبدأ ..
فعلاً بعد شوية.. لما ترجع ريبا لعادتها القديمة.. بس -غالبًا- بشيء ..
أسوأ.. مع مزيد من الإهانة والقسوة وسوء المعاملة.. مضاف إليه ..
كثير من الانتقام والتنكيل.

طبعا مش كل المشكلات الزوجية بيحصل فيها التابع ده.. لانه ..
بيحصل كتير.. إلى جانب إن اللعبة دي بتحصل في علاقات ثانية ..
العلاقات الزوجية.. معظمها علاقات عاطفية.. خاصة لو كان الطرف ..
الثاني أحد أساتذة في الثقل والتلون والتلاعب بمشاعر الآخرين.

المشكلات المزمنة في العلاقات ماهاش غير حلين.
١٠ العلاج الجذري والجاد والحقيقي عند متخصص.
١١. بتر العلاقة إلى الأبد.
١٢. كده..

١٣. ضياع وقت..
١٤. ضياع عمر.

لعبة (الطلاق اللي اسمه جواز)

أعتقد إن دي أبشع لعبة ممكن اتنين يلعبوها مع بعض.. لأنها.. بس بتؤذيهم.. دي بتؤذي أطراف تانية معاها.

هنا.. إنت قدام اتنين متجوزين على الورق.. لكن الواقع اللي بينهم ماهوش أي علاقة بالجواز.. بيت معلق عليه لافتة الزواج.. وما يحدد داخله طلاق بائن.

اتنين بُعاد نفسيًا جدًا عن بعض.. بينهم هجر وجفاء وبرود.. نفور وصد ووحشة.. يأس وظلام وفقدان أمل.

خناقات ومشكلات ليل نهار.. مافيش أي نوع ولا أي درجة من التفاهم.. وكل واحد نفسه من جواه يصحى الصبح يلاقى الثاني غتني من على وجه الأرض.

وبيحصل طبعًا في بعض الأحوال، إن كل واحد منهم يعمل علاقة غير شرعية من ورا الثاني.. وأحيانًا مش من وراه ولا حاجة.

طيب ولما هو الحال كده؟ وطالما الوضع سيئ بهذا الشكل..
مكملين مع بعض ليه؟
هنا بقى اللعبة على أصولها.

يقول لك: علشان العيال.. مكملين مع بعض علشان العيال
مايتأذوش.. علشان الطلاق ممكن يآثر على نفسيتهم.. وهي تقول:
برضه العيال لما يعيشوا في وسط أبوهم وأمهم، غير لما يكبروا، وكل
واحد في حته.

أنا الحقيقة شفت كل طرق وأنواع سوء الاستغلال (Abuse)
للأطفال، لكني ماشفتش طريقة لسوء استغلالهم أظع من دي.. اللي
هي انكم تعلقوا فشلكم على شناعة أولادكم.. وتبرروا جبنكم بأن
ده من مصلحتهم.. وتقرروا الاستمرار في (طريق سد) تحت ادعاء
الخوف على نفسيتهم ومستقبلهم.

طيب هو اللي انتو فيه ده مش مؤذي لأولادكم؟ المسافات النفسية
الطويلة بينكم وبين بعض مش بتمزقهم تمزيقًا؟ الشد والجذب
والخناقات والصوت العالي (والضرب أحيانًا) مش بتشوه عقولهم
وقلوبهم؟

هو المؤذي أكثر للأولاد إنهم يعيشوا في جواز فاشل واللا في طلاق
ناجح؟ المؤذي أكثر إنهم يعيشوا في جو مشدود مُلبَّد بالمشاحنات
الدائمة، واللا في هدوء وسكينة، حتى مع بعض الفقد؟ هو ربنا لما
حلل الطلاق مش كان عارف إنه ممكن يكون فيه أولاد؟

الي بيوصل للأولاد بكل أسف في هذا النوع من البيوت، هي
صورة مشوهة تمامًا عن معنى الزواج، ومعنى الحب، ومعنى المودة
والرحمة، ومعنى الحياة نفسها.

وده هبخلهم - غالبًا - يكرروا الصورة دي بحذافيرها لما يكبروا
أو إنهم يقرروا مايتجوزوش خالص.. أو يدخلوا في علاقات مـ
للغاية.

أنا مُقدر جدًا تعقيد العلاقات الزوجية في مجتمعنا.. وإصاب
بأمراض صعبة ومزمنة.. وعارف وشايف مشكلات الطلاق الأسـ
والاجتماعية والاقتصادية والقانونية.. وإن اختيار الاستمرار في زوا
فاشل قد يكون حائط الصد الأخير ضد الكثير من الشقاء والعذاب
والمذلة لكل الأطراف.. وإنه أحيانًا بيكون قرار هدفه ترميم
أعمدة منزل يتهاوى فوق رؤوس الجميع.
لكن..

القرار الأكثر شجاعة.. هو إننا نقف وقفة صادقة مع النفس
وننظر للأمور نظرة أمينة نخلو من الأنانية والاستسهال.. ونفـ
نحاول.. ونسعى.. ونعالج.

لو صدقنا النية.. ونفع العلاج.. خير وبركة.
ولو مانفعش.. مش هنكون أعلم ولا أحكم من ربنا.. الي بيقول
﴿ فَأَمْسِكُوهُمْ بِمَعْرُوفٍ أَوْ سَرِّحُوهُمْ بِمَعْرُوفٍ وَلَا تُمْسِكُوهُمْ ضِرَارًا لِّلْعَدَا
وَمَن يَفْعَلْ ذَلِكَ فَقَدْ ظَلَمَ نَفْسَهُ ﴾ (سورة البقرة: ٢٣١).

بلاش نظلم نفسنا..

بلاش نظلم عيالنا..

بلاش اللعبة دي.

إما زواج بما يرضي الله..

وإما يقضي الله أمرًا كان مفعولاً.

لعبة (السر سوب)

دي بقى لعبة لطيفة بتلعب في بعض العلاقات العاطفية، اللي تكون مؤذية ومشوّهة نفسيًا لأصحابها.. فيقرروا عند نقطة معينة انهم ينهوا العلاقة دي.. اللعبة دي اسمها لعبة (السر سوب).

يعني إيه؟

يعني بيجوا عند لحظات الوداع.. ويقولوا لبعض: (إحنا خلاص ننهي حكايتنا، بس ممكن نبقى أصحاب)، أو (لو احتجتي حاجة، أنا موجود)، أو (هاتصل اطمئن عليك كل شوية).. وحاجات تانية ليها نفس المعاني دي.

أحب أقول لكل حد بيعمل الحكاية دي: إنت بتضحك على نفسك (ومن جوارك عارف إنك بتضحك على نفسك)، وبتضحك على الطرف الثاني (وهو برضه من جواه عارف كده)، وبتلعبوا لعبة عقيمة ومنهكة.. وغالبًا أذاها أكثر من أذى العلاقة نفسها.

إنت في الحقيقة تنتهي العلاقة من فوق.. وتخليها مستمرة من تحت.. إنت بتوصل للطرف الثاني رسالتين في نفس الوقت... واضحة على السطح بتقول (العلاقة تنتهي)، ورسالة ثانية خفية العمق بتقول (طيب خيلنا شوية.. يمكن).

حضرتك كده ما أنهيتش العلاقة ولا أي حاجة.. حضرتك وبكل بساطة سايب الباب موارد.. سايب (ثقب) بينك وبين العالم.. الثاني ممكن توصل منه بعض المشاعر، أو الاهتمام، أو الدفا اللي من الطرف الثاني ما يبعدش قوي.. ماسك طرف الخيط، وتلعب بيه بدل من إنك تقطعه.. سايب (سرسوب) صغير من العواطف مش عليك تفعله.

عاوز أقول لك إن مافيش أي توصيف لكلمة (الابتزاز العاطفي) أبلغ من تفاصيل اللعبة دي.. اللي بتعلق من خلالها نفسك وتعلق الطرف الثاني معاك في علاقة هلامية، غير واضحة المعالم، مالهش مسمى ولا ليها شكل ولا ليها هدف.

اللعبة دي مش بس منهكة ومؤذية ومشوهة.. لأ.. دي كمان بتجرح كل طرف فيكم إنه يدخل في علاقات أخرى حقيقية واضحة.. بتجرح دايماً فيه خيط رجعة للعلاقة القديمة، وده يفقد أي علاقة جديدة طعمها ومعناها وجمالها.. يعني لا ترحم.. ولا تخلي رحمة ربنا تنزل. كل حاجة تبقى نص-نص.. القديم نص-نص، والجديد نص-نص. وجودك كله يبقى نص-نص.

فيه أشكال ثانية للعبة (السرسوب).. منها إنكم ترجعوا تكلّموا (أو تراسلوا) بعض بعد شوية، كأن مافيش حاجة حصلت.. أو إنك تتابع الطرف الثاني من بعيد لبعيد.. تسأل عن أخبارها.. تراقب صفحته على الفيس بوك.. أو ووده أصعبهم.. إنكم تفتحوا باب الانتقام.. ويبقى هم كل حد فيكم انتظار اليوم اللي يشوف الثاني فيه نادم ذليل على الفراق.

إيه بقى؟
ليه ده كله؟

لما تكون في علاقة ما.. وعاوز تنهيها لأي سبب.. يبقى تنهيها على
المستويات.. الظاهرة والخفية.. مهما كان ده صعب.

لما تكون عاوز توقف الأذى اللي جاي لك أو اللي رايح منك.. يبقى
تقطع كل الخيوط.. وماتسيش ولا خيط رفيع باقي.. مهما كان ده مؤلم.

لما تقول (خلاص).. يبقى تقولها بكل خلية فيك.. وتقف الباب
الضبة والمفتاح.. وترمي المفتاح في البحر.. بالليل.. والدنيا ضلمة.

لما تقطع.. يبقى تقطع.. ماتسيش سر سوب صغير تتسرب منه أي
رسايل تغوي الطرف الثاني بالانتظار أملاً في الرجوع.

السر سوب الصغير ده.. ممكن يتحول في يوم من الأيام لنفق نفسي
كبير.. تدخلوا انتو الاثنين فيه.. وماتعرفوش تطلعوا منه.. طول حياتكم.

عينك في راسك..

مقصك في إيدك..

يا ترجع وتكمل وما تشتكيش..

يا ما تسيش خيط واحد معلق..

وابداً الآن.

أو لن تبدأ أبداً.

لعبة (لما)

لعبة نفسية مشهورة جدًا.. وكثير منا يستخدمها بشكل يومي.

اللعبة دي بتخلينا نأجل حاجة معينة (لما) تحصل حاجة تاني،
يعني تأجل فرحتك بنفسك وبحياتك لغاية (لما) تنجح، ولو نجحت..
تأجل فرحتك تاني لغاية (لما) تمسك الشهادة في إيدك.. وأول ما تستلم
الشهادة في إيدك، تستنى على فرحتك شوية كمان لغاية (لما) تستلم
الوظيفة.

تستنى على تحقيق أحلامك (لما) تخلص ثانوية عامة، وبعد ما
تخلصها، تستنى شوية كمان (لما) تتخرج من الكلية العبقريّة، وبعد ما
تتخرج، معاك تاني لغاية (لما) تسافر بره.

تسافر بره وتأجل رجوعك لغاية (لما) تحوش قرشين، وبمجرد
ما تحوشهم، تقرر تستنى شوية كمان (لما) يزيدوا شوية علشان تأه
مستقبل العيال.. وبعد ما تأمن مستقبل العيال تصبر حبتين (لما) تحس
ان الوقت مناسب.

أجل تعبيرك عن مشاعرك (لما) الطرف الثاني يعبر الأول، ولما يعبر
ثاني (لما) تتقل حبتين.. وبعد ما تتقل، معاك شوية كمان لغاية (لما)
ف ظروفاً.

نأجل حتى سؤالك عن أهلك ومعارفك وناسك (لما) تخلص الي
الك.. الي هو مش هيخلص أبداً.

نكتم جواك كلمة (لا) لغاية (لما) تحس إنك قادر تقولها، ولما تقدر
لها تأجلها ثاني (لما) تشوف إيه الي هيحصل، ولما يحصل، تستنى
بة يمكن مايكونش ليها لازمة.

حتى الحزن والألم.. مش بتحس بيه في وقته، وتستنى (لما) تتصور
إك هتقدر تستحمله.

حتى حقك في الاختلاف عن الموجود، واختيار طريقك المتفرد في
الحياة، بتستنى (لما) تطمن إنه طريق آمن.. وفيه أقل قدر من المخاطر.

حتى حضنك لأولادك وبناتك وأصحابك وأحبابك.. بتأجله
لغاية (لما) يكون فيه سبب.

(لما).. بتسرق السنين..

لأنك بعد كام سنة..
هتكتشف إنك أجلت حياتك كلها، واستنيت على أجل ما فيها،
لغاية (لما).. تحصل أي حاجة.

(لما) .. بتهرب بالعمر من بين إيديك ..

لأنك .. في الآخر .. هتبص لورا .. وهتلاقي كل (لما) أخذت معاك
كام يوم، أو كام شهر، أو كام سنة.

(لما) .. عمرها ما هتخلص .. غير (لما) تخلص عليك.

إيه رأيك ..

تقرر دلوقت ..

إنك ماتقولش (لما) تاني ..

أبد ..

لعبة (أنا مش لاعب)

فيه ملاحظة مهمة جدًا، ومتكررة جدًا جدًا في عيادات الأطباء النفسيين في أوقات الامتحانات.

طالب في كلية مرموقة (أو في ثانوية عامة) .. طول عمره متفوق .. ملع الأول .. يذاكر زي الفل .. أهله بيحبوه ويصتقوا له على نجاحاته .. إنجازاته الدراسية منقطعة النظير .. ويبجي وقت الامتحانات .. هوووووب .. تحصله حالة غريبة جدًا: مش طايق الكتب .. مش عارف يركز .. مش عارف ينام .. بينسى بسرعة .. قلق فظيع وكثير موي .. يدخل لجنة الامتحان والمعلومات كلها تطير من دماغه .. أو يجاوب وحش جداااا .. أو يرفض يدخل الامتحانات من أصله .. أو يدخل ويسقط مرة واثنين وثلاثة.

طبعا كل ده ممكن يحصل مع أي طالب في أي سنة، ويبقى جزء من أعراض توتر وقلق نتيجة ضغط الامتحانات .. ويتعالج ويخف وخلص .. لكن أنا هنا باتكلم عن حد ماشي زي الصاروخ .. نبيه وشاطر ومتفوق جدًا .. لكنه فجأة انكسر ووقع على الأرض .. لأ .. وقع تحت الأرض.

بعض (وليس كل) الحالات دي بيكون ليه تفسير أعني
مما يبدو عليه.. تعالوا نشوف الحكاية عن قرب أكثر.

طفل صغير.. وصل له من أبوه وأمه إن الدرجات هي أهم
في الدنيا.. النتيجة هي معيار رضاهم عنه.. المجموع هو المحدد
لعلاقتهم بيه.. وصل له منهم الحب (بشرط) إنه يجيب الدرجات
النهائية.. وصل له منهم القبول (بشرط) إنه يطلع الأول.. وصل
منهم الاهتمام والاحترام (بشرط) إنه يكون متفوق في دراسته.. وصل
المقارنة بزمايله وقرايبه وجيرانه.

خلاص تمام.. ندفع التمن علشان ناخذ الحب، ونلاقي الله
ونحس بالاهتمام والاحترام.. مش هم عاوزين الدرجة النهائية
حاضر.. مش هم مستنيين ترتيب الأول؟ ماشي.. مش هم
التفوق الرهيب؟ من عينيا.

مش بس كده..

ده بعد ما يكبر بشوية، يوصل له من المدرسة والمجتمع والناس،
والناس، إن فيه حاجة اسمها كليات (قمة).. يبقى فيه أكيد كليات
(قاع).. وإنه لازم يدخل كلية من كليات القمة علشان يبقى ليه
وضع وبريستيج.. وإلا مستقبله هضيع.. ويا سلام لما يقولوا له
(دكتور) ويا (باشمهندس) وهو في أولى إعدادي.. وهو طبعا يصعد
الخرافات دي.. ويدخل الكلية المنتظرة.

باختصار شديد.. كل ما وصل له من رسائل عن نفسه وعن وجوده
هي: أنت تساوي مجموع درجاتك.

هو اضطر يمشي مع الموجة فترة من عمره (قد تطول وقد تقصر)،
مع تمنّده من وقته ومجهوده ولعبه ومواهبه وأحلامه هو الشخصية،
التي تبدلت بأحلام أهله وهو صدق إنها أحلامه.. لغاية ما يبجي
الوقت.. ويقول لك: بس.. لغاية كده أنا مش لاعب.

بمعني يبجي مثلاً في ثانوية عامة.. وقت تركيز كل أحلام وطموحات
أهله عليه.. ويطلع عقله الباطن زي المارد بقرار داخلي واجب التنفيذ
.. أبايقاف هذه المهزلة.. فيقل تركيزه.. ويقل (أو يزيد) نومه.. ويبقى
.. طايق المذاكرة ولا الكتب ولا نفسه ولا أهله.. ويدخل الامتحانات
.. ايلش.. كأنه يفضّل نفسه بنفسه.. علشان يوصل رسالة صغيرة (مشفرة)
.. إلى أهله ومجتمعه، بتقول: مش انتو اختزلتوني في الدرجات؟ طيب والله
.. أنا جايب درجات.. مش انتو ماشوفتوش مني غير المجموع؟ طيب
.. الله لانا ساقط.. مش انتو مش عاوزين مني غير النتيجة؟ طيب والله
.. لأوريكم.. هافشل لكم كل خططكم.

والألعن طبعاً هو اللي يجيب فعلاً مجموع كبير في ثانوية عامة،
.. فيموا له الأفراح والليالي الملاح.. وينبهروا بيه ويسقفوا له
.. يزغرتوا له.. قصدي يزغرتوا (لمجموعه).. ويبجي في امتحانات
.. إلى أو تانية (أو تالثة أو...) كلية، ويقول لك ستوووووب.. أنا
.. هابرك هنا (زي الجمل اللي ببيرك كده).. أنا خلااص مش هاتحرك من
.. هنا.. فيبدأ يضيع وقت.. أو يبجي له خوف وتوتر نفسي مرضي عنيف..
.. أو مايدخلش الامتحانات.. أو... أو... كأنه بيغيظهم برسالة أخرى
.. من عقله الباطن بتقول لهم: مش أخذتوا مني اللي انتو عاوزينه؟ طيب
.. شوفوا بقى.

فيه نسخة تالثة من اللعبة دي.. اللي هي بقى لما يخلص ويتخرج على
خير.. ويشغل شغلانة هو أصلاً ما كانش عاوزها ولا مختارها..

ويجى بعد شوية .. يعطل فيها .. ونفسه تسد منها .. ويكره اليوم اللي اشتغلها فيه .. ويبقى عاوز يسيبها بأي شكل شفت دكاترة سابوا شغلهم .. ومهندسين .. وصيادلة .. وغيرهم ؛ لأنهم اكتشفوا بعد سنين من الشغل .. إن ده مازال اختيارهم أصلاً.

مشكلة ده .. ومشكلة ده .. إنه بيتتقم منهم ، بس في نفس ويفشلهم ، من خلال إفشالها .. وقد يصل هذا الانتقام في بعض الأحيان إلى تفسخ كامل في تركيبته النفسية .. اللي تتفكك تماماً ويتحول لمريض نفسي من الطراز الأصعب.

إلى كل أب وأم ..
إلى كل مدرس ومدرسة ..
إلى كل الناس ..
من فضلكم ..

ما تختزلوش أولادكم في درجاتهم ..
ما تسجنوش أولادكم في مجاميعهم ..

ما تفرحوش قوي بالمية وخمسة في المية .. ما تصقفوش قوي للأه على العالم في الثانوية العامة .. ما تنفشخروش قوي بتقيل الإجابة .. علشان تمن ده ممكن يكون شخصيات مشوهة .. ونفوس مريضة .

بتوصلوا إيه لأولادكم ؟
كفانا مسوخا بشرية منزوعة الروح ..
ألا قد بلغت ..
اللهم فاشهد .

لعبة (قلب الترابيزة)

فيه ظاهرة نفسية شهيرة اسمها (الإسقاط) .. بمعنى إن حد ينسب (إليك) ما يخصه (هو)، من أفكار أو مشاعر أو رغبات أو سلوك أو سيرة .. كأنك (إنت) صاحب كل ده مش (هو) .. فبدل ما يحس إن (هو) بيكرهك .. يحس إنك (إنت) بتكرهه .. بدل ما يشوف إن (هو) .. مش .. يشوف إنك (إنت) اللي مقصر .. وبدل ما يعترف بفشله .. يمسكك انت شخصياً بالفشل.

ظاهرة معروفة ليها أهداف غير واعية كثيرة، أولها عدم تحمل المسؤولية؛ .. مسؤولية ما أفكر فيه أو أشعر به أو أفعله، وإلقاؤها على الآخرين، عن طريق استبدال (أنا) بـ (أنت)، أو (هو)، أو (هي)، أو (هم).

الإسقاط هو أحد الدفاعات النفسية البدائية جداً ضد صدمة .. اجهة الحقيقة، وألم الشعور بالذنب، ومسؤولية الاعتراف بالخطأ .. مواجهته.

الإسقاط لما يستخدم بشكل دائم ومتكرر بيتحول إلى لعبة نفسية .. مؤذية جداً .. هدفها (قلب الترابيزة) على الطرف الآخر، في حركة أولبية سريعة .. زي مثلاً:

- إنتي زوجة فاشلة.
- إنتي سبب تعستي.
- إنتي مالكيش لازمة.
- إنتي مش مهتمة بيا..
- إنتي مش ست أصلاً.
- إنتي على طول مقصرة في حقي.

على الرغم من إن الطرف الثاني هو اللي فاشل، وهو اللي حاسب بنقص القيمة، وهو اللي مش مهتم بزوجته، وهو اللي عنده مشكلات إحساسه برجولته.. وهو اللي مقصر في حق مراته.

وزي ما الأفراد بيستخدموا دفاعات وألعاب نفسية.. المجتمع براضه بتستخدم دفاعات وألعاب نفسية.. وفيه مجتمعات تقدر تهاب إنها (متخصصة) في اللعبة دي.

يعني لما واحدة تتعرض للتحرش.. نقول (هي اللي لبسها مُغري) بدلاً من (إحنا اللي بنخترق خصوصيتها). أو (هي اللي عا.. تتعاكس).. بدلاً من (إحنا اللي عاوزين نعاكسها)..

ولما نسطح ديننا وناخد منه القشور.. نقول (الغرب عاوز يعب عن ديننا).. بدل (إحنا بتبعد عن ديننا).

ولما نتخلف وتتاخر ويبقى ترتيبنا الأخير في مستوى التعليم.. نقول (العالم كله عاوزنا نفشل).. بدلاً من (إحنا بنفشل نفسنا بنفسنا) وهكذا.

- دي واحدة حابة تعمل شو إعلامي بس بطريقة رخيصة ووقحة.
الصراحة والولد آه هو عاكس بس بأدب.. وماعتقدش انه فيه حد هينها
من عربيته لواحدة غير لما يكون شاف منها قبول.

- نازلة تصطاد متحرشين علشان تعمل نفسها بطله.. جتك زنا
عليكي وعلى اللي رباكي.

- إنتي كنتي واقفة تتصيدي أي خطأ وتلفتي نظر الشباب علشان
يعاكسوكي.

- إنتي (...) وكذابة أصلاً.. مش بادافع عن حد والله.. لبسك
ومظهرك هم اللي خلوهم يعملوا كده.

ودي مجموعة من تعليقات أخرى على بنت اتعرضت لمحاو.
اغتصاب من أحد سائقي شركات المواصلات الخاصة:

- لمي نفسك شوية.. راكبة عربية خاصة وعاوزاه يسكت؟

- قعدتها بتقول إنها خبيرة.

- البنت دي شكلها بتمثل.. ده شكل واحدة اتعرضت لحادث،
اغتصاب؟

- أصل البنطلون ده هو السبب.

- القعدة دي مش قعدة أول تحرش.

- السؤال: إيه اللي ركبك معاه؟

- ما هو يمكن افتكر كذبة بشرية زيه.

- تستاهلي.

- بشكلك ده أي حد هيغتصبك.

- إنتي إيه تخليكي تركبي سيارة خاصة.. فعلاً تربية واطية.

- أكيد انتي السبب يا مثيره يا إغرائك.

- إنتي شكلك أساساً ولبسك حاجة تدعو للاغتصاب.

- من غير كلام، هي لو محترمة مش هيعمل كده.
- أولاً انتي ازاى ركبتى معاه عربية؟ ثانياً نزلي رجلك اللي تنكسر..
- ثالثاً انتي شكلك بتحوري.
- طيب لازمتها إيه تطلعي وتشهري بنفسك؟ ماتلمي يا اختي.
- دي لو لابسة عباية ماحدش هيلمسها، لكن الناس هتعمل لها

٢٤١

- ودي عينة أخيرة من التعليقات على حادثة تحرش ثالثة، قام فيها المتحرش (بقتل) زوج السيدة اللي تحرش بيها، بعد ما تصدى له علشان
- ادافع عن مراته:
- ما هو أكيد ديوث وسايب الأمور تمشي على الشط.. يستاهل هو
- اللي شكله.
- هو اللي غلط.. لو لبسها لبس محترم، ماكانش اتحرش بيها.. دور
- على مراتك الأول يا لطخ.
- لو راجل بجد، ماكانش راح البحر هو وزوجته.. مكان فيه
- شباب والناس مختلطة.. لازم يتحمل العواقب.

بالمناسبة.. التعليقات دي معظم اللي كاتبها سيدات.

- اللعبة دي (قلب الترابيزه) بتضطر ضحيتها إلى أحد الأركان..
- لينهال عليها الجميع بالضرب واللكمات.
- اللعبة دي هي اللي ورا ظاهرة (لوم الضحية) المنتشرة بشراسة.
- وهي اللي حوّلت مؤخراً (لوم الضحية) إلى (ذبح الضحية).
- وأنا هنا باتكلم عن ضحية بجد.. مش عن حد بيختار ويقرر ويستمرئ
- لعب دور الضحية.

تصور لما يجتمع كامل .. لما مجموعة كبيرة من الناس، تقوم بإسداء كل ما بداخلها من مخاوف ومساوئ وعيوب وكراهية وكلاكيك ونفسية، على شخص واحد .. لما مئات وآلاف وملايين البشر يقرض ذبح شخص ما نفسياً ومعنوياً .. لما تُسن كل السكاكين .. وتجهز الأسلحة أمام إنسان بمفرده .. لما يصبح الكل أصحاب حق وفضياء وواحد فقط يحمل كل الأوزار .. ويوصم بكل العيوب .. ويسقط كل الأفخاخ.

الفرد أو المجتمع الي يستخدم اللعبة دي بيكلمك وهو بيؤ إليك إصبع الاتهام طول الوقت .. لكن الحقيقة إن بقية أصابع موجهه كلها ناحيته هو.

لو حد عمل معاك كده .. لو حد عمل معاك كده .. تجيب م كبيرة طويلة عريضة .. وتحطيه قدامه .. وتثبتها كويس .. وتقول «بص .. إنت بتكلم نفسك».

أما لو المجتمع عمل معاكم كده .. فماتياسوش .. وماتستسلموش .. اتلموا حوالين بعض .. وقربوا من الي شبهكم .. واثأكدوا .. إن التف الأخلاقي المجتمعى الكبير .. بيبدأ بخطوات فردية صغيرة .. وإن التلج الضخمة المنطلقة بكل سرعتها .. كانت في يوم من الأيام مياه وحيدة واقفة على زجاج إحدى النوافذ .. أو ذرة بخار تائهة من من أمام ...
استنى ..
أهي ..
أمام عينيك.

شايفها؟
خليك عارف ..
إن البداية دايماً من عندك.

لعبة (الساخرون في الأرض)

بمناسبة الألعاب التي بتلعبها المجتمعات والشعوب.. فيه مجتمعات متخصصة في لعبة اسمها (السخرية).. أو (الساخرون في الأرض).

ويخطئ جداً من يتصور إن (الفكاهة) هي (السخرية).. دي حاجة.. ودي حاجة تانية خالص.

الفكاهة تدعو للفرحة.. وتسبب القرب.. وتريح النفس والروح. إنها السخرية تعبر - في معظم الأحيان - عن عنف سلبي Passive Aggression، وتعالى، وفوقية في النظر للأمور.

يعني لما تشوف اتنين مخطوبين بيعجوا بعض وانت مش مرتبط.. ممكن تقول لصاحبك وانت بتضحك: «إمتى ربنا يفرجها عليا بقى».. وممكن تقول له برضه وانت بتضحك: «هم مالهـم عايشين الدور كده ليه؟ بكره لما يتجوزوا مش هيطيقوا يبصوا في وش بعض». في الحالتين انت بتضحك، لكن دي فكاهة، ودي سخرية.

الفكاهة فيها خفة ظل وبساطة وأمل.
السخرية فيها ثقل وإحباط ويأس.

لما تقول لابنك أو لبنتك أو لزميلك في الشغل: «إنت اتأخر،
كده ليه؟» غير لما تقول له: «ناموسيتك كحلي» أو «إنت جاي مان
على قشر بيض؟».

الفكاهة مافيهاش إهانة.
السخرية كلها إهانة.

فيه مثل أوضح..

شوف برامج الفكاهة زي الكاميرا الخفية وما (شابهها) عاملة أزا.
برة.. وعاملة أزا عئدنا.. تلاقيها برة عبارة عن مواقف بسيطة
دهشة الضيوف وترسم البسمة على وجوههم ووجوه المشاهدين
لكن عئدنا هي مواقف تدعو لاستفزاز الضيوف واستشادة غضبهم
وحرق دمهم، أو تخويفهم وإرهابهم وإرعابهم (مرة بالنار ومرة
بالغرق ومرة بالعفاريت ومرة بالحوث ومرة بالدب القطبي و...
و...)، لينتهي الأمر بخناقة كبيرة، وضرب وشتيمة وسباب للبرنامج
والممثلين وفريق العمل.

والمشكلة إن المتفرجين بيتابعوا ويتبسطوا ويستمتعوا ويضحكوا
في مشهد سادي من الطراز الأول.. شاركنا فيه جميعًا.

الفكاهة تثير فيك الضحك..
السخرية تثير فيك دموعًا مكتومة.

الفكاهة فيها تواصل وحب ومودة..
السخرية فيها بتر وبغض وقسوة..
السخرية تعبر عن رصاصات غاضبة رغم نعومتها الظاهرة..
وتعبر عن رغبة في تشويه وتحطيم ما نسخر منه.

علشان كده سموادي (روح الفكاهة) .. وسموادي (مرارة
السخرية) ..

إحنا بندعي الفكاهة .. لكننا محترفين في السخرية.

إحنا بنسخر من كل حاجة .. بنسخر من المشاعر .. بنسخر من
الناس .. من الحيوانات .. من أنفسنا .. من الحياة .. بنسخر من الموت
شخصياً.

كأننا بدل ما نواجه إحباطنا .. بنحسس غيرنا بيه.
وبدل ما نتعامل مع غضبنا .. بنثيره في الآخرين.
وبدل ما نعالج يأسنا .. بنفرقه على بعض.

في اللحظة التي هانتحول فيها - كمجتمع وكأفراد - من السخرية
إلى الفكاهة ..

اعلموا تمام العلم ..
أننا سنكون قد تغيرنا بشكل حقيقى.

الباب الثالث

الطريق إلى نفسك

السؤال الملح والي يتكرر دائماً من كثير من القراء والمتابعين.. هو:
«نعمل إيه؟»، «أدينا عرفنا إن فيه مشكلة.. الحل إيه بقى؟». «إنت
سلطت الضوء على العقد والكلاليع.. قول لنا نحل ده كله إزاي؟».

في الحقيقة أنا مش من أنصار مدرسة تقديم الحلول الجاهزة للمشكلات..
وإيجاد الإجابات النموذجية للأسئلة.. كل حالة وليها ملاساتها.. كل
شخص وليه ظروفه.. وأحياناً كثيرة جداً أنت ممكن تلاقي حل لي
أنت فيه أفضل ألف مرة من أي توجيه من عندي.. وتكتشف إجابة
أكل أسئلتك أبدع جداً من كل إجاباتي النابعة من خبرتي الشخصية
منها اتسعت.

إحنا اتربينا على الاعتمادية.. من أول الاعتماد على الأب والأم حتى
سن ثلاثين وأربعين سنة، لغاية الاعتماد على الحكومة في توفير فرصة
عمل، من أول فتاوى دخول الحلاء.. إلى فتاوى الزواج والطلاق، من
أول الإبرة.. وحتى الصاروخ.

إحنا محتاجين نفكر.. محتاجين نقرا ونبحث.. محتاجين نجتهد
ونوصل.. من غير ما ندور طول الوقت على وصي.. أو حد نعتمد
عليه.. حد يفكر بالنيابة عننا، ويبحث لنا، ويجهد في سبيلنا.. ويقرر
هو.. ويختار هو.. ويتحمل المسؤولية هو.. واحنا ناخذ البضاعة على
الجاهز.. ونستهلكها كما هي.

علشان كده أنا باقدهم توصيفات دقيقة قدر المستطاع.. لكني مش
باقدم حلول.. إنت وظروفك واجتهادك.. أنا بافتح عينيك بالجرعة
المناسبة والتوقيت المناسب.. وانت واختيارك وقرارك.. بافهمك
نفسك وغيرك وعلاقاتك.. وانت وحياتك ومسؤوليتك عنها.

لكن.. ومع كل ده.. أنا قررت في هذا الكتاب إني أقدم لك خطوات عامة.. وخارطة طريق.. تشاور لك من بعيد على بعض المهام وتوضح لك أكثر بعض الإشارات.. اللي ممكن تساعدك في الوصول لحل من داخلك.. والعشور على إجابة خاصة بيبك.. واتخاذ القرار المناسب.. في الوقت المناسب.. وبالطريقة المناسبة.

خارطة الطريق دي هتستعرض لك قصة حياتك من يوم ما اتولدت لغاية النهارده.. هتوريك احتياجاتك.. هتكشف لك مخاوفك.. هتعرّفك حقوقك.. وهتساعدك في قراراتك.. كده بنفس الترتيب. هتوريك كنت محتاج إيه.. إمتى.. والاحتياج ده وذاك فين وع، إنيك إيه.

هتكشف لك المخاوف اللي ارتبطت بجواك بأنك تعوز وتحتاج احتياجاتك البسيطة في علاقات حياتك. هتعرّفك حقوقك اللي انت اتخليت عنها علشان ترضي حد.. أو تحافظ على حد.. أو تتجنب هجر حد. وهتساعدك في اتخاذ قرار واضح وصريح بإنك تكمل.. أو توقّف أو تاخذ هدنة للراحة أو للمراجعة.

الخريطة دي اسمها (نموذج الخطوات الأربعة) Four-step Model للاحتياج-العوزان-الحق-القرار.

ودي طريقة علمية حديثة لفهم صعوبات النفس البشرية، ومساعدتها على النضج والنمو النفسي.. مش بس العلاج.

طريقة مصرية أصيلة تم ابتكارها وتطويرها في قسم الطب النفسي بجامعة المنيا، ابتداء من سنة ٢٠٠٠ على يد فريق كبير من الأساتذة والأطباء والباحثين، أشرف بكوني واحدا منهم، تحت قيادة أستاذي وأبي الروحي أ. د. رفعت محفوظ، أستاذ الطب النفسي.

الطريقة دي اتعمل عليها أكثر من ثلاثين رسالة ماجستير ودكتوراه
مأية النصارى.. واتنشر عنها أبحاث وكتب وفصول كتب داخل
مصر وخارج مصر. وتم تقديمها وعمل ورش عمل عليها في أمريكا
، إنجلترا وألمانيا والسويد وإسبانيا وإيطاليا واليونان وكرواتيا وغيرها.
، بيتعمل عليها حالياً برامج علاجية وتدريبية وإشرافية تابعة للجمعية
المصرية للعلاج النفسي الجمعي.

في الخريطة دي..

هنبداً من الصفر..

وهنمشي خطوة خطوة..

من أول «أنا موجود»..

وحتى «أنا قررت».

هاوزيك أمثلة..

وهاعلّمك تمارين..

وهاذّبك عليها..

لغاية ما نوصل مع بعض..

لآخر الطريق..

تعالى نبداً..

والله المستعان.

أنا موجود

أقول لك حاجة عمرك ما فكرت فيها؟
بس ماتتخضش..

هو انت ازاي عرفت إنك موجود؟
يعني إمتى أول مرة سُفّت فيها نفسك؟
مش في المراية.. في الحقيقة.

طيب..

تعالى نرجع لورا شوية..
أول ما اتولدت.. أول ما أي طفل بيتولد.. بيشوف نفسه ازاي؟
يعرف ازاي إنه موجود؟

هو بيشوف وشوش ناس.. لكن مش بيشوف وشه.
بيشوف جسم أمه وهي بترضعه..

بيشوف إيديها..

بيشوف عينيها..

لكنه مش بيشوف عينيه.

يشوف حدودها وأنفها وشفافيتها..
لكنه مش بيعرف حدوده وأنفه وشفافيه.
يشوف ضحكته..

لكنه مش بيعرف ضحكته.
أمال بيعرف هو مين ازاي؟
يعرف ملامحه مين؟

يعرف ازاي إن إيديه اللي هو باصص ليها دي، تبعه هو مش تبع ؟

يعرف ازاي إن رجله اللي بتتحرك دي، تخصه هو ماتخصش أبوه؟
يعرف ازاي حدود وجوده؟
يعرف ازاي إنه موجود أصلاً؟
ويعرف مين ان وجوده ليه قيمة.. وأهمية.. ويعمل فرق؟
هنكتشف الإجابة دلوقت.



أول ما تتولد.. نفسك بتكون عبارة عن مجموعة من الوظائف النفسية غير المترابطة.. يعني حته تحس.. حته تستقبل.. وحته تفكر (شكل بدائي جدًا).

يبقى جوانا بذور نفسية منثورة على مسافات متباعدة.. جُزر نفسية، عزلة مافيش أي علاقة أو ترابط بينها.. ويكون جزء مهم من نمونا، نضجنا النفسي.. هو إن الجزر دي تقرب من بعض، وتتجمع، وتبقى حاجة واحدة.. اسمها (نفس مترابطة) Cohesive Self زي ما وصفها عالم النفس النمساوي الشهير هاينز كوهوت - Heinz Kohut.

بس علشان ده يحصل.. وتقرب الجزر النفسية دي من بعضها.. نفى محتاجين ثلاث حاجات.. الثلاث حاجات دول بيكملوا الأجزاء اللي ناقصة داخلنا.. ويعملوا منها (حاجة واحدة).. تنطلق، تشق طريقها للحياة.

الثلاث احتياجات دون هم أهم ثلاث احتياجات نفسية على الإطلاق ..
ويسبقوا كل ما عداهم من احتياجات أخرى .. ومن غيرهم ..
تكويننا النفسي ناقص ومشوه ومبني ثقوب نفسية عميقة.

الاحتياج الأول أسمه (الاحتياج المشوفان) (Fearing Need)
احتياج إن حد يوصل لك إنك متشاف ومتندر .. حد يصغفك ..
ويقول لك برافو .. حد تشوف في عينيه ضحكة وفرحة وفخر ..
حد يبقى بالنسبة لك زي مراية سيندريللا .. توريك جمالك وتظف ..
محاسنك.

الاحتياج الثاني اسمه (الاحتياج للتقديس / التمجيد) (Realizing Need)
.. يعني تحتاج إنك تشوف حد على إنه إنسان كامل ..
أسطوري .. يعرف كل حاجة .. يقدر يعمل أي حاجة .. مافيش
يقف قصاده .. ومافيش معضلة تتحداه.

أما الاحتياج الثالث فهو (الاحتياج للتوأمة) (Twinship Need)
يعني تحتاج حد يكون صاحب .. رفيق .. نحس إنه زيك وشبهك ..
منك وفيك منه .. تنوس بيه .. تحب معيته .. تنتمي انت وهو
واحدة.

الاحتياج للشوفان هو اللي بيخلي البنت الصغيرة تلبس الفساتين
الجديد وتروح لمامتها وتقول لها: «بصي عليا .. شوفيني .. أنا حلوة»
هو اللي بيخلي الولد يقف قدام المراية ويستعرض عضلاته .. هو اللي
بيخلي الأطفال يعملوا أي حاجة علشان أهلهم يُعجبوا بيهم ويصقه
لهم .. من أول سامعان الكلام (أحياناً) لغاية نتيجة المدرسة والدرجات.

والاحتياج للتقديس / التمجيد هو اللي بيخلي الأطفال يده ..
طول الوقت على بطل قوي .. خارق .. ماحصلش .. هو اللي ورا اخذ
الرهيب بسوبرمان وسبايدرمان وباتمان وكاتوومان .. بشر فوق مس ..
البشر .. عندهم قدرات خاصة جداً .. لا يُقهرن .. لا يُغلبون .. وان
لا يموتون.

أما الاحتياج للتوأمة فهو اللي بيخلي الولد يقف جنب أبوه في أثناء
الاقعة دقنه ويعمل زيه، والبنيت تقلد أمها في اللبس والمشى والطبخ،
أحب دور الأم مع عروستها الصغيرة.

طبعاً أول حد في حياتنا يشبع الاحتياجات دي عندنا هما الأم والأب
(أو من يقوم بدورهم).. الطفل لما يشوف في عينين أمه وأبوه وكلامهم
أفعالهم فرحة وفخر وتشجيع وتقدير، ده يُشبع عنده الاحتياج للشوفان..
فيحس إنه موجود، وإن وجوده مقدر، ومُرحب بيه.

ولما يلاقي أمه بتفهمه من غير ما يتكلم، وتلبس احتياجاته بشكل
إافي، ويلاقي أبوه بيجيب له اللي هو عاوزه لغاية عنده، ويتدخل عند
الزوم علشان يساعده أو يحميه من الخطر والضعف والمرض، ده يُشبع
عنده الاحتياج للتقديس.. فيحس بالأمان وبالحماية والسند.. ويتطمئن
إن فيه حد كبير في ضهره.

ولما الأب والأم يلعبوا مع أولادهم، كأنهم صغروا في السن زيههم..
تبدأ البنيت تحس إنها بتتتمي لعالم النساء (زي أمها)، ويحس الولد إنه
يتتمي لعالم الرجال (زي أبوه)، ده يشبع عندهم الاحتياج للتوأمة..
فيحسوا انهم مش لوحدهم.. وانه فيه حد شبههم.. وجنبهم.. ومعاهم.

إشباع كل احتياج من دول بيملا ثقب نفسي داخلنا.. وبيروي بذرة من
بذور أنفسنا العطشى.. وبيقرب المسافات بين جزرنا المعزولة.. ويساهم في
تشبيد بنائنا النفسي، وتكوين صورتنا الذاتية، وصقل شخصيتنا الوليدة..
وبيكون هو حجر الأساس في شعورنا بالثقة والاستحقاق.

الثلاث حاجات دول.. هم اللي بيوصلوك لـ(أنا أستاهل).. أستاهل
أكون موجود.. ووجودي متشاف، ومقدر، ومتطمئن، ومتونس.



طيب هل الاحتياجات الأساسية دي موجودة عند الأطفال ،
لا.

الاحتياجات دي موجودة عندنا كلنا، من أول ما نتولدا ..
ما نموت .. بس بتكون في صورة طفولية واحنا صغيرين .. وفي ..
ناضجة واحنا كبار.

يعني اللي بيخليك تستنى (اللايك والكومنت والشير) لبوس ..
على فيس بوك هو الاحتياج للشوفان، واللي بيخليكي تلبسي و ..
وتهتمي بجمال مظهرك هو برضه الاحتياج للشوفان .. اللي بيعا
تشوف حبيبتك على إنها ملاك نازل من السما هو الاحتياج للتق ..
واللي بيخليك تبجل أستاذك ومديرك وشيخك وتاخذه قدوة ..
أعلى، هو أيضًا الاحتياج للتقدير .. أما اللي بيخليك تدو ..
أصحاب، وتحب تتجمع في شلة، وتنتمي لأسرة أو مجموعة ..
الاحتياج للتوأمة.

الثلاث احتياجات دول هم الوقود النفسي اللي بيساعدنا في ..
طرق الحياة الوعرة .. هم الطاقة اللي بنشحن بيها نفسنا كل ش ..
علشان مانطفئش ومانبهئش .. هم محركات النفس، ودعامات ال ..
إنست بتحس بوجودك لما تحس إنك متشاف بعيون اللي حوالا ..
وبتحس إن ليك أهمية لما تتظمن بوجود حد أكبر معاك .. وبتعرف إ ..
عامل فرق لما تلاقي جنبك حد بيونسك.



طبعًا ممكن يكون حواليك ناس كتير بيُشبعوا عندك الثلاث احتياجات
دول .. ودي حاجة كويسة جدًا .. يعني والدك ووالدتك .. اخوانا
ومعلمينك .. أبطالك الخياليين .. زميلك وأصحابك .. لكن من ..
ربنا ونعمه إنه ممكن واحد بس يقوم بـ بكل بساطة بإشباع الثلاث
احتياجات عندك في الوقت نفسه، (في الحدود المعقولة ودون إ ..
في الأدوار بالطبع) ..

يعني أبوك يبقى مرايتك، وقدوتك، وصاحبك في الوقت نفسه،
والدتك تبقى عينيكي، ومثلك الأعلى، وصديقتك في الوقت نفسه..
استاذك يبقى قدوتك وصاحبك وزى أبوك، صاحبك تبقى مرايتك
ونسك، طبيبك النفسي يبقى مرشدك ورفيقك وزى أبوك برضه.
و... محمد صلاح.

إيه ده؟

ماله محمد صلاح؟

وإيه دخل محمد صلاح في القصة دي دلوقت؟
هاقول لك.



حب الناس للاعب الكرة المتميز جدًا (محمد صلاح) ظاهرة
مستحق الوقوف عندها.. هو مش حب طبيعي من جمهور للاعب
كرة قدم موهوب.. اللاعبين الموهوبين كثير.. ومش سببه بس مهارته
وأخلاقه وتدينه.. الموضوع تخطى ده فعلا.. الناس حبت الفريق اللي
يلعب فيه صلاح وشجعته، ولما انتقل لفريق تاني، حبوا الفريق التاني
وشجعوه برضه.. ولو انتقل لفريق ثالث.. هيقفوا معاه ضد الفريقين
الأولانيين.. الناس بتفرح لفرحة محمد صلاح.. وتحزن لحزنه.. وتألّم
لألمه.. عاوزه يلعب كل ماتش.. وعاوزه يجيب جول واثنين وثلاثة
في كل مباراة.. الأمهات بتدعي له زي ما يكون ابنها، والأطفال
بيعشقوه زي ما يكون سوبرمان.. الجمهور بيقف معاه في أي أزمة،
وبيدافع عنه في كل شدة زي ما يكون (حتة من كل واحد فيهم).
أيوه.. هو ده.

محمد صلاح حتة من كل واحد فينا.. وبيملا جزء داخلي عميق في
نفس كل واحد منّا.

إحنا نقدر نشوف حب الناس لمحمد صلاح بناء على الكلام السابق.

حبنا لمحمد صلاح ليه علاقة بالتلات احتياجات دول.
محمد صلاح خلاك متشاف.. لأنه خلى مصر متشافة.. و
العرب كلهم متشافين.
هو كمان مثل جيد وقدوة متفردة، في نجاحه وبساطته وتواضعه وإصراره.

والأهم من كل ده.. إنه كمان واحد مننا.. شبهنا.. زينا.. بدأ..
الصفرة.. وتعب وكافح بمنتهى العزيمة والإخلاص لغاية ما وصل
هو فيه دلوقت.

محمد صلاح يشبع أهم تلات احتياجات نفسية جوانا.. الشوق
والتمجيد والتوأمة.. بيساعدنا نجبر كسور نفسنا.. بيقرب الأمل منا
بيجمعنا ويدوب المسافات النفسية بيننا.. من دون قصد أو نية أو تعسفا
فقط بكل تلقائية وعفوية.. ودي عبقريته.. اللي ربنا جباه بيها.. زي ما
بحاجات تانية.. أنا ما عرفهاش كلها.. ساهمت في عشقنا الاستثنائي
واحد..

واحد بس..
يقدر يخلي جروح نفسك تلتئم..
وتصدعات روحك تترمم.

شوف بقى الست إيلسا بتقول إيه في أغنياتها الجميلة (حالة حب).
علشان تعرف قد إيه الفن سابق العلم.. والإبداع سابق البحث:

سيبني أسرح فيك شوية..
وانسى أيام ضاعو مني..
نفسي عمري يعدي بيا..
وانت بعينيك دول حاضني.. (الشوفان)
وانا جنبك شايقة منك..
حاجة من ريحة أبويا.. (التقديس)
حب الدنيا دي جواك ومعاك..
شايقة حنية أخويا.. (التوأمة)

أدي يا سيدي التلات احتياجات بكل بساطة: عيون تشوفك
منك.. وحد فيه ريحة الأب.. وونس وأخوة وحنية.
ونقعد احنا ندرس ونتعلم ونحط نظريات.. وييجي الفن في جملتين
التين يلخص كل حاجة.



الاحتياجات دي لو أشبعت وتمت تليتها في الطفولة، هيطلع
إنسان بيعحب نفسه، وواثق فيها، ومصداق إنه يستاهل.. شخص
محتاج موافقة من حد علشان يحس إنه موجود.. ولا إذن من حد
علشان يحس إنه مقبول. وده مش معناه إطلاقاً إن الاحتياجات دي
هتنتفي بعد كده.. بالعكس.. هي هتفضل موجودة، بس بشكل كبير
واضح وغير مؤذي (زي ما وضحنا قبل كده).

أما لو لم تشبع الاحتياجات دي في الطفولة، ولم تلبى بشكل كافي،
النتيجة هتكون إنسان نرجسي مريض، مغرور، فارغ النفس، متنفخ
الدات (اضطر يملأ ثقب نفسه بالهواء).. بيحاول يثبت بكل طريقة
إيه مهم، ويستخدم أي حد لصالحه بمتتهى الأثانية.. حد بيدور على
النصفيق عمال على بطال (علشان يرضي طمعه للشوفان).. ويتملق
الأخرين بكل شكل (علشان يرضي نهمه للتقديس).. ويستخدم غيره
لحساب نفسه (علشان يرضي شرهه للمصاحبة).. يعني يحاول إشباع
الاحتياجات نفسها بس بشكل مريض ومؤذي، وأحياناً مدمر.
أو تكون النتيجة مجموعة أخرى من الأمراض النفسية زي الاكتئاب
والقلق وبعض اضطرابات الشخصية، وحتى الفصام.

يبقى عندنا تلات احتياجات أساسية..

مممكن يكملونا..

وممكن يبهدلونا.

من غيرهم بتبقى شخصيتك مفككة مهلهلة..

وبيهم بتبقى موجود، ومتقدر، ووجودك فارق.

بالمناسبة..

هو انت حاسس إنك موجود.. ومتقدر.. ووجودك فارق؟

أنا محتاج

بعد ما حضرتك تتحول من مجموعة من الوظائف النفسية إلى جداً إلى (نفس بشرية مترابطة) .. وبعد ما يتم إشباع الثلاث احتياجات النفسية الأساسية عندك بشكل كافٍ .. وبعد ما يتم ملء فراغاتك النفسية والتحامها والتئامها .. تنتقل علاقاتك باللي حواليك لمستوى آخر ..

في المرحلة اللي فاتت كان كل هدف علاقتك بالآخرين (الأب والأم والأب)، هي الوظيفة اللي بيؤدوها ليك .. يعني هتاخذ منهم إعلشان يساعذك في تكوينك النفسي .. إنت مش بتعمل علاقة بسعلاقة .. لكنها علاقة بمعنى وظيفة واستفادة .. علشان في الآخر (إنت) .. تبقى موجود .. تبقى هنا.

بعد ما بقيت (إنت) وموجود وهنا .. علاقتك بالآخر هتبقى عند شخص بشخص .. علاقة احتياج من بني آدم لبني آدم .. علاقة راسجاي.

هنا هيبقى فيه مجموعة ثانية من الاحتياجات النفسية .. موجود برضه من ساعة ما اتولدت .. لكنها من نوعية مختلفة شوية.

هنا..

انت محتاج تتقبل.. وتتحب.. وتُحترم.. ويُهتم بيك.
تتقبل بدون شروط.. وتتحب من غير تفصيل.. وتُحترم كما
... ويُهتم بيك لأجلك.

محتاج تتسمع ويُصغى إليك من دون أحكام.

محتاج تتصدق..

محتاج تقول (لا)..

محتاج يتعمل لك حساب.. وترسم لك حدود..

وطبعًا..

محتاج تصدق إنك تستاهل كل ده.

واحتياجات تانية كتير.

مش بس كده.. الاحتياجات دي كلها ماشية في اتجاهين.. بمعنى
إليك زي ما انت محتاج تتقبل.. محتاج برضه تقبل.. زي ما انت محتاج
تتحب.. محتاج تحب.. زي ما انت محتاج تقول (لا).. محتاج أحيانًا
أقول لك (لا).. وهكذا.

كل الاحتياجات دي عزي اللي قبلها.. خاصة بكل النبي آدمين..
خاصة بكل البشر.. في كل عمر.. وكل زمان ومكان في العالم.. وتبدأ
منذ الطفولة.. علشان كده اسمها (احتياجات إنسانية فطرية طبيعية)..
هي بتتولد جوانا.. ويتكامل معنا طول حياتنا.

الطفل بيبقى جواه الاحتياجات دي من أمه وأبوه..

التلميذ بيبقى محتاجها من أستاذه..

الزوج والزوجة جواهر الاحتياجات دي ناحية بعض..

اللي بيعجبوا بعض..

الأصحاب.. الأصدقاء.

كل علاقة بندخلها في حياتنا بنكون محتاجين فيها بعض الاحتياج
دي على الأقل.

لو تم إشباعها من اللي معاك بشكل كافي.. هتنمو وتنضج و...
نفسياً.. هتحس بقيمتك وتحب نفسك وتستمتع بحياتك.. ولو لم
إشباعها بالشكل المناسب.. هتدبل وتنطفي وتفقد جزء مهم (أو أهم
مهمة) من نفسك.. وهتفضل الاحتياجات دي موجودة جواك بش
حاد وضغط (مش طبيعي ومعتدل)، وتطارذك طول عمرك
الصديد من جرح غائر، أو كالأشباح المخيفة في الليالي المظلمة.

علشان كده.. مهم تعرف إنت محتاج إيه في كل علاقة...
احتياجاتك دي مسددة واللا لأ..
لو كانت مسددة يبقى عظيم وجميل ونمام.. ولو ماكانتش...
هنقف وقفة.. ونشوف هنعمل إيه.

تعالى بقى نرسم الخطوة الأولى على خريطةنا.. خريطة الأ
خطوات.

اسأل نفسك وبصراحة شديدة:

هو أنا هنا ودلوقت.. في العلاقة دي.. محتاج إيه؟
وهل الاحتياج ده مُشبع واللا لأ؟

من أول علاقتك بأبوك وأمك..

لغاية علاقتك بزوجتك/ زوجك.

محتاج أتقبل من دون شروط.. طيب هو أنا مقبول من دون شروط؟

محتاج أتحب.. طيب هو بيحبني زي ما أنا؟

محتاج أصدق إني أستاھل (أتقبل وأتحب وأنجح وأفرح و...
)، هو أنا مصدق إني أستاھل كل ده؟

محتاج أرسم لنفسی حدود ما حدش يعديها.. طب أنا باعمل كده
علا؟ والا باسبب اللي رايح يؤذي.. والي جاي يجرح؟

محتاج أتشاف وأحس بوجودي وأهميته؟ هل ده متحقق؟

محتاج أأحترم ولا أهان أو أمتھن؟ ده حاصل؟

محتاج أقول (لا) لو كان حد بيؤذيني أو يشوھني أو يطفيني.. هو
أباقولها؟

محتاج أحس بالأمان.. ده موجود؟

طبعًا مش مطلوب إشباع كل هذه الاحتياجات بنفس القدر في كل
أواع العلاقات..

يعني في علاقات الشغل، إنت محتاج أكثر إنك تُحترم ويبقى لك
حدود..

في علاقات الحب، إنت محتاج أكثر إنك تحب وتتشاف وتتقبل..

في علاقات أخرى.. إنت محتاج أكثر إنك تتصدق..

في علاقات تانية.. محتاج يُهتم بیک.. وهكذا.

مزيج متنوع ومتغير من التبادل والتوافق..

لكن ماينفعش في أي حال من الأحوال إنك تتأذى أو تسمح
بالأذى تحت أي بند.. ومن أي حد.

راجع بقى كل العلاقات المهمة في حياتك..
 وأولها علاقتك بنفسك..
 راجع تاريخك وحاضرک ومستقبلک..
 وأقف قدام نفسك..
 أنا.. محتاج إيه؟
 محتاج إيه من نفسي؟
 ومحتاج إيه من غيري؟
 واحد.. اثنين.. ثلاثة.

وأول ما تعرف وتحدد انت محتاج إيه.. حاول تشوف بصرى
 وشجاعة إنت محتاج ده ليه.. علشان إيه.. علشان افتقدته زمان؟
 علشان مفتقده دلوقت؟ علشان وصلتک رسالة إنه مش من...
 والا علشان انت ما طالبتش بيه؟ علشان تبطل تخاف من...
 والا علشان تتطمّن النهاردة؟ علشان اضطريت تدفن نفسك زمان؟
 والا علشان تتولد من جديد؟ علشان وعلشان وعلشان...

واضحة الحكاية؟
 محتاج توضيح أكثر؟

ماشي..

هاوریک عینه من كلام بعض الناس الي مشيوا الطريق ده قبل
 وبدأوا بخطوة تحديد احتياجاتهم غير المشبعة من الي حواليتهم (أو...
 أنفسهم):

• أنا محتاج أنشف وأتقبل وأتحب وأُحترم، علشان.....

أنا محتاج أنشف وأتقبل وأتحب وأُحترم، علشان أبطل أسترضي
اس.

أنا محتاج أنشف وأتقبل وأتحب وأُحترم، علشان أبقي نفسي، وما بقاش
ا. ثاني.

أنا محتاج أنشف وأتقبل وأتحب وأُحترم، علشان أنا تعبت من كتر
فض.

أنا محتاج أنشف وأتقبل وأتحب وأُحترم، علشان ما اضطرش
ا. مل حاجة مُضرة ليا علشان أنشف.

أنا محتاج أنشف وأتقبل وأتحب وأُحترم، علشان أحترم نفسي.

أنا محتاج أنشف وأتقبل وأتحب وأُحترم، علشان ماضيّ عيش عمري
ا. الجري ورا المثالية.

أنا محتاج أنشف وأتقبل وأتحب وأُحترم، علشان أبقي حر.

أنا محتاج أنشف وأتقبل وأتحب وأُحترم، علشان أعرف أقبل نفسي.

أنا محتاج أنشف وأتقبل وأتحب وأُحترم، علشان أتغير لنفسي مش
لحد ثاني.

• أنا محتاج أبطل الإحساس بالذنب عمال على بطل، علشان...
(المقصود الإحساس المرّضي بالذنب):

أنا محتاج أبطل الإحساس بالذنب عمال على بطل، علشان أسعد نفسي.

أنا محتاج أبطل الإحساس بالذنب عمال على بطل، علشان أسعد نفسي إني أفرح.

أنا محتاج أبطل الإحساس بالذنب عمال على بطل، علشان أسعد بالحرية.

أنا محتاج أبطل الإحساس بالذنب عمال على بطل، علشان أنا حاد إني مسجون.

أنا محتاج أبطل الإحساس بالذنب عمال على بطل، علشان أنا باستمتع بأي حاجة في حياتي، حتى الأكل والشرب.

أنا محتاج أبطل الإحساس بالذنب عمال على بطل، علشان أزرعهموش في أولادي.

أنا محتاج أبطل الإحساس بالذنب عمال على بطل، علشان ما اسمع لحد يحسّسني بالذنب.

أنا محتاج أبطل الإحساس بالذنب عمال على بطل، علشان أنا اختلاف الآخرين عني.

أنا محتاج أبطل الإحساس بالذنب عمال على بطل، علشان أنا وصلني طول عمري من اللي حواليا إن مجرد وجودي ده ذنب.

• أنا محتاج أقبل نفسي كلها على بعضها، بدون شروط ولا أحكام،
لأن.....

أنا محتاج أقبل نفسي كلها على بعضها، بدون شروط ولا أحكام،
لأن أعرف أعيش حياتي.

أنا محتاج أقبل نفسي كلها على بعضها، بدون شروط ولا أحكام،
لأن أنا بشر.

أنا محتاج أقبل نفسي كلها على بعضها، بدون شروط ولا أحكام،
لأن أي خناقة مع نفسي هاطلع منها خسران.

أنا محتاج أقبل نفسي كلها على بعضها، بدون شروط ولا أحكام،
لأن أبطل قسوة على نفسي.

أنا محتاج أقبل نفسي كلها على بعضها، بدون شروط ولا أحكام،
لأن أعرف أغيرها.

أنا محتاج أقبل نفسي كلها على بعضها، علشان لو ما قبلتهاش هاموت
افص عمر.

*** مهم نعرف هنا إن القبول غير الموافقة.. وإني (أقبل نفسي) غير
إي (أوافق على اللي أنا فيه).. وإني أقبلك مش معناها إني موافق على
اللي انت بتعمله.. إحنا بنقبل الموجود كخطوة أولى في طريق تغييره..
لما إيدك تتجرح، أكيد مش هتقطعها.. لكنك هتقبل اللي حصل فيها
لشأن تعرف تعالجها.. لما ابنك يغلط، مش هينفع تتبرأ منه وتطرده
سرة البيت.. لكنك هتقبله وتقبل وجوده على الرغم من عدم موافقتك
على فعله.. وده اللي هيساعده إنه يتغير للأحسن..

إحنا بنقبل نفسنا علشان نركيها ونظهرها ونعالجها ونغيرها.

• أنا محتاج أشيل شيلتي وبس، وما اشيلش شيلة حد غيري،
علشان.....

أنا محتاج أشيل شيلتي وبس، وما اشيلش شيلة حد غيري، علشان
الحمل بقى ثقيل عليا.

أنا محتاج أشيل شيلتي وبس، وما اشيلش شيلة حد غيري، علشان
ده نوع من أنواع العقاب لنفسى «وليحملن أثقالهم وأثقالاً مع أثقالهم»
(العنكبوت: ١٣).

أنا محتاج أشيل شيلتي وبس، وما اشيلش شيلة حد غيري، علشان
أولادي ما يطلعوش اعتماديين.

أنا محتاج أشيل شيلتي وبس، وما اشيلش شيلة حد غيري، علشان
ما اقعش في حد انتهازى ويستغلنى.

أنا محتاج أشيل شيلتي وبس، وما اشيلش شيلة حد غيري، علشان
لو فضلت كده، ممكن بعد شوية أنهار، وحتى شيلتي ما اقدرش أشيلها

أنا محتاج أشيل شيلتي وبس، وما اشيلش شيلة حد غيري، علشان
«وكلهم آتية يوم القيامة فرداً» (مريم: ٩٥).

• أنا محتاجة أحس وأصدق وأعيش وأمارس إني أستاهل،
علشان.....

أنا محتاجة أحس وأصدق وأعيش وأمارس إني أستاهل، علشان أنا
بني آدمة من حقها تحس بده وتصدق.

أنا محتاجة أحس وأصدق وأعيش وأمارس إني أستاهل، علشان أنا
تعبت من إحساس إني ما استاهلش أي حاجة.

أنا محتاجة أحس وأصدق وأعيش وأمارس إني أستاهل، علشان ما
اسمحش لحد يعاملني على إني ما استاهلش.

أنا محتاجة أحس وأصدق وأعيش وأمارس إني أستاهل، علشان
أحس بحريتي.

أنا محتاجة أحس وأصدق وأعيش وأمارس إني أستاهل، علشان ده
حقى اللي ربنا اداهولي، وماينفعش أستناه من حد غيره.

أنا محتاجة أحس وأصدق وأعيش وأمارس إني أستاهل، علشان
أتحرك من مكاني.. كفاية بقى.

أنا محتاجة أحس وأصدق وأعيش وأمارس إني أستاهل، علشان
أوصل لأولادي إنهم يستاهلوا.

أنا محتاجة أحس وأصدق وأعيش وأمارس إني أستاهل، علشان..
أول مرة أعيط كده لما شفت إني حاسة إني ما استاهلش.

• أنا محتاجة أصحي أنوثتي الحقيقية الي اندفنت بالحياة زمان،
علشان.....

أنا محتاجة أصحي أنوثتي الحقيقية الي اندفنت بالحياة زمان،
علشان أنا زهقت من لعب دور الراجل.

أنا محتاجة أصحي أنوثتي الحقيقية الي اندفنت بالحياة زمان، علشان
أستريح من المعاناة الي جوأيا.

أنا محتاجة أصحي أنوثتي الحقيقية الي اندفنت بالحياة زمان، علشان
ده حقي.

أنا محتاجة أصحي أنوثتي الحقيقية الي اندفنت بالحياة زمان، علشان
أنوثتي مش عار.

أنا محتاجة أصحي أنوثتي الحقيقية الي اندفنت بالحياة زمان، علشان
أعرف أحترمها وأحبها.

أنا محتاجة أصحي أنوثتي الحقيقية الي اندفنت بالحياة زمان، علشان
أتنازل عن دور المتحكم المسيطر على كل شيء.

أنا محتاجة أصحي أنوثتي الحقيقية الي اندفنت بالحياة زمان، علشان
أنا مابقيتش عارفة أنا مين.

أنا محتاجة أصحي أنوثتي الحقيقية الي اندفنت بالحياة زمان، علشان
من حقي أستمتع بيها.

أنا محتاجة أصحي أنوثتي الحقيقية الي اندفنت بالحياة زمان، علشان
أعرف أتجوز.

أنا محتاجة أصحي أنوثتي الحقيقية الي اندفنت بالحياة زمان، علشان
أبطل عنف وسوء ظن، واتطمئن.

أنا محتاجة أصحي أنوثتي الحقيقية الي اندفنت بالحياة زمان، علشان
أنوثتي مش ذنب.

أنا محتاجة أصحي أنوثتي الحقيقية الي اندفنت بالحياة زمان، علشان
أتنازل عن دور الغلب والصعابانيات وقلة الخيلة.

أنا محتاجة أصحي أنوثتي الحقيقية الي اندفنت بالحياة زمان، علشان
أسترد حقي في الحياة.

أنا محتاجة أصحي أنوثتي الحقيقية الي اندفنت بالحياة زمان، علشان
أبطل ألتخايق مع نفسي ومع ربنا.

• أنا محتاجة أتصالح مع جسمي، علشان.....

أنا محتاجة أتصالح مع جسمي، علشان أحس بالأمان فيه.

أنا محتاجة أتصالح مع جسمي، علشان جسمي بدأ يتعب بسببي.

أنا محتاجة أتصالح مع جسمي، علشان هو الوحيد اللي مكمل معايا
لاخر يوم في عمري.

أنا محتاجة أتصالح مع جسمي، علشان ده بيتي.

أنا محتاجة أتصالح مع جسمي، علشان جسمي مالموش غيري
بدافع عنه.

أنا محتاجة أتصالح مع جسمي، علشان أوصل له رسايل عكس
كل الرسايل اللي وصلته من المجتمع.

أنا محتاجة أتصالح مع جسمي، علشان ربنا سخره تسخير تام
لخدمتي وتنفيذ اللي أنا عاوزاه منه.

أنا محتاجة أتصالح مع جسمي، علشان يبطل يمرض كل يوم مرض
غير الثاني.

أنا محتاجة أتصالح مع جسمي، علشان هو مالموش ذنب في أي
حاجة.

أنا محتاجة أتصالح مع جسمي، علشان يبطل يعاقبني بالأكل أو
بعدم الأكل.

ه أنا محتاجة أقول (لا) الي تكبرني وتوصل رسالة إيجابية
قدامي، علشان.....

أنا محتاجة أقول (لا) الي تكبرني وتوصل رسالة إيجابية لي قدام
علشان أنا مش طفلة صغيرة.

أنا محتاجة أقول (لا) الي تكبرني وتوصل رسالة إيجابية لي قدام
علشان ماحدث كان بيسمعني أصلاً.

أنا محتاجة أقول (لا) الي تكبرني وتوصل رسالة إيجابية لي قدام
علشان الي قدامي ده مش ربنا.

أنا محتاجة أقول (لا) الي تكبرني وتوصل رسالة إيجابية لي قدام
علشان أنا مش سداح مداح للناس.

أنا محتاجة أقول (لا) الي تكبرني وتوصل رسالة إيجابية لي قدام
علشان أحط حدود لنفسي.

أنا محتاجة أقول (لا) الي تكبرني وتوصل رسالة إيجابية لي قدام
علشان أوقف عني الأذى.

• أنا محتاجة أقبل موت أبويا، علشان.....

أنا محتاجة أقبل موت أبويا، علشان حياتي الراكدة دي تتحرك
ويرجع لها النبض والحياة.

أنا محتاجة أقبل موت أبويا، علشان أبطل الصراع اللي داير جوايا
مع ربنا.

أنا محتاجة أقبل موت أبويا، علشان أبطل أرمي نفسي في حضن
رجالة بتبترني عاطفياً.

أنا محتاجة أقبل موت أبويا، علشان أخرج بره سجن الماضي واقفل
ورايا الباب بالضبة والمفتاح.

أنا محتاجة أقبل موت أبويا، علشان الطفلة اللي جوايا تبطل عياط.

أنا محتاجة أقبل موت أبويا، علشان أتحرر من دفتي لنفسي وراه.

أنا محتاجة أقبل موت أبويا، علشان أصدق إن حياتي ونجاحي
وفرحتي من بعده مش خيانة ليه.



سُفِّتَ احتياجاتنا وعدم تلبيتها بتعمل فينا إيه؟
سُفِّتَ ده ممكن يعطلنا ويوقف حياتنا ازاى؟
سُفِّتَ انك زي ما عندك احتياجات من الناس .. عندك كمان
احتياجات من نفسك

إحنا ممكن نشوف معظم المشكلات والصعوبات النفسية من وجهة
النظر دي .. وهنكتشف إن كل مشكلة علاقاتية أو صعوبة نفسية
أو مرض أو عرض نفسي، وراه في الحقيقة «احتياج إنساني غير مشبع»
كثير من المصابين باضطراب الشخصية الهستيريونية (اللي بتحب
تسليط الأضواء عليها)، كل اللي محتاجينه هو إنهم يتشافوا.
كثير من الناس اللي عندهم أعراض جسمية دون أي نفسية
عضوية (الأمراض النفس-جسدية)، محتاجين يلاقوا حد يهتم بيهم.
كل الناس اللي عندهم اكتئاب محتاجين جدا يحسوا ويصدقوا إنهم
يستاهلوا.

حتى الفصامين اللي بيسمعوا أصوات مش موجودة ويشوفوا ناس
مش حقيقية، عندهم احتياج كبير جداً لعمل علاقات مع آخرين، حتى
لو كانوا هيخترعوهم من خيالهم.

نرجع لك بقى ..
عرفت انت محتاج إيه هنا ودلوقت؟
سُفِّتَ إنت محتاجه ليه؟
اكتشفت احتياجك ده مُشبع واللا لأ؟
تحب تبدأ .. تحب تجرب؟
تعالى نبدأ بأبسط الاحتياجات وأهمها على الإطلاق .. احتياجك
إنك تقبل نفسك كلها على بعضها، بدون شروط أو أحكام أو مقارنات
هات ورقة وقلم واكتب ورايا الجملة دي وكمليها من عندك على
قد ما تقدر من المرات:
«أنا محتاج أقبل نفسي كلها على بعضها بدون شروط ولا أحكام ولا
مقارنات، علشان.....».

أنا عايز

الخطوة المنطقية الثانية بعد ما تعرف احتياجك، وتعرف إنت محتاجة
... ومن مين .. ومن إمتى .. هي انك تعوزه .. يعني تطلبه .. تطلبه من
الطرف الثاني (أو من نفسك) بوضوح وبشكل مباشر .. والخطوة دي
مش سهلة على الإطلاق .. لأنها بتحمل في طياتها بعض المخاطر .

تعالى نشوف تاريخها الأول .. علشان تعرف هي مش سهلة ليه ..
إيه مخاطرها .

تفتكر زمان وانت طفل صغير، لما كنت بتحتاج حاجة، بتعمل إيه؟
لما كنت تبقى محتاج تاكل: كنت بتعيط .. أو تمسك بطنك .. أو تقول
أنا جعان .

لما كنت تبقى محتاج تنام: كنت برضه بتعيط .. أو تبدأ تغلس على اللي
حواليك .. أو تدخل في النوم فجأة .
طيب .. ولما كنت تبقى محتاج تحب؟ كنت تقرب من والدك أو
والدتك .. وتمسح فيهم، وتنام في حضنهم .

ولما كنت تبقى محتاج يُهتم بيك؟ كنت تيجي قدامهم، وتتندبهم
وتتشقلب، أو تقعد تحكي عن نفسك شوية.

ولما كنت تبقى محتاج تشاف؟ كنت تقول لهم بصوالي.. شوفوني
أنا أهو.

ولما كنت تبقى محتاج تتسمع؟ كنت تقول لهم اسكتوا.. ماحدش
يتكلم.. اسمعوني أنا.

طبعًا كل ده كان ممكن يبقى مصحوب بسيمفونية رائعة من الصراخ
والعويل، لإضفاء موسيقى تصويرية مثيرة على الأحداث.

اللي بيحصل بقى من الأب والأم كرد فعل لطلبك إن احتياجاتنا
دي تلبى، هو اللي ممكن يشكل حل رائع أو مشكلة معقدة.

الأب والأم (أو من يقوم بدورهما) ممكن يلبوا عوازانات (طلبات)
الطفل بشكل كافى وبدرجة مُرضية.. وممكن يرفضوها ويرفضوه أو
يهددوه أو يعاقبوه.. وهنا تبدأ المشكلة.

يعني هو مطلوب من الآباء والأمهات إنهم يلبوا كل طلبات
أطفالهم؟
لا طبعًا.. ماحدش قال كده.. ده يبقى جنان.

أنا باتكلم عن الاحتياجات والطلبات الأساسية في الحب والاهتمام
والقبول والاحترام.. مش إنك تسيب ابنك يلعب بالنار أو يحط إيده في
فيشة الكهرباء.. ومش إنك تهلك نفسك وتحرقها لتلبية اللي هو عاوزه

يعني.. لما يعبر عن احتياجه للمحب.. تحبه.
لما يطلب انك تهتم بيه.. تهتم بيه.. ماتطنشوش ولا تهمله.
لما يقول لك شوفني أو اسمعني.. تشوفه وتسمعه.. وتفهمه وتحس بيه.
لما يعوز يتحضر.. تحضره.
لما يعترض ويقول لك (لا).. تصبر عليه وتراجع نفسك.
ولو كنت مرهق أو تعب.. توضح له بهدوء إنك مش قادر
دلوقت.. وده هيعلمه هو كمان إنه ما يحملش نفسه فوق طاقتها في يوم
من الأيام.

طيب نربي أولادنا ازاى وانت بتقول ماينفعش نرفض أو نعاقب؟
أنا ماقلتش كده خالص.. من حقتك ترفض ومن حقتك تعاقب
(بمنتهى الرحمة) كجزء من التربية السليمة.. بس لما تيجي ترفض،
ترفض تصرف أو سلوك معين.. مش ترفض ابنك كله على بعضه..
ومهم توصل له إنك رافض التصرف ده بعينه.. أو السلوك ده بشكل
خاص.. مش رافضه هو نفسه.
ولما تيجي تطلب منه حاجة.. مهم إنك تكون بتطلبها منه لحسابه
هو مش لحسابك انت.. علشان هو مش علشانك انت.

لكن للأسف مش ده اللي بيحصل دايمًا.. اللي بيحصل غالبًا حاجات
تانية خالص.

بيحصل إن احتياجات الطفل تصطدم بعوازانات (رغبات
وطلبات) الأهل.. يعني هو يبقى (محتاج) يتشاف.. وأهله (عاوزينه)
يسمع الكلام.. هو يبقى (محتاج) يتقبل بدون شروط.. وأهله
(عاوزينه) يجيب الدرجة النهائية.. هو يبقى (محتاج) يفرح.. وأهله
(عاوزينه) ما يضحكش بصوت عالي.. هو يبقى (محتاج) يتسمع..
وأهله (عاوزينه) يوطي صوته.

ده بيولد جوه الطفل صراع نفسي محتدم بين الي هو (محتاجه) .. أهله (عاوزينه) .. ويربي جواه خوف شديد، يصل إلى حد الـ .. أحياناً من عواقب إنه (يعوز) يلبي احتياجاته النفسية البسيطة .. (يطلب) إشباعها .. لأنه لما طلبها اترفض هو شخصياً (مش .. احتياجاته) واتهدد .. واتعاقب .. واتحرم ..

الصراع ده بيتخزن ويفضل جوانا واحنا بنكبر .. ويطلع لنا بعد في علاقاتنا مع الآخرين بمية شكل وبمليون طريقة .. يطلع لنا وابتصادق .. يطلع لنا واحنا بنحب .. واحنا بنتجوز .. واحنا بنخلف يعني لو نقلنا المشهد عليك دلوقت، احتمال تلاقي نفس الصراع موجود جواك في بعض علاقاتك .. صراع (عايز) بس (خايف) .. أطلب احتياجاتي البسيطة من الحب والاهتمام والقبول والاحترام بس خايف لحسن ده يرفضني أو ده يزعل مني أو ده بيعد عني .. ده يسبيني .. خناقة نفسية داخلية مؤرقة ومستهلكة ومعطلة على المستويات ..

الحناقة دي بتخلينا نعمل حاجات صعبة جداً ..

مممكن تخلينا نستسلم لعوزانات (طلبات ورغبات) الآخرين .. حساب احتياجاتنا .. فتنازل عن الاحترام في مقابل رضا الطرف الآخر .. وتنازل عن الاهتمام في مقابل عدم حدوث مشكلات وتنازل عن الحب في مقابل استمرار العلاقة رغم فشلها الواضح .. مش بس كده .. ده ممكن من كتر الضغط .. نصديق إن رغبات الآخر دي هي رغباتنا احنا شخصياً .. ويبقى عندنا رغبات مش بتاعتنا .. وطلبات غريبة علينا .. وعوزانات بعيدة تماماً عن احتياجاتنا الحقيقية .. يعني تبقى (عايز) تكون أغنى واحد في الدنيا، وتقعد تجمع في فلوس دون شبع وانت في الحقيقة من جواك (محتاج) تتحب .. تبقى (عايز) تدخل علاقات عاطفية ومتلاحقة (وأحياناً متزامنة) .. لكنك من جواك (محتاج) حد يهتم بيك .. تبقى (عايز) تلبس اورجينال وسينيه وهاي كلاس .. وكل الي انت (محتاجه) من جواك هو إنك تحترم ..

طبيب واحتياجاتنا الأصلية تروح فين؟

ننكرها طبعاً.. ونرفضها وننساها.. كأنها ماتخصناش.. يعني تبقى مسوت من كتر (احتياجك) للحب.. وتقول أنا مش (عاوز) حد يعني.. تبقي (محتاجة) اهتمام كبير جداً.. وتشوفي انك ماتستاهليهوش.. هي هنموت من كتر الوجع.. ومستكترين على نفسنا الدوا.

بس خلاص.. خلصت.

أنت تحولت لحد تاني غيرك.. انسلخت من نفسك لحساب الآخرين.. الباقي مكتوب في فصل (نفسك الحقيقية ونفسك المزيفة) من كتاب (الخروج عن النص).

فيه مصدر تاني للمخاوف اللي بتبقي مرتبطة بعَوَازاتنا، غير اللي تقال ويتعمل بشكل مباشر من الأهل للأبناء.. ألا وهو اللي بيتشاف اللي بيتعمل بينهم وبين بعض، أو مع حد تاني.. يعني الطفل يشوف أبوه وأمه بيتخانقوا، فيخاف من الجواز.. البنت تشوف أمها بتتهان وتتضرب، فتخاف من الرجالة.. الولد يشوف طفل بيتعاقب في الشارع ملشان بيعيط، فيخاف يعبر عن مشاعره.. وهكذا.

رسايل الخوف بتوصل بأشكال مختلفة، مباشرة وغير مباشرة.. من الأهل والجيران والمعارف والمجتمع بشكل عام.

طيب هنعمل إيه؟

وإيه هي الخطوة الثانية بعد ما عرفنا احتياجاتنا (أنا محتاج...)، وعرفنا مبرراتها وأسبابها وأهدافها (علشان...)?

شوف يا سيدي.

الصراعات القديمة المخزونة جواك من نعومة أظفارك بين (عايز) بس (خايف)، بتلقي بظلالها بكل إصرار على أغلب علاقاتك الحالية، وحتى بعض معاملاتك اليومية.. علشان كده الصراعات دي محتاجة تتكشف وتتحل.. وإلا البديل هيكون إما إنك تنعزل وتزهدي في الناس، أو إنك هتقوم بتصميم وتنفيذ مجموعة لا بأس بها من (الألعاب النفسية) مع اللي حواليك.. أو إنك تعوز وتطلب احتياجاتك من مصدر تاني غير مصدرها الأصلي.. وكل دول في الآخر هيخلوا كل -أو على الأقل معظم- علاقاتك تبوء بالفشل الذريع والمتكرر.

أنت في الخطوة الي فاتت، عرفت انت محتاج إيه في علاقة معينة (..
حد أو مع نفسك).. وعرفت انت محتاج ده ليه وعلشان إيه.
تعالى دلوقت نحاول نكتشف مع بعض إيه المخاوف الموجبة..
جواك.. إيه الي مانعك تطلب احتياجاتك.. إيه الي واقف في طريق
عوزانك.

خليني أديك أمثلة من كلام الناس الي جربوا الخطوة دي:

« أنا عايزة أقول (لا) للأذى والضرر والتشويه الي باتعرض لهم،
بس خايفة لآحسن.....

أنا عايزة أقول (لا) للأذى والضرر والتشويه الي باتعرض لهم،
بس خايفة لآحسن أتساب لوحدي.

أنا عايزة أقول (لا) للأذى والضرر والتشويه الي باتعرض لهم،
بس خايفة لآحسن ده يكون بيغضب ربنا.

أنا عايزة أقول (لا) للأذى والضرر والتشويه الي باتعرض لهم،
بس خايفة لآحسن أتأذى أكثر.

أنا عايزة أقول (لا) للأذى والضرر والتشويه الي باتعرض لهم،
بس خايفة لآحسن يتقال عليا مفترية.

أنا عايزة أقول (لا) للأذى والضرر والتشويه الي باتعرض لهم،
بس خايفة لآحسن ماحدش يقف جنبي.

أنا عايزة أقول (لا) للأذى والضرر والتشويه الي باتعرض لهم،
بس خايفة لآحسن أضطر أتحمّل المسؤولية.

• أنا عايزة أصحّي أنوثتي اللي اندفنت بالحياة زمان، بس خايفة
لاحسن.....

أنا عايزة أصحّي أنوثتي اللي اندفنت بالحياة زمان، بس خايفة لاحسن
تأذى تاني.

أنا عايزة أصحّي أنوثتي اللي اندفنت بالحياة زمان، بس خايفة لاحسن
أكتشف إني ساهمت في دفنها.

أنا عايزة أصحّي أنوثتي اللي اندفنت بالحياة زمان، بس خايفة لاحسن
ماتلاقيش اللي يستاهلها.

أنا عايزة أصحّي أنوثتي اللي اندفنت بالحياة زمان، بس خايفة لاحسن
ما اقدرش أحبها.

أنا عايزة أصحّي أنوثتي اللي اندفنت بالحياة زمان، بس خايفة لاحسن
مسؤوليتها تطلع أكبر مني.

أنا عايزة أصحّي أنوثتي اللي اندفنت بالحياة زمان، بس خايفة لاحسن
الي حواليا مايستحملوهاش.

أنا عايزة أصحّي أنوثتي اللي اندفنت بالحياة زمان، بس خايفة لاحسن
ما اعرفش نفسي.

أنا عايزة أصحّي أنوثتي اللي اندفنت بالحياة زمان، بس خايفة لاحسن
الأنثوة تطلع ضعف زي ما كانوا يقولوا.

أنا عايزة أصحّي أنوثتي اللي اندفنت بالحياة زمان، بس خايفة لاحسن
أنتقم من اللي دفنوها.

• أنا عايزة أتجوز، بس خايفة للاحسن.....

أنا عايزة أتجوز، بس خايفة للاحسن أخسر حريتي وأدخل حياتي
حد يتحكم فيا.

أنا عايزة أتجوز، بس خايفة للاحسن أتبهذل وأتهان وأتمرط.

أنا عايزة أتجوز، بس خايفة للاحسن أأفان وأتظعن في ضهري.

أنا عايزة أتجوز، بس خايفة للاحسن أتضرب.

أنا عايزة أتجوز، بس خايفة للاحسن أتجس في البيت.

أنا عايزة أتجوز، بس خايفة للاحسن اللي هتجوزه يحس بضيق
واحياجى ويلعب بيا.

أنا عايزة أتجوز، بس خايفة للاحسن أبقي مستباحة.

أنا عايزة أتجوز، بس خايفة للاحسن ما اعرفش أختار الشخص
الصح، وأقضي عمري باندنم على اختياري الغلط.

أنا عايزة أتجوز، بس خايفة للاحسن حياتي بعد الجواز تكون كاذبة!
نكد وخناق وعياط.

أنا عايزة أتجوز، بس خايفة للاحسن أأخفق نفسي واللي هتجوزه
بالغيرة الزيادة.

أنا عايزة أتجوز، بس خايفة للاحسن ما اقدرش على مسؤولية الجواز.

أنا عايزة أتجوز، بس خايفة للاحسن أعيش في نكد وخناق كل يوم.

أنا عايزة أتجوز، بس خايفة للاحسن أحب جوزي أكثر ما هو هيجني.

أنا عايزة أتجوز، بس خايفة للاحسن أتبهذل.

أنا عايزة أتجوز، بس خايفة للاحسن اضطر أضحى واتنازل علشان
أأحب واتقبل.

أنا عايزة أتجوز، بس خايفة للاحسن بعد الجواز أأقضي جوزي بقى
شخص تاني.

طيب.. تمام.. عرفنا مخاوفنا.. وعرفنا تاريخها.. وعرفنا كمان
مصدرها.. نعمل فيها إيه بقى؟ نسيها تننط قدامنا زي العفاريت
كده؟ نوديا فين يا دكتور؟ نحلها ازاى؟
حاضر..

فاكر لما قلت لك في الفصل اللي فات إيه هي أول خطوة في تغيير
أي حاجة وأي حد؟
أيوه.. بالضبط: القبول..

مشكلة الخوف هي إنك بتخاف معاها.. بترفضه.. مش عاوزه..
والود ودك تقصه وتستأصله من -جواك تمامًا.. بس في الحقيقة هو ده
اللي بيزود حجمه ويخليه يكبر ويتعلمق، ويتحول لغول نفسي ضخم
يوشك أن يلتهمك.

الخوف جزء أصيل من التكوين الإنساني.. حجر أساس في التركيبة
النفسية السليمة.. زيه زي الحزن والضعف والخطأ.. الخوف هو اللي
بيحركنا علشان نحمي نفسنا.. هو اللي بيدينا الدافع علشان ناخذ
قرارات حياتية حاسمة وسريعة، تنقذنا من مواقف قد تودي بنا إلى
الهلاك (النفسي أو الجسدي).

الخوف غريزة فطرية تساعد على البقاء.
ولعلمك.. لولا خوفك، لولا إنك قدرت تحمي نفسك وتكمل
لغاية دلوقت.

أي نعم، إنت حميتها بإنك تنازلت عن جزء منها.. وطلعت جزء
غيره مكانه..

بس ده الحل اللي كان قدامك وقتها.. ده كان أفضل المتاحة بالنسبة لك.
ماينفعش تيجي بقى دلوقت وتكسر الدرع اللي حماك.. ماينفعش
تتخاف مع حته منك.. ماينفعش تتخلص من جزء فيك.. أي خناقة مع
حته منك هتكون إنت الخاسر الوحيد فيها.. أي محاولة للتخلص من جزء
فيك، لن ينتج عنها إلا تضخم هذا الجزء وتورمه بشكل سرطاني مميت.
أمال نعمل إيه؟

نقبله.. أيوه.. نقبل الخوف.. بعد ما اكتشفنا المخاوف.

وبافكر ك تاني هنا إن القبول مش معناه الموافقة، ولا معناه الاستسلام.. بالعكس.. معناه الاعتراف بالموجود، من أجل علا وتغيره.

وصدقني..

أول ما تقبل خوفك.. هيتضاءل ويتقزم وياخد حجمه الحقيقي وأول ما تعترف بمخاوفك.. هتعرف تتعامل معاها. إيه رايك؟

تيجي تقبله.. تيجي نفذ الخناقة دي.. تيجي نحترم خوفنا ونقدر مخاوفنا.. تيجي نعترف بطبيعتنا البشرية..

جرب.. مش هاتخسر حاجة.. بالعكس هاتكسب رجوع جزء منك إليك.. واستقرار نعمة ناشزة منك داخلك.. وعودتك كاملا إلى نفسك.



يبقى احنا عرفنا احتياجاتنا المدفونة أو المؤجلة، لما قلنا: «أنا محتاج..... علشان.....»، واكتشفنا مخاوفنا، وأخرجناها من كهفها المظلم، لما سبينا نفسنا نكمل بتلقائية وشجاعة: «أنا عايز..... بس خايف لآحسن.....»، وقبلنا كل اللي اكتشفنا، وفضينا الخناقة اللي بينا وبينه، بعد كثير من الصبر والجهد.. وكذا من الجروح والكدمات.. بس ولا يهملك.. دي كدمات محارب شجاع يخطو خطواته الأولى نحو نفسه.

دلوقت، عاوزك تجرب تقول.. وتكتب.. وتكمل.. على قد ما تقدر من المرات:

«أنا عايز أقبل نفسي كلها على بعضها، بدون شروط ولا أحكام ولا مقارنات، بس خايف لآحسن.....».

وتعالى بينا على الخطوة الثالثة..

خطوة الحقوق:

«أنا من حقي... حتى لو...»

من حقي

الخطوة دي هي خطوة العزم والهمة؛ لأن الخطوة الي بعدها هي خطوة القرار والتنفيذ.. وأي قرار محتاج عزم.. وأي تنفيذ محتاج همة.

بعد ما تعرف إيه الاحتياجات الي ناقصاك في أي علاقة.. بداية من علاقتك بأبوك وأمك لغاية علاقتك بشريك حياتك.. وبعد ما تكتشف المخاوف الي مانعاك من المطالبة بتلبية الاحتياجات دي وتقبلها.. مطلوب منك دلوقت تصدق إن احتياجاتك دي هي من حقك.. وإن تلبيةها مش هبة من الطرف الثاني.. وإشباعها مش تفضل منه.

لو ماصدقتش إن احتياجاتك هي حق أصيل ليك.. مش هتتعرف تاخذها.. ولا هتقدر تطالب بيها.. ولو ماكتتش متأكد من ده.. هتعمل حاجة من اتنين.. إما هتقرر إنك تتنازل عن تلبيةها بدرجة أو بأخرى.. وإما هتطلبها بكثير من الضعف والمسكنة.. تشحتها يعني.

ولنا في الأطفال الصغار (قبل تشويه فطرتهم) أسوة حسنة..

الطفل الصغير لما يبه رز يعمل حاجة .. يفضل وراها لغاية ..
يعملها، مهما كان فيه قدامه معوقات .. أحياناً يطلب ويُلح في الطلب ..
أحياناً يعيط .. أحياناً يصرخ .. لغاية ما أهله يلاقوا إنه مافيش مفره ..
تلبية احتياجه وإجابة طلبه .. أو رفضه بالطبع في بعض الأوقات .

افتكر الأطفال الصغيرة الي في عيلتكم .. وخلينا نأخذ أمثلة مفصلة

طفل (محتاج) إن والده يلعب معاه .. ووالده قاعد مشغول بالموبايل
بتاعه .. يروح الطفل لو والده ويقول له: «أنا (عايزك) تلعب معيا»
يطنش الأب مرة، ويقول له مش فاضي مرة .. تبص تلاقي الطفل
يشد والده من إيده (أو من هدومه) .. ويقومه بالعافية .. علشان ينفذ
له طلبه ويلبي احتياجه .. الي هو شايف في اللحظة دي إنه (حقه)
علشان كده أصر عليه، بكل ما أوتي من قوة .. لغاية ما أخذه .

طفلة (محتاجة) تحس إنها حلوة وجميلة .. في حين إن أهلها وأصحابهم
وقرايبهم عمالين يهزروا معاها ويقولوا لها: «يا وحشة» .. «إيه الوحشة»
دي .. «إنتي طالعة وحشة كده لمن» .. تقعد تقول لهم: «أنا حلوة» ..
«أنا مش وحشة» .. «أنا حلوة قوي» .. ويمكن تصرخ وتعيط وتضرب
كان .. لغاية ما إما يطلوا صفاقة وغلاسة وهزار سخييف .. وتبقى
أخذت حقها منهم .. وإما تضطر بعد ما تُنهك قواها النفسية والجسدية
إنها تستسلم .. وتصدق .. بكل أسف .. إنها «وحشة» .

الي بيحصل أحياناً هو إن أهل يوصلوا للطفل إن (احتياجاته)
دي أصلاً مش من (حقه) .. وإنه ماينفعش يطالب بيها .. وماينفعش
يُصرّ على الطلب .. وإلا يبقى سافل وقليل الأدب .

نفس الكلام يحصل في علاقات ثانية واحنا كبار.. الي بيعجب ويوصل
لي بيعبه إن (احتياجه) للاهتمام والاحترام مش من (حقه).. فيهمله
أو يهينه أو يسيء معاملته.. الي متجوز ويوصل لمراته إن (احتياجه)
للحب والتقدير مش من (حقها).. وإنه بيتفضل عليها بانه أحياناً يديها
من وقته ومن فلسه ومن اهتمامه.. الي بيعلم ويوصل لي بيعلمه، إن
(احتياجه) للقبول والصبر وحسن المعاملة مش من (حقه).. وإنه ييمن
عليه ببعض المعلومات التي لا ترقى حتى لدرجة العلم.

إحنا بقى عاوزين نصدق دلوقت إن احتياجاتنا دي من حقنا.. من
حقنا ناخذها.. من حقنا نلببها.. من حقنا مانتناز لش عنها.

من حَقك في أي علاقة إنك تُحترم.. مشاعرك تُحترم.. أفكارك
تُحترم.. مساحتك الشخصية الخاصة تُحترم.. اختلافك وتفردك يُحترم.

من حَقك في أي علاقة إنك تتشاف.. تحس بوجودك وبقيمنتك
وبأهميتك.. تتقدر على الي بتعمله.. يتقال لك: (شكراً) و(برافو)
و(كتر خيرك).. مش إن وجودك زي عدمه.. أو إنك مش فارق.. أو
إن وجودك في العلاقة أمر مفروغ منه Taken for granted.

من حَقك تحس بتأثيرك وبأثرك ومردوده.

من حَقك كمان يكون ليك حدود.. حدود نفسية وجسدية
وعاطفية.. والحدود دي إنت الي ترسمها مع كل شخص كما ترى
وكما تُقدّر.. ونحميها بالشكل الي تشوفه مناسب.. وتدافع عنها بكل
طريقة متاحة ليك.

من حقك ما يحدث يقرب من نفسك أو جسمك أو مشاعرك من دون استئذانك وموافقتك ورضاك.. ماينفعش تسمح لحد يلومك أو يحسبك بالذنب، على حاجة إنت مالكش يد فيها.. ماينفعش حد ياخذ منك حاجة إنت مش عاوز تديها له؛ إن شالله تكون كلمة.. ماينفعش حد يتدخل أو يتطفل فيما يخصك ولا يعنيه.. من حقك ماحدث بيتز مشاعرك أو يستغلك أو يبجي عليك.

برضه من حقك ماحدث يرمي عليك أو يزرع جواك أي أفكار أه مشاعر مش تبغك.. يزهد يبتى عاوزك تزهد.. يفضب ويستنى منك تغضب.. يضحي ويطلب منك التضحية.. ماينفعش حد يشيلك شيله غير شيلتك.. ولا حد يشوف فيك نفسه.. أو يفرض عليك وجوده.

من حقك تقول (لا) عند اللزوم، لكل حد بيحاول يؤذيك بأي شكل، أو يظلمك بأي طريقة، أو يضطهد عليك بأي درجة.

من حقك تصدق وتصدق.. تحس ويتحس بيك.. تهتم ويهتم بيك.. وماتعاملش إلا بما تستحقه.

وقبل كل دول.. وبعد كل دول.. من حقك تتقبل زي ما أنت وكما أنت.. من غير ما تغير نفسك علشان حد، ولا تفصل نفسك على مقاس حد.. ولا تشوه نفسك لحساب حد.

وهنا هتيجي المعضلة..

معضلة التمن..

مش انت شايف ان ده حقك؟
مش انتي شايفة ان دي حقوقك؟
طيب ادفع المقابل بقى..
طيب ادفعي التمن بقى..

التمن ده ممكن يكون زعل.. ممكن يكون خصام.. ممكن يكون
بُعد وهجر وانفصال.
التمن ممكن يكون إنك تغير شغلك.. أو تسبب وظيفتك.. أو تبدأ
مهنة ثانية من أول وجديد.
التمن ممكن يكون وحدة.. ممكن يكون فقد.. ممكن يكون صعوبة
نفسية أو اجتماعية أو مادية.
بس الحقيقة كل ده أرحم من إن التمن يكون نفسك.

علشان كده في الخطوة دي، زي: «أنا هو مهم إنك تصدق وتؤكد إن
احتياجاتك وتلبيتها من حقك.. مهم كمان تعرف وتوقع التمن اللي
هتدفعه.. وتشوف إنك مستعد لدفعه واللا لأ.. وتحسب هل هو ده
الوقت المناسب واللا تستنى شوية.. وتحط قدام عينيك تصور واضح
ببقدر الإمكان.. عن اللي هيحصل بعدها.

وده لأنك في الخطوة الجاية هتختار وهتقرر: تكمل في اللي انت فيه
وتدفع منه.. واللا توقفه، وتدفع تمن توقيفه؟

وعشان كده.. الصيغة بتاعة الخطوة الثالثة هي: «أنا من
حقى..... حتى لو/ على الرغم من.....».

مع العلم إن (حتى لو) تعبر -غالبًا- عن شيء متوقع حدوثه في
المستقبل.. و(على الرغم من) تعبر -غالبًا- عن شيء موجود بالفعل في
الحاضر.

ومع العلم أيضًا.. إن أول وأهم حد تأخذ منه حقك.. هو أنت شخصيًا.. لأن أكثر حد ظلمك هو أنت.. وأكثر حد جبه عليك هو أنت.. وأكثر حد بخسك حقوقك وأنكر عليك احتياجاتك هو برضه أنت.

تعالى بقى نقرا الناس الي مَرّوا بالخطوة دي قالوا إيه.. وبعدين تجرب بنفسك.

• أنا من حقي أفرح، حتى لو/ بالرغم من.....

أنا من حقي أفرح، حتى لو أيامي الي فاتت ماكانش فيها فرح.

أنا من حقي أفرح، حتى لو أهلي واخواتي ماكانوش سامعين لنفسهم يفرحوا.

أنا من حقي أفرح، حتى لو كل الظروف والناس الي حواليا مش مساعداي.

أنا من حقي أفرح، حتى لو الي دخلوا حياتي قبل كده مش شايفين إني أستاهل.

أنا من حقي أفرح، بالرغم من الصوت الي جوايا الي بيقول لي إزاي تعيشي وتفرحي؟

أنا من حقي أفرح، بالرغم من إن نفسي بثقول لي إنتي كبرتي في السن.

أنا من حقي أفرح، بالرغم من إن ماحدث من أهلي حبني ولا حس بيا ولا شافني أصلاً.

أنا من حقي أفرح، بالرغم من إن أهلي كانوا عاوزين ولد مش بنت.

• أنا من حقي أتولد من جديد، حتى لو / بالرغم من.....

أنا من حقي أتولد من جديد، بالرغم من مخاوفي.

أنا من حقي أتولد من جديد، بالرغم من وجودي وسط ناس بيهدموا فيا.

أنا من حقي أتولد من جديد، بالرغم من البيت غير المستقر الي أنا فيه.

أنا من حقي أتولد من جديد، بالرغم من كل اللي فات.

أنا من حقي أتولد من جديد، حتى لو الحياة صعبة.

أنا من حقي أتولد من جديد، حتى لو ماعرفتش نفسي بعد كده.

أنا من حقي أتولد من جديد، حتى لو الميلاد الجديد ده هيجتاج
مني عناية و طاقة لحمايته.

أنا من حقي أتولد من جديد، حتى لو ده خلانى أبعد عن بعض
الناس.

أنا من حقي أتولد من جديد، حتى لو ده كان صعب ومؤلم وله تمن.

• أنا من حقي أحسن وأصدق وأعيش وأمارس إني أستاهل، وما اسمحش لحد يعاملني على إني ما استاهلش حتى لو / بالرغم من.....

أنا من حقي أحسن وأصدق وأعيش وأمارس إني أستاهل، وما اسمحش لحد يعاملني على إني ما استاهلش، حتى لو أقرب الناس ليا بيستكتروا عليا أي لحظة فرح أو نجاح.

أنا من حقي أحسن وأصدق وأعيش وأمارس إني أستاهل، وما اسمحش لحد يعاملني على إني ما استاهلش، بالرغم من كل الأخطاء اللي عملتها في حياتي.

أنا من حقي أحسن وأصدق وأعيش وأمارس إني أستاهل، وما اسمحش لحد يعاملني على إني ما استاهلش، بالرغم من نظرات ورسائل أهلي والناس اللي حواليا، والناس اللي في الشارع، اللي بتقول لي كفاية عليك اللي انتي فيه، إنتي أصلاً تحمدي ربنا انك عايشة.

أنا من حقي أحسن وأصدق وأعيش وأمارس إني أستاهل، وما اسمحش لحد يعاملني على إني ما استاهلش، بالرغم من إني اتولدت بنت في مجتمع مش بيحب ولا بيحترم البنات.

أنا من حقي أحسن وأصدق وأعيش وأمارس إني أستاهل، وما اسمحش لحد يعاملني على إني ما استاهلش، بالرغم من الإحساس اللي مسيطر عليا إني عليا دين لأهلي ولازم لازم أوفيه، بإني أعيش حياتهم بكل مشكلاتها وآلامها النفسية والجسدية.

أنا من حقي أحسن وأصدق وأعيش وأمارس إني أستاهل، وما اسمحش لحد يعاملني على إني ما استاهلش، حتى لو خسرت بعض للناس، بس هاكسب نفسي.



ياللا جرب انت بقى.. وكمل من عندك.. وكررها على قد ما تقدر بكلمة مختلفة كل مرة:

«أنا من حقي أقبل نفسي كلها على بعضها، بدون شروط ولا أحكام لا مقارنات، حتى لو / بالرغم من.....».

أنا قررت

وصلنا للخطوة الأخيرة في طريقك إلى نفسك.. ومحطة النهاية في هذا الكتاب.
محطة (القرار).

بعد ما عرفت احتياجاتك ودوافعها.. واكتشفت مخاوفك وقبلتها.. وصدقت إن تلبية احتياجاتك هو حق أصيل ليك.. آن الأوان إنك تختار.. وتقرر.. هتمشي في أي اتجاه.

هتمشي في نفس اتجاهك القديم.. اتجاه إنكار الاحتياجات.. والاستسلام للمخاوف.. والتنازل عن الحقوق في أي علاقة.
واللاها تحفر بإيدك طريق جديد.. تأخذ فيها احتياجاتك.. وتقبل فيه مخاوفك.. وتنتزع فيه حقوقك النفسية المهكرة؟

قبل ما تجاوب.. عاوزك تعرف حاجتين مهمين.

الحاجة الأولى: هي إنك تكون مصدق ومتأكد، إنك وقت ما أخذت القرار الأول بإنكار احتياجاتك والاستسلام لمخاوفك وتنازلك عن حقوقك النفسية.. كنت مضطراً.. كنت مجبراً.. كان هو ده الاختيار الوحيد اللي هتتجنب بيه مزيد من الأذى.. والقرار الأخير قبل حدوث الكارثة.. وده يخليك تعذر نفسك.. وتتعاطف معها.. وتسامحها.. مافيش حد بيتغير وهو كاره نفسه وظالمها ومحاصرهما باللوم والذنب.

الحاجة الثانية: هي إننا طول مشوار حياتنا، بناخد قرارات مصيرية.. بعضها غلط.. وبعضها صحيح.. بعضها مفيد.. وبعضها مؤذي.. بس دي مش نهاية المطاف.. ولا آخر الدنيا.. دايمًا فيه فرصة للمراجعة.. ودايمًا فيه طريقة لإعادة النظر.. حتى لو كان ليها تمن. قراراتنا المصيرية دي بعضها بيكون في طفولتنا.. وبعضها في شبابنا.. وعلى طول امتداد حياتنا.. لغاية قبل الموت بثواني.

يعني لما اللي حواليك علقوا حبهم ليك - وانت طفل - على بعض الشروط.. إنت قررت (مضطراً) إنك تدفن نفسك الحقيقية، وتعيش بنفس مزيفة، علشان ترضيهم.

ولما لقيت الكبار اللي معاك - وانت صغير - فاهمين الرجولة غلط.. وبيمارسوها على إنها قسوة وعنف وتحرش.. قررت (مضطراً) إنك تتخلي عن رجولتك الحقيقية، في مقابل ذكورة وهمية مصطنعة. ولما اللي انتي بتحبيه هددك بالهجر والزعل والخصام.. اضطررتي إنك (تقرري) تعلمي تعديل في نفسك، وتفصيل على مقاسه، علشان مايسبيكيش.

ولما اتعرضتي للإهانة والقسوة وسوء المعاملة بعد الجواز.. اضطررتي برضه إنك (تقرري) تصبري وتعاني وتحمل، خوفاً من الوحدة.. أو أذى الأطفال (رغم إنهم كانوا بيتأذوا بالفعل.. بس حسبتك وقتها كانت كده).

وفي كل المرات دي.. إنت اتخليت عن احتياجاتك الأساسية
الفطرية المهمة جدًا.. وإنتي استسلمتي لمخاوفك (اللي أكيد كان ليها
ما يبررها).. وانتم الاثنين اتنازلتم عن حقوقكم النفسية في الحب
والاهتمام والشوفان والاحترام (وغيرهم).

بس دي كانت اختيارات امبارح.. وقرارات زمان.
وانت دلوقت كبرت.. وانتي دلوقت وعيتي.. وعرفتوا إن
الاختيارات دي لو كانت سليمة وقتها.. فمش لازم الاستمرار بيها
يكون سليم.. وإن القرارات دي لو كانت مفيدة ساعتها.. فهي مش
بنفس الفائدة دلوقت.

وعرفتوا كمان إن احتياجاتكم ما زالت موجودة تحت السطح.. في
انتظار إشباعها بشكل حقيقي وكافي.
وإن مخاوفكم، ممكن تقبلوها وتستحملوها، لكن ده لا يعني
الاستسلام ليها.
وإن حقكم في تلبية احتياجاتكم النفسية لا يمكن المساومة عليه..
في أي علاقة.

مش بس كده..
إحنا عرفنا في الفصول السابقة- إيه اللي محتاجينه هنا ودلوقت
(من نفسنا ومن اللي معنا).. وإيه المخاوف اللي واقفة في طريق عَوَازِ
الاحتياجات دي بالتفصيل.. وإيه الموانع والعقبات في سبيل تحويل
الاحتياجات دي لحقوق.

يبقى فاضل إيه؟

قول انت بقى ☺

فاضل ناخذ قرارات جديدة.. بعد وقفنا الطويلة مع نفسنا..
فاضل نحسب حصة مختلفة.. بعد مراجعة حساباتنا السابقة..
فاضل نشوف حل آخر.. لمعادلة حياتنا المعقدة..

صعب؟

آه صعب.. أنا عارف.

وصعب جداً كمان..

بس.. هو الي انت فيه دلوقت ده سهل؟
ما هو برضه صعب.. ويمكن أصعب.

مخاطرة؟

طبعاً.. ما هو التغيير مخاطرة.

بس مخاطرة في اتجاه الحياة.. مش مخاطرة في اتجاه الموت.

فيه تمن؟

أكيد.. زي ما استمرارك في الي انت فيه فيه تمن..
تغييرك فيه، برضه فيه تمن.

يعني أعمل إيه؟

لا.. هنا انت مش هتعمل لوحدهك.. هنا هنعمل مع بعض.. أنا
وانت وكل الي بيقرأ معنا الكتاب.

إحنا هنقرر مع بعض.. ونعيد الاختيار مع بعض.
إحنا هنشارك بعض.. وهنونس بعض.

والصيغة اليي هتستخدمها المرة دي مافيهاش نقط.. مالهاش تكملة..
إحنا هناخد قرارات مصيرية، ونتحمل مسؤوليتها.. إحنا هنعلن مواقف
حياتية، ونشهد عليها.. إحنا هنقول ونردد ونكرر.. لغاية ما كل واحد
فيينا يحس إنها تحولت لأجزاء من تكوينه.. وعناصر من خلاياه.

فيه هنا عشرين قرار.. مرتبطين بكل اليي قريته وشفته وفهمته من
الثلاث كتب: (الخروج عن النص)، (علاقات خطيرة)، (لأ.. بطعم
الفلامنكو).

عشرين قرار.. ممكن يغيروا حياتك.. ويبدلوا نوعية وجودك.
عشرين قرار.. احتمال يكونوا عكس كل القرارات اليي أخذتها قبل
كده.

مش لازم تقررهم كلهم دلوقت.. ومش مطلوب منك تنفيذهم فوراً.
كل المطلوب منك هو الوعي بيهم والصبر على نفسك حتى حين.

اليي تحس إنك مستعد لتنفيذه.. انفضل.
اليي تحس إنك محتاج تأجله.. مافيش أي مشكلة.
اليي تحس إنك محتاج تعيد حساباتك فيه شوية.. ده من حقك تماماً.

هتتخيل نفسك دلوقت قاعد في دايرة مكونة من مجموعة كبيرة جداً
من الناس.. اليي بيقرأوا معاك الكتاب.. والناس اليي قرأوا الكتب
اليي فاتت.. الناس اليي قررت تتغير من جواها بجدة.. رفقاء الرحلة..
وونس الطريق.

اتخيل إنك مع كل جملة، هتبص لواحد فيهم وتكلمه.. والباقي
قاعدين وشايفين وشاهدين.
واتخيلنسي كمان معاك.. موجود جنبك.. وباردد وراك.. ليك..
وليا.. ولكل الموجودين:

أنا محتاج وعائز ومن حقّي وقررت، أقبل نفسي كلها على بعضها، بكل أجزائها، بطولها وعرضها، بدون شروط ولا أحكام ولا مقارنات، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعائز ومن حقّي وقررت أحمي حدودي النفسية، وأدافع عنها، وما اسمحش لحد يؤذيني أو يتهكني أو يستغلني، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعائز ومن حقّي وقررت، أبقي نفسي الحقيقية، مش نفس مزيفة، مُعدلة متفصلة على مقاس حد ثاني، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعائز ومن حقّي وقررت، ما ألعش في أي يوم من الأيام ولا دور الضحية، ولا دور الجاني، ولا دور المنتقد، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعائز ومن حقّي وقررت، أشوف نفسي كل يوم من أول جديد، وأشوف العالم كل يوم من أول وجديد، وأنا مسؤول عن قراري ده، قدام نفسي وقدام غيري وقدام ربنا.

أنا محتاج (ة) وعائز (ة) ومن حقّي وقررت، أصحي أنوثتي (أو رجولتي) الحقيقية، اللي اندفنت بالحياة زمان، وأنا مسؤول (ة) عن قراري ده، قدام نفسي وقدام غيري وقدام ربنا.

أنا محتاج وعائز ومن حقّي وقررت، ألعب في البيت والشغل والحياة ري وبس، وما ألعش دور حد غيري، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعازي ومن حقي وقررت، أخرج من وهم (الكومفورت زون)، واجترب واحاطر واكتشف، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعازي ومن حقي وقررت، أتحرر من أي سيناريو مرضي موروث، وأبدأ كتابة نص حياتي الخاص، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعازي ومن حقي وقررت، أبطل الإحساس (المَرَضِي) بالذنب عمال على بطلال، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعازي ومن حقي وقررت، أشيل شيلاتي وبس، وما اشيلش شيلة حد غيري، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعازي ومن حقي وقررت، أحس وأصدق وأعيش وأمارس إني أستاهل، وما اسمحش لحد يعاملني على إني ما استاهلش، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعازي ومن حقي وقررت، أتصالح مع جسمي، وأقبله، وأحبه، وأحترمه، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعازي ومن حقي وقررت، أتجوز (أو أخلي جوازي) جواز حقيقي، من بني آدم حقيقي، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعائز ومن حقي وقررت، أقول (لا)، الي تكبرني وتوصل رسالة إيجابية لي قدامي، مش (لا) العند والترفيص، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعائز ومن حقي وقررت، أسمح لنفسي أفرح من قلبي، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعائز ومن حقي وقررت، أقبل موت الي ماتوا، وفقد الي راحوا، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعائز ومن حقي وقررت، أتولد من جديد، وما اسمحش لحد يموتني بالحياة ثاني، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعائز ومن حقي وقررت، أتحمل مسؤولية الوعي الي وعيته، والاختيارات الي اخترتها، وأنا مسؤول عن قراري ده، قدام نفسي وقدام غيري وقدام ربنا.

أنا محتاج وعائز ومن حقي وقررت، أقبل وجودي الجديد، وأرحب بي، وأفرح بيه، وأفخر بيه، وأتحمل مسؤوليته، وأنا مسؤول عن قراري ده، قدام نفسي وقدام غيري وقدام ربنا.

حاسس؟
سامع؟

لسه شايف الناس قدامك؟
لسه موجودين حواليك؟
لسه أنا جنبك؟

طيب.. غمض عينيك..
وخزن المشهد ده كويس..
في أعرق نقطة في روحك..
مشهد القرار الجديد،
والوجود الجديد،
والولادة الجديدة..
وسط الناس..
والصحية..
والونس.

خد وقتك..

* * *

تقدر دلوقت تفتح عينيك..
وتسمع صوتي..
وأنا باهمس في ودنك..
وباقول لك:
مبروك عليك نفسك..
مبروك عليك نفسك.

نتقابل تاني على خير إن شاء الله.

محمد طه

ودلوقت.. ابدأ طريقك إلى نفسك..

..... أنا محتاج.....، علشان.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

• أنا عايز..... بس خايف لاحسن

• أنا من حقى.....، حتى لو / بالرغم من.....

.....

.....

.....

.....

.....

.....

.....

.....

.....

.....

.....

.....

.....

.....

.....

• أنا قررت.....، وأنا مسئول عن قرارى ده، قدام نفسى

وقدام غيرى وقدام ربنا.....

للتواصل مع د. محمد طه:

Website: www.mohamedtaha.net

Email: mohamedtaha.online@gmail.com

Facebook: www.facebook.com/mohamedtaha.net

Twitter: https://twitter.com/Dr_Mohamad_Taha

Instagram: www.instagram.com/dr._mohamed_taha

ألا الفلا منكو بطعم

التغير هو أكبر تحدي ممكن يواجهك في حياتك..

والتغير الحقيقي، سيكون معاه صعوبتين..

الصعوبة الأولى.. إنك هاتكون عامل زي الطفل المولود جديد.. بتخرج للحياة ومعاك

كل المخاوف زي ما معاك كل الفرص.. بتتعرف على نفسك وعلى الناس وكأنك

بتشوفهم لأول مرة.. بتختار اختيارات جديدة.. وتمشي في سكك مختلفة.. حتى لو

كانت مُحوشة.. أو مهجورة..

الصعوبة الثانية.. هي إن التغير له ثمن.. والتمن ده ممكن يكون غالي جدًا..

الكتاب ده عن التغير.. عن خطواته.. وعن ثمنه..

عن احتياجاتك.. ومخاوفك.. وحقوقك النفسية..

عن قراراتك اللي أخذتها زمان.. وقراراتك اللي هاتخذها دلوقت..

الكتاب ده هابتقلك بهدوء وثقة.. من مرحلة (الحبو) خارج النص..

و(المشي) فوق أشواك العلاقات الخطرة وتجاوزها..

إلى الضرب على الأرض بشكل إيقاعي متتابع ومبهر..

وكانك راقص فلامينكو معترف..

يرقص فوق آلامه.. ويرززل القلوب أمام عينيه..

يعلن عن نفسه في وجه العالم.. مع كل دبدبة عالية مدوية من قدميه..

يرفع عنقه نحو السماء.. ويغرس بذور وجوده الجديد في أعماق الأرض..

جهّز قلبك وعقلك وروحك..

لتقابل نفسك..

كما لم تعرفها من قبل..



للتنشيط والترويج